

*L. Wellehradensis*  
**THESES  
THEOLOGICÆ,**  
DE

**Adventu Christi, merito,  
Unione hypostatica, natura assum-  
pta, & assumptibili, ejusdem Christi  
Sanctitate, Scientia, impeccabilitate, &  
Præcepto de subeunda morte.**

**QUAS**  
*In Celeberrimo Archi-Episcopali Colle-  
gio Pragensi, cum alijs, ex Universa Theo-  
logia Scholastica, annexis Thesisibus.*

**PRÆSIDE.**  
**A.R.P. PETRO GONCZIK,**  
Sacri Ordinis Cisterciensis, Regij Mo-  
nasterij Wellehradensis Professo, nec non  
in præfato Archi-Episcopali Collegio, SS.  
Theologiæ Professore Ordinario,  
& Seniore.

*Propugnandas suscepit.*  
**Generosus Dominus, DANIEL JOSE-  
PHUS FEIDEL, Boëmus Olsecensis, prænomi-  
nati Archi-Episcopalis Collegij, Candidatus.**

*Anno 1712. Mense Augusto. Die horis  
meridiem consuetis.*

**Vetero-Pragæ in Aula Regia apud Wolfgangum Wick-  
hart, Archi-Episcopalem Typographum.**





Bien. A. VII. B

SUB  
FAVENTISSIMIS  
AUSPICIJS  
EXCELLENTISSIMI,  
ET  
ILLUSTRISSIMI  
DOMINI DOMINI,  
UDALRICI  
FELICIS  
POPPEL,

Sacri Romani Imperij

Comitis de Lobkovitz,

Sac. Cæsareæ ac Catholicæ, Regiæ-  
que Majestatis Caroli VI. Consiliarij  
intimi, Camerarij, nec non in Inclito


Regno Boëmiæ Regij Locumtenen-  
tis, & Supremi Veneratio-  
num Præfetti,

Domini in Neüdorff, Eisenberg, Sa-  
chitz, & Klein-Prisen, &c. &c.

*Domini Domini Patroni, ac Mecæna-  
tis Gratiofissimi.*



EXCELLENTISSIME,  
ET  
ILLUSTRISSIME  
DOMINE DOMINE,  
Sacri Romani Imperij  
COMES,  
Patrone, ac Meccœnas Gra-  
tiosissime.

 *Adem planta, quæ in Europa glo-  
bulos, non nisi insulsos parturit,  
in India piper generat, & mu-  
tatione soli, quæ inermis erat,  
mordax fit, & virilis. Idem en-  
sis, qui in Therfitis manu erat impotens, Si  
Archillis agitur brachiô, fulmineam obrinet ef-  
ficaciam. Eadem lemmata, quæ sine lege à Mar-  
so posita, nihil omnino videbantur inferre, à Per-  
sio Dialectico jure disposita, inopinatas conse-  
quentias eliciunt, & eô mentem propellunt, ut  
etiam ab invitis extorqueant assensum. Excel-  
len-*



lentissime, & Illustrissime Domine Comes, inermis, impotens, fuit Theosophia mea, nihil inferentes Theses, & Conclusiones Theologicæ; at gratiâ tuâ Theosophia mutata, patrociniâ protectâ, virilis, & efficax est effecta; favore tuo Theses, & Conclusiones dispositæ, ab invitis etiam assensum extorquentes evaserunt, Mecœnas Gratosissime. Et meritò, siquidem sub alis magnis Geminarum Aquilarum, Gentilitij tui scuti, sunt collocatæ; hinc non timent Ulyssis astutiam, non metuunt Thesei fortitudinem, neque Sisyphi, aut Tantali inanem laborem morantur, dum Aquilinis alis protegentur. Aquilæ hæc proprietas esse dicitur, quòd non tantùm oculis rectâ lineâ fixis, solem intueatur, sed etiam alarum beneficiò, illum versùs recto itinere voler. Unde hanc Epigraphen suslinet. Rectò oculo, rectoque volatu. Ad quod aptè P. Jacobus Mansus ita canit:

Rara avis in Cœlum recto, quæ tramite fertur,  
Reginæ volucrum, semita recta patet.

Excellentissime, & Illustrissime Domine Comes, tuum animum hæc Aquila denotar, qui directâ semper lineâ, in Divinum solem unice fertur. Hæc Aquila animæ tuæ præclarum est paradigma, quæ virtutem operationis volatui ita connexam habet, ut neutra à directo tramite unquam sese in adversum agi patiatur. Aquilam imitaris Mecœnas Gratosissime; quia ita medium in negotijs

gotijs hujus Incltyti Regni Boëmiæ gerendis servas, ut  
nunquam ad dextram, neque ad sinistram declines ;  
unde non immeritò scutum tuum Gentilitium A-  
quilâ Geminâ decoratur. Denique quidquid præ-  
ter eximiam prudentiam, summam in rebus ge-  
rendis dexteritatem, aliâsque animi tui dotes, in  
Te suspicio, vel suspicor, motivum fuit, ut præ-  
sentem de Verbo Incarnato pagellam, non al-  
teri, quàm tibi substernam, Patrone Honoran-  
dissime. Ad quod præstandum, addidit mihi  
animos, benignissimi favoris tui, ad omnes incli-  
nata propensio, quæ, cùm tot alios beaverit gratijs,  
tuâ ut considerem benevolentia, efficacissimè persua-  
sit, quam si clementi respexeris oculo, muneris  
digni munus referet, non ab offerentis humilitate,  
sed à suscipientis dignitate, cui non modò, mea,  
sed & me ipsum submisso affectu devoveo, sperans,  
quodd, quem hætenùs per gratiosum annutum  
fovisti, & quasi novâ animâsti animâ, gratiâ tuâ,  
deinceps fovere non desines. Ità optat

Excellentissimæ, & Illustrissimæ  
Dominationis Tuæ.

Clientum minimus

DANIEL JOSEPHUS FEIDEL.



*Censura Reverendissimi Archi-Episcopalis Consistorij Pragensis.*

**P**Ræsentem Tractatum, de *Adventu Christi, Ejusdem merito, Unione Hypostatica &c. &c.* accuratè revidi. Atque ut Orthodoxæ fidei, morumque regulis per omnia conformem, ita clarè, & solidè elaboratum esse: Luce proinde publicâ dignum censeo. Pragæ ad S. Nicolaum 30. Januarij 1712.

JOANNES STEINER, S. J. SS.  
Theologiæ Doctor, Reverendissimi Archi-Episcopi  
Consistorij Assessor.



*Facultas ejusdem Reverendissimi Archi-Episcopalis Consistorij Pragensis.*

Conceditur facultas imprimendi.

DANIEL JOSEPHUS MAYER  
de MAYERN, Sac: Metrop: Ecclesiæ  
Pragensis Præpositus, Vicarius  
Generalis & Officialis.





## Author ad Lectorem.

**B**enevole Lector, prodivit in lucem  
anno 1708. *De Possibilitate, Cogno-*  
*scibilitate, & Neceſſitate Dominicæ Incar-*  
*nationis* libellus, ab Admodum Reve-  
rendo, Religioſo, Venerabili, ac Præ-  
cellente, P. FRANCISCO SPEER, Sacri  
Ordinis Cisterciens. Inclyti Monasterij  
Officenfis Profefſo, SS. Theologiæ Bac-  
calaureo formato, in hoc Celeberrimo  
Archi-Epiſcopali Collegio, ejusdem  
Facultatis Theologiæ Profefſore Or-  
dinario, & Seniore; nunc verò Salæ  
Mariæ ad Brunam in Moravia, Præpo-  
ſito Digniſſimo, præclare elaboratus;  
ut itaque Benevole Lector, omnium  
materiarum, Myſterium Incarnationis  
concernentium notitiam habeas, præ-  
ſentem tibi pro tenuitate elaboratum,  
præſento libellum, illô pro Majori Dei  
Gloria utere, defectibus parce, & be-  
ne vale.

THE-



# THESES THEOLOGICÆ.

*Ex tertia parte*

## THESIS I.

*Christus (imò) venisset in carne impassibili, etiamsi Adam non peccasset. Est Scotistarum contra Thomistas.*

*Non quidem vi præsentis decreti secundum omnes terminationes accepti, sed vi alterius. Ità Suarez q. 1. de Incarnati. Disp. 5. Sect. 5. Quem sequuntur plurimi recentiores. Et (add.) probabilius venisset in carne passibili ut Redemptor, existente solò Originali, etiamsi nulla fuissent peccata personalia in posteris. Ità S. Thom. 3. p. q. 1. a. 4. Quem sequitur Vasquez hic Disp. 13. cap. 2. Suarez Disp. 5. Sect. 6. Amicus hic Disp. 7. Sect. 2. n. 151. Sylvester Maurus q. 18. n. 8. de Rhodes Disp. 1. q. 4. Sect. 2. §. 2. Gonet Disp. 5. a. 2. Poncius Disp. 37. q. 2. concl. 1. Leonardus Penafiel hic Disp. 3. Sect. 3. Et alij plurimi Theologi.*

**P**robatur ima pars Thesis. imò. Ex eo: quòd Christus venisset in carne impassibili, etiamsi Adam non peccasset, idque vi alterius decreti. Unde sic:

A

Di-



Divinâ revelatione , tum S. Scripturæ , tum Conciliorum , tum SS. Patrum constat, quòd Deus Incarnationem Filij sui defactò ordinaverit, ad complures utilitates à peccato Adæ independentes. Nam *Joannis* 18. dixit ipse Christus : *Ad hoc veni in mundum, ut testimonium perhibeam veritati.* Ad *Hebræos* 2. asseritur esse finis, propter quem sunt omnia. Item. 1. ad *Corinth.* 3. dicitur : *Omnia vestra sunt, vos autem Christi &c.* Ad *Colossenses* 1. Ad *Ephes.* 1. vocatur : Caput Ecclesiæ. Ad *Roman.* 8. Exemplar omnium prædestinatorum &c. Concilium Trid. *Sess.* 6. de *Inst. Can.* 21. ità definit : Si quis dixerit Christum Jesum à Deo hominibus datum fuisse cui fidant : non etiam ut Legislatorem cui obediant, anathema sit. S. August. in *psalm.* 36. Et post illum S. Thom. 3. p. q. 7. a. 9. Item. q. 8. a. 3. & 4. docet : Christum esse decretum caput omnium Angelorum, ac hominum. S. Bernardus *Sermon.* 22. in *canonica* asserit : Etiam Angelorum gratiam fuisse à Christo, ejusque meritis. Et S. Thom. cit. q. 8. a. 1. probat : de ratione capitis esse, ut gratiam in membra omnia infuset &c. Ex quibus tale formatur argumentum. Christus venit in mundum propter multas utilitates, independentes à peccato ; ut patet ex citatis textibus : ergo etiam venisset propter easdem utilitates, Angelis & hominibus innocentibus, tanquam suis membris conferendas ; ut ampliùs ex dicendis patebit. Atqui non venisset vi præsentis decreti absoluti, & efficacis, ac secundum omnes terminationes accepti : ergo venisset vi alterius, quod ex præsentem arguitur ; ut vult Suarez citatus. Probatur subsumpt. imò. Quia decretum illud absolutum, quò Deus defactò decrevit Incarnationem, habuit necessariam connexionem cum permissione peccati, adeoque cum passibilitate carnis : ergo vi hujus decreti absoluti, & efficacis, ac secundum



Cundum omnes terminationes considerati, & accepti, non potuit Deus facere aliam electionem mediorum, quam, quæ defactò facta fuit; & per consequens vi præsentis decreti absolute, & efficaciter intendentis Incarnationem, non potuit Deus efficaciter decernere Christum in carne impassibili. *Prob. Ant.* Deus decretò illò absolute, & efficaci, quò intendit Incarnationem propter excellentiam hujus Mysterij, & omnes utilitates provenientes Angelis, Adamo, & hominibus innocentibus, ità defactò decrevit, ut simul in eodem signo conceperit efficax propositum exequendi Incarnationem, eò modò, qui esset gloriæ Dei, & Christi convenientissimus, ut videre est in *Libello de cognoscibilitate, necessitate, & fine Dominicæ Incarnationis anno 1708. edito. Thesi 10. §. 2.* Atqui permissio peccati est occasio habendi Incarnationem, & ejus fines, modò gloriæ divinæ convenientissimò; ergo decretum efficax intentivum Christi, habuit defactò necessariam connexionem cum permissione peccati; adeoque etiam cum electione carnis passibilis; ergo vi hujus decreti non potuit Christus venire in carne impassibili. *add.* Quia decretum præsens, absolute intentivum Christi, supponit scientiam mediam de conditionata futuritione peccati Adamitici; atqui si Adam non peccasset, Deus non habuisset scientiam mediam de futuritione talis peccati: ergo neque habuisset tale decretum, quale defactò habuit; per consequens Christus non venisset vi præsentis decreti absolute, & efficaci, ac secundum omnes terminationes accepti in carne impassibili, sed vi alterius, quod ex præsentate arguitur, si Adam non peccasset.

*Dices.* Ex hoc sequeretur, quòd Incarnatio fuisset bonum tantum occasionatum; atqui hoc non; ergo. *add.* Quòd Christus suam existentiam deberet pecca-

to: ergo. *3<sup>id</sup>*. Quòd Christus non posset gaudere de sua existentia, nisi gauderet de peccato; atqui hæc sunt inconvenientia: ergo. *Resp. Ad 1<sup>um</sup> Dist. Maj.* Sequeretur, quòd Incarnatio fuisset bonum tantum occasione peccati opportunissima, ad obtinendum finem intentum, *Conced.* Hoc sensu, quòd casu, & præter intentionem Dei eveniret, *Neg. Maj.* similiter *Dist. Min. & Neg. Conseq.* *Ad 2<sup>dum</sup> Neg. Ant.* Quia peccatum non fuit causa Incarnationis volitæ, sed purè occasio illam optimè exequendi: ergo Christus non debet suam existentiam peccato, sed infinitæ Bonitati, & Potentiæ Divinæ. *Ad 3<sup>ium</sup> Neg. sequel. Maj.* Quia peccatum (*ut dictum est,*) non est causa existentia Christi, sed pura occasio; unde Christus gaudendo de sua existentia, non complaceret sibi in peccato; sicut, quando Deus sibi complacet in pœnitentia Petri, non complacet sibi in ejus peccato, sed positivè displicet; ità à pari est hîc discurrendum.

3. *Confirmatur.* 1<sup>mo</sup>. Proverbiorum 8. dicitur: *Dominus possedit me in initio viarum suarum.* Vel, ut LXX. Interpretes legunt: *Dominus creavit me initium viarum suarum.* Quæ verba de sapientia Incarnata, seu Christo exponunt omnes ferè Antiqui Patres Græci, & Latini, teste Suarez *Dist. 5. de Incarnat. Sect. 2.* Nam Increata, seu Christus ut Verbum, non est Creata Sapientia, sed genita, nec Patrem agnoscit ut Dominum, sed ut æqualem: ergo Christus fuit prædestinatus ante omnem creaturam; & per consequens venisset, etiamsi Adam non peccasset. *Confirmatur 2<sup>do</sup>.* Ibidem Proverbiorum 8. v. 21. Divina & Incarnata Sapientia de se dicit: *Delicia mee, esse cum filiis hominum:* ergo si delicias suas habet defacto cum hominibus peccatoribus, à fortiori illas habuisset cum ijsdem



dem innocentibus; adeoque venisset etiam si Adam non peccasset. *Confirmatur 3<sup>io</sup>.* In Symbolo Nicæno dicitur: *Propter nos, & propter nostram salutem descendit*: ergo, si non peccasset homo, adhuc Christus propter illum venisset. Atqui non venisset vi præsentis decreti, ut paulò ante dictum est: ergo venisset vi alterius, quod ex præsentem arguimus.

*Probatur 2<sup>do</sup>.* Etiam si Adam non peccasset, fuisset 4. tamen creatus in carne impassibili, & immortalis, habuissetque gratiam ex meritis Christi; idem est de Angelis: ergo similiter Christus venisset in carne impassibili, tanquam sanctificator Adami & Angelorum innocentium. Atqui non venisset vi illius decreti absoluti, & efficacis, supponentis scientiam mediam de futuro Adami peccato, & ut connexi cum efficaci proposito, exequendi Incarnationem modò gloriæ Dei & Christi accommodatissimò: ergo venisset vi alius alterius decreti.

*Probatur 3<sup>io</sup>.* *Conformiter ad nostra principia.* Deus 5. Incarnationem decrevit propter duos fines totales extrinsecos, nempe: propter sanctificationem Angelorum & hominum innocentium, & propter remedium peccati: ergo alterutrò deficiente, fuisset nihilominus facta Incarnatio; nam manente uno fine totali, manet adhuc intentio efficax, respectu alterius. *Ant. deberet quidem videri in Libello Thesi 10. sufficienter probatum*; nihilominus breviter sic probatur. Tum, quia perfectius operatur ille, qui operatur propter duos fines totales, quàm ille, qui operatur propter fines parciales; ut patet in jejunante non solum ex motivo temperantiæ, sed etiam ex motivo eleemosynæ, pœnitentiæ, justitiæ &c. ergo etiam perfectius operatur Deus, si Incarnationem ordinaret ad plures utilitates, tum independentes, tum dependentes à peccato.



to Adami, tanquam ad plures fines totales: ergo dicendum est, quod Deus defacit illam hōc modō ordinaverit. Tum, quia juxta *S. Thom. 2. 2. q. 2. a. 7. Q.* Adamus in statu Innocentiæ fide Divina credidit, se consecuturum beatitudinem, per merita Christi, etiamsi in statu Innocentiæ permaneret: ergo credidit fide Divina (*cui non potest subesse falsum.*). Christum venturum fuisse, etiamsi non peccasset: ergo præter remedium peccati, fuit aliquis finis totalis extrinsecus Incarnationis; atqui non alius, quā illæ utilitates, quæ ex Incarnatione provenerunt Angelis & hominibus innocentibus, independenter à peccato Adami: ergo. Atqui etiam utilitates illæ, quæ ex Incarnatione provenerunt hominibus dependenter à peccato, erant finis totalis Incarnationis, ut ipsimet adversarij fatentur: ergo Deus defacit voluit, & decrevit Incarnationem propter hos duos fines totales: ergo Deus ordinavit Incarnationem ad plures fines totales extrinsecos. Tum, quia pro illo priori signo ante prævisum Adami peccatum, Deus decrevit Incarnationem quoad substantiam, ut videri potest in citato libello *Thesi 10. §. 2.* ergo propter aliquod motivum, & quidem adæquatum; quia vi motivi inadæquati, & solum partialis, Incarnatio decerni non poterat, ut postea vi hujus decreti quoad substantiam sequeretur, & poneretur; atqui hoc motivum non fuit aliud, quā glorificatio Angelorum, & hominum innocentium: ergo. Tum, quia, si doceatur, quod Incarnatio propter hos duos fines totales extrinsecos fuerit decreta, magis commendatur Beneficentia Dei & amor, tam erga Angelos & homines innocentes, quā erga homines lapsos, majoremque tam Deus, quā Christus meretur laudem & gratitudinem, propter talem modum operandi: ergo  
sic

sic docendum est; cum aliunde nulla in hoc specialis appareat repugnantia.

*Confirmatur 1mo.* Christus in primo electionis & 6. prædestinationis signo, non fuit volitus, ut observat Mastrius hic *Disp.* 4. q. 1. a. 3. n. 38. & prædestinatus præcisè propter peccatum, seu peccati remedium; sed. 2. *1mo.* Propter suam intrinsecam excellentiam tanquam finem intrinsecum Incarnationis. 2do. In hoc signo designatus fuit Christus in caput mysticum Ecclesiæ (ut patet ex ordine signorum in libello citato *Thesi* 10. §. 2. *recensitorum*,) item in causam finalem & exemplarem omnium prædestinatorum, ut patet. Tum, ex illo ad *Ephes.* 1. ipsum (id est Christum,) dedit caput super omnem Ecclesiam, quæ est corpus ipsius. Ubi etiam cap. 5. ita dicitur: *Vir caput est mulieris, sicut Christus Ecclesiæ.* Tum ex illo ibidem ad *Ephes.* 1. v. 4. *Elegit nos in ipso ante mundi constitutionem.* Et v. 5. *Prædestinavit nos in adoptionem filiorum, per Jesum Christum in ipsum, secundum propositum voluntatis sue.* Tum, ex illo ad *Roman.* 8. v. 29. *Quos præscivit & prædestinavit conformes fieri imaginis Filij sui, ut sit ipse primogenitus in multis fratribus;* adeoque Deus decretò suò intentivò (apud nos in signò 4to.) intendit Incarnationem propter excellentiam mysterij, tanquam finem intrinsecum Incarnationis volitæ; omnes verò utilitates (*independentè à peccato,*) ex eadem proveniunt, intendit Deus tanquam *finem qui extrinsecum totalem;* ipsos autem Angelos, homines innocentes, & universum, tanquam *finem cui:* ergo ablatò peccatò, manisset adhuc iste finis; & per consequens adhuc Christus venisset, etiamsi Adam non peccasset.

*Confirmatur 2do.* Priùs intenditur bonum, quàm 7. permittatur malum: ergo priùs decreta est Christi Incarnatio, quàm permissum Adami peccatum. *Prob.*



*Ant.* Prius intenditur habitus, quàm permittatur privatio ejusdem: ergo. Atqui peccatum est privatio boni, seu rectitudinis debitæ: ergo prius intendebatur à Deo aliquod aliud bonum, quàm fuerit permis- sum peccatum.

3. *Confirmatur 3tio.* Cum Leonardo Penafiel. *Diff. 3. de Incarnat. Verbi Divini. Sect. 2. n. 106.* Si Christus non fuisset prædestinatus ante absolutam prævisionem peccati originalis, B. V. fuisset concepta in peccato originali; atqui hoc non est dicendum, cum moder- no tempore hæc sententia sustineri non possit: ergo, Christus fuit prædestinatus ante prævisionem absolu- tam peccati originalis, & independenter ab illo. *Prob. sequel. Maj.* Christus juxta sententiam contrariam præ- destinatus est post prævisionem absolutam peccati originalis; atqui peccatum originale infecit totam naturam humanam, & omnia illius individua: ergo, si Christus non fuisset prædestinatus ante absolutam prævisionem peccati originalis, B. V. fuisset concepta in peccato originali. Ità infert ex contraria senten- tia citatus Leonardus Penafiel, & pro nostra adducit 24. Authores *Diff. 3. Sect. 2. sub Sect. 3. n. 78.*

9. *Prob. 4to.* Si Adamo adhuc innocenti (cui factam fuisse revelationem Incarnationis futuræ, docet S. Thom. hic q. 1. a. 3. ad 5. Et 2. 2. q. 2. a. 7. cum communi Theo- logorum,) proposita fuisset hæc quæstio: utrùm Chri- stus esset venturus, si ipse Adam in statu innocentiae permanens esset? Procul dubio, quòd ad hanc quæ- stionem respondisset, affirmativè. Sic enim argu- mentatus fuisset: mihi revelata est futura Verbi Di- vini Incarnatio, & ego illam futuram fide divinâ cre- do, & facilius credo Verbum Divinum incarnandum, si ego nullam obicem tantæ beneficentiæ posuero, quàm, si posuero maximum peccati obicem: ergo
- (con-

(conclusisset Adamus,) Verbum incarnaretur, etiam si ego nunquam essem peccaturus; per consequens optimè inferre licet, quòd Christus venisset, etiam si Adam non peccasset.

*Probatur 5to.* Etiam si homo non peccasset, adhuc 10. matrimonium fuisset Sacramentum, significans futuram physicam unionem hypostaticam cum natura humana, & moralem seu mysticam conjunctionem Christi capitis cum Ecclesia, habuissetque eandem significationem, etiam si status innocentiae perseverasset, ut docet *S. August. lib. 1. de nuptijs. cap. 21.* Atqui significatio Sacramenti non potest esse falsa: ergo futura fuisset Incarnatio, & conjunctio Christi cum Ecclesia, etiam si Adam non peccasset: ergo Christus venisset independentè à peccato Adami.

*Probatur 6to.* Illa, in quibus Deus specialiori modò 11. existit, sunt finis eorum, in quibus Deus non sic existit; hinc *S. Thom.* infert, Eucharistiam esse finem omnium reliquorum Sacramentorum; & quia Deus specialiter existit in electis per gratiam & gloriam; ideò inferunt Theologi, omnia reliqua naturalia entia, esse propter electos; juxta illam gradationem Apostoli 1. Corinth. 3. *Omnia vestra sunt, vos autem Christi, Christus autem Dei;* Atqui finis est saltèm logicè prior his, quæ sunt ad finem: ergo Christus est saltèm logicè prior omnibus creaturis: ergo est magis volutus propter se, quàm propter remedium peccati: ergo vi hujus volitionis arguitivè venisset, etiam si Adam non peccasset.

*Probatur 7to.* Genus humanum, & totum universum, non est melioris conditionis existente peccatò, quàm eò non existente; atqui existente peccatò genus humanum, assumptione humanitatis fuit dignificatum: ergo etiam eò non existente, hac assumptio-  
ne



ne dignificatum fuisset; adeoque Christus venisset, etiam si Adam non peccasset. Quod argumentum deducitur ex illo ad *Roman. 5. v. 10.* Si enim, cum inimici essemus, reconciliati sumus Deo per mortem Ilij eius, multò magis reconciliati salvi erimus in vita ipsius. Ex quo rursus sic arguitur: Deus majorem curam habet hominum postquam sunt liberati à peccato, quàm dum erant peccatores: ergo, si perseverassent in gratia, multò magis illos dilexisset, & majoribus beneficijs profecurus fuisset. Atqui peccatores adeò dilexit, ut illis tribuerit Christum: ergo multò magis iustis eundem Christum donasset, si perseverassent.

13. *Probatur 8vò.* Non minùs completa futura fuisset hominis beatitudo, si Adam non peccasset, quàm sit nunc eodem peccante; alioquin hominis innocentia fuisset ipsi impedimento, ad majus bonum consequendum; atqui nunc hominis beatitudo futura est completa per Christi humanitatem; constituitur enim ex intellectuali cognitione, & amore Dei, & integratur ex corporea visione humanitatis, ut multi docent Theologi: ergo etiam tunc completa integraliter fuisset per visionem humanitatis Christi; adeoque Christus venisset in humanitate impassibili, etiam si Adam non peccasset.

14. *Probatur 9vò.* Majus bonum est Incarnatio Verbi, quàm totum universum, etiam ut includens totum esse supernaturale gratiæ, & gloriæ; quia Incarnatio includit bonum increatum: ergo non debuit peccatò non existente, tantò bonò universum privari; nam perseverante statu innocentie, non debuit universum esse imperfectius.

15. *Confirm. S. Aug. lib. de natura & gratia. cap. 2. Et lib. 14. de Trin. cap. 23. dicit: Inconveniens esse affirmare, quòd generationes hominũ non fuissent futurae, si Adam non peccasset,*

ac si peccatum necessarium esset, ut nascerentur homines : ergo minus fuit necessarium peccatum, ut Christus veniret tanquam caput hominum & Angelorum ; adeoque natus fuisset, etiamsi Adam non peccasset. Hinc Rupertus de gloria & honore filij hominis, in Matth. ita dicit : Si teste Augustino absurdum esset, Adam non peccante generationes hominum non fuisse futuras, ac si propter homines, ut nascerentur, peccatum esset necessarium, quid de Christo capite, & Rege omnium electorum Angelorum, & hominum censendum ? Nisi, quod, & ipse maxime omnium necessarium non habuerit peccatum, ut homo fieret, delicias sue charitatis cum illis habiturus ; ergo &c.

Probatur 1<sup>o</sup> modò. Si Deus voluisset Christum existere, non solum pro circumstantia peccati, sed etiam pro circumstantia non peccati, magis amasset Christum, quam, si voluisset Christum existere pro sola circumstantia peccati : atqui debemus asserere Christum fuisse à Deo summè amatum : ergo etiam debemus dicere, quod illum voluerit pro circumstantia non peccati ; adeoque quod venisset in carne impassibili, etiamsi Adam non peccasset.

Probatur 2<sup>a</sup> pars Thesis. 1<sup>o</sup> modò. Ex eo : quod probabilius Christus venisset in carne passibili, existente solò peccatò originali, etiamsi nulla futura fuissent peccata personalia in posteris. Jam sic : S. Scriptura Danielis 9. ubi Incarnatio prædicitur futura, solius peccati originalis delendi, facit mentionem ; nam Archangelus Gabriel Daniele de tempore adventus Christi instruens, sic ait : Septuaginta hebdomades abbreviatae sunt super populum tuum, & super urbem sanctam tuam, ut consummetur prevaricatio, & finem accipiat peccatum, & deleatur iniquitas. Quò locò de peccato originali loqui Archangelum testantur Interpretes. Et de hoc etiam



etiam loquitur Deus *Isaia* 53. dum v. 8. ait: *Propter scelus populi mei percussi eum*, vel, propter ulcus, quod erat in eis; ut ex hebræo quidam legunt; ulcus autem vulnus antiquum est, quod proinde rectè in nobis significat peccatum originale, propter quod delendum filius hominis venit in mundum. Unde *Joan.* 1. v. 29. de Christo dicitur: *Ecce Agnus Dei, ecce qui tollit peccatum mundi*. Quod exponens Glossa ordinaria, desumpta ex Venerabili Beda, ait: *Peccatum mundi dicitur originale peccatum, quod est rotius mundi*.

18. Dices. In alijs versionibus illud *Joan.* 1. legitur in plurali, videlicet: *peccata mundi*: ergo non potest hoc de originali intelligi. Resp. Transeat Ant. Neg. Consequ. Cum enim peccatum originale sit virtualiter multiplex, & radix aliorum peccatorum, potest in plurali vocari peccata, ut observat *Gonet hic Disput.* 5. de motiv. *Incarnat.* a. 2. §. 1. Hinc etiam Propheta *Regius psalm.* 50. ait: *Ecce enim in iniquitatibus conceptus sum, & in peccatis concepit me mater mea*. Ubi peccatum originale, quod à matre acceperat, vocat iniquitates, & peccata, quia omnia alia peccata, quæ per totam vitam perpetraverat, in illo virtualiter continebantur, & ab illo, ut causa & radice pululabant.

19. Probatur 2do. Autoritate SS. Patrum. S. Dionysius de *Ecclesiast. Hierach.* ante finem, causam adventûs Christi assignat: *naturæ humane prolapsus, & pravaricationem divine legis in paradiso datæ*. S. Athanasius lib. 3. contra *Arian.* post medium ita loquitur: *Quoniam prima per Adam & via, & janua perierat, & ex paradiso ad mortem deveniebamus, distûmque nobis fuit: terra es, & in terram abibis; ideo Verbum Dei hominum amore, & Patris voluntate, induit creaturam carnem, ut eam, quam mortalem reddiderat, primum ho-*

in prævaricatione, ipse proprio sanguine sui corporis vivificaret, & renovaret nobis vitam recentem & vivam. Idem sentit Gelasius Papa *Epist. advers. Pelag.* Et alij. Ex quibus eruere licet, quod Christus venisset propter solum originale peccatum.

*Probatur 3tio.* Cum Amico hic *Disput. 7. sect. 2. n. 20. 152.* Id, quod movit Deum ad prædestinandum Christum, fuit ruina totius naturæ humanæ, condignâ satisfactione, per Christum reparandæ; atqui solò originali transfusò in posteros, etiamsi nulla futura fuissent peccata actualia & personalia, tota corruisset natura humana: ergo existente solò peccatò originali mansisset motivum Incarnationis; atqui manente eòdem motivò, manet etiam idem decretum, saltèm quoad substantiam: ergo Christus venisset vì præsentis decreti, existente solò peccatò originali, etiamsi nulla futura fuissent personalia in posteris.

*Confirmatur.* Primarium, & principale motivum 21. decernendi Christum ut Redemptorem, fuit remedium peccati originalis, ut immediatè ante dictum est; atqui stante principali motivò, venisset Christus ut Redemptor: ergo.

*Probatur 4to.* Passibilitas carnis, est pœna solius 22. peccati originalis: ergo solò peccatò originali existente, Christus erat assumpturus carnem passibilem; & per consequens venisset existente solò peccatò originali, etiamsi nulla futura fuissent personalia in posteris. Præterea: stante prædestinatione Christi, ut ordinati in remedium peccati originalis, poterat Deus nullum permittere peccatum personale posterorum: ergo venisset Christus, ut Redemptor, propter solum originale.

*Probatur 5to.* Cum Sylvestro Mauro *lib. 9. hic q. 18. 23. n. 4.* Nam, cum Christus venerit in remedium peccati,



cati, principaliter venit in remedium peccati majoris; atqui peccatum originale est simpliciter majus personali: *Prob. Min.* Nam, licet peccatum actuale seu personale sit majus intensivè, cum sit magis voluntarium, ut docet *S. Thom. 1. 2. q. 81. a. 1.* Tamen peccatum originale est majus extensivè, cum sit peccatum totius naturæ humanæ, & inficiat omnes homines; atqui tam bonum, quam malum, quod est commune totius gentis, licet sit minus intensivè, est tamen simpliciter majus, quam unius singularis personæ: ergo. Hinc *Aristot. 1. politic. cap. 5.* dicit: *bonum gentis divinius & eminentius est, quam bonum unius.*

24. *Confirmatur.* Cum Gonet hic *Disput. 5. a. 2. §. 1.* Prima & principalis Dominicæ Incarnationis (*intellige in carne passibili*), occasio fuit, peccatum Adami, in omnes posteros derivatum, unde ipsemet Christus, qui ad illud delendum missus est, vocatur à *S. Paulo* secundus Adam *1. Corinth. 15.* Et de culpa Adami, non verò de peccatis actualibus, & personalibus aliorum hominum canit Ecclesia, in benedictione cerei paschalis: *ô verè necessarium Adæ peccatum, quod Christi morte deletum est! ô felix culpa, quæ talem, ac tantum meruit habere Redemptorem!* Ergo solò peccatò originali existente, Christus venisset vi præsentis decreti, quoad entitatem considerati.

25. *Probatur 610.* Cum Vasquez hic *Disput. 13. cap. 2.* Christus fuit prædestinatus ante prævisa absolutè peccata actualia posterorum; atqui id, quod prius naturâ decernitur, non pendet ab eo, quod primò videtur pro signo posteriore: ergo Christi prædestinatio, non dependet à peccato actuali posterorum: ergo Christus venisset, etiam non existente ullò peccatò actuali posterorum. *Min. patet. Prob. Maj.* Christus fuit prædestinatus ante permissionem peccatorum

actualia

actualium in posteris, quæ, stante Christi prædestinatione, poterant non permitti: ergo ante prævisa actualia. *Prob. Ant.* Omnia actualia auxilia gratiæ, ad evitanda peccata actualia, collata sunt posteris per Christum, ut causam meritoriam; & permissio peccatorum, est negatio efficacis gratiæ per Christum, si vellet, conferendæ, quæ peccata actualia impedirentur: ergo Christus fuit prædestinatus ante permissionem peccatorum actualium: ergo venisset, propter solum peccatum originale, etiamsi nulla futura fuissent actualia in posteris.

*Probat* 7<sup>mo</sup>. Cum Suarez. Qui hic *Disp. 5. sect. 6. 26.* ita concludit, & suam conclusionem sic probat: Ex his colligitur, ex vi illius voluntatis & decreti, quod Deus voluit redemptionem nostram, Christum venturum ad nos redimendum ab originali peccato: etiamsi nullum actuale esset committendum vel permittendum in hac natura. *Probat* ex dictis. Quia hoc fuit primum motivum volendi, & prædestinandi Redemptionem. *Item*; quia hæc prædestinatio secundum rationem, antecedit permissionem aliorum peccatorum; quin imò stante decreto hujus redemptionis, potuisset Deus propter Christum prædestinatum in Redemptorem, velle tantam gratiam dare hominibus, ut nullum in eis permitteret peccatum actuale: quod clarè ostendit, & permissionem aliorum peccatorum fuisse posteriorem, & prædestinationem Christi ut Redemptoris, non pendere ex futuris peccatis actualibus, sed tantum ex prævisione peccati Adæ, & totius naturæ in ipso. Ità Suarez citatus. Simili modò discurret *Leonardus Penafiel* hic *Disp. 3. sect. 3. n. 199.* asserens: remedium peccati originalis posterorum Adæ, fuisse motivum adæquatam primi decreti divini de mittendo filio suo in carne passibili.



bili. Ex quo patet, quòd existente solò peccatò originali, Christus venisset in carne passibili, etiam si nulla futura fuissent peccata personalia in posteris.

27. Dìctum est hæcenus: quòd venisset Christus propter solum originale. Quia certum est de fide, quòd Christus defactò venerit in carne passibili, ut homines redimeret ab utroque peccato, tam originali, quàm personali, sive mortali, sive veniali. Deducitur hoc, ex perfecto munere Redemptoris. Item ex scriptura, ubi habetur ad Roman. 4. v. 25. *Qui traditus est propter delicta nostra.* Ad Titum 2. v. 14. *Qui dedit semetipsum pro nobis, ut nos redimeret ab omni iniquitate.* Item 1. Joan. 1. v. 7. *Sanguis Jesu Christi, filij ejus, emundat nos ab omni peccato.* Constat etiam hoc ex Concilio Toletano, ubi cap. 1. ità dicitur: *Ex tribus divinitatis personis, solum filium fatemur ad redemptionem humani generis, propter culpæ delicta, quæ per inobedientiam Adæ originaliter, & nostrò liberò arbitriò contraxeramus, resolvenda, à secreto Patris arcano prodissese.* Patet denique ex institutione sacramentorum, baptismi videlicet & pœnitentiæ, quæ sunt Sacramenta mortuorum; baptismus enim primò, & per se institutus est, ad delendum originale; pœnitentiæ autem Sacramentum primò & per se ad personalia, liberò arbitriò commissæ, post baptismum delenda. Principalius tamen venit Christus ut Redemptor ad tollendum originale, quàm ad tollenda peccata personalia, ut insinuatum est. Hinc S. Thom. 3. p. q. 1. a. 4. in ○. ità concludit: *quàmvis Christus ad omnia peccata delenda in hunc mundum venerit, principalis tamen venit ad tollendum originale, quàm actuale peccatum, illud enim per quod totum genus humanum inficitur, majus est, eò, quod est proprium singularis personæ.* Ratio etiam est: imò. Quia peccatum originale est extensivè majus

jus malum, quàm sit personale; nam personale seu actuale est singulorum, originale autem est malum commune totius naturæ humanæ, ut patet ex *S. Thom.* paulò ante citato, & ex *Sylvestro Mauro* superiùs n. 23. allato; atqui malum commune est majus, quàm particulare: ergo. Atqui rectò ordine principalìus intenditur exclusio majoris mali, quàm minoris; sicut principalìus intenditur inductio majoris boni, quàm minoris: ergo. 2dò. Quia peccatum originale est radix, & fons peccatorum actualium seu personalium, in quantum hominem privat justitiâ originali, & sic privatum relinquit suis passionibus subiectum, ac indignum omni auxiliò gratiæ actualis; atqui medicus, principalìus intendit tollere morbum radicalem, qui est fons cæterorum, quàm alios morbos: ergo. &c.

## S. I.

*Solvuntur objectiones contra primam partem Thesis, quæ dicit: quòd Christus venisset, etiamsi Adam non peccasset.*

**O**bjicies imò. cum Thomistis. Ex eo: quòd hec 28. resolutio videatur adversari S. Scripturæ. Unde sic: Ad Galat. 4. habetur: *Misit Deus filium suum factum ex muliere, factum sub lege, ut eos, qui sub lege erant, redimeret.* Item 1. Joan. 3. *In hoc apparuit filius Dei, ut dissolvat opera Diaboli.* Et ibidem cap. 4. *Misit Deus filium suum propitiationem pro peccatis nostris.* Idem habetur Luce 11. ad Roman. 3. Item 1. ad Timoth. 2. Et in alijs plurimis S. Scripturæ locis; atqui ex his & similibus textibus eruere licet, quòd Christus non venisset, si Adam non peccasset: ergo hoc tenendum est. Resp. Dist. subsumpt. Quòd



non venisset in carne passibili, & vi præsentis decreti secundum omnes terminationes sumpti, *Concedo*. Quod non venisset in carne impassibili, & vi alterius decreti, *Neg. subsumpt.* Ex his enim textibus, & similibus, non potest simpliciter inferri, quod absolute Christus non venisset, sed solummodo, quod non venisset in carne passibili; cum ex alijs textibus sufficienter eruere liceat, quod ante omnem creaturam fuerit prædestinatus. Sic ad *Colossens. 1. v. 15.* vocatur: *Primogenitus omnis creaturae. Caput totius corporis Ecclesia.* Et ad *Roman. 8. Primum prædestinatorum exemplar.* Unde legitimâ conclusione Theologicâ inferri potest: Christum seu Incarnationem divinam quodam substantiam, ac intrinsecam dignitatem bonitatemque suam, fuisse ratione nostrâ, ac connotativè priorem remediò peccati; adeoque redemptionem nostram à peccato, non fuisse necessariò, ac unicè finem adæquatum Incarnationis, propter quem unicè solum intentâ, & decreta fuisset ipsa Incarnatio divina quoad substantiam; per consequens eruere licet, quod Christus venisset, etiamsi Adam non peccasset. Alij Theologi, ut *Mastrius hic Disp. 4. q. 1. a. 4. n. 59.* hos & similes textus sic explicant: Et illi intelligendi sunt, quod defacto Christus venerit etiam in remedium peccati, *Conced.* quod venisset in carne passibili, aut absolute non venisset, si Adam non peccasset, *Neg.* hos & similes textus.

29. Supponunt enim Theologi tanquam certum: *imò.* Quod defacto finis Incarnationis fuerit etiam redemptio nostra, seu quod Christus venerit, ut posset nos à peccato redimere, & liberare; ut patet ex multis S. scripturæ locis supra numero 27. allatis, & etiam ex illo *Luc. 19. v. 10. Venit filius hominis querere, & saluum facere, quod perierat.* Item 1. *Joan.*

4. v. 10. *Misit filium suum propitiationem pro peccatis nostris.* Hoc ipsum in symbolo Nicæno profiteamur his verbis : *Qui propter nos homines, & propter nostram salutem descendit de cælis, & incarnatus est: ergo.* 2do. Supponunt Theologi tanquam certum, quod non venisset Christus, vi præsentis decreti in carne passibili, si Adam non peccasset. Ratio est : Quia passibilitas carnis in ordine præsentis decreti, est poena peccati Adamitici, ut patet ex illo ad *Roman. 5. v. 12.* *Sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt :* ergo passibilitas carnis necessariò supponit peccatum; adeoque Christus vi præsentis decreti, secundum omnes terminationes considerati, non venisset in carne passibili, si Adam non peccasset. 3tio. probant plurimi alij Theologi apud *Penasiel hic Disp. 5. sect. 3.* relati, quod Christus venisset, vi alterius decreti, secundum alias terminationes considerati, in carne impassibili, etiam si Adam non peccasset.

*Obijcies 2do. Ex eo : quod hæc sententia videatur adversari doctrinæ SS. Patrum.* Jam sic : S. Scriptura loquens de motivo Incarnationis, sic debet intelligi, sicut eam intelligunt SS. Patres; atqui SS. Patres, & scriptura docent, motivum incarnationis fuisse solum remedium peccati : ergo hæc sententia videtur adversari doctrinæ SS. Patrum. *Prob. Min.* Ex SS. Patribus est S. *August.* qui sermone 8. de verbis Apostoli ita inquit : *Si homo non perisset, filius hominis non venisset.* Et sermone sequenti : *Nulla causa veniendi fuit, nisi peccatores salvos facere; tolle morbos, tolle vulnera, & nulla causa est medicine.* Idem sentit S. *Ambros.* de Incarnationis Sacramento. cap. 6. ita quærens, & dicens : *Quæ erat causa Incarnationis ? Nisi ut caro quæ peccaverat,*



verat, redimeretur. Item S. Gregorius Nazianzenus, cognomento Theologus, *Oratione* 36. ita habet: *Quæ humanitatis propter nos suscepta, causa existit? Profecto, ut nobis salus pararetur; quid enim aliud cause afferri possit? S. Leo Papa sermone 210: de Pentecoste aptissime sic loquitur: Si homo ad imaginem & similitudinem Dei factus in suo honore naturæ mansisset, nec Diaboli fraude deceptus à lege sibi posita per concupiscentiam deviasset, Creator mundi creatura non fieret: ergo. Plures citationes SS. Patrum in tres ordines divisæ, possunt videri apud Penasiel hic *Disp.* 3. *sect.* 2. n. 136. *Resp.* *Disp.* *Min.* Atqui SS. Patres docent, motivum Incarnationis ut factæ in carne passibili, fuisse remedium peccati, *Conced.* factæ in carne impassibili, *Neg.* *Min.* *Conseq.* Aut aliter *Disp.* eandem *Min.* SS. Patres docent, solum remedium peccati fuisse motivum Incarnationis comparative ad genus humanum lapsum, *Conced.* Absolutè, seu Incarnationis secundum se sumptæ, aut comparative ad Angelos & homines adhuc innocentes, *Neg.* *Min.* Loquuntur itaque SS. Patres præcisè comparative ad genus humanum lapsum, quia scopus illorum erat, homines Christi sanguine redemptos excitare ad gratitudinem, & æstimationem tanti mysterij, & commendare efficaciam passionis, ac meritum Christi.*

31. *Replicabis.* Cum Haunoldo hic *cap.* 2. *controvers.* 1. Si Deus in Incarnatione alium finem intendisset, quam generis humani redemptionem, non debuisset S. Scriptura, nec SS. Patres de motivo Incarnationis ita loqui, ut toti ferè fidelium cœtui ansam præberent non cognoscendi, aut non æstimandi illum finem, qui vel maximè commendaret excellentiam Christi: ergo. *Resp.* *Neg.* *Ant.* Siquidem non fuit opus, ut S. Scriptura, & SS. Patres clariùs loquerentur, quia aliunde

aliunde constat, quòd Deus sapientissimè operetur; unde cùm omnis sapienter operans priùs velit finem, quàm medium, & finem quidem propter excellentiam finis, non autem propter dignitatem mediorum; sequitur evidenter, quòd Deus priùs voluerit excellentiam Incarnationis, qui est *finis* ejus *intrinsicus*, quàm voluerit media: ergo non erat necesse, ut excellentia mysterij Incarnationis, & omnes utilitates, provenientes ex illa Angelis & hominibus innocentibus, declararentur in Sacra Scriptura, & à SS. Patribus, sed satis fuit, hæc recensita non excludere. Unde textus allati ( *ut multi Theologi observant,* ) non habent sensum exclusivum, ac si ab Incarnatione omne aliud motivum excluderent, ( *maximè textus S. Scripturae,* ) quia non dicunt ob *solam redemptionem nostram* Christum venisse, sed habent solum sensum præcisivum, præscindendo ab alijs motivis. Præterea: faciliùs possumus devenire in notitiam finis intrinseci, difficiliùs in notitiam finis extrinseci; atqui remedium peccati est finis extrinsecus, excellentia autem Incarnationis est finis intrinsecus: ergo remedium peccati debuit in sacra scriptura, & à SS. Patribus declarari.

*Objicies 3tio. Ex eo: quòd hæc sententia non consonet S. Matri Ecclesie. Unde sic: In antiquo quodam hymno de Beata Virgine canit Ecclesia: Peccatores non abhorres, sine quibus nunquam fores tantò digna filiò: ergo Adamò non peccante, Beata Virgo non fuisset Mater Christi; per consequens Christus non venisset. Resp. 1mo. Quòd præfatus hymnus juxta Mastrium hic Diss. 4. de satisfactione Christi. q. 1. a. 4. n. 59. abiret in desuetudinem. Alij dicunt: quòd nec fuerit receptus ab universali Ecclesia. Resp. 2do. Quòd tali casu Beata Virgo non fuisset digna tantò Filiò,*



quia Christus quæ homo, tam dignus laude ex omni capite non fuisset, si passus & mortuus non fuisset; cum tamen summâ laude sit Christus dignus, propter exhibitam nobis tantam charitatem; ac proinde si non fuissent peccatores, si Christus passus & mortuus non fuisset, Beata Virgo non habuisset tantum filium.

33. *Obicies 4to.* In benedictione cerei paschalis canit Ecclesia: *O certè necessarium Adæ peccatum, quod Christi morte deletum est:* ergo non peccante Adamo, non fuisset decreta Incarnatio. *Resp.* Explicando authoritatem Ecclesie: necessarium fuit Adæ peccatum ut Christus veniret ut Medicus, & Redemptor, Conced. ut veniret sanctificator, & glorificator Angelorum & hominum innocentium, *Neg.* Necessarium erat Adæ peccatum ad hoc, ut Christus moreretur, ita, ut, si non fuisset peccatum, non habuissimus tam insigne augmentum charitatis, & misericordiæ divinæ, quod pro nobis voluerit pati & mori, cum essemus ipsius inimici. His duabus authoritatibus aliqui Theologi potenter propugnant contrariam sententiam, verum nihil illas roboris habere agnoscit *Arriaga hic Dissut. 14. Sect. 2.*

34. *Obicies 5to.* S. Thomas *hic q. 1. a. 3.* docet: *Quod magis assentiendum sit parti negativæ,* videlicet: quod Christus non venisset, si Adam non peccasset: ergo. *Resp.* Quod Divus Thomas in hoc puncto dubius fuerit, siquidem in *lectione 4.* super caput primum epistolæ. 1. ad Timoth. ita loquitur: *Hec questio est magnæ auctoritatis, quia Deus ordinavit fienda secundum quod res fiende erant, & nescimus quid ordinasset, si non præcivisset peccatum.* Nihilominus cum locò supra citatò magis inclinet in contrariam partem; idèò potest dici, quod juxta D. Thom. Christus non venisset vi præsentis decreti, secundum omnes terminationes accepti;

pti; non autem, quòd non venisset vi alterius, si Adam non peccasset. Aut: quòd non venisset in carne passibili, non autem quòd non venisset in carne impassibili vi alterius decreti.

Atque sic conciliari possunt duæ sententiæ oppositæ, videlicet: Scotistarum, & Thomistarum. Dum enim Thomistæ docent: quòd Christus non venisset, si Adam non peccasset; loquuntur, quòd non venisset vi præsentis decreti, & in carne passibili. Dum autem Scotistæ affirmant, quòd venisset; loquuntur, quòd venisset vi alterius decreti, & in carne impassibili. Hinc *Suarez 3. p. Diss. 5.* explicans duplicem finem Incarnationis volitæ, & concilians sententiam Thomistarum, cum sententia Scotistarum, ita discurret: Primum motivum, quò viâ originis Deus ab æterno decrevit, ante ullum prævisum peccatum, se ipsum hypostaticè communicare, fuit excellentia Incarnationis, & alia bona ex ea consecutura à peccato independentia: Ex hac ratione primâ viâ intentionis, motus est Deus, ad permittendum peccatum in Adamo, quod prævisum fuerat in priori signo rationis, per scientiam conditionatam ante omne decretum, videlicet absolutum. Ratio permissionis fuit: quia Deus in prædestinando hoc mysteriò, habuit intentionem exequendi illud altiori modò, quò poterat; & quia altior modus illud exequendi erat, ut permissò peccatò Incarnatio ordinaretur in remedium peccati, sic enim non solum increata Bonitas ac munificentia in communicanda Persona Divina manifestaretur, sed etiam misericordia, & iustitia, in sublevanda nostra miseria, oblatâ condignâ satisfactione pro peccato. Permissò autem peccatò, adeoque prævisò per scientiam absolutam, secundum motivum, quò ex occasione peccati, decrevit Deus se ipsum



communicare in carne passibili, fuit humana redemptio, propter quam, non solum prædestinavit Incarnationem quoad modum passibilitatis, ut Scotus dicebat, sed etiam quoad substantiam mysterij, ex eo, quod quælibet ratio seorsim sumpta, fuerit sufficiens, & adæquata, ad prædestinandam substantiam hujus mysterij. Supponit autem *Suarez*, posse quemlibet duplici fine totali, & adæquatò, in suo genere moveri ad effectum producendum, quod etiam nos, ut probabilius amplectimur. Præterea docet, in primo signo rationis, in quo prædestinatus fuerat Christus tantum ut glorificator, & justificator; prædestinatas fuisse omnes creaturas, quæ ad essentialem, & consummatam perfectionem universi, tam in ordine naturæ, quam gratiæ pertinent. Duobus enim modis poterat Deus velle Christum: unò modò solitariè, & secundum se, nullò aliò objectivè cum eo volitò, in eodem rationis signo; aliò modò connexum cum creaturis in eodem signo rationis, volendo illum ut caput, & Principem hominum, & Angelorum, ac potissimum medium ad manifestandam suam gloriam; ac proinde ut finem proximum omnium suorum operum ad extra. Hòc secundò modò voluit illum, quia hic redundat in majorem dignitatem Christi. Hinc *Suarez* suam sententiam sic deducit: si per scientiam conditionatam, antecedentem omne decretum absolutum Dei, Adam prævisus fuisset, in nulla occasione peccaturus, quod impossibile non fuit; siquidem prævisus esset liberè peccaturus, sequitur cum *Scoto* ex vi præsentis decreti: Verbum fuisse incarnandum; nam adhuc eâ conditione positâ, maneret integra ratio finis, ob quam Deus, ex vi præsentis decreti, voluit incarnari, nempe: ob perfectissimam communicationem sui creaturis, quò casu fuisset incarnatio Verbi

in carne impassibili, prior, & independens ab omni peccato futuro, ut *Scotus* contendit. Si autem stante tali scientia in Deo, de peccato Adæ conditionaliter futuro, nihilominus noluisse illud Deus permittere, tunc juxta *S. Thomam* sequitur ex vi præsentis decreti, Adamo non peccante Verbum incarnatum non fuisse, non quod tale decretum factum sit post absolutam scientiam peccati futuri, quò non existente cessaret unicum motivum Incarnationis, quod erat remedium peccati: sed quia, cum ex vi primæ intentionis decreverit Deus Verbum incarnari optimò modò, juxta occurrentes circumstantias, qui modus tunc fuisset, ut permissò peccatò, Verbum incarnaretur ut Redemptor; hoc ipsò, quòd peccatum non permisisset, à posteriori colligeretur, non habuisse tale decretum, quod necessariam connexionem haberet cum permissione peccati, non, ut cum unico medio absolutè; nam, eò non prævisò ut futurò, adhuc incarnatum fuisset Verbum, sed ex suppositione, quòd esset prævisum conditionatè futurum. Nam illud prævisum, & permissum præbuit occasionem Deo, altiori modò ad extra se communicandi. Probas habemus ex scripturis, Christum esse prædestinatum caput, Regem, & Exemplar omnium prædestinatorum, nec non finem omnium divino- rum operum, ut probant omnes præsentis universi dispositiones, & gubernationes, quæ eò tendunt, ut hoc felicissimum regnum ex Angelis, hominibus, & Christo Rege tandem compleatur; at optimus & sapientissimus operandi modus est, ut ex fine intento potius media eligantur, quàm ex occasione medij occurrentis finis intendatur: ergo dicendum est, non ideò Deum prædestinasse Christum, quia peccatum prævidit, sed ideò permisisse peccatum, quia Christum



stum ad sui gloriam optimò modò manifestandam prædestinavit. Quia verò Deus non poterat prædestinare Christum ut Redemptorem, ante prævisum peccatum scientiâ absolutâ, alioquin virtualiter voluisset peccatum; ideo prædestinavit illum ut Redemptorem in carne passibili post prævisum peccatum, non tantum scientiâ conditionatâ, quia hæc non satis est, nè Deus non dicatur velle virtualiter peccatum, sed etiam scientiâ visionis, quæ supponit decretum de prædestinatione Christi. Ità salvantur scripturæ, quæ docent, Verbum incarnatum fuisse in remedium peccati, scilicet: in carne passibili, quæ decreta est in secundo signo rationis, dependenter à peccato Adæ, præviso scientiâ visionis, post primum decretum de prædestinatione Christi simpliciter. Ità *Suarez se explicat loc. sup. cit.* quod est probabilissimum & conformissimum nostris principiis de ordine, & signis decretorum divinatorum, quoad Incarnationem volitam, traditis. Et quamvis ille concludat: quòd Christus venisset in carne impassibili, si Adam non peccasset, *arguitivè* quidem & *indicativè* ex vi præsentis decreti, *formaliter* autem, & *causativè* nisi ex vi alterius decreti, cuius futuritionem sufficienter arguit, & indicat præsens decretum; nihilominus hæc conclusio nobis videtur coincidere cum ista: quòd Christus venisset in carne impassibili, non quidem vi præsentis decreti *adequatè*, & secundum omnes terminationes sumpti, (*cum præsens decretum etiam terminetur ad remedium peccati,*) sed vi alterius secundum alias terminationes accepti; adeoque hic discursus videtur coincidere cum nostra sententia.

36. *Obicies 6to.* Ex eo: quòd Christus nullò modò venisset, nec vi alterius decreti, si Adam non peccasset. Jam sic:

fic, Particula *non*, est malignantis naturæ, unde totum negat, quid quid post se invenit; atqui, tam S. Scriptura, quàm SS. Patres docent, quòd Christus non venisset, si Adam non peccâisset: ergo, cùm utantur particula *non*, signum est, quòd nullò modò venisset, nec vi alterius decreti. *Resp. Dist. Maj.* particula *non*, est malignantis naturæ in sensu, & rigore scholastico, *Conced.* In sensu scripturistico, *Neg. Maj.* In scriptura enim *ly non*, non semper negat totum, quod post se invenit. Sic *Joannis* 7. v. 8. dicitur: *Non ascendam ad diem festum illum.* Item *Marci* 13. v. 32. ubi Christus dixit: *De die autem illo, vel hora nemo scit, neque Angeli in cælo, neque Filius, nisi Pater.* Et tamen ascendit; tamen juxta omnes Theologos scit de die judicij Filius Dei: ergo signum est, quòd *ly non* in scriptura positum, non semper sit malignantis naturæ, neque semper negetur substantia, sed aliquando tantum modus; & sic fit in omnibus textibus, quos adversarij contra nos afferre solent.

*Replicabis.* Qui dicit, quòd Petrus non venisset 37. Pragm, si aliquis casus ipsi in via contigisset, non solum negat, quòd Petrus non venisset in equo, sed negat absolutè ipsius adventum: ergo etiam, qui dicit, quòd Christus non venisset, si Adam non peccâisset, non tantum dicit, quòd vi præsentis decreti non venisset, aut in carne passibili, sed absolutè negat Christum venturum. *Resp. Neg. Conseq. Dispar. est:* quia in primo casu nulla adest ratio, ob quam propositio deberet restringi; at verò in altero casu adfunt plurimæ rationes, quas pro Thesi adduximus: ergo.

*Urgebis.* Si sufficeret negare modum adventus Christi 38. *Ati, in hac propositione: Christus non venisset, nempe:*  
in



*in earne passibili, si Adam non peccasset, tunc etiam hæc propositio esset hodie absolutè vera: Verbum post resurrectionem non habuit carnem; quia ampliùs non habuit carnem passibilem; atqui hoc non: ergo nec illud. Resp. Dist. sequel. Maj. Esset vera, si restringatur non purè mentaliter, ità ut prudens auditor possit colligere in quo sensu proferatur propositio, Conced. Si prudens auditor non possit colligere in quo sensu proferatur propositio, Neg. sequel. Maj. Alij Neg. sequel. Maj. Rationem dant: quia ex scriptura constat, quòd Verbum nunquam dimiserit illud, quod semel assumpsit: ergo etiam constat, quòd neque carnem, quam semel assumpsit, dimiserit. Ex occasione*

39. *Observandum est: quòd S. Scripturæ sensus debeat erui, vel ex contextu, vel ex scopo præfixo, vel ex subiecta materia, de qua loquitur, si aliunde obscurus sit; si verò textus sit clarus, tunc accipiendus est, sicut sonat, maximè, si nihil inconueniens ex tali acceptione sequatur. Si denique sacra scriptura, aut SS. Patres in aliquo textu aliquid negent, in alio affirmant, tunc, ut observat Leonardus Penafiel hic Diss. 3. sect. 2. sub sect. 4. combinandi sunt, & dicendum, quòd loquantur in uno textu de una, in altero de alia ratione, ac formalitate ejusdem rei, nunquam autem simpliciter, absolutè, & finè omni implicita restrictione, qui modus explicandi est omnibus sacrae scripturæ interpretationibus familiaris, ad tollendas antilogias seu contradictiones, refragationes, vel quasi contrarias orationes. Sic v. g. Matth. 15. v. 14. dixit Christus: Non sum missus, nisi ad oves, quæ perierunt domus Israel; qui textus non est accipiendus simpliciter & absolutè, sed subintelligendo: ad predicandum, docendumque propriò ore. Similiter ergo illi*  
textus

textus intelligendi sunt, dum ajunt: quod Christus non venisset, nisi peccatum esset abolendum, nempe: de Christo *ut Medico, ut Redemptore &c.* Cum ex alijs S. Scripturæ, & SS. Patrum textibus supra citatis colligatur, quodd venisset propter alios fines, nempe: ut esset Doctor veritatis, Legislator, sanctificator, caput Angelorum & hominum, etiam in statu innocentie existentium: ergo &c.

*Objicies 7<sup>mo</sup>.* Angeli innocentes fuerunt citius, 40. quam merita Christi: ergo non poterant ex meritis Christi sanctificari. *Resp. Dist. Ant.* Fuerunt citius in executione, quam merita Christi, *Conced.* In intentione, *Neg. Ant. Dist.* etiam *Conseq.* Ergo non poterant sanctificari ex meritis Christi nullò modo existentibus, *Conced.* Ut absolute prævisis, & sic existentibus in mente divina, *Neg. conseq.*

*Objicies 8<sup>vo</sup>.* Ex hac sententia sequeretur, quodd in 41. statu innocentie fuissent duo capita, nempe: Christus, & Adamus; atqui hoc est inconveniens: ergo. *Resp. Dist. sequel. Maj.* Fuissent duo capita, quorum unum fuisset primarium & principale, & alterum secundarium, *Conced.* Quorum utrumque fuisset primarium, *Neg. sequel. Maj.* Christus fuisset primarium & principale caput, Adamus verò secundarium, & quasi instrumentale respectu generis humani; in quo nulla est inconvenientia.

*Objicies 9<sup>no</sup>.* Quando Deus decrevit Adamum in 42. carne passibili, ordinatè egit: ergo non poterat illum decernere in carne impassibili; aliàs inordinatè egisset. *Resp. Neg. Conseq.* Quia etiam tunc ordinatè egisset; siquidem propter finem egisset, & propter finem Incarnationem decrevisset.

Pro majori declaratione nostræ sententiæ, potest 43. Deus, ut decernens Incarnationem, comparari ali-

cui



cui homini, qui decrevit efficaciter ire Romam v. g. propter devotionem, præscindendo interim ab alio fine, & à determinato tempore, ac modò, exequendi illud iter; at, ecce subito rescit, charissimum suum amicum Romæ graviter ægrotare, & indigere suò auxiliò; proinde superveniente hóc novò fine, & motivò, subveniendi amico ægrotanti, confirmat illud prius propositum eundi Romam, concipitque tale decretum: *Ivissem quidem Romam, ex fine devotionis; at nunc etiam ibo ex fine subveniendi amico, irémque ex hoc solo motivo, etiamsi id ipsum non decrevissem prius ex motivo devotionis.* Tandem ex hac confirmata, & renovata intentione procedit ad electionem mediorum, & decernit accelerationem itineris, seligit viam brevissimam, aliáque media, quæ non fuisset adhibiturus, ex vi solius primæ intentionis. *Jam subsumitur:* Atqui hæc dispositio itineris est prudens, & ordinata: ergo & decretum de Incarnatione exequenda.

44. *Objicies* romò, Ex eo: quòd Christus nec vi alterius decreti venisset. Unde sic: Christus vi præsentis decreti absoluti, & efficacis non venisset: ergo nec vi alterius venisset. *Prob. Conseq.* Decretum est actus Divinæ Voluntatis, volentis aliquid fieri, vel facere; atqui actus Divinæ Voluntatis, non possunt multiplicari; hinc communiter in 1. p. docetur: quòd actus Dei liber non distinguatur entitative à necessario: ergo nec decreta Divina: ergo Deus non potuit aliud decretum habere distinctum à moderno; per consequens, nec vi alterius decreti venisset. *Resp. Dist. Ant.* Non venisset vi præsentis decreti, secundum omnes terminationes sumpti, *Conced.* Entitative sumpti, *Neg. Ant.* Similiter *Dist. Conseq. & Neg. Conseq.* Dum enim in hac sententia docetur, quòd  
Chri-

Christus non venisset vi præsentis decreti, si Adam non peccasset, sed vi alterius, quod arguimus ex præsentente decreto; non docetur, quod Deus debuisset alium voluntatis actum elicuisse, & aliud entitativè decretum habuisse, (*multiplicatio enim actuum Divine voluntatis realiter distinctorum, non admittitur à Theologis,*) sed docetur, quod idem actus Divinæ Voluntatis, debuisset terminari ad aliud objectum, quam nunc, stante adventu Christi, terminetur; hinc notanter in Thesi additum est: *Secundùm omnes terminationes accepti.* Similiter, dum in hac sententia docetur: quod duplici decreto Incarnatio decreta fuerit, non est intelligendum, de duplici realiter decreto, sed de duplici quoad nostrum modum concipiendi, ità, ut pro priori signo ante absolutam prævisionem peccati, fuerit decreta Incarnatio quoad substantiam, idque in quarto signo (*ut videre est in Libello Annò 1708. edito, Thesi 10. §. 2.*) propter excellentiam hujus mysterij, & omnes utilitates independentes à peccato; pro posteriori autem in signo septimo post permissionem, & prævisionem peccati, fuerit iterum decreta quoad substantiam in remedium peccati, & propter utilitates à peccato dependentes; ex quo patet, quod hæc sententia distinguatur à sententia Scotistarum, docentium, quod Deus priùs decreverit Incarnationem quoad substantiam, & deinde quoad modum passibilitatis.

*Replicabis.* Ex hoc sequeretur, quod Deus fuisset mutatus, atqui hoc est contra S. Scripturam, quæ Malachiæ 3. v. 6. de Deo dicit: *Ego Dominus, & non mutor:* ergo. *Prob. sequel. Maj.* Deus voluisset jam hoc, jam illud; atqui hoc est mutari, saltèm quoad actus internos voluntatis: ergo Deus fuisset mutatus. *Resp. Dist. Sequel. Maj.* Fuisset mutatus ex parte objecti



objecti, & rei volitæ, *Conced.* Ex parte actus voluntatis, *Neg. Sequel. Maj. Ad probat. Dist. Maj.* Voluisset jam hoc jam illud, quoad nostrum modum concipiendi & explicandi, *Conced.* Quoad rem conceptam, & explicatam, *Neg. Maj.* Dum enim statuitur ordo scientiarum, & decretorum divinatorum quoad Incarnationem volitam, non statuitur ordo realis, vel intrinsecus virtualis; quia nulla realis successio, nullus intrinsecus ordo, nec prioritas naturæ, datur inter scientias, & decreta Dei ordinantis (*cum nulla realis, vel virtualis inter hæc intercedat distinctio, propter summam simplicitatem divinam,*) sed tota prioritas naturæ, est tantum in ipsis rebus ordinatis, & objectis volitis, ut manifestè colligitur ex doctrina *S. Thomæ 1. p. q. 19. a. 5.* Et *1. contra gentes cap. 76.* Unde hic ordo decretorum divinatorum, est solummodò ordo rationis ratiocinantis, qui ordo, aut potius signa, nihil aliud sunt, quàm diversæ habitudines, & respectus ejusdem entitativè actus divini, ad diversa connotata sibi invicem subordinata. *Ratio est:* quia ordo signorum nihil aliud est, quàm ordo naturæ, aut causalitatis, vel subsistendi consequentia; qui ordo cum solummodò inveniatur in rebus ordinatis, & objectis cognitis, ac volitis; idè ex hoc ordine rerum creatarum, desumitur à Theologis quidam ordo extrinsecus activarum terminationum, in actu simplicissimo divino. Ex quo ordine non licet inferre, quòd in Deo dentur plures actus realiter inter se distincti, aut sibi realiter succedentes; per consequens nec hoc, quòd Deus intrinsecè mutetur.

46. *Urgebis.* Actus voluntatis divinæ concipiuntur ad modum actuum voluntatis creatæ; atqui voluntas creata admittit successionem actuum: ergo etiam Voluntas divina. *Resp. Dist. Maj.* Concipiuntur cum qua-

quadam analogia, & demptis imperfectionibus, *Conced.* Concipiuntur cum univocatione, & non demptis imperfectionibus, *Neg. Maj.* Quando actus Divinae Voluntatis concipiuntur ad modum actuum Voluntatis creatæ, tunc à Deo debet demi id, quod in creatura dicit imperfectionem; quia autem hoc, quod in creatura dicit imperfectionem est: *imò.* Quod actus voluntatis creatæ sint realiter distincti à voluntate, *2dò.* Quod sint accidentales, actuates potentiam, *3iò:* Quod sint entitative plures; ideò hæc omnia in Deo debent demi, & ponendus est in illo unus entitative simplicissimus actus, cum voluntate divina identificatus; adeoque in Deo nulla est successio actuum voluntatis, sed, si quæ reperitur, est tantum secundum nostrum modum concipiendi, desumpta à rebus creatis volitis.

*Argues.* Implicat, ut unus entitative simplicissimus 47. actus, tendat in plura diversa objecta; atqui actus Divinae Voluntatis, tendit in plura diversa objecta: ergo non est unus entitative simplicissimus. *Resp.* *Dist. Maj.* Implicat, ut unus entitative simplicissimus actus creatus, tendat in plura diversa objecta, *Transf.* Implicat, ut actus increatus tendat in plura diversa objecta, *Neg. Maj.* Sicuti enim Deus propter suam infinitatem, est eminenter quodcunque ens, & tamen est ens simplicissimum, ita actus Divinae Voluntatis, licet sit unus entitative simplicissimus, est tamen propter suam infinitatem eminenter quicunque actus voluntatis; unde illa objecta, in quæ voluntas creata tendit, per plures actus entitative distinctos, possunt attingi ab unicissimo, & entitative simplicissimo actu Divinae Voluntatis.

*Obijcies imò.* Secluso peccato generis humani, In- 48. carnatio non esset per se expetibilis: ergo Christus



non venisset si Adam non peccasset. *Prob. Ant.* Nul-  
 lus fuisset ipsius finis: ergo. 2<sup>da</sup>. Incarnatio non est  
 per se expetibilis, nisi in remedium peccati: ergo.  
*Prob. Ant.* Incarnatio non est per se expetibilis, nisi  
 propter manifestationem *justitiæ*, & *misericiordiæ Dei*;  
 atqui seclusò peccatò non fuisset manifestatio *justitiæ*  
 & *misericiordiæ Dei*: ergo. 3<sup>ta</sup>. Non possunt attri-  
 buta divina manifestari, nisi Persona Divina se sum-  
 mè humiliet; atqui Persona divina non potest se sum-  
 mè humiliare; cùm talis humiliatio non sit Deo glo-  
 riosa: ergo. 4<sup>ta</sup>. Non est gloriosum, nec decorum  
 Regi vel Imperatori, se ità humiliare, ut fiat unus ex  
 subditis: ergo neque est gloriosum & decorum, ut  
 Rex Regum, & Dominus dominantium, fiat infimus  
 homo. *Resp. ad Argument. Neg. Ant. cum sua probat.*  
 Quia patet ex dictis, quòd motivum ponendæ In-  
 carnationis, independentè à peccato, fuisset *excel-*  
*lentiæ* hujus mysterij, *sanctificatio* & *glorificatio* An-  
 gelorum, & hominum innocentium; adeoque Incar-  
 natio non caruisset suò fine, licet Adam non peccàs-  
 set. *Ad 2<sup>dum</sup> Neg. iterum Ant. cum sua probat. Ra-*  
*tio est:* quia Incarnatio non tantum est expetibilis  
 propter manifestationem *justitiæ* & *misericiordiæ*, sed  
 etiam propter manifestationem *bonitatis*, *sapientiæ* &  
*potentiæ Dei*, quæ tunc intervenisset, etiamsi Adam  
 non peccasset. Et quidem: 1<sup>mo</sup>. Manifestata fuisset  
*Bonitas Dei*, in quantum Deus non despexisset pro-  
 prij blasphematis infirmitatem, sed summè se commu-  
 nicasset creaturæ. 2<sup>da</sup>. Manifestata fuisset *Sapientiæ*  
*Dei*, in architectando tam mirabili opere ex tam di-  
 stantibus naturis, humana videlicet, & divina, per  
 unam subsistentiam subsistente. 3<sup>ta</sup>. Manifestata  
 fuisset *Omnipotentia Dei* in producendo opere omni-  
 um operum maximo: ergo. *Ad 3<sup>tium</sup> Diss. Min.*

Pere.

Persona Divina non potest se summè humiliare, si per talem humiliationem aliquid de sua altissima maiestate amitteret, *Conced.* Si non amitteret, uti nec defactò per suam humiliationem in carne passibili factam amisit, *Neg. Min. & Conseq.* *Ad 4<sup>um</sup> Resp.* 1<sup>mo</sup> *Neg. Ant.* Si idem posset facere Rex, vel Imperator, quod Deus, id est: Si posset subditum sublevare, vel suppositare, retinendo tamen suam maiestatem. *Resp.* 2<sup>do</sup> *Trans. Ant. Neg. Conseq. Disparitas est:* quia Rex, vel Imperator se ità humiliando, amitteret suam maiestatem; at verò Deus assumendo naturam humanam, nihil de sua maiestate amitteret; uti nec defactò eandem assumendo amisit: ergo &c.

*Obijcies 12<sup>mo</sup>.* Nomina in sacris scripturis à Deo 49<sup>o</sup> imposita, semper demonstrant præcipuum officium respectu illius, cui sunt imposita; atqui Christo, in sacris literis impositum est à Deo Nomen *JESUS*, ex eo, quòd ille debuerit salvum facere populum suum, à peccatis eorum: ergo præcipuum officium Christi, erat redemptio generis humani; per consequens, si Adam non peccasset, Christus non venisset: *Resp.* 1<sup>mo</sup>. Quamvis S. Scriptura in aliquibus locis, appellet Christum nomine *JESUS*, alibi tamen etiam appellat ipsum, *primogenitum omnis creaturae, electum ante mundi constitutionem, initium viarum &c.* quæ manifestant Christum fuisse prædestinatum, & decretum, ante absolutam prævisionem peccati, à quo venit salvare populum. *Resp.* 2<sup>do</sup>. *Dist. Maj.* Et ibi S. Scriptura loquitur juxta id, quòd defactò accidit, *Conced.* Et loquitur de eo, quòd accidisset, si Adam non peccasset, *Neg. Maj. Concess. Min. Dist. Conseq.* Si nomine præcipui officij intelligatur præcipua operatio in carne passibili, completè, & cum perfecta summatione redemptionis generis humani, *Conced.*



Si per præcipuum officium intelligatur principale, & unicum motivum veniendi, *Neg. Conseq.* Hinc optimè Christus appellatus est *JESUS*, quia defectò venit ut *Redemptor*, sed si non venisset ut *Redemptor*, aliò nomine fuisset appellatus, ut observat *Faber* cum alijs *Scotistis*.

50. *Objicies 13tio.* Redemptio hominum, & remedium peccati, est præstantius motivum, quàm sanctificatio, & glorificatio Angelorum, & hominum: ergo si Adam non peccasset, Christus non venisset. *Resp. Diss. Ant.* Est præstantius in aliqua ratione, *Transf.* Est præstantius in omni ratione, *Neg. Ant. & Conseq.* Hæc enim duo motiva se mutuò excedunt sub diversa ratione; nam si consideretur id, quod singula dicunt seorsim sumpta, tunc præstantior est sanctificatio Angelorum & hominum, quàm remedium peccati, si verò redemptio humana, & remedium peccati consideretur non solum secundum id, quod addit primo motivo, sed etiam secundum omne id, quidquid est in illo, tunc hac ratione debet dici majus & excellentius, quia movet divinam voluntatem (*modò sibi proportionatò,*) non solum ad volendam unionem hypostaticam, sed etiam ad ejus mirabilem modum passionis & mortis, quod censetur esse maximum beneficium. Denique potest etiam dici efficacius motivum, quatenus majorem indigentiam, & miseriam in natura humana supponit, ex qua indigentia, orta est hujus mysterij major indigentia & necessitas, velut medij, & medicinæ; ratione cujus fit aptius ad Dei justitiam, & misericordiam manifestandam; quia includit omne id, quod est in Incarnatione secundum se considerata, & addit plures alias rationes, quibus magis manifestantur hæc attributa, suppositò peccatò & necessitate redemptionis.

*Objicies*

*Obicies 14to.* Si Christus venisset in carne impassibili, tunc, vel venisset in tali statura, uti modò, nempe parvulus, vel in alia uti Adamus productus est; atqui nihil horum potest dici: ergo, si Adam non peccasset, Christus non venisset in carne impassibili. *Resp. Neg. Min.* Et dico: quòd venisset in parva statura, & fuisset natus, sicut defactò. *Ratio est:* quia in parva statura venire, & nasci ex Matre, non est pœnalitas peccati originalis, sicut est passibilitas carnis, sed est conditio ipsa naturæ humanæ; hinc si durasset status innocentiae, homines ita generati, & nati fuissent, sicut defactò generantur, & nascuntur. Quòd autem Adamus fuerit productus in virili ætate, non verò Christus, aliqui Theologi hanc rationem assignant: quia necessariò aliquis homo producendus erat, qui non esset productus per generationem, nè procederetur in infinitum, & ex quo omnes originem ducerent; atqui non decebat, ut omnes homines ex Christo originem ducerent, sed decebat, ut servaret virginitatem, quam etiam magni fecit, & nobis servandæ virginitatis exemplum reliquit: ergo.

## §. II.

*Solvuntur objectiones contra secundam partem Thesis, quæ dicit: quòd Christus venisset ut Redemptor, existente solò originali, etiamsi nulla futura fuissent peccata personalia in posteris.*

*Obicies 1mo.* Ex eo: quòd hæc resolutio videatur §2. adversari S. Scripturæ. Unde sic: Lucæ 11. v. 50. dicitur: Ut inquiratur sanguis omnium Prophetarum, qui effusus est à constitutione mundi: ergo Christus



stus non venisset, nisi fuissent actualia peccata illorum, qui sanguinem iustorum effuderunt: ergo Christus ut Redemptor non venisset, existente solò originali. *Resp.* Cum Vasquez hic *Disp.* 13. *cap.* 3. Quòd inquiri sanguinem Prophetarum, apud S. Lucam nihil aliud sit, quàm vindictam sumi de occisoribus Prophetarum; atqui iuxta omnes, Christus venisset, etiamsi non fuisset sumenda vindicta de illis occisoribus Prophetarum: ergo.

53. *Obicies 2da.* Apostolus ad *Galatas* 2. v. 20. ità dicit: *Qui dilexit, & tradidit semetipsum pro me*; per quod indicat, quòd Christus venerit pro salute cujusvis peccatoris, & si non fuissent personalia peccata, non venisset. *Resp.* *Neg. 2dam partem Ant.* nempe, quòd non venisset, si non fuissent peccata personalia, ut patet ex rationibus pro 2da parte *Thesis* allatis. Quod attinet verba Apostoli, illa solùm indicant: quòd Verbi Incarnatio, & Christi passio, quamvis decreta, & peracta sit in gratiam omnium simul, ità tamen proficit singulis, ac si pro singulis in particulari decreta, & peracta fuisset. Hinc S. Thomas hic *q.* 1. *a.* 4. ad 3. ità dicit: *Ex hoc, quòd aliquis debet reputare sibi beneficia Christi prestita esse, non debet existimare, quòd non sint alijs prestita. Et ideo non excluditur, quin principalis venerit abolere peccatum totius nature, quàm peccatum unius persone; sed illud peccatum nature, ità perfectè curatum est in uno quoque, ac si in uno solo esset curatum; & ideo propter unionem Charitatis, totum quòd omnibus est impensum, unusquisque debet sibi adscribere. Vel (ut alij volunt,) illa verba Apostoli solùm significant, quòd Christus ut homo, ex parte sua tantò amore, & tantà promptitudine mortem pro nobis subiverit, ut libenter etiam pro unico homine mortem passus fuisset, si ità Deus Pater ordinasset.* *Cardinalis de Lugo hic Disp.* 8. *Seç.* 5. n. 62. Sic Apostolum

lum intelligendum esse, judicat, ac si diceret: mortem Christi quoad effectum & valorem, ita esse pro singulis, ac si esset pro me solo. *Item*, quoad effectum ex parte humanitatis Christi, quæ ex se parata erat ad mortem pro me solo semel, & iterum subeundam.

*Objicies 3<sup>io</sup>. Irenæus lib. 5. adversus Heres. cap. 54. 44.* ita dicit: *Verbum nequaquam assumpsisset carnem, nisi inquirendus esset omnis sanguis justorum, qui effusus fuit super terram: ergo Christus non venisset, si non fuissent peccata personalia hominum.* *Resp. cum Vasquez hic Diss. 13. cap. 3.* Quod per illa verba Irenæi, videlicet: *inquiri sanguinem justorum in sanguine Christi*, idem significet, quod impleri figuram, quia effusio sanguinis Christi, figurata fuit in sanguine justorum. Proinde illorum verborum sensus est: Christus non assumpsisset sanguinem, nisi illum effusus fuisset pro nobis, prout fuit præfiguratum in sanguine justorum: ergo.

*Objicies 4<sup>to</sup>. Ex eo: quod deficientibus peccatis personalibus, deficeret ratio totalis, quæ Deum movit ad decernendam Incarnationem.* Jam sic: Deficiente integrâ ratione motivâ Divinæ voluntatis, & decreti, debet etiam cessare effectus, qui ex tali decreto consequitur; atqui non existentibus peccatis personalibus, deficeret ratio totalis, quæ Deum movit ad decernendam Incarnationem: ergo illis sublati, & solô originali existente, Christus non venisset ex vi præsentis decreti. *Prob. Min.* Totale motivum Incarnationis ab æterno decretæ, fuit liberatio hominum ab omni peccato, tam originali, quam actuali: ergo liberatio à solo peccato originali, non fuit integrum, & totale motivum Incarnationis; adeoque ipsô solô existente, deficeret ratio totalis, quæ Deum movit ad mittendum filium suum in mundum. *Resp. 1<sup>mo</sup> cum*



*Gonet hic Diss. 7. De motivo Incarnationis a. 2. §. 2. Neg. Min. Ad ejus Probat. Diss. Ant.* tale motivum decreti Incarnationis fuit liberatio non solum à peccato originali, sed etiam à peccatis actualibus, prout ad originale tanquam ad fontem, & radicem reducebantur, *Conced.* A peccatis actualibus seorsim consideratis, & independentes ab originali, *Neg. Ant.*

56. Dicimus itaque, quod totale, & sufficiens motivum Incarnationis fuerit quidem reparatio totius naturæ, peccato originali infectæ, sed quia Christus innumera diluit crimina, quæ ex illo peccato ut radice procedebant; ideo veluti consequenter & secundario, ad satisfaciendum etiam pro illis Incarnatione verbi divini ordinata est; unde dici potest liberationem ab originali peccato, fuisse totalem rationem motivam Incarnationis; liberationem verò à peccatis actualibus, fuisse illius causam quodammodo impulsivam. Exemplum est in Samuele, qui ex speciali Dei jussu venit in Bethlehem ad ungendum David Regem, tanquam propter finem primarium, ac præcipuum, quod adeptus non venisset; habuit tamen aliud motivum impulsivum, scilicet: offerendi Deo sacrificium; ut colligitur ex 1. Regum 16. Aliud exemplum est in medico, qui ad suum amicum alicujus negotij pertractandi causâ venire disponens, & iter aggrediens, audit filium ejus gravi aliquo morbo detineri, & ideo promptiori animo ad amicum pergit, ut ejus filium visitet, & curet: ejus enim causa motiva, sine qua non conveniret amicum, est negotium pertractandum; at verò causa impulsiva, est curatio filij ejus, sine qua absolute amicum conveniret, sed non cum eadem animi promptitudine. *Resp. 2. Diss. aliter idem Ant.* Totale motivum decreti Incarnationis fuit liberatio non solum à peccato ori-

originali, sed etiam à peccatis actualibus, ità, ut Christus quà Redemptor à peccato originali fuerit priùs per unum decretum intentus, & per aliud posterius, quà Redemptor à personalibus, *Conced.* Ità, ut per idem decretum fuerit intentus, quà Redemptor utriusque peccati, *Neg. Ant.* Remedium proinde peccati originalis, & liberatio ab eodem, fuit motivum principale, & quidem totale decernendi Christum in carne passibili, quia passibilitas carnis, est pœna solius peccati originalis; remedium autem peccatorum personalium ( *quorum permissio est posterior, permissione peccati originalis,* ) fuit motivum tantum secundarium, ut Deus per aliud decretum, passionem & mortem Christi, jam priùs definitam, extenderet etiam ad expiationem peccatorum personalium, à posteris Adami committendorum.

*Obijcies 510.* In eodem signo, in quo prædestinatus 57. fuit Christus, quà Redemptor peccati originalis, fuit etiam prædestinata passio, & mors Christi; atqui passio, & mors Christi, non erat futura sinè peccatis personalibus crucifigentium Christum: ergo in illo signo, debet etiam intelligi prævisio horum peccatorum personalium: ergo Christus ex vi illius decreti non venisset ut Redemptor, nisi saltèm carnifices Christi peccassent personaliter. *Resp. Dist. Maj.* In illo signo ( *apud nos septimo, ut patet ex libello de cognoscibilitate, necessitate, & sine Dominica Incarnationis, Thesi 10. §. 2.* ) fuit prædestinata passio & mors Christi secundum se, præscindendo, an hæc esset inferenda culpabiliter, an inculpabiliter, *Conced.* Fuit in illo signo prædestinata mors Christi, ut inferenda culpabiliter, *Neg. Maj.* Ut inferenda enim culpabiliter, prædestinata fuit post permissionem, & prævisionem peccatorum personalium; ante permissionem



sionem autem horum peccatorum, potuit Deus prædefinire mortem Christi, citra permissionem ullius peccati personalis; quia poterat decernere, ut Christum, vel Beata Virgo, vel Sanctus Iosephus occiderent, & immolarent in holocaustum, exercendo per hoc actum Religionis, sicut præcepit Abrahamo immolationem Isaaci. Hinc P. de Rhodes hic *Diff. 1. q. 4. sect. 2. §. 2.* asserit, in morte Christi debere duo distinguui: Primum erat acceptatio interna mortis, abstrahendo ab eo, quòd illa inferenda esset cum peccato; Aliud erat ipsa mors cum peccato illata. Hinc ita dicit: *utramque fuit sine dubio meritorium, & quidem primum præcessit peccata crucifigentium Christum, quæ potuerunt per illud vitari, non potuerunt per secundum, quod fuit illis posterius.*

58. *Objicies 6to.* Remedium majoris mali est præstantius, ac proinde principalius intentum; atqui peccatum personale est majus malum, quàm sit originale: ergo etiam remedium peccati personalis, est principalius intentum: ergo si non fuissent peccata personalia, Christus non venisset. *Resp. Dist. Maj.* Remedium majoris mali simpliciter, est præstantius, *Conced.* Majoris tantùm secundùm quid, *Neg. Maj.* Similiter *Dist. Min.* Personale est simpliciter majus malum, *Neg.* Est malum secundùm quid, *Conced. Min.* & *Neg. conseq.* Malum enim commune totius naturæ est simpliciter majus, quolibet malò particulari singularum personarum, præsertim, si istud malum commune naturæ, sit radix, & fons malorum personalium, ut contingit in peccato originali.

59. *Objicies 7imo.* Peccatum personale est magis voluntarium, committitur enim voluntate propria cujuslibet personæ; originale autem committitur voluntate alienâ, & moraliter tantùm voluntate propriâ; atqui

atqui peccatum magis voluntarium, est pejus: ergo. *Confirmatur.* Peccatum originale inducit tantum pœnam æternam damni, non autem sensûs; peccatum autem personale inducit utramque pœnam æternam; atqui culpa inducens majorem pœnam, est major, & pejor: ergo peccatum personale est majus, & pejus, quàm originale. *Resp. ad Argument. Dist. Min.* Est pejus intensivè, in quantum scilicet est magis voluntarium, & inductivum majoris pœnæ, ut evincit confirmatio, *Conced.* Est pejus extensivè, *Neg. Min.* Peccatum enim originale est pejus extensivè in ratione radicis, & fontis peccatorum personalium. Ex quo patet responsio ad Confirmationem.

*Replicabis.* Peccatum personale est etiam pejus extensivè: ergo nulla solutio. *Prob. Ant.* Peccatum originale in quovis homine datur tantum unicum; personalia autem in pluribus hominibus sunt tam multa, ut factâ omnium computatione, plura sinè dubio sint commissa, & committenda personalia, quàm fuerint, aut futuri sint homines: ergo etiam plura sunt personalia, quàm originalia: ergo personale est etiam extensivè pejus, quàm originale. *Resp. Dist. Ant.* Peccatum personale est etiam extensivè pejus, & majus, quoad numerum actuum peccaminosorum, *Transf.* Quoad numerum subjectorum, seu personarum, quas inficit, *Neg. Ant.* Originale enim est in omnibus Adæ posteris, exceptâ Beatâ Virgine; personale autem non est in omnibus, quia neque est in infantibus ante usum rationis decedentibus, neque in multis adultis, siquidem multi adulti nunquam peccaverunt mortaliter voluntate propriâ: ergo &c.

*Obijcies 8vò.* Peccatum personale mortale, est in se gravissimum, utpote inductivum mortis æternæ, constituens hominem Dei inimicum, & Diaboli servum: ergo



ergo non minùs debuisset venisse Christus in carne passibili propter unum, quàm propter alterum tollendum. *Resp. Uti antea, Dist. Ant.* Est gravissimum secundùm quid, *Conced.* Simpliciter, *Neg. Ant. Et Conseq.* Quia, licet peccatum personale mortale sit in se satis grave, propter multas tamen rationes (ut dictum est n. 23.) originale magis indiguit curatione, & redemptione. *Tum*, quia est universalius malum: *Tum*, quia est radix omnium peccatorum personalium: ergo.

62. *Replicabùs.* Radix omnium malorum est cupiditas, ut habetur 1. ad *Timotheum* 6. ergo peccatum personale est æquè universale, ac originale. 2<sup>dd</sup>. Originale tollitur per baptismum: ergo. 3<sup>tid</sup>. Adamò non peccante adhuc posterì potuissent peccare mortaliter, non enim (ut aliqui dicunt,) fuissent confirmati in gratia, nisi restitissent primæ tentationi: ergo originale non est radix omnium peccatorum personalium. *Resp. ad 1<sup>um</sup>, explicando textum:* Radix omnium malorum est cupiditas in aliquibus, idque in adultis, *Conced.* In omnibus, etiam infantibus, *Nego textum.* Vel sic: Est radix & hæc pullulat ab alia priori radice, scilicet: à peccato originali, *Conced.* Et non pullulat à peccato originali, *Neg. textum.* Ad 2<sup>um</sup> *Dist. Ant.* Per baptismum tollitur originale, sed tamen natura manet debilitata, propter amissionem statûs innocentie, in quo mansisset promptior ad bene operandum, si Adam non peccasset, *Conced.* Et non manet sic debilitata, *Neg. Ant. Et Conseq.* Idèò enim peccatum originale dicitur radix omnium malorum, quia per illud sublatu s est status innocentie, & natura humana reddita est proclivis ad malum. Ad 3<sup>tium</sup> *Dist. Ant.* Posterì potuissent peccare mortaliter, & tamen non habuissent tantam proclivitatem ad peccan-

candum, sicut modò habent, *Conced.* Et habuissent tantam proclivitatem, *Neg. Ant. & Conseq.*

*Objicies 9nd.* Permissio peccati Evæ, præcessit per-<sup>63o</sup> missionem peccati Adæ, cùm fuerit causa peccati Adami; peccatum verò personale Adæ, præcessit peccata posterorum, & tamen ex hoc non sequitur, quòd Christus ut Repemptor, præviè fuerit decretus in remedium peccati Evæ, quàm in remedium peccati personalis Adami: ergo etiam ex eo, quòd originale præcesserit tanquam radix peccata personalia, non sequitur, quòd Christus priùs decretus fuerit propter originale, & tandem propter personalia, ut insinuaturn est. *Resp. Neg. Conseq. Dispar. est:* quia peccatum Evæ, tantum præcessit peccatum Adami in executione, non verò in intentione; at verò peccatum originale, præcessit etiam in intentione omnia peccata personalia posterorum, fuit enim principale motivum; principale autem motivum, semper præcedit in intentione: ergo.

*Objicies 10md.* Finis præsentis decreti, fuit reme-<sup>64o</sup> dium humani generis: ergo frustra allegatur tanquam aliquid principalius, ad lapsum peccati originalis. *Prob. conseq.* Qui decernit mederi infirmo, medebitur ei, sive hoc morbo laboret, sive illò: ergo, si Deus decrevit mederi humano generi, medebitur ei, sive malum originale sit, sive personale. *Resp. Dist. Ant.* Fuit remedium humani generis lapsi originaliter, *Conced.* Personaliter lapsi, *Neg. Ant. & Conseq. Ad Probat. Dist. Ant.* Medebitur infirmo, sive hoc, sive illò morbo laboret, si decretum medendi, non fuit determinatum ad certam materiam, *Conced.* Si fuit determinatum ad certam materiam, *Neg. Ant. & Conseq.* Nam Deus decrevit quidem mederi



mederi humano generi, sed præsens decretum determinavit principaliter ad solum originale, ut patet ex rationibus pro hac parte Thesis allatis: ergo.

65. *Objicies 11mò.* Propter illud peccatum venit Christus, pro quo est passus; atqui pro solis personalibus est passus: ergo etiam propter sola personalia venit. *Probat. Min.* Pro eo peccato est passus Christus, cui debebatur pœna sensûs; atqui soli peccato personali debebatur pœna sensûs: ergo. *Resp. Neg. Min. Ad Probat. Dist. Min.* Soli peccato personali debebatur pœna sensûs æterna, *Conced.* Temporalis v. g. mors, fames, sitis, aliæque pœnalitates, *Neg. Min. Et Conseq.* Passus itaque est Christus pro peccato originali, cui debebantur præter pœnam damni, etiam pœnalitates sensibiles, videlicet: fames, sitis, mors, &c. quæ omnia ex originali procedunt. Unde *S. Thom. hic q. 1. a. 4. ad 2.* ita dicit: *Dicendum, quod peccato originali in futura retributione non debetur pœna sensûs: pœnalitates tamen quas sensibiliter in hac vita patimur, sicut famem, sitim, mortem, & alia hujusmodi, ex peccato originali procedunt. Et ideo Christus, ut plenè pro peccato originali satisfaceret, sensibilem dolorem pati voluit, ut mortem & alia hujusmodi in se ipso consumeret. Et quamvis Christus non sustinuerit pœnam damni; quia tamen quælibet pœna sensûs, quàm Christus toleravit, fuit valoris simpliciter infiniti, hinc satisfecit adæquatè pro omni pœna sive damni, sive sensûs, nobis debita: ergo satisfecit etiam, & quidem principalius pro peccato originali.*

66. *Objicies 12mò.* Peccatum Adæ fuit personale; atqui, si Adam non peccasset, Christus vi præsentis decreti in carne passibili non venisset: ergo venit propter peccatum personale. *Resp. Dist. Min.* Si Adam non

non peccasset peccatò personali, quod respectu posterorum erat originale, tunc Christus non venisset, *Conced.* Si nullum fuisset commissum à posteris peccatum personale, *Neg. Min. & Conseq.* Nostra Thesis procedit de personalibus posterorum, non autem de illo personali, quod simul respectu posterorum erat originale; adeoque, etiamsi nulla futura fuissent personalia in posteris, si tamen fuisset illud personale Adami, quod simul respectu posterorum erat originale, adhuc Christus venisset ut *Redemptor* in carne passibili vi præsentis decreti, quoad substantiam considerati.

*Obijcies 13tio.* Si ob aliquam rationem Deus priùs prædestinasset Christum in remedium peccati originalis, independenter à peccatis actualibus, maximè hæc esset: quia pro illo signo, in quo prævidit peccatum originale, & Christum prædestinavit, nondum præviderat scientiâ visionis aliquod peccatum personale, distinctum à peccato Adæ; atqui hæc ratio non subsistit: ergo. *Prob. Min.* Peccatum originale in multis prævideri non potest sinè peccatis actualibus, seu personalibus: ergo in his non potuit videri peccatum originale, non visis peccatis personalibus: ergo &c. *Prob. Ant.* Qui nascuntur ex adulterio, vel alio illicito concubitu, hi non possunt prævideri in peccato originali existentes, quin prævideatur peccatum personale ipsorum parentum: ergo peccatum originale, non potest in multis prævideri, sinè peccatis personalibus. *Prob. Ant.* Ut Deus videret hos in peccato originali conceptos, necessariò debuit videre ipsorum generationem, ut hîc & nunc factam; atqui illorum generatio, ut hîc & nunc facta, fuit intrinsecè adulterium, vel incestus: ergo, qui nascuntur ex adulterio, vel alio illicito concubitu, non possunt



possunt prævideri in peccato originali existentes, quin prævideatur peccatum personale ipsorum parentum. *Resp. Neg. Min. Ad Probat. Neg. Ant. Ad ejus Probat. Dist. Min.* Illorum generatio ut hinc & nunc facta, fuit intrinsecè adulterium, quatenus conceptio dicit conjunctionem maris cum fœmina, & commixtionem seminum, *Trans.* Quatenus dicit animationem fœtus, quæ fit post longum tempus, *Neg. Min.* Generatio dupliciter sumitur: 1<sup>mo</sup>. Pro conjunctione maris cum fœmina, & commixtione seminum. 2<sup>do</sup>. Pro animatione fœtus. Licet itaque prima generatio non possit esse sine peccato personali, potest tamen esse secunda; &, quia animatio fœtus habet se per modum finis, finis autem præcedit media; idè animatio fœtus, tanquam finis, quæ peccatum annexum non habet, præcedebat in intentione Dei, peccatum actuale, *Dictum est: Trans. Min.* Quia ille idem concubitus absolute poterat fieri sine peccato, aliter Deo disponente, & idè neque concubitus, neque generatio substantialis, habent necessariam connexionem cum peccato parentum.

68. *Obijcies 14<sup>to</sup>.* Existentibus solis personalibus peccatis, Christus non venisset vi præsentis decreti: ergo etiam existente solò originali, non venisset vi præsentis decreti. *Resp. Neg. Conseq.* Quavis enim hujus argumenti solutio pateat ex dictis, nihilominus adhuc *Dispar. est: 1<sup>mo</sup>.* Quia finis primarius & principalis Incarnationis, & sine quo non, defuit fuit redemptio à peccato originali, tanquam malo communi naturæ, & fonte omnium peccatorum personalium, ut patet ex dictis n. 23. Et ipsissimum docet Divus Thom. hic q. 1. a. 4. ita concludens: *Quamvis Christus ad omnia peccata delenda in hunc mundum venerit, principalis tamen venit ad tollendum originale, quam*

quàm actuale peccatum, illud enim per quod totum genus humanum inficitur, majus est eò, quod est proprium singularis persone: ergo mirum non est, quòd non existente originali, Christus non venisset; at verò redemptio à peccatis personalibus non fuit finis primarius, sed tantum secundarius: ergo. 2dò. Quia vi præsentis decreti, & ordinationis divinæ, passibilitas carnis est pœna folius peccati originalis; nam: *Per unum hominem peccatum in hunc mundum intravit, & per peccatum mors, & ita in omnes homines mors pertransiit.* Ad Roman. 5. v. 12. Ergo, si non existisset peccatum originale, nemo hominum esset mortalis: ergo neque Christus venisset passibilis, & mortalis; atqui Christus vi præsentis decreti non venit, nisi ut passibilis: ergo. At verò passibilitas carnis non est pœna peccatorum personalium: ergo Christus propter illa, non venisset in carne passibili.

*Replicabis.* Finis primarius, & motivum Incarnationis videntur etiam esse peccata personalia, & tamen propter illa Christus non venisset, ut dictum est: ergo etiam, licet originale fuerit finis primarius Incarnationis, tamen propter illud Christus non venisset. *Prob. Ant. 1mò.* S. Cyrillus Hieros. *Catechesi 6. §. 1.* ita loquitur: *Cùm itaque cognoscis, quid moverit à dextra throni descendere Unigenitum? Pater spernebatur; erat ergo necesse, ut Filium corrigeret errorem, oportebat, ut is per quem omnia facta sunt, deduceret omnia ad emendationem.* Quid enim hoc morbum erat perniciosius, quàm si lapis pro Deo coleretur? Et mox alia etiam Christianorum peccata enumerat: ergo finis primarius & motivum Incarnationis, videntur etiam fuisse peccata personalia. 2dò. Christus ita dilexit singulos homines, ut paratus fuerit iterum pro singulis pati, teste S. Dyonis. qui *Epist. ad*



*Demophil.* refert, S. Carpo Christum per visionem dixisse: *Paratus tamen iterum sum, etiam pro hominibus salvandis pati, gratum mihi istud est, dum non alij homines peccant.* Similis revelatio facta dicitur S. Petro, ut refert *Suarez hic Diss. 5. Sect. 6.* Ergo. 3<sup>ti</sup>o. Christus ita dilexit singulos, ut propter quemlibet seorsim fuisset venturus & moriturus, licet Adam non peccasset: ergo finis primarius Incarnationis æquè videntur fuisse personalia. *Prob. Ant.* Ex S. Chrysost. *Qui hamil. 3. In Acta Apost.* ita dicit: *Unius anime salus tanta est, ut ob hanc filius Dei fieret homo, tantæque pateretur:* ergo. *Resp. Ad 1<sup>um</sup> Neg. Ant.* *Ad ejus probat.* explico textum S. Cyrilli: Et ille vult, quod remedium peccatorum personalium fuerit finis secundarius Incarnationis, *Conced.* Quod fuerit finis primarius, *Neg. Textum.* Finis enim primarius Incarnationis decernendæ, fuit remedium peccati originalis; secundarius autem, etiam peccatorum personalium. *Ad 2<sup>dum</sup> Diss. Ant.* Ità dilexit singulos homines, ut fuerit paratus iterum pro singulis pati, affectu conditionatò, si nempe ita Deus ordinasset, *Conced.* Affectu absolutò, *Neg. Ant. & Conseq.* Illud enim verbum, *Paratus,* non probat, quod Christus vi præsentis decreti venisset, existente etiam unicissimò peccatò personali, sed solummodò indicat Christi promptitudinem, quâ, si necesse foret, & Deus vellet, quod voluntas humana Christi parata fuerit iterum pati, nè alij homines peccarent. Et hoc modò explicandus est textus S. Dionysij. *Ad 3<sup>tium</sup> simililiter Diss. Ant.* Ità dilexit singulos affectu conditionatò, si nempe opus foret, & Deus ordinaret, quod propter quemlibet seorsim veniret, *Conced.* Dilexit singulos affectu absolutò, *Neg. Ant.* *Ad Probationem dico:* Quòd S. Chrysostomus nihil aliud velit, quàm, quòd defa-  
ad

Et Christus venerit & passus sit, non tantum propter originale, sed etiam propter personale peccatum cuiusvis hominis, licet non propter solum aut unice, propter unicum hominem; unde cum satisfactio Christi, utpote infinita, ita profuerit singulis, acsi nulli alteri profuisset, merito quilibet ita aestimare debet redemptionis beneficium, acsi sibi soli fuisset impensum.

*Objicies 15to.* Modus, & circumstantiæ, quibus Incarnatio posita est in executione, fuerunt determinatæ ex vi præsentis decreti, quod Deus ordinavit Christum in remedium peccati; atqui non existentibus peccatis personalibus & actualibus, Incarnatio poneretur in executione cum diverso modo & circumstantiis, quam defacto posita est: ergo necessarium esset diversum decretum: ergo deficientibus peccatis personalibus & actualibus, non veniret Christus vi præsentis decreti. *Resp.* Cum Salmanticens. *Tract. 21. de Incarnat. Diss. 2. dub. 3. §. 3. Trans. Maj. Et Min. Diss. 1um Conseq.* Necessarium esset novum decretum quoad modum terminationis, aut quantum ad aliquam extensionem, vel carentiam extensionis, *Conced.* Necessarium esset novum decretum quoad substantiam, & quantum ad objectum, seu motivum primarium adæquatum, *Neg. Conf.* Similiter *Diss. 2dum Conseq. & Neg. Conseq.* Licet enim tale decretum non maneret idem terminativè, & subiret aliquam variationem in ordine ad objecta secundaria; maneret tamen idem quoad substantiam, nullamque subiret variationem in ordine ad objectum primarium & motivum; cum ergo objectum primarium & motivum decreti circa Incarnationem, fuerit liberatio generis humani à peccato originali; & tale objectum salvaretur, etiam si deficerent peccata personalia; ideo Christus venisset vi ejusdem decreti quoad substantiam considerati.



## THESIS II.

*Licet (imò.) omnis gratia Angelis, & proto-parentibus nostris, etiam ante lapsum, aliisque hominibus collata, fuerit ex meritis Christi absolutè prævisis, ut docet Suarez hic Disp. 42. Sect. 1. Godoy. q. 24. De prædestinatione Christi. Tract. 14. Disp. 57. §. 2. Gonet Disp. 21. a. 7. §. 1. Cardinalis de Lugo saltèm aliqua ex parte Disp. 27. Sect. 3. Amicus Disp. 26. de merito Christi. Sect. 12. & 13. Leonardus Penafiel Disp. 17. de Incarnatione. Sect. 3. Et Alij. Tamen (2dd.) non meruit sibi defactò unionem hypostaticam, & substantiam Incarnationis. Neque absolutè mereri potuit, prout hæc, hic & nunc prædestinata, decreta, & facta est. Ità S. Thomas 3. p. q. 2. a. 11. Quem sequuntur unanimiter Thomistæ, ut testantur Salmanticensis Tract. 21. de Incarnat. Disp. 7. dub. 2. §. 2. Et alij omnes Scholastici, cum Magistro sententiarum in 3. Disp. 18. Præsertim quoad primam partem, quam etiam multi Theologi dicunt esse de fide.*

1. **P**robatur prima pars Thesis. imò. Ex eo : quòd omnis gratia Angelis, & proto-parentibus nostris etiam ante lapsum, aliisque hominibus collata fuerit ex meritis Christi, absolutè prævisis. Unde sic : Ad Ephesios 1. v. 10. habetur : *Proposuit omnia instaurare in Christo, que in cælis, & que in terra sunt.* Item, ad Colossenses 1. v. 19. *In ipsa complacuit omnem plenitudinem*

dinem inhabitare. Et v. 20. Per eum reconciliare omnia in ipsum, pacificans per sanguinem crucis ejus, sive quæ in terris, sive quæ in cælis sunt: ergo.

Probatur 2dò. Authoritate S. Gregorij, qui lib. 1. 2. Registr. cap. 2. ità inquit: Non est alius extra te, subauditur sanctus, quia nullus hominum neque Angelorum Sanctus est, nisi per Christum. Et infra dicit, tam Angelos, quàm homines esse sanctificatos in Filio. Rem verò magis declarans addit: Et quia Unigenitus Dei, Deus est, extra eum non est aliquis, quia nemo electorum, nisi in ipso est, quod sic refertur ad divinitatem ejus, ut nequaquam intellectum humanitatis evacuet. Ubi aperte S. Gregorius loquitur de omnibus electis hominibus, & Angelis, ut patet ex illa causali, & universalis locutione: Quia Unigenitus Deus est: extra illum non est aliquis, scilicet: neque homo, neque Angelus: ergo.

Dices. S. Gregorius his ultimis verbis, non loquitur de omni sanctificatione, ità, ut etiam Angelos comprehendat, sed tantum de sanctificatione hominum: ergo. 2dò. Potest dici, quòd S. Gregorius loquatur de Christo ut homine, non quidem effectivè moraliter influente, sed objectivè, ut proposito per fidem, ità, ut sensus sit: nullus, nisi in Christo, ut objectivè per fidem cognito, sanctificatur: ergo. Resp. Ad idem cum Godoy q. 24. de prædestinat. Christi. Tract. 14. Diss. 57. §. 2. n. 11. Neg. Ant. Hanc enim interpretationem excludit universalis illa S. Gregorij propositio: Extra eum non est aliquis; quæ non nisi voluntariè ad solos homines detorqueri potest. Ad 2dum Neg. iterum Ant. Quia S. Gregorius loquitur indivisim de sanctificatione hominum, & Angelorum; atqui respectu sanctificationis hominum, intelligitur de influxu morali effectivo: ergo etiam respectu Angelorum.



rum. *Præterea*: Si hæc interpretatio admitteretur, posset etiam hæc de redemptione Christi admitti: quòd *S. scriptura*, & *SS. Patres* loquentes de redemptione hominum, loquantur de redemptione & influxu ejus, in genere causæ finalis, non verò de influxu meritorio; atqui hæc interpretatio est falsa, ut observat *Godoy supra citatus*: ergo, & altera.

4. *Probatur 3<sup>io</sup>. Authorit. S. Thomæ 9. 29. de veritate a. 9. in* ☉ *ita dicentis: Humanitas Christi ex hoc ipso, quòd pre alijs vicinior, & specialius divinitati erat conjuncta, bonitatem divinam excellentius participavit, ex quo idonea fuit, ut non solum gratiam haberet, sed etiam in alios gratiam transfunderet, sicut per corpora magis lucentia, lumen solis ad alia transit. Et quia Christus in omnes creaturas intellectuales effectus gratiæ transfundit, inde est, quòd ille sit principium quodammodo omnis gratiæ secundum humanitatem, sicut Deus est principium omnis esse. Unde, sicut in Deo omnis essendi perfectio adunatur, ita in Christo omnis plenitudo gratiæ, & virtutis invenitur, per quam etiam alios in gratiam potest adducere, & per hoc habet rationem capitis: ergo, juxta Doctorem Angelicum Christus est causa meritoria omnis gratiæ, sicut Deus est universalis causa efficiens omnis entis creati; atqui nullum est ens creatum, in quod non influat Omnipotens Deus: ergo etiam nulla est creatura intellectualis, in quam non influat omnimerens Christus.*

5. *Confirmatur. Eadem Authoritate S. Thomæ, qui lect. 10. ad illa verba Joan. 1. Et de plenitudine ejus nos omnes accepimus: ubi distingens triplicem plenitudinem, nempe: Sufficientiæ, redundantia, & efficacis, primamque aliquibus sanctis concedens, secundam Beatissimæ Virgini, & tertiam humanitati Christi, ita dicit: Ut ergo Evangelista hanc singularem plenitudinem efficiencie*

cientiæ de Christo ostenderet, dicit: de plenitudine ejus omnes accepimus, scilicet: omnes Apostoli, & Patriarchæ, & Propheta, & justî, qui sunt, fuerunt, & erunt, & etiam omnes Angeli. Quæ verba explicari nequeunt de influxu in genere causæ finalis; nam statim Divus Thom. subjungit: *Nota, quod hæc præpositio, de, aliquando quidem denotat efficientiam seu originalem causam, sicut quando dicitur, radius est, vel procedit de sole, & hoc modò denotat in Christo efficientiam gratiæ.* Nec item explicari possunt de influxu gratiæ in Angelos quoad illuminationem, & gaudia accidentalia; nam statim subjungit: *quia plenitudo gratiæ, quæ est in Christo, est causa omnium gratiarum, quæ sunt in omnibus intellectualibus creaturis:* ergo juxta D. Thomam Christus ut homo, non solum illuminationes, & gaudia accidentalia meritoriè influxit in Angelos, sed etiam omnem gratiam auxiliantem, & justificantem.

Dices. Licet his in locis S. Thomas hanc sententiam docuerit, alibi tamen eam retractavit, illiusque mens ex his, quæ in summa docuerat, colligenda est: ergo. *Resp. Neg. Ant.* Quia Discipuli S. Thomæ hæc duo habent principia: *1um est:* Tam diu S. Thomas censetur esse alicujus sententiæ, quamdiu non invenitur, quod illam expressè retractaverit. *2dum est:* Tam diu tenenda sunt verba S. Thomæ, quamdiu ex iisdem non sequitur manifesta contradictio; atqui S. Thomas in summa suæ Theologiæ, hanc sententiam expressè non retractavit; nec ex his, quæ in summa docuit, sequitur manifesta contradictio; cum nullibi docuerit Christum non meruisse Angelis gratiam justificantem: ergo hoc *Antecedens* non est admittendum. *2dò.* Nam ex his, quæ Doctor Angelicus in hac 3. p. docet, potius colligitur influxus meritorius Christi in Angelorum gratiam, quam ne-



gatio talis influxus : ergo sine fundamento contrarium asseritur. *Prob. Ant.* Divus Thom. 3. p. q. 8. postquam a. 1. rationem capitis attribuerat Christo, respectu Ecclesiæ, propter ordinem, eminentiam, & influxum in membra. Et a. 3. docuerat: quod Christus sit caput omnium hominum, & in omnes gratiam influat. Tandem a. 4. docet Christum esse caput Angelorum, & in illos gratiam influere, absque ullalimitatione : ergo D. Thom. sentit, quod Christus non solum in homines, sed etiam in Angelos gratiam iustificantem influat meritorie; aliàs, si oppositum D. Thomas sentiret, diminutè processisset, ut observat *Godoy loc. sup. cit. n. 15.* non explicando differentiam gratiæ respectu hominum, & Angelorum.

7. *Probatur 4to ratione.* Cum Suarez hic *Disp. 42. sect. 1.* Deus prævidit merita Christi prius, quam gratiam, vel gloriam Angelorum, & hominum; juxta ordinem prædestinationis, qui ordo facile colligitur ex *Thesi præcedente*: ergo credendum est, Deum ordinasse Christi merita, ad hunc effectum; quandoquidem ipsa habebant *valorem*, & *condignitatem* ad illum ponendum; & ad honorem Christi pertinebat, ut per merita sua, haberet effectum gratiæ & gloriæ, etiam in Angelis. Denique hoc modò magis ostenditur perfecta ratio justitiæ & misericordiæ, in hoc divino opere, de sanctificatione & gloria Angelorum: ergo.
8. *Probatur 5to.* Cum eodem. Optimus rerum ordo postulat, ut omnia, quæ sunt unius generis, revo-centur in unam causam in illo genere, quantum fieri potest. *Item*, in uno corpore, quò major est connexio omnium membrorum cum capite, eò est constitutio perfectior; atqui Angeli & homines conveniunt in uno genere gratiæ, & sunt membra unius corporis Ecclesiæ, cujus Christus est caput: ergo erit perfectior,

fectior, & convenientior ordo, si totum hoc corpus habeat *unum principium*, & *unum caput*, per cuius influxum, omnia membra vitam, & Spiritualem sensum participant. Quæ ratio fundamentum habet in Apostolo ad *Ephes. 4.* docente: totum Ecclesiæ corpus habere charitatem, & augmentum ejus, ex influxu capitis. Docuerat autem idem Apostolus ibidem *cap. 1. & 2.* Et ad *Colossens. 1. & 2.* Christum non solum *hominum*, sed etiam *Angelorum* esse caput: ergo. Et hæc ratio juvari potest illis principiis metaphysicis: Quidquid est tale per participationem, revocatur ad id, quod est per se tale; atqui Christus solus est per se gratus; Angeli verò, & homines per participationem: ergo Angeli & homines ad Christum revocantur, ut ab illo, & per illum gratiam obtineant. Item, quod est supremum in aliquo genere, est causa cæterorum in eodem genere ac modo, quò esse potest; atqui Christus est supremus in genere gratiæ: ergo est causa gratiæ Angelorum & hominum, & quidem *finalis, exemplaris, & meritoria*; omnibus enim his modis esse potest: ergo. Suarez *loc. sup. cit.*

*Confirmatur, & declarantur dicta.* Christus est caput omnium Angelorum, & hominum, juxta illud ad *Ephes. 1. v. 22.* *Ipsam dedit caput super omnem Ecclesiam*; atqui caput influit in sua membra: ergo etiam Christus; atqui non aliter, quàm merendo illis gratiam: ergo Christus Angelis & hominibus, tanquam suis membris, meritus est gratiam. Hinc S. Gregorius *supr. cit. in lib. 1. Regum, cap. 1.* ait: Nullus hominum, neque Angelorum, sanctus est, nisi per Christum: ergo &c.

*Probatur 6to.* Ex eo: quòd Christus meruerit Adamo *10.* gratiam, adhuc in statu innocentie existenti. Jam sic: Merita



Merita Adami in statu innocentiae posita, & per peccatum mortificata, postea verò vivificata, habent præmium gloriæ, & quidem in eodem gradu, quem haberent, si mortificata non fuissent; atqui Adamus nullum habet gradum gloriæ, nisi ex meritis Christi: ergo ille gradus gloriæ, est ex meritis Christi: ergo etiam merita: ergo & gratia, utpote principium talium meritorum.

11. *Probatur 7<sup>im</sup>o.* Adam ante peccatum habuit revelationem Christi venturi, ut docet *S. Thom. 3. p. q. 1. a. 3. ad 5.* Et, ut docet communis sententia Theologorum, habuit etiam fidem Christi venturi, ut docet idem *S. Thom. locò cit.* Et 2. 2. q. 2. a. 7. Et ex Patribus docuerunt. Tertullianus *lib. de anima cap. 11.* Et 12. Et *lib. 3. contra Marcionem.* S. Hieronymus *in cap. 5. ad Ephes.* S. Augustinus *lib. 9. de Genesi ad litteram.* Et alij; atqui omnis fides Christi venturi, est ex meritis Christi: ergo etiam gratia.
12. *Probatur 8<sup>vo</sup>.* Cum Amico *hic Disp. 26. de merito Christi. sect. 12. n. 316.* Ex eò: quòd Christus omnes gratias meruerit hominibus lapsis. Unde sic: Christus fuit perfectus Reparator generis humani: ergo non plùs nobis abstulit Adam suò demeritò, quàm contulerit Christus suò meritò; atqui Adam suò demeritò, abstulit nobis cum prima gratia justificante, omnia auxilia supernaturalia, omnemque bonum motum voluntatis, ad æternam vitam nos promoven-tem, ut testatur *Fulgentius lib. 1. de Incarnat. cap. 12.* ergo Christus suò meritò, hæc omnia nobis restituit, & omnes gratias nobis hominibus lapsis meruit; ut patet ex Concilio Milevitano, Arausicano 2. & Tridentino, totà sess. 6.
13. *Probatur 9<sup>no</sup>.* Cum eodem Amico *cit. Disp. 26. sect. 13. n. 358.* Ex eo: quòd Christus non solùm illumina-

tiones

*ationes internas Angelis meruerit, sed etiam gratias.* Jam sic: Hæc prærogativa facit ad majorem Christi dignitatem, & melius salvat ea, quæ de Christo fides docet; nam major dignitas Christi est, habere Angelos sibi subiectos, non solum per influxum interioris illuminationis, & gaudij accidentalis, (ut aliqui volunt,) sed etiam gratiæ sanctificantis, & præmij essentialis: & Christus dicitur in omnibus primatum tenere: ad *Colossens. 1. Primogenitus omnis creaturæ.* Ibidem: *Caput Ecclesiæ.* Et: *Caput omnis principatus, & potestatis,* ad *Epbes. 5. ad Colossens. 2.* Atqui hæc melius salvantur, si ponatur, & dicatur Christus, non tantum esse causa meritoria interi oris illuminationis, & gaudij accidentalis respectu Angelorum, sed etiam gratiæ & præmij essentialis: ergo hoc tenendum est.

*Probatur 1o. cùm Gonet. Christus nihil influit* 14.  
in homines, nisi quod illis meruit; atqui omnia dona supernaturalia, quæ sunt in hominibus, sunt ex ipsius Christi influxu: ergo nobis per ejus merita conferuntur. *Major patet;* nam Christi efficientia in homines non plus se extendit, quam ejus meritum; imò per suum meritum habet, quòd in homines influat. *Probatur itaque Min.* Sic gratia fuit in Christo, sicut in universali principio in genere habentium gratiam; Christus enim propter immediatam unionem humanitatis ad Verbum, debebat habere ipsam gratiam in perfectissimo gradu, & quia erat Redemptor & sanctificator hominum, oportebat, ut haberet gratiam in alios redundantem, quod est illam habere per modum principij in genere habentium gratiam; atqui virtus primi principij alicujus generis, universaliter se extendit ad omnes effectus illius generis, ut patet in sole, cujus virtus



tus ad omnes rerum inferiorum generationes se extendit, quia est causa universalis generationis: ergo omnia bona supernaturalia, quæ sunt in nobis, ex Christi influxu procedunt. Unde præclare S. Bernardus *serm. 13. in Cantica* ita dicit: *Quidquid Sapientie, quidquid virtutis habere confidis Dei virtuti, Dei Sapientie, deputa Christo.* Et ante initium sermonis dixerat: *Origo fontium & fluminum mare est, virtutum & scientiarum, Dominus JESUS CHRISTUS: ergo.*

15. *Probatur 11mò.* Cum eodem. Christus quoad influxum supernaturalem, quem in nos habet, comparatur capiti & viti; unde Concilium Tridentinum *sess. 6. de Justificat. cap. 16.* ita ait: *Christus JESUS tanquam caput in membra, & tanquam vitis in palmites, in ipsos justificatos jugiter virtutem insluit.* &c. Atqui palmes nihil habet, nisi dependenter à vite; & membra corporis humani, in omnibus suis motibus, & operationibus vitalibus, à directione & influxu capitis dependent: ergo pariter, nihil boni supernaturalis est in nobis, nisi dependenter à Christo, & ejus influxu.

16. *Probatur 12mò.* cum Godoy *q. 14. de prædestinatione Christi. Tract. 14. Diss. 57. §. 2. n. 26.* Attribuendum est Christo quidquid excellentiæ, dignitatis, & influxus est, nisi vel in se repugnet, vel oppositum sit revelatum; atqui Christum non meruisse Angelis & hominibus gratiam, non est revelatum in scriptura, nec ex revelatis efficaciter colligitur: ergo non est asserendum, Christum non omnes gratias Angelis, & hominibus meruisse; sed contrarium, videlicet: meruisse. Unde Ecclesia in collectis sive petat gratiam, sive auxilia supernaturalia, sive bona temporalia, ut ad salutem æternam conducant,

ducunt  
SUM  
merit  
Pro  
potui  
tende  
tifica  
quæ p  
cation  
nulla  
bona  
collig  
Christ  
ctio  
nia e  
ac de  
glori  
lis &  
que,  
supp  
& D  
stum  
ex n  
P  
non  
ria  
fet  
tiam  
sten  
exst  
ope  
nita  
nen  
flu

ducunt, concludit semper: *Per Dominum nostrum JESUM Christum &c.* ut significet, hæc omnia nobis ex meritis Christi donari.

*Probatur 1<sup>us</sup> id.* Christi meritum utpote infinitum, 17. potuit ad omnia bona, & dona supernaturalia se extendere, &, cum Christus sit Redemptor, & sanctificator hominum, congruum fuit, ut ad omnia, quæ pertinent ad ordinem redemptionis & sanctificationis, merita sua dirigeret, & ordinaret: ergo nulla ratione videtur negandum, Christum omnia bona & dona supernaturalia nobis meruisse. Ex his colligere licet cum *Suarez hic Disp. 42. sect. 1.* Quod Christus meruerit Angelis sanctis & hominibus electionem, prædestinationem, vocationem, auxilia omnia excitantia, adjuvantia, sufficientia, & efficacia; ac denique omne meritum, & augmentum gratiæ, & gloriæ. Quæ omnia æqualiter procedunt de Angelis & hominibus; est etenim eadem ratio de utrisque, supposito modò prædestinationis Christi, & supposito etiam illò principiò, quod gratia Christi, & Dei eadem sit; quia omnis gratia Dei per Christum communicatur, adeoque quidquid habemus, ex meritis Christi habemus.

*Probatur 2<sup>a</sup> pars Thesis 1<sup>us</sup> id.* Ex eo: quod Christus 18. non meruerit sibi defacto unionem hypostaticam, per merita tempore antecedentia. Unde sic: Si Christus fuisset sibi meritis unionem hypostaticam, & substantiam Incarnationis, per merita prius tempore existentia, debuisset humanitas Christi prius tempore existisse ante unionem cum Verbo, & sic elicuisse opera unionis hypostaticæ meritoria; atqui humanitas non existit defacto prius tempore, ante unionem cum Verbo, ut fides docet; nam affirmare Christum per aliquod tempus ante unionem cum Verbo fuisse



fuisse purum hominem, & in eo statu defacto meruisse humanitati unionem cum Verbo, fuit hæresis Nestorij, & Photini, teste *Gonet hic Diss. 7. a. 2. §. 1.* Et propterea S. Gregorius *lib. 9. Registr. Epist. 61.* tradens Hibernis Episcopis professionem fidei, quam docendi essent emitte, qui è Nestorianismo ad Ecclesiam regrediebantur, inter alia præscribit: ut doceantur, Christum, à primo momento conditionis sue, fuisse Deum: ergo. Hunc errorem varijs in locis egregie confutat S. August. præsertim *lib. de corrept. & gratia. cap. 11.* Ubi hæc scribit: *Deus naturam nostram, id est: animam rationalem, carnemque hominis Christi, suscepit susceptione singulariter mirabili, vel mirabiliter singulari, ut nullius iustitiæ sue præcedentibus meritis Filius Dei sic esset ab initio, quod esse homo cepisset, ut ipse & Verbum, quod sine initio est, una persona esset.* Ergo humanitas Christi non meruit sibi defacto unionem ad Verbum, per opera tempore antecedentia. Hanc sententiam *Medina 3. p. q. 2. a. 11.* apud Amicum ad fidem pertinere censet. *Vasquez 3. p. Diss. 21. cap. 1.* oppositam temerariam esse, & erroneam iudicat. *Amicus hic Diss. 26. sect. 7. n. 107.* implicite in Concilij definitam asserit contra Origenem, & alios hæreticos dicentes: humanitatem Christi prius tempore existisse, (*ut superius insinuatum est,*) quàm fuerit unita Verbo; adeoque natura humana Christi, non existit prius tempore, ante unionem hypostaticam: ergo nec sibi eandem Christus meruit, prout hæc defacto prædestinata, & facta est.

¶ 9. *Dictum est:* Prout hæc defacto prædestinata, & facta est; quia de possibili, & alio decretorum ordine, potuisset humanitas Christi prius tempore existere, & subsistere subsistentiâ propriâ; & sic subsistens, potuisset elicere actus supernaturales, de congruo

gruo meritorios unionis hypostaticæ : ergo saltèm de congruo potuisset illam mereri, quod ùt probabilius judicat, *Leonardus Penafiel hic Diss. 7. Sect. 1. n. 1.* Et communiter fatentur Theologi. Nihilominùs humanitas Christi, non potuisset illam mereri de condigno. *Ratio est* : quia ad meritum de condigno requiritur æqualitas cum præmio ; atqui meritum humanitatis, non fuisset æquale cum unione hypostatica : ergo. *Prob. Min.* Meritum illud fuisset simpliciter finitum, unio hypostatica est saltèm in genere moris simpliciter infinita ; adeoque totò genere altior : ergo.

*Probatur 2dò. Ex eò : quòd humanitas Christi non potuerit sibi mereri unionem hypostaticam, per merita naturæ unionem hypostaticam antecedentia.* Jam sic : Si humanitas Christi potuisset sibi mereri unionem hypostaticam, per merita eandem unionem naturæ antecedentia, tunc potuisset sibi illam mereri, vel de congruo, vel de condigno ; atqui nullò hòc modò potuit sibi illam mereri : ergo. *Prob. Min.* Imprimis non de congruo : ergo una pars est vera. *Prob. Ant.* Illud meritum congruum pro priori naturæ ad unionem hypostaticam, vel dignificaretur à Verbo unito, vel à sola gratia habituali ; atqui neutrum potest dici : ergo. *Prob. Min.* Non à Verbo unito ; quia sic unio esset pro priori ad præmium ; per consequens ad se ipsam, adeoque *principium meriti caderet sub meritum*, quod repugnat, ùt infra demonstrabitur. Non etiam à sola gratia habituali. *Tum*, quia sic meritum non esset æquale cum præmio ; nam gratia unionis hypostaticæ, quæ homo fit substantialiter, & personaliter Deus, est longè altioris ordinis, quàm sit gratia habitualis, quæ humanitas accidentaliter participat naturam divinam : ergo illud meritum quæ tale, non esset proportionatum (*quod etiam probat humanitas*).



nitatem non potuisse mereri unionem hypostaticam de condigno,) ad unionem hypostaticam. Tum, quia gratia habitualis data est Christo dependenter ab unionem hypostatica, ut proprietates consequens; adeoque ut quid posterius. Tum, quia hæc gratia data fuisset ex affectu adoptionis, quod implicat; quia adoptio pugnat cum unionem ad Verbum; gratia enim constituit Filium Dei adoptivum; unio autem ad Verbum, Filium naturalem; adeoque nemo respectu ejusdem potest esse filius adoptivus, & naturalis simul; per consequens humanitas Christi non potuit sibi mereri unionem hypostaticam de congruo, per merita eandem unionem naturam antecedentia. Atqui etiam non potuit sibi illam mereri de condigno, per eadem opera naturam antecedentia: ergo. *Prob. subsumpt.* Humanitas non potest operari, adeoque nec mereri, nisi sit pro priori naturæ substantialiter completa seu subsistens; cum subsistentia, licet non sit virtus agendi, sit tamen complementum substantiale, ita quidem, ut repugnet existere humanitatem sine omni subsistentia, tum creata, tum increata, & tamen operari; atqui humanitas pro priori naturæ ante unionem hypostaticam, non est substantialiter completa, seu subsistens: ergo pro priori naturæ ad unionem hypostaticam, non potest operari, adeoque nec mereri de condigno. *Prob. Min.* Ante unionem hypostaticam non potest esse suppositum divinum; nam humanitas non sit suppositum divinum per identitatem, sed per unionem. Neque etiam pro illo priori naturæ potest intelligi creata subsistentia; quia, quidquid est pro illo priori naturæ, est pro toto instanti reali: ergo pro toto instanti reali esset simul cum subsistentia Verbi, subsistentia creata, quod est Nestorianum: ergo.

*Dices.* Licet humanitas non possit naturaliter existere sine omni substantia, & tamen operari, potest tamen hoc fieri divinitus: ergo potuit divinitus humanitas Christi pro priori naturæ ad unionem hypostaticam existere & mereri. *Resp. Neg. Ant.* Patet enim hoc ex duobus receptissimis axiomatibus: *Actiones sunt suppositarum*, id est: nulla natura potest operari, nisi prius subsistat. *Item, Modus operandi sequitur modum essendi*, id est: prius est esse, quam operari. Unde sic argumentamur. Nemo dat, quod non habet. Et, prius est habere, quam dare, ut per se notum est; atqui esse, est aliquomodo habere id, quod datur, seu quod producitur: ergo prius est esse, quam producere, & operari: ergo *modus operandi sequitur modum essendi*; atqui modus operandi substantiæ, non potest, non esse determinatus: ergo esse substantiæ, debet pro priori esse determinatum; atqui non esset pro priori determinatum, nisi pro priori haberet substantiam, quæ est modus valde *intrinsecum* substantiæ creatæ, eam terminans, & determinans substantialiter; *terminans* quidem, quia sistens & reddens incommunicabilem, nè in ratione incommunicabilitatis sit infinita; *determinans* verò, quia tollens *indifferentiam intrinsecam* ad subsistendum hæc, vel illâ numero substantiæ creatæ, item creatæ, vel increatæ: ergo substantia debet pro priori naturæ habere substantiam: ergo operatio est posterior supposito: ergo *actiones sunt suppositarum*; per consequens verum est, quod humanitas non possit operari, nisi sit pro priori naturæ substantialiter completa, & subsistens.

*Probatur 3<sup>io</sup>.* Humanitas, utpote substantia, in suo conceptu objectivo ac essentiali, est *ens per se subsistens*; adeoque dicens essentialem ordinem ad aliam



quam subsistentiam; *operatio* autem *substantiæ im-*  
*manens*, & *meritum*, item *gratia* sive habitualis, sive  
actualis, est accidens, & qualitas; imò etiam in pro-  
babiliiori sententia Philosophica, ipsa *voluntas crea-*  
*ta*; atqui substantia, & illius conceptus essentialis, ac  
objectivus, est, & intelligitur pro priori naturæ ad  
accidens, quod est *entis per se, ens*: ergo pro priori  
naturæ est, & intelligitur substantia humanitatis, ali-  
quâ subsistentiâ subsistens, quàm sit, & intelligatur  
*voluntas, gratia, operatio & meritum*: ergo omne meri-  
tum humanitatis, est posterius subsistentiâ: ergo in hu-  
manitate Christi, nullum potest esse meritum pro priori  
ad unionem hypostaticam; per consequens humanitas  
Christi, non potuit sibi mereri unionem hypostaticam,  
per merita, eandem unionem naturâ antecedentia.

23. *Probatur 4to.* Si humanitas Christi in illo priori  
naturæ potuisset elicere aliquam operationem inde-  
pendentem à subsistentia Verbi, & unione, potuif-  
set pro eodem rationis signo peccare; atqui hæc seque-  
la est inconveniens: ergo. *Prob. sequel. Maj.* Ratio  
impeccabilitatis in Christo, est *Persona divina*, ut di-  
cetur *Thesi 10.* quæ nequit intelligi unita ante unio-  
nem; imò etiam juxta Adversarios non intelligitur  
in illo priori: ergo nihil est, quod in illo priori huma-  
nitatem reddat impeccabilem: ergo, si humanitas in  
illo priori naturæ, potuisset elicere aliquam opera-  
tionem independentem à subsistentia Verbi, & unio-  
ne, potuisset pro eodem signo rationis peccare.

24. *Probatur 5to.* Cum Gonet hic *Disp. 7. a. 2. §. 1. n. 19.*  
Et stringuntur argumenta superius allata. Omne  
meritum in aliqua operatione fundatur; atqui nulla  
operatio fuit, vel esse potuit in Christi humanitate  
priùs naturâ, quàm esset assumpta à Verbo: ergo  
neque ullum meritum. *Prob. Min.* Nulla operatio  
fuit,

fuit, nec esse potuit in Christi humanitate prius naturâ, quàm esset subsistens, cum *actiones sint suppositorum*, ut tradit Philosophus 1. metaph. cap. 1. Damascenus lib. 3. de fide. cap. 15. Et S. Thom. q. 19. a. 1. ad 3. & 4. atqui humanitas Christi per assumptionem ad Verbum divinum effecta est subsistens: ergo.

*Confirmatur.* Ad meritum sive de condigno, sive de 28. congruo, requiritur sanctitas operantis; atqui humanitas Christi prius naturâ, quàm uniretur Verbo, caruit sanctitate tam *substantiali*, quàm *accidentali*, utraque etenim hæc gratia derivata est à Verbo: ergo humanitas priusquàm unita fuisset Verbo, & fuisset subsistens, non meruit, neque mereri potuit unionem hypostaticam; per consequens non potuit illam mereri, per opera unionem naturâ antecedentia.

*Probatur 6<sup>to</sup>.* Ex eo: quod non potuerit sibi Christus 26. mereri unionem hypostaticam, & substantiam Incarnationis per opera eandem unionem concomitantia, vel subsequencia. Unde sic: si Christus, vel humanitas ejus potuisset sibi mereri unionem hypostaticam, tunc potuisset illam mereri saltèm per opera concomitantia, vel subsequencia, ità, ut illa opera fuissent meritum inductivum ejusdem unionis; atqui illam hõc modò non potuit mereri: ergo. *Prob. Min.* Imprimis non potuit illam mereri hõc modò per opera concomitantia, ità, ut illa opera fuissent meritum inductivum ejusdem unionis: ergo. *Prob. Ant.* Meritum inductivum est causa præmij; atqui opera concomitantia, non possunt esse causa præmij, seu esse pro priori, sic enim essent antecedentia, & non *pars concomitantia*: ergo. Atqui etiam non potuit illam mereri per opera subsequencia: ergo. *Prob. subsumpt.* Principium meriti, ex dictis, non cadit sub meritum, hoc est: principium meriti non potest esse præmij



ejusdem meriti; atqui unio hypostatica in Christo est principium omnis meriti; Verbum enim ut unitum humanitati, dignificat formaliter omnes actiones meritorias Christi: ergo unio hypostatica non potest cadere sub meritum inductivum, cujuscunque operis subsequens.

27. *Probatur 7<sup>mo</sup>.* Meritum se habet ad præmium, vel, sicut *medium* ad finem, vel, sicut *dispositio* ad formam, vel, sicut *causa efficiens* ad suum effectum; atqui implicat, medium esse posterius fine, & dispositionem formâ ad quam disponit, aut causam esse posterio-riore suo effectu: ergo etiam implicat meritum esse posterius suo præmio: ergo meritum inductivum non potest esse posterius unione, quæ est præmium.

28. *Probatur 8<sup>vo</sup>.* Cum Godoy hic *Disp.* 50. §. 2. n. 13. Implicat inter duo, mutua causalitas in eodem genere causæ; atqui, si Christus per opera subsequen-*tia* suam Incarnationem, præsertim de *condigno* mereretur, inter Incarnationem, & merita, intercederet mutua causalitas in eodem genere causæ: ergo implicat, Incarnationem cadere sub meritum operum procedentium ab ipsa. *Major est communis sententia Philosophorum*; tamen admittant mutuam inter duo causalitatem in diverso genere causæ, in eodem tamen causæ genere, non posse duo se invicem causare, fatentur. *Prob. itaque Min.* Nam meritum est causa præmij in genere causæ efficientis, Incarnatio etiam ad operationes Christi efficienter comparatur. *Tum*, quia Verbum humanitati unitum efficienter influit in ejus operationes. *Tum* etiam, quia humanitas non efficit proprias operationes, nisi ut unita Verbo, in qua unione sita est Incarnationis essentia: ergo, si Incarnatio esset præmium operum proceden-  
tium

tium ab ipsa, daretur inter Incarnationem & merita, mutua causalitas in eodem genere causæ efficientis.

*Probatur 9<sup>mo</sup>.* Si opera subsequencia Incarnationem, 29. possent illam mereri, sequeretur, quòd possent se ipsa efficienter causare; atqui hoc implicat: ergo. *Min. constat:* nam causa nihil aliud est quàm principium, insuens esse in aliud esse dependens; adeoque ad causam (præferim efficientem,) consequitur aliud esse: ergo inter causam & effectum, ut observant *Salmanticensis Tract. 21. hinc. Diss. 7. dub. 2. §. 2.* intervenit dependentia vera & realis distinctio: ergo implicat idem esse causam sui ipsius. *Prob. itaque sequel. Maj. Quòd est causa causæ, est etiam causa causari,* juxta commune axioma; atqui merita subsequencia causarent Incarnationem, quæ est principium, & causa meritorum: ergo etiam causarent se ipsa.

*Probatur 10<sup>mo</sup>.* Cum eodem *Godoy loc. sup. cit. §. 30. 2. n. 17.* Meritum non potest essentialiter connecti cum præmio, nec illud ab *intrinseco* inferre; atqui opera supponentia Incarnationem, secundum quod sunt valorata valore cum Incarnatione exequendo, ut illam de condigno mereantur, essentialiter cum Incarnatione connectuntur, illamque essentialiter inferunt illatione à posteriori: ergo non possunt Incarnationem de condigno mereri, meritò inductivò Incarnationis, tanquam præmij. *Prob. Maj. 1<sup>mo</sup>.* Actio voluntatis non potest meritorie in impulsu ipsam terminantem influere, quia essentialiter cum impulsu connectitur, illumque infallibiliter infert: ergo repugnat meritò essentialis connexio cum præmio. 2<sup>do</sup>. Nam, cum præmiare sit actus justitiæ, de cujus ratione est *libertas*, ideo præmium petit, libere à præmiante concedi, præsupposito merito; atqui si meritum essentialiter



sentialem connectatur cum præmio, non erit in libera potestate præmiantis, impendere præmium merito præsupposito: ergo inter meritum & præmium, nequit esse *essentialis connexio*: ergo Christi humanitas, non potuit sibi mereri unionem hypostaticam, per opera subsequencia, ita, ut illa opera fuissent meritum inductivum, ejusdem unionis hypostaticæ, tanquam præmij.

§ I. *Dictum est*: quod unio hypostatica non possit cadere sub *meritum inductivum*; meritum enim apud Theologos aliud est *inductivum* & *causativum*, seu ut alij volunt *attractivum* præmij, quod datur in retributionem meriti jam existentis aut in se, aut saltem in absoluta prævisione præmiantis. Aliud est *compensativum* beneficij jam accepti, quod pacto per actus gratitudinis dicimur compensare beneficia prius accepta, & ea quodammodo dicimur demereri, non quidem hoc sensu, quod dicimur peccatò demereri gratiam, expellendo ipsam, sed eò sensu, quod talibus actibus expungamus beneficium, & incipiamus rem possidere quasi ex iustitia, quod ante exhibitam gratitudinem possidebamus præcisè titulò gratuitæ donationis. *Dictum est inquam*: quod unio hypostatica non possit cadere sub *meritum inductivum*: quia, quin possit cadere sub *meritum compensativum*, paulò ante explicatum; non dubitatur apud Theologos; nihil enim videtur ob stare, quod minùs Christus per obsequia gratitudinis potuerit demereri, seu condignè compensare unionem hypostaticam, tanquam beneficium sibi prius gratiosè collatum: ergo.

S. I.

*Solvuntur objectiones contra primam partem Thësis, quæ dicit: quòd omnis gratia Angelis, & proto-parentibus nostris, etiam ante lapsum, aliisque hominibus, collata fuerit ex meritis Christi.*

**O**bjicies primò. Ex eo: quòd Angelis non videatur 32. fuisse collata gratia ex meritis Christi. Unde sic: *Matth. 18. & Lucæ 15.* adducit Christus in parabola pastorem, qui relictis nonaginta novem ovibus in deserto, abiit, ut quæreretur unam solam, quæ perierat. Quam parabolam S. Ambros. lib. 7. in *Lucam cap. de ove centesima.* S. Greg. Homil. 39. in *Evangel. V. Beda, S. Anselmus, & Theophylactus* sic explicant: Ut per pastorem intelligatur Christus, per oves relictas, Angeli, per ovem quæsitam, homo, qui in paradiso peccaverat. Atqui, si Christus meruisset Angelis gratiam justificantem, & alia dona supernaturalia, non posset dici, quòd illos in cælo reliquerit, ut ovem perditam, nempe hominem, quæreretur; cum etiam propter Angelos justificandos venisset: ergo non videtur Angelis fuisse collata gratia ex meritis Christi. *Resp. 1mò. cum Amico hic Diss. 26. de merito Christi. Sect. 13. n. 369.* Quòd per hanc parabolam Christus ostendere voluerit Pharissæis, potius peccatores ad se recipere, quàm justos; murmurantibus enim scribis, quòd Christus peccatores reciperet, & manducaret cum illis, ait ad illos parabolam istam, dicens: *Quis ex vobis homo, qui habet centum oves, &c.* Cæterum etiamsi per hanc parabolam fateatur Christus, se pro hominibus venisse, non



propterea absolute excludit Angelos, sed tantum dicit. se pro eis non venisse, ut eos quæreretur, ut oves oberrantes, uti venit ad quærendos homines. Sicut, dum *Matth. 9. Marci 2. Lucæ 5. ait: se non venisse propter justos, sed peccatores*; non excludit absolute justos, sed tantum ad hunc effectum, nempe ad pœnitentiam, quâ justî non indigent. *Resp. 2dò. Cum Godoy. hic q. 24. de prædest. Christi. Tract. 14. Disp. 56. §. 3. Admissâ illa explicatione, (quæ literalis non est, sed mystica, ut adversarij fatentur,) Nego Min.* Nam Christus idè dicitur Angelos reliquisse in deserto, ut ovem perditam quæreretur; quia stante moderno decretò de Incarnatione, non venit ad justificandos solos Angelos, sed etiam ad redimendum hominem, cum quo, sicut potest stare meritum illuminationis, & gaudiorum accidentalium, ita & meritum justificationis Angelicæ. Et quidem, ut rectè advertit *Suarez hic Disp. 42. sect. 1.* potiùs ex allegato testimonio, nostra, quàm opposita colligitur sententia, cum in illo Christus non solum hominis, sed etiam Angelorum pastor proponatur, ac proinde omnibus merens. Et quamvis *Vasquez hic Disp. 49. cap. 2.* Christum secundum divinitatem pastorem accipiat, hæc tamen acceptio, nullò solidò nititur fundamento; aliàs etiam posset idem dici de Christo, quando caput Angelorum in scripturis nuncupatur, quò videlicet sit caput secundum divinitatem, non verò secundum humanitatem, quod tamen communiter rejicitur, teste *Godoy loc. sup. cit. ergo.*

33. *Objicies 2dò: Ad Hebr. 2. v. 11. & 12. ita habetur: Qui sanctificat. & qui sanctificantur, ex uno omnes, propter quam causam non confunditur, fratres eos vocare, dicens: nuntiabo nomen tuum fratribus meis. Et paulò infra v. 14. Quia ergo pueri communicaverunt carni & sanguini,*

gvini, & ipse similiter participavit eisdem. Ex quo tale formatur argumentum: omnes sanctificati per Christum, pueri & fratres Christi à S. Paulo appellantur; atqui Angeli nec pueri nec fratres Christi possunt appellari: ergo Angeli non sunt per Christum sanctificati. *Prob. Min.* Illi pueri, & fratres Christi appellantur ab Apostolo, qui cum ipso carni & sanguini communicant; atqui Angeli non communicant carni & sanguini Christi: ergo fratres, & pueri Christi appellari non possunt. *Resp.* cum Godoy q. 24. de *prædestinat. Christi. tract. 14. Disp. 56. §. 3. n. 30.* Explicando textum: Et ibi Apostolus loquitur tantum de sanctificatione redemptiva, & sanativa, *Conced.* Et loquitur de omni sanctificationis modo, *Neg. textum Apostoli.* In illo textu S. Paulus loquitur quidem de omnibus sanctificationis, non tamen de omni sanctificationis modo, sed solummodò de sanctificatione redemptiva, & sanativa, sub qua Angeli non comprehenduntur, qui sine redemptione sanctificati fuerunt. Quòd autem soli homines vocentur pueri, & fratres Christi, hoc non sit idèd, ut observat Suarez hic *Disp. 42. sect. 1.* quòd illi soli per Christum gratiam acceperint, sed quia specialiter modò cum ipso in natura, & origine conveniunt, & singulari modò sunt ab illo sanguine redempti, & sanctificati: ergo.

*Replicabis* cum Vasquez hic *Disp. 49. cap. 2. Si præ- 34.* ter homines, qui sunt fratres Christi, illius sanguini & carni communicantes, etiam Angeli fuissent in Christo, & per Christum sanctificati, licet aliò sanctificationis modò, non omisisset illos S. Paulus. Atqui S. Paulus in illo testimonio allegato, omisit Angelos; ergo sentit, quòd nullus, præter hominem communicantem carni & sanguini Christi, fuerit per  
Chri.



Christum sanctificatus. *Resp. Neg. Maj.* Quia ideo illos omisit, quia totus erat in commendanda Dei, & Christi charitate erga homines, ad quod parum, aut nihil sanctificatio Angelorum conducebat: ergo. *Godoy loc. sup. cit. n. 30.* Alij dicunt: quòd ideo ibi omiserit S. Paulus Angelos, quia primarium motivum mortis Christi, fuit reparatio hominum, non verò Angelorum. Hinc quia sacra scriptura sæpius loquitur, de effectu passionis Christi, per modum redemptionis, & liberationis à peccato, ideo teste *Suarez hic Disp. 42. sect. 1.* etiam frequentius loquitur de illa, in ordine ad homines. Dum verò loquitur de sanctificatione, quæ est per Christum, vel, dum ipsum proponit ut universalem authorem gratiæ, nunquam excludit Angelos: ergo.

35. *Objicies 3id.* S. Paulus ad *Hebr. 2. v. 16.* Ità dicit: *Nusquam Angelos apprehendit, sed semen Abrahæ;* atqui propriè dicitur quis apprehendere eum, quem fugientem insequitur, & tandem assequitur: ergo, cum natura humana, & Angelica ex parte à Deo fugerit; Christus autem non sit insecutus Angelos, sed homines redimendo, ideo debet dici, quòd Angelis non sit meritus gratiam. *Resp. Explicando textum.* Et ille intelligendus est, quòd verbum nunquam naturam Angelicam assumpserit, sed solam humanam, *Conced.* Intelligendus est, quòd nullas gratias Angelis meruerit, *Neg. textum.* Præterea: Illa verba nihil obstant; quia licet Christus non redemerit Angelos, adeoque nec fugientes insecutus fuerit, ut eos apprehenderet, & ad se revocaret; negari tamen non potest, quòd Christus plurima beneficia Angelis conferre potuerit, & defacto contulerit: ergo. *Suarez hic Disp. 42. sect. 1.*

36. *Objicies 4id.* S. Bernardus *sermone feria 4. hebdomada*

*made sanctæ post medium, ita ait: Sicut passio Domini data est, quia alteri dari non potuit, nunquid Angelo? sed ille non eguit. Nunquid Diabolo? Sed ille non resurgit. Denique non in similitudinem Angelorum, sed in similitudinem hominum. Jam tale formatur argumentum: Si Angeli accepissent gratiam justificantem ex meritis Christi, fuissent sanctificati illius sanguine & passione; atqui sanguine & passione Christi non fuerunt sanctificati, ut patet ex verbis S. Bernardi: ergo gratiam sanctificantem non habuerunt ex meritis Christi.*

*Confirmatur. Ex S. August. qui in Enchiridione cap. 37. 61. statuens differentiam inter Ecclesiam, quæ est in SS. Angelis, & quæ est in hominibus, ita inquit: Hæc (scilicet Ecclesia hominum,) sanguine Mediatoris nullum habentis peccatum, redempta est à peccatis, ejusque vox est: Si Deus pro nobis, quis contra nos? Qui Filio proprio non pepercit, sed pro nobis omnibus iradidit illum, non enim pro Angelis mortuus est Christus. Jam sic: secundum S. August. Christus non est mortuus pro Angelis; atqui si illius morte sanctificati fuissent, Christus fuisset mortuus pro illis: ergo Angeli non fuerunt sanctificati sanguine & passione Christi; & per consequens neque gratiam ex meritis Christi habuerunt.*

*Resp. 1mo. Ad Argument. Cum Godoy loc. sup. cit. n. 49. Explicando textum S. Bernardi: Et ille loquitur de Christo ut Redemptore, & gratiam redemptivam & sanativam merente, quâ Angeli sancti non indiguerunt, Conced. Loquitur de Christo ut sanctificatore, & gratiam non sanativam, sed gratificativam, & sanctificativam merente, Neg. textum. Hinc S. Paulus ad Hebr. 10. v. 14. dicit: quod Christus una oblatione consummaverit sanctificatos, id est: oblatione suæ mor-*



mortis, ità ut Angeli & homines participarent mortem Christi, sed aliter & aliter; homines quidem, in quantum sunt morte Christi redempti, Angeli verò, in quantum eadem morte, ut absolute prævisa erant sanctificati. Unde *Godoy loc. sup. cit. n. 48.* ità ait: Nam, ex eo, quòd negetur Christum fuisse pro Angelis mortuum, non sequitur esse negandum, quòd per mortem gratiam Angelis meruerit; sed nullum fundamentum est, ad negandum meritum gratiæ Angelorum, fundatum in passione & morte Christi: ergo id concedendum est. *Resp. 2dò. Negando Maj. argumenti formati.* Quia Christus non solum meruit moriendo, sed etiam per actus charitatis, & aliarum virtutum; ac proinde potuit per prædictos actus Angelis mereri gratiam, quin illam suâ passione meruerit. *Suarez hic Diss. 42 sect. 2.* Utraque hæc solutio sufficienter enervat difficultatem. *Ad Confirm.* similiter explico *textum S. August.* Non est mortuus pro Angelis, ità, ut illos suâ morte redemisset, *Conced.* Ità, ut illos suâ morte sanctificasset, *Neg. textum.* Quod attinet illa verba: *si Deus pro nobis, quis contra nos?* Potest dici, illa esse Ecclesiæ, prout est in hominibus, loquente de Deo, ut per gratiam redemptivam juvante; si verò loquamur de Deo, ut largiente per Christum gratiam non sanativam, sed præcisè gratificativam, tunc possunt adaptari Ecclesiæ, prout est in Angelis. *Godoy loc. sup. cit. n. 49.*

38. *Replicabis.* Christum pro Angelis mori, nihil aliud est, quàm Christum suâ morte mereri; atqui si meruit Angelis gratiam, meritò in morte fundatò, meruit suâ morte pro Angelis; nam mereri suâ morte pro Angelis idem est, quod morte Angelis mereri: ergo, si meruit Angelis gratiam per suam passionem

& mortem, asserendum est, quòd pro Angelis mortuus fuerit. *Resp. Neg. Maj.* Nam Christum pro Angelis mori, nihil aliud est, quàm ad merendum pro Angelis, fuisse ex primaria intentione mortem Christi destinatum; atqui mors Christi ex primaria intentione non fuit destinata pro Angelis: ergo nec fuit mortuus Christus pro iisdem. Licet itaque dicatur, quòd *Christus per suam mortem Angelis meruerit*, non sequitur tamen debere dici: quòd *pro ipsis mortuus fuerit*; sicut, ex eo, quòd dicatur Christum sibi meruisse gloriam corporis & nominis exaltationem, tamen non sequitur, quòd pro se Christus mortuus fuerit, sed pro nobis, & filius Dei descendit de cœlis propter nos, & nostram salutem.

*Urgebis:* Idèò Christus mortuus est pro hominibus, 39. quia ipsis suâ morte & passione est meritus: ergo etiam, si Angelis suâ morte, & passione meritus fuisset, similiter pro ipsis mortuus esset. *Resp. Neg. Ant.* Non enim tantùm ex hac ratione Christus mortuus est pro hominibus, quia ipsis meruit, sed insuper quia primum mortis Christi motivum, fuit homines à peccato redimere; unde Christum mori pro aliquo, denotat præcipuum mortis motivum. Licet itaque Christus suâ morte Angelis gratiam meruerit, quia tamen non fuit præcipuum motivum moriendi, Angelos suâ morte justificare; idèò non est asserendum, Christum pro Angelis, aut propter Angelos mortuum fuisse. *Godoy loc. sup. cit. n. 50.*

*Obijcies* 5tò. S. Thomas in 3. Dist. 13. q. 2. a. 1. 40. *quæstiuncul. 1. in* ☉ docet: Christum secundùm quod est homo, esse caput Angelorum, non tamen ità propriè, nec eòdem modò propriò, sicut hominum: ergo gratia Angelorum non procedit ex meritis Christi. *Resp. Dist. Ant.* Docet Christum non eòdem mo-



ad esse caput Angelorum sicut hominum, ex hac ratione, quod Christus meruerit gratiam Angelis per merita absolutè prævisa, nobis autem hominibus per merita in re posita, *Conced.* Docet ex hac ratione, quod Christus nullò modò illis meruerit gratiam, *Neg. Ant. Illustrissimus & Reverendissimus Godoy hic q. 24. de prædest. Christi. tract. 14. Disput. §7. §. 3. num. 35.* de hoc diverso modo ità discurrit: Meritum potest dupliciter: causare, 1mò. in genere causæ efficientis, quantum ad substantiam & modum, cum scilicet præmium confertur post meritum, ut in re exhibitum antecedenter ad præmium. 2dò. In genere causæ efficientis quoad substantiam, non quoad modum, sed inducendo modum causæ finalis, cum scilicet præmium anticipatè confertur ad meritum, ut exhibitum in re, non tamen ante prævisionem illius; tunc enim quamvis causet efficienter moraliter quoad substantiam, non tamen efficienter moraliter quoad modum, sed potiùs fortitur modum causæ finalis, quia imitatur illam in hoc, quod non præcedat suum effectum in re, sed tantum in præmiantis prævisione. Unde hac distinctione præmissâ, dicit *S. Thomam* solum negâsse, quod Christus Angelis gratiam, & gloriam meruerit, meritò efficienter causante quantum ad substantiam & modum causæ efficientis, scilicet: cum præcedenti merito ad præmium in re, non verò negâsse, quod hæc dona meruerit Angelis meritò causante moraliter efficienter quoad substantiam, cum modo causæ finalis, per præcedentiam solum in mente præmiantis præmiò anticipatè solutò. Ità *Godoy citatus.*

41. *Obijcies 6to:* Si Christus meruisset Angelis gratiam, & gloriam, non fuissent priùs glorificati, quàm Christus, non enim decet, ut priùs coronetur miles, quàm

quàm Dux; atqui sunt priùs glorificati : ergo. *Resp. Neg. seq. Maj.* Ratio est : *imò.* Quia licèt juxta præsentem ordinationem Dei, nullus homo executive sit gloriam consecutus, priusquàm ipse Christus Cælum ascenderet; Angelis tamen, qui erant designati custodes, & directores nostri ad vitam æternam, conveniebat citiùs conferre gloriam, ut efficacius suò munere fungerentur. *2dò.* Quia homines peccando, ut observat *Suarez hïc Diss. 42. sect. 1.* januam Regni cœlestis sibi occluserant, quæ aperta non fuit, donec plenè fuisset pro tota natura, quæ reatum peccati contraxerat, satisfactum; & ideò ante Christi adventum nullus hominum ad illam beatitudinem admittebatur; at verò Angeli nullum sibi posuerunt obstaculum per peccatum, intrandi ad gloriam : ergo.

*Obijcies 7imò.* Merita Christi in carne passibili, *42.* non erant pro Angelis; quia non propter illos, sed propter homines venit in carne passibili; atqui alia merita Christi non erant absolutè futura, nisi in carne passibili : ergo. *Resp. Diss. Maj.* Merita Christi in carne passibili considerata quoad modum passibilitatis, non erant pro Angelis; *Conced.* Considerata secundùm suam substantiam, *Neg. Maj.* Merita Christi applicata Angelis, erant quidem prævisa futura in carne passibili, non dependebant tamen à passibilitate carnis, quia potuissent etiam fieri in carne impassibili.

*Obijcies 8vò.* Non est revelatum, quòd Christus sit *43.* meritis Angelis gratiam : ergo illis eam non meruit. *Resp. imò. Neg. Conseq.* Quia nos non dicimus hoc esse de fide; adeoque stantibus rationibus suprà allatis, possumus hanc sententiam, ut probabiliorẽ defendere. *Resp. 2dò. Diss. Ant.* Non est revelatum explicitè, quòd Christus meritis sit Angelis gratiam,

*Con-*



*Conced.* Non est revelatum implicitè, *Neg. Ant. Et Conseq.* Dicimus itaque, quòd nostra assertio, inferatur per conclusionem Theologicam, ex illo principio revelato: quòd Christus sit supremum caput totius Ecclesiæ, Caput omnis principatûs, & potestatis. Hinc Reverendissimus & Illustrissimus Godoy loc. *sup. cit. n. 26.* ità dicit: Nam, licet in scriptura non exprimatur influxus meritorius Christi in Angelorum gratiam & gloriam, ex illa tamen habetur, quòd fuerit caput Angelorum secundùm humanitatem, juxta frequentiore Theologorum sententiam; & ratio ista capitis melius solvatur, concessò, Christo ut homini, influxu meritorio in gratiam Angelorum & gloriam, quàm illò negatò: ergo, cùm alias concedatur præcedentia meritorum Christi, in divina prævisione, concedi etiam debet in illa dona, meritorius influxus.

44. *Objicies* 9<sup>nd</sup>. Nullum meritum potest inducere præmium pro tempore, ante suam existentiam physicam: ergo neque merita Christi, aliquod præmium possunt inducere, pro tempore ante existentiam physicam Christi, & ejus meritorum. *Resp. Dist. Ant.* Nullum meritum potest inducere præmium ante suam existentiam physicam veram, vel æquivalentem, *Conced.* semper ante veram physicam existentiam, *Neg. Ant.* Merita itaque absolute prævisa pro certa differentia temporis futura, licet non habeant existentiam veram physicam, habent tamen existentiam physicam æquivalentem; adeoque stante tali existentia, potest dari præmium antequam physicè existant à parte rei. Ità Suarez. Alij, ut Coning., Amicus, Palavicinus, Ruiz, & Didacus, negant suppositum, quòd videlicet merita Christi respectu illarum gratiarum Angelis collatarum, fuerint propriè inductiva præmij,

mij, sed solummodò, quòd fuerint compensativa præmij antea collati. *Rationem dant*: quia causa meritoria reducitur ad causam efficientem; causa autem efficiens, non potest producere effectum antequam sit: ergo nec causa meritoria. Verùm, licet possit dici, quòd Christus meritus sit meritò compensativò gratiam Angelis & hominibus, & quòd ad causam veram physicam requiratur, ut sit physicè, antequam producat effectum; non tamen hoc requiritur ad causam physicè æquivalentem, ut docet Suarez: ergo.

*Replicabis*. Non datur præmium propter meritum 45. pure possibile: ergo meritum debet existere physicè. *Resp. Dist. Conseq.* Ergo meritum debet existere physicè, vel verè, vel æquivalenter, *Conced.* semper verè, *Neg. Conseq.* sufficit enim, ut meritum sit absolute futurum, & à Deo ut tale prævideatur, quem hòc modò potest inducere ad conferendum præmium.

*Objicies 1.º* Si causa physica, sit posterior tempore suo effectù, non censetur esse prior naturâ respectu illius: ergo etiam causa moralis meritoria, non censetur esse prior naturâ suo effectù, si sit posterior tempore effectù; atqui Christus fuit posterior tempore gratiâ, & gloriâ Angelis collatâ: ergo. *Resp. Neg. Conseq. Dispar. est*: qui causa physica dat esse physicum immediate per se, & virtute suâ physicâ: ergo debet habere suum esse physicum, seu debet existere illò saltè instanti, quò existit effectus physicus; at verò causa moralis, non dat esse physicum immediate, & per se, sed mediante Deò, quem inducit ad dandum esse physicum: ergo non est necesse, ut causa moralis existat verè physicè.

*Objicies 2.º* Si doceatur, quòd Deus merita absolute prævisa præmiet, multùm favetur errori Semi- 47.



pelagianorum, qui docebant, quòd Deus præmiet merita conditionata, & nunquam absolutè futura: ergo. *Resp. Neg. Ant.* Semipelagiani enim docebant, quòd Deus præmiet merita purè conditionata, & nunquam absolutè exstitura; adeoque quòd det infanti gratiam perveniendi ad baptismum, propter merita, quæ talis infans posuisset, si ad adultam ætatem pervenisset, licèt talia merita nunquam ponet, sed statim post baptismum morietur. Quòd autem alteri non det Deus talem gratiam, sed moriatur ante baptismum, docebant id evenire, propter peccata sub conditione futura. Nos verò hoc non docemus, sed dicimus, quòd Deus det præmium propter merita absolutè prævisa, & futura, & sic æquivalenter physicè existentia, non autem propter merita nunquam exstitura; adeoque non sentimus cum Semipelagianis. Imò cum *Hannoldo*, & alijs multis Theologis potest dici: quòd Deus det præmia anticipata, exstimulantia Christum ad merita absolutè ponenda, per quæ compensentur gratiæ priùs datæ; & sic etiam potest dici, quòd Deus dederit gratias Angelis, propter merita Christi, absolutè prævisa, & futura.

48. *Obijcies 12mò.* Implicat infligi pœnam ante culpam physicè existentem: ergo etiam implicat, conferri præmium ante meritum, nondum physicè existens. *Resp. 1mò. Neg. Conseq. Diss. est:* Quia inflictio & executio pœnæ, est actus iustitiæ vindicativæ, quæ essentialiter præsupponit culpam physicè existentem; at verò non omnis collatio præmij est ex iustitia, sed potest esse actus puræ liberalitatis, inducens in præmiato debitum gratitudinis, ad compensandum præmium liberaliter collatum. *Resp. 2dò. Diss. Conseq.* ergo implicat, conferri præmium ante meritum

nondum verè, nec æquivalenter physicè existens, *Conced.* Nondum existens verè physicè, existens tamen æquivalenter physicè, *Neg. Conseq.* Aut aliter: nondum physicè existens, si à præmiante non prævideatur, quòd tale meritum compensabitur per merita infinita, *Conced.* si prævideatur, *Neg. Conseq.* 310. *Neg. Conseq. Disp. est:* quia Deus respectu meritum Christi censetur suò modò esse debitor; atqui debitor potest prævenire solutionem: ergo etiam Deus potest citiùs dare præmium propter merita Christi absolute prævisa; at verò respectu infligendæ poenæ censetur esse creditor; atqui creditor non potest exigere debitum, nisi sit actu contractum: ergo.

*Obijcies 130. Ex eo: quòd gratia, & dona super- 49 naturalia, non videantur fuisse collata hominibus, in lege veteri existentibus, ex meritis Christi. Unde sic: S. Thom. docet, quòd in lege veteri non fuerit tanta plenitudo gratiæ, sicut in lege nova, sic enim q. 29. de veritat. a. 4. dicit: Dicendum, quòd, quia nondum erat meritum Christi in actu, nec satisfactio ante Incarnationem, idèò non erat tanta gratiæ plenitudo sicut est post; atqui hoc non ex alia ratione, quàm, quia ante mortem Christi nullus ex ejus meritis gratiam participavit: ergo. Resp. Neg. Min. Sed, quia merita illa ante passionem & mortem Christi, necdum erant posita in re, sed tantùm erant absolute prævisa; idèò vi illius prævisionis non contulit Deus hominibus in lege veteri existentibus tantas gratias, quantas contulit hominibus in lege gratiæ existentibus propter merita Christi absolute posita, teste Goudoy loc. sup. cit. Disp. 57. §. 3. n. 38. Rationem subdit: quia non est ità connaturale merito, ut propter solam absolutam prævisionem causet præmium, sicut*



est illi connaturale, ut illud causet propter suam existentiam physicam & in re; unde congruum fuit, ut Deus abundantio rem gratiam statueret, & daret in præmium meriti, & passionis Christi physice, & in re existentis, quàm in præmium meriti, ut futuri. Ita Godoy sup. cit.

50. *Objicies 1410.* Ex eò: quòd nobis hominibus in lege gratia existentibus, non conferatur gratia, & alia dona supernaturalia ex meritis, & passione Christi. Jam sic: Si daretur nobis gratia, & alia dona supernaturalia ex meritis Christi, non darentur nobis gratis, sed ex iustitia; atqui hoc dici non potest: ergo nec illud. *Sequel. Maj.* videtur esse manifesta; quod enim alicui datur titulò meriti, datur per modum præmij, & mercedis; quod verò datur alicui ut merces, non datur gratis, sed debitò iustitiæ, ut patet ex illo ad Roman. 4. v. 4. *Ei autem, qui operatur, merces non imputatur secundum gratiam, sed secundum debitum.* Min. etiam constat ad Roman. 3. v. 24. *Iustificari gratis per gratiam ipsius.* Quibus verbis gratiam iustificantem dari merè gratis, docet Apostolus: ergo. *Confirmatur* Auth. S. August. Qui de prædest. sanct. cap. 15. de fide, quâ Christiani sumus, ait: *Eâ gratiâ ab initio fidei sue, fit homo quicumque Christianus, quâ homo ille ab initio factus est Christus;* atqui ille homo factus est Christus, absque suis meritis, ex sola libera Dei voluntate: ergo etiam nos eadem liberâ voluntate Dei, facti sumus Christiani, idest: credentes in Christum; adeoque gratia, & alia dona supernaturalia, quæ ad iustificationem requiruntur, non dantur nobis juxta S. August. ex meritis Christi.

*Resp. Ad Argument.* Cum Gonet hic Disp. 21. a. 7. §. 2. *Dist. sequel. Maj.* Si daretur nobis gratia, & alia dona supernaturalia ex meritis Christi, non darentur

etur nobis gratis, per respectum ad merita Christi, *Conced.* Comparativè ad nostra merita: *Neg. Maj. Ad Min.* similiter dicendum est: quod loca S. Scripturæ quibus dicitur: *Nos justificari gratis*, intelligenda sint per respectum ad nos, non verò per respectum ad Christum; quamvis enim nullis nostris præcedentibus meritis, gratia justificationis nobis conferatur, tamen hæc collatio fit ex meritis Christi. *Ad Confir.* similiter dico: quòd, dum S. Augustinus ait: quòd illà gratià homo à principio vitæ suæ sit Christianus, quà Dei filius factus est homo; excludat tantum merita nostra, respectu nostræ vocationis, non verò merita Christi; siquidem ibi impugnat Pelagianos, qui docebant, nos posse credere, & justificari ex viribus liberi arbitrij: ergo.

*Obijcies 1<sup>to</sup>.* Apostolus ad Roman. 4. v. 25. 10-11. quens de Christo, ait: *Traditum est* (scilicet: in mortem,) *propter delicta nostra, resurrexit propter justificationem nostram*: ergo justificatio nostra non provenit ex vi mortis Christi, sed ex vi resurrectionis ejus; atqui resurrectio Christi non operatur per modum meriti, sed solum per modum physici instrumenti, cum Christus per mortem suam non meruerit, ut docet S. Thom. hic q. 56. a. 1. ad 3. ubi ita ait: *Resurrectio Christi, non est propriè causa meritoria resurrectionis nostræ, sed est causa efficiens, & exemplaris*: ergo Christus non meruit justificationem nostram. *Resp. Neg. Conseq.* Nam justificatio nostra debet attribui morti Christi, ut causæ meritoria. Quando verò Apostolus ait: quòd Christus resurrexerit propter justificationem nostram, solummodò vult, resurrectionem Christi esse causam exemplarem nostræ resurrectionis. Hinc S. Thom. 3. p. q. 56. a. 1. ad 4. ita dicit: *secundum rationem efficientiæ, quæ dependet ex virtute*



divina, tam mors Christi, quàm etiam resurrectio, est causa tam destructionis mortis, quàm reparationis vitæ: sed secundum rationem exemplaritatis, mors Christi, per quam recessit à vita mortali, est causa destructionis mortis nostræ; resurrectio verò ejus, per quam inchoavit vitam immortalem, est causa reparationis vitæ nostræ; passio verò est insuper causa meritoria: ergo.

52. *Objicies 16to.* Si Christus nobis meruisset nostram prædestinationem, debuisset etiam nobis mereri omnem prædestinationis effectum; atqui hunc nobis non meruit: ergo. *Prob. Min.* Incarnatio fuit primus, & potissimus nostræ prædestinationis effectus; atqui Christus Incarnationem nobis non meruit, cum principium meriti non cadat sub meritum: ergo neque nobis meruit omnem prædestinationis effectum. *Prob. Maj.* Omne, quod cum effectu ad finem nostræ prædestinationis conducit, fuit à Deo ex intentione hujus finis paratum, & consequenter est nostræ prædestinationis effectus; atqui Incarnatio Christi cum effectu ad finem prædestinationis nostræ maximè conducit: ergo fuit à Deo ex hoc fine præparata, & per consequens fuit nostræ prædestinationis effectus. *Resp. Neg. Min. Ad Prob. Neg. Maj. Ad ejus Prob. Dist. Maj.* Omne, quod cum effectu ad finem nostræ prædestinationis conducit, fuit à Deo ex intentione hujus finis paratum, si conducit ad illum ut medium ad finem, *Conced.* Si ad illum conducit ut causa, *Neg. Maj.* Licet autem Incarnatio Christi, ejusque merita ad salutem electorum conducant, non tamen conducunt ut media, sed ut causæ illius, ac finis beatitudinis nostræ; cum Incarnatio & merita Christi, nobiliora sint, ac Deo propinquiora, quàm salus hominum; unde non præparantur à Deo ex intentione, & amore illius; nec per consequens sunt nostræ prædestinationis effectus. *Ex-*

*Explicatur, & magis illustratur hæc solutio: Non omne conducens ad aliud, debet illius amorem supponere, & ex illius intentione imperari, sed tantum illud, quod ut medium assumitur; cum enim medium ratione finis ametur, (sicut conclusio ratione præmissarum cognoscitur,) debet, ut efficaciter eligatur, amorem efficacem finis supponere, & imperari ex illius efficaci intentione; sicut conclusio, quia ratione principiorum cognoscitur, ut certò cognoscatur, debet certam principiorum cognitionem supponere, &, ut evidens sit conclusionis cognitio, præsupponi debet evidens principiorum noticia. Causa verò, etsi in ordine ad effectum ametur, non tamen ratione effectus amatur; & idè illius amorem non supponit, sed infert, unde cum Incarnatio non ordinetur ut medium ad salutem electorum, sed sit illius causa & finis, juxta illud Apostoli 1. ad Corinth. 3. v. 22. & 23. Omnia vestra sunt; vos autem Christi, Christus autem Dei; idè ex illius intentione non fuit à Deo imperata, licet ad salutem hominum, ut ad finem cui, defacto ordinata fuerit.*

*Obicies 17mò. Si Christus omnia dona supernaturalia hominibus meruisset, debuisset etiam ipsis mereri remissionem omnium peccatorum, & pro omnibus satisfacere; atqui non meruit remissionem peccatorum, nec satisfecit pro omnibus: ergo. Prob. Min. Non consequuntur omnes remissionem peccatorum, imò pro iisdem exigitur pœnitentia & satisfactio: ergo. Resp. Dist. Maj. Debuisset etiam ipsis mereri remissionem omnium peccatorum, quoad sufficientiam, Conced. Quoad efficaciam in actu secundo, Neg. Maj. Theologi duplicem distinguunt considerationem meritorum Christi, unam quoad sufficientiam, alteram quoad efficaciam. Dicunt itaque, quòd*



Christus omnibus meruerit remissionem peccatorum quoad sufficientiam, quia pro omnibus obtulit sufficiens meritum, quod esset universalis causa, seu generale pretium, quod omnes uti possent, si vellent, ut à servitute peccati, & potestate Dæmonis liberentur. Non tamen meruit hanc remissionem omnibus quoad efficaciam, quia non applicuit suum meritum, ut omnes infallibiliter talem effectum consequerentur, sed voluit hunc effectum, per ordinata media applicari, mediâ libertate & voluntate humanâ, per quam interdum talis applicatio impeditur. *Suarez hic Diss. 41. sect. 1.*

54. Quod attinet pœnitentiam, & satisfactionem, quæ stante satisfactione superabundante Christi, adhuc à nobis exigitur, dicimus: quod ex hac ratione à nobis exigatur; quia Christus satisfactionem suam *in actu primò* sufficientissimam, pro peccatis nostris obtulit tantum *conditionatè*: Si nimirum impensis operibus nostris satisfactorijs, ejus merita nobis applicuerimus; non autem absolute *in actu secundo*, absque omni nostra cooperatione. Ità omnes Catholici Doctores sentiunt, contra Lutherum, & alios hujus temporis Sectarios, qui satisfactionem Christi pro peccatis hominum præstitam, oblatamque adeò extollunt, ut pœnitentiam & satisfactionem nostram omnino superfluam, inutilem, & Christo injuriosam esse existiment. Fundamentum nostræ assertionis est: *1mo.* Quia Marci 16. v. 16. dicitur: *Qui crediderit, & baptizatus fuerit, salvus erit, qui verò non crediderit, condemnabitur.* Et Lucæ 24. v. 46. *Sic oportebat Christum pati, & resurgere à mortuis tertîa die, & prædicari in nomine ejus pœnitentiam.* Jam sic argumentamur: Licet Christi satisfactio ex se fuerit efficax, & in actu primo sufficientissima, non tamen

*super-*

*superflue, inutiliter, aut injuriose ad salutem obtinendam exigitur à nobis baptisumus, fides ac penitentia: ergo idem dicendum est de alijs bonis, & satisfactorijs operibus nostris, quæ Deus per scripturam sacram etiam à nobis requirit. 2dò. Quia 2. Petri 1. v. 10. habetur: Satagite, ut per bona opera, certam vestram vocationem, & electionem faciatis. Item Matthæi 19. v. 17. Si vis ad vitam ingredi, serva mandata. Et hoc sensu S. Paulus dixit ad Coloss. 1. v. 24. Adimpleo ea, quæ desunt passionum Christi. Item 1. ad Corinth. 9. v. 26. Castigo corpus meum, & in servitutem redigo, nè forte cum alijs predicaverim, ipse reprobus efficiar. Atqui hi textus exigunt ad salutem cooperationem nostram: ergo. 3tid. Quia non derogatur efficaciz, & perfectioni Omnipotentis Dei, quòd ipse causis particularibus & secundis, tribuat virtutem producendi certos effectus, quos sola Dei Omnipotentia, tanquam causa prima ac universalis per se sufficienter producere posset; quia nimirum ejusmodi concausas admittit ex liberalitate, non autem ex virtutis defectu, ac necessitate: ergo etiam non derogatur efficaciz, ac perfectioni meritorum Christi, quòd ipse opera nostra satisfactoria, ad salutem nostram procurandam adhibeat, quam sola Christi satisfactio, tanquam causa meritoria universalis, sufficienter procurare potuisset; quia etiam istiusmodi causas particulares cooperatrices adhibet ex liberalitate, non autem ex defectu virtutis suæ, ac necessitate. Præterea hoc sapientissimè ordinatum est; siquidem nobis subtrahitur occasio, nè desides stertamus, & penes peccata multiplicemus, Christi exemplà ad sanctè vivendum negligamus. &c. Ergo.*



§. II.

*Solvuntur objectiones contra secundam partem Thesis, quæ dicit: quod Christus non meruerit sibi defacto unionem hypostaticam, & substantiam Incarnationis. Neque absolui mereri potuerit, prohi hæc, hic & nunc prædestinata, decreta, & facta est.*

§5. **O**bjicies 1mo. Ex eo: quod Christus videatur sibi defacto meruisse Incarnationem. Unde sic: Psalm. 44. dicitur de Christo: *Dilexisti justitiam, & odisti iniquitatem, propterea unxit te Deus, Deus tuus oleo lætitiæ, præ consortibus tuis; atqui per ly unxit S. Anselmus intelligit unionem hypostaticam; per ly autem propterea intelligit causam meritoriam: ergo Christus meruit sibi defacto Incarnationem, & unionem hypostaticam.* Resp. 1mo. Si per *ly unxit* intelligatur unio hypostatica, tunc *ly propterea* non significat causam meritoriam, sed finalem, ut sensus sit: *ideo unxit te Deus, ut diligeres justitiam, & odiò haberes iniquitatem.* Quæ expositio est S. August. in allatum psalmum, & aliorum SS. Patrum. Resp. 2do. Si per *ly propterea* intelligatur causa meritoria: tunc per unctionem & oleum, non potest intelligi unio hypostatica, sed unctio, & oleum lætitiæ illius, & exultationis, quæ Christus delibutus fuit in resurrectione per gloriam, & exaltationem sui nominis, quam suis meritis obtinuit. Ità S. Athanasius, S. Hieronymus, & alij SS. Patres.

§6. **O**bjicies 2do. Apocalypsis 5. v. 12. dicitur: *Dignus est Agnus, qui occisus est accipere Divinitatem: ergo Christus defacto meruit Incarnationem.* Resp. Explican-

*plicando textum cum D. Thom. Et ille intelligendus est pro manifestatione Divinitatis, in Christo latentis, aut de reunitione totius humanitatis, quæ facta est post occisionem Agni in resurrectione, Conced. Intelligendus est, quodd Christus sibi defacto meruerit substantiam Incarnationis, & unionem hypostaticam, Neg. textum.*

*Objicies 3<sup>id</sup>. Ex eo: quodd videatur potuisse sibi me- 57. veri Christus Incarnationem, per opera eandem Incarnationem naturâ antecedentia. Jam sic: Potuit in natura humana Christi, præcedere gratia habitualis prius naturâ, antequam uniretur Verbo: ergo potuit præcedere aliquod opus meritorium Incarnationis & unionis hypostaticæ. Resp. Neg. Ant. Ratio est: 1<sup>mo</sup>. Quia nulla naturâ potest perfici accidentaliter per gratiam, nisi prius substantialiter compleatur per subsistentiam. 2<sup>do</sup>. Gratia habitualis fuit data Christo, ratione unionis hypostaticæ, tanquam proprietas consequens ad illam, ut superius n. 24. dictum est: ergo gratia habitualis non potest concipi naturâ prior, unione hypostaticâ. 3<sup>id</sup>. Actiones, & operationes sunt suppositorum: ergo non potest natura humana Christi operari, nisi subsistat per subsistentiam Verbi, ut bene observat Sylvester Maurus hic q. 30. n. 7. ergo neque potest mereri Incarnationem, antequam subsistat per subsistentiam Verbi.*

*Replicabis. Saltèm potuit humanitas Christi eodem 58. instanti actum elicere, naturâ priorem ad unionem hypostaticam, quem pro signo posteriori dignificasset Personalitas Verbi: ergo. Prob. Ant. Contritio tali modò elicitur pro signo priori ante gratiam, & deinde pro posteriori dignificatur per gratiam: ergo. Resp. Neg. Ant. Ad Probat. Dist. Ant. Dignificatur pro posteriori per gratiam sanctificantem ad abstinendam*



dam gloriam, *Conced.* Ad obtinendam gratiam sanctificantem, tanquam præmium, *Neg. Ant. & Conseq.* Impossibile enim est, ut contritio dignificetur per gratiam sanctificantem, ad obtinendam gratiam sanctificantem, quia *principium meriti, non potest cadere sub illud meritum, cujus est principium*; atqui gratia sanctificans est principium omnis meriti de condigno, & gratia actualis est principium omnis omnino meriti: ergo.

59. *Obijcies 4to.* Angeli meruerunt gratiam habitua-lem per opera, quæ non præcesserunt illam reali duracione: ergo etiam humanitas Christi potuit sic mereri gratiam unionis, saltèm de potentia absoluta. *Resp. Transf. Ant. Neg. Conseq. Dispar. est:* Quia productio Angeli non habuit necessariam connexionem cum receptione gratiæ: ergo mirum non est, quòd potuerit inter productionem Angeli, & gratiæ receptionem, intercedere meritum de congruo, gratiæ sanctificantis; at verò productio humanitatis, habet necessariam connexionem cum propria, vel aliena subsistentia: ergo. *Mastrius hic Disp. 3. de merito Christi. q. 12. a. 1. n. 439.*

60. *Obijcies 5to.* Humanitas Christi est producta actione ejusdem rationis, cum productione humanitatis nostræ, & prorsus independenter à productione unionis hypostaticæ: ergo in aliquo priori naturæ ad illam, potuit habere operationem ipsius meritoriam. *Resp. Transf. Ant. Neg. Conseq.* Quia, sicut post productionem humanitatis, id, quod statim est, & prius reliquis, est productio seu pullulatio propriæ subsistentiæ (*sive in positivo, sive in negativo consistat,*) ità, ut inter productionem substantiæ, & productionem subsistentiæ, nequeat intelligi actio media, quæ prioritatem naturæ productionem propriæ subsistentiæ præ-

præcedat; sic productio unionis cum Verbo, quod succedit locò propriæ subsistentiæ, ità statim subsequitur ad humanitatis productionem, ut inter ambas, nulla queat intelligi media actio, quæ priorem immediatè sequatur, & alteram præcedat prioritate naturæ. *Scotus in 3. Dist. 2. q. 2. A. & G.*

*Objicies 6id*: Licet humanitati debeatursubsistentia 6r. creata, tamen non debetur ipsi divina: ergo subsistentia divina potuit sinè inconvenienti dari post operationem. *Resp. cum Cardinali de Lugo Disp. 8. sect. 1. Dist. Ant.* Non debetur ipsi divina, & tamen datur pro ea, quæ debetur humanitati, *Conced.* Et non datur pro ea, quæ debetur humanitati, *Neg. Ant. & Conseq.* Licet enim subsistentia divina non debeatursubsistentiæ, datur tamen pro ea, quæ ipsi erat debita; & idè debet dari pro eodem signo, & independenter ab actibus; sicut, licet non debeatursubsistentiæ ulli naturæ optimum temperamentum, sed aliquod, nemo tamen dixerit, quòd Christus se disposuerit per meritum præcedens ad aliquod temperamentum: ergo.

*Objicies 7mò.* Cum Amico hic *Disp. 126. sect. 7. n. 62. 104.* Non minùs natura in operando à parte rei pendet ab aliqua præsentia in loco, & coëxistentia in tempore, quàm ab aliqua subsistentia; atqui potuit hæc Christi humanitas priùs ratione cum principijs ad agendum requisitis, quàm cum aliqua determinata præsentia in loco, aut coëxistentia in tempore à Deo decerni, atque prævideri: ergo etiam potuit hæc eadem humanitas priùs ratione cum suis principijs proximè, & determinatè ad agendum requisitis, decerni; & per consequens prævideri ut operatura, quàm cum aliqua determinata subsistentia subsistens. *Resp. Transf. Maj. Et Min. Neg. Conseq.* Quia, licet præsentia in loco, & coëxistentia in tempore, sint accidentia



dentia necessario connexa cum natura operante, non tamen tribuitur ipsis operatio cum tanta proprietate, ut observat *Mastrius hic Disp. 3. de merito Christi. q. 12. a. 1. n. 439.* cum quanta tribuitur substantiæ; non enim ita proprie dicitur ubicatum operari, vel durans, sicut suppositum; est enim famigeratum dictum: *Actiones sunt suppositorum*; non verò ubicatum, vel duratum; adeoque signum evidens est, quod specialem habeant dependentiam operationes à *suppositio*, quam non habent ab *Ubi, & Duratione*. Et ratio est: quia *substantia* in natura operante, aliquomodo se habet antecederet ad operationem; *ubicatio* autem, & *duratio*, merè concomitanter; adeoque opera provenientia ab humanitate Christi, nullò modo potuerunt prius prævideri, quam prævideretur talis natura ut *subsistens*, vel propria, vel aliena substantiā; ex eo, quod ordo naturæ ad propriam personalitatem, sit ordo *per se*, & *necessarius*, ita, ut statim naturæ insit, quando inesse potest; ordo autem ipsius naturæ ad operationem, sit ordo *per accidens*; ergo.

63. *Obijcies 8vo.* Licet anima rationalis separata, non subsistat per substantiam, tamen potest operari: ergo etiam, licet humanitas Christi non substitisset, tamen potuisset operari. *Resp. Neg. Ant.* Quia, licet anima rationalis separata non habeat substantiam totalem, habet tamen substantiam partialem, sicut & partialem existentiam, ut supponimus ex Philosophia. Præterea: *Mastrius loc. sup. cit. n. 441. Negat Conseq.* & ita discurrit: Ex hoc enim, quod anima separata operari possit, quæ tamen non subsistit, solum sequitur, substantiam non esse conditionem universaliter necessariam ad operandum in quacunque natura, sed tantum in natura suppositata, vel suppositabili: ergo &c.

Ob-

*Obicies 9<sup>mo</sup>.* Licet accidentia non habeant proprium subjectum in Eucharistia, tamen possunt operari: ergo etiam, licet humanitas Christi non habuisset propriam subsistentiam, tamen potuisset operari. *Resp. Neg. Conseq. Disparitas est: imò.* Quia subjectum non est ultimum complementum, vi cuius possit aliquod ens operari; at verò subsistentia est ultimum complementum: ergo mirum non est, quòd humanitas Christi nihil potuerit sine subsistentia operari; hinc si accidentia in Eucharistia non haberent proprias partiales subsistentias, neque illa quidquam operari possent. *2<sup>do</sup> Disp. est:* Quia, ut observat *Mastrius loc. sup. cit. n. 441.* fide docemur, accidentia in Eucharistia existere, & operari sine subjecto; at verò non docemur fide, substantiam existere sine subsistentia propria vel aliena, & tamen operari. Hinc clarè deducitur, quòd substantia magis dependeat quoad operari à subsistentia, quàm accidens à subjecto: ergo.

*Obicies 10<sup>mo</sup>.* Juxta Aristotelem lib. 1. *Metaph. 68. cap. 1. Actiones sunt singularium, non verò suppositorum;* atqui humanitas Christi priùs naturâ, quàm uniretur Verbo, fuit singularis, & individua: ergo priùs naturâ potuit mereri. *Resp. 1<sup>mo</sup>.* Quòd Aristoteles pro eodem acceperit naturam singularem, & subsistentem; quia distinctio subsistentiæ à singularitate, & individuatione, non innotuit nisi per fidem, quâ Aristoteles destitutus erat. *Resp. 2<sup>do</sup>.* Explicando textum Aristotelis. Actiones sunt singularium, itâ, ut natura singularis, & individua, sit principium ut quo, suppositum autem sit principium ut quod actionis, *Conced.* Itâ, ut natura singularis seclusâ subsistentiâ sit principium ut quod, *Neg. textum Aristotelis.* Et *Transmissa Min. Neg. Conseq.*

*Obji-*



66. *Obijcies 11mò.* Decebat, ut humanitas ornata, & priùs dignè disposita, assumeretur à Verbo, quàm finè prævio ornamento, & merito: ergo dignum erat; ut priùs mereretur unionem hypostaticam. *Prob. Ant.* Decentiùs est, ut Rex ducturus conjugem inferioris conditionis, priùs illam nobilitet, & ornet: ergo à pari. *Resp. Neg. Ant. Ad Prob. Neg. Conseq. Dist. est:* quia per assumptionem in Reginam, non acquirit eò ipsò conjunx inferioris ordinis, omnes dotes, & qualitates, quas ante assumptionem non habebat; at verò humanitas per assumptionem in Deum, acquirit, & acquisivit plenitudinem Divinitatis, quam ante assumptionem non habebat: ergo &c.
67. *Obijcies 12mò.* Qui defacto potest mereri plùs, potest etiam minùs; atqui defacto beatitudo est plùs, quàm unio hypostatica, illam tamen Christus meritus est: ergo. *Prob. Min.* Finis est plùs, quàm ea quæ sunt ad finem; atqui beatitudo est finis, reliqua verò omnia sunt conducentia ad eam: ergo. *Resp. Neg. Min. Ad Prob. Dist. Maj.* Finis est plùs, quàm ea, quæ sunt ad finem, hoc est: quæ sunt mera media, nec habent ullam aliam æstimabilitatem, quàm mediij, *Conced.* Quæ non sunt præcisè ad finem, sed habent suam propriam æstimabilitatem independentem à fine, prout habet unio hypostatica, *Neg. Maj. Similiter Dist. Min. Et Neg. Conseq.* Incarnatio enim non est purum medium, sed ex ratione suæ excellentiæ est finis intrinsecus, & propinquissimus fini ultimo, qui est Deus.
68. *Obijcies 13tiò.* Visio beatifica æquè unit, & possidet Deum, sicut Incarnatio: ergo, si visio cadit sub meritum, cadet etiam Incarnatio. *Resp. Neg. Ant.* Nam visio tantum unit extrinsecè, & possidet Deum duntaxat intentione-

tentionaliter; at verò Incarnatio unit, & possidet Deum  
intrinsecè, & ut loquitur *S. Thom. hic q. 2. a. 11. in* O  
in Esse Personali: ergo.

*Objicies 14to. Ex eo: quòd Christus potuerit mereri* 69.  
*Incarnationem, & unionem hypostaticam, per opera con-*  
*comitantia. Unde sic: Potest aliquis effectus esse*  
*causa suæ causæ in diverso genere, ut patet in co-*  
*gnitione, cujus intellectus est causa efficiens, & vi-*  
*cissim ipsa, est causa formalis respectu intellectûs,*  
*in quantum in eodem recipitur, tanquam actio im-*  
*manens. Item: Eadem qualitas v. g. color, potest*  
*esse emanans ex forma ignis, adeoque hujus formæ*  
*effectus, & tamen potest simul esse dispositio, aptans*  
*subjectum ad talem formam, & sic potest esse prior*  
*in diverso genere causandi: ergo à pari potest idem*  
*meritum Christi, esse prius unione hypostaticâ, in*  
*genere causæ, saltèm dispositivæ, & materialis,*  
*licet sit posterius eadem unionem in genere causæ mo-*  
*ralis, & efficientis physicæ; adeoque potuit sibi Chri-*  
*stus mereri Incarnationem, & unionem hypostaticam*  
*per opera concomitantia. Resp. 1mo. Dist. Ant. Po-*  
*test esse aliquis effectus causa suæ causæ, quoad il-*  
*lud esse, quod sua causa præhabet, antequam pro-*  
*ducat talem effectum, Neg. Quoad aliud esse, quod*  
*causa non supponitur præhabere ante talem esse-*  
*ctum, Conced. Ant. Resp. 2do. Neg. Conseq. Dist. est:*  
*Quia effectus potest citius existere quoad aliquod ef-*  
*fe, quàm causa; at verò nulla operatio Christi, po-*  
*test existere ante Christum, sed Christus ante om-*  
*nem suam operationem debet intelligi existens, &*  
*subsistens; adeoque ut præhabens unionem hyposta-*  
*ticam: ergo nulla operatio Christi potest esse causa*  
*inductiva unionis hypostaticæ quoad suam substan-*  
*tiam, neque in genere causæ moralis efficientis,*



neque in genere causæ dispositivæ, & materialis: ergo Christus non potuit sibi mereri Incarnationem, & unionem hypostaticam, per ullum opus concommitans.

70. *Objicies 15to.* Finis potest esse prior & posterior se ipsô: ergo etiam unio hypostatica potest esse prior tanquam principium meriti, & posterior tanquam ejusdem præmium. *Resp. Neg. Conseq.* Quia principium meriti non est in genere causæ finalis, quæ est solum prior in intentione, sed est in genere causæ efficientis; adeoque debet esse, & existere in se ipso, vel in absoluta prævisione præmiantis.

71. *Objicies 16to.* Datur mutua prioritas inter causam finalem, & physicam: ergo etiam inter meritoriam, & physicam. *Resp. Neg. Conseq. Diss. est:* Quia finis solum causat intentionaliter, movendo tantum ut est ponibilis, seu ut sit; adeoque non debet præsupponi, nisi ut existens intentionaliter ante causam physicam; at verò meritum inductivum movet moraliter, quia est, vel in se realiter, vel in absoluta prævisione præmiantis; nemo enim præmiat merita *pure possibilia*: ergo meritum debet, vel in se realiter, vel prævisum absolute præsupponi ante præmium; si autem præmium vicissim esset principium meriti, deberet præsupponi ut actu existens: ergo mutua præexistentia realis deberet haberi, quod repugnat: ergo &c.

72. *Observandum est:* quod hæc sit differentia inter causam finalem & meritoriam: licet enim finis & meritum in hoc convenient, quod, ut causent, non debeant semper *actualiter* existere à parte rei, dum causant, sed sufficit, si existant *objectivè* in mente; cum hoc sufficiat, ut mediâ sui apprehensione moveant voluntatem agentis propter finem, ad ponenda media, &

materialis:  
nationem,  
us conco-

posterior  
esse prior  
tquam  
ia princi-  
is, quæ  
nere cau-  
in se ipso,

er causam  
ritoriam,  
Quia finis  
um ÷ est  
æsuppo-  
am phy-  
moralis-  
luta præ-  
erita pu-  
realiter,  
ium; si  
meriti,  
mutua  
pugnat:

ter cau-  
c meri-  
non de-  
um cau-  
e; cum  
ant vo-  
media,  
&

& præmiantis ad danda præmia, nihilominus in mo-  
do causandi valdè discrepant. Nam finis non cau-  
sat *quia est*, sed *ut sit*; ac proinde non causat per suam  
existentiam actualem, neque per cognitam, ut ab-  
solutè futuram in aliqua temporis differentia, sed  
solum per suum esse *apprehensum*, ut *bonum*, & *possi-  
bile*; per consequens respectu ejusdem medij non est  
causans, & causatum secundum idem esse, sed se-  
cundum diversum, nempe: causans secundum esse *ob-  
jectivum* in mente, causatum autem secundum esse  
*actuale* à parte rei, in quo nulla est difficultas. At  
verò meritum causat, *quia est*, vel quia cognosci-  
tur *absolutè futurum* in aliqua temporis differentia;  
unde, si causaret principium à quo procedit, in ge-  
nere causæ efficientis, vel formalis seu dignificantis,  
cujus existentiam actualem necessariò præsupponit,  
causaret illud per suum esse actuale in aliqua diffe-  
rentia temporis existens; adeoque causaret id, à  
quo ut præexistente accipit idem esse actuale in ista  
differentia temporis; ac proinde secundum idem es-  
se actuale esset prius & posterius, existentia actuali  
sui principij, quod manifestè repugnat: ergo. &c.

*Replicabis.* Causalitas physica & moralis, est di-73.  
versi generis: ergo hæc mutua causalitas non re-  
pugnat. *Resp. Dist. Ant.* causalitas physica & mora-  
lis, est diversi generis in ratione entis, *Conced.* In  
ratione causæ, *Neg. Ant. & Conseq.* Utraque enim est  
in genere causæ efficientis: ergo.

*Obicies 17mo.* Licet gloria, ut corona, in ordine in-74.  
xentionis, non cadat sub meritum prædestinati; in  
ordine tamen executionis cadere potest sub meritum;  
quia, licet prædestinatus non mereatur primam sui  
electionem ad gloriam, meretur tamen illius exe-  
cutionem: ergo à pari, licet Christus non potue-



rit mereri prædestinationem Incarnationis, potuit tamen mereri illius executionem. *Resp. Neg. Conseq. Diss. est:* Quia homo prædestinatus ad gloriam, absolute existit ante suam glorificationem; adeoque potest talam mereri meritò inductivò; at verò Christus non existit ante executionem Incarnationis; nec potest videri ut absolute existiturus, nisi prius intelligatur decretum absolutum de executione Incarnationis facienda: ergo.

75. *Objicies 18vò.* Poterat Christus mereri conservationem unionis hypostaticæ: ergo etiam primam illius productionem. *Prob. Conseq.* Conservatio & prima productio sunt idem: ergo. *Resp. Trans. Ant.* Quia multi Theologi contrarium docet, ut videre est apud *Salmanticenses tract. 21. Diss. 7. dub. 2. §. 5. Neg. Conseq. Ad Prob. Diss. Ant.* Sunt idem physicè, *Conced.* Sunt idem moraliter, & in ordine ad libertatem causæ conservantis, *Neg. Ant. & Conseq.* Deus enim, si nullum meritum conservationis intercedat, potest absque læsione iustitiæ, unionem hypostaticam destruere; supposito autem meritò, tenetur eam conservare; & sic evaderet absolute indestruibilis ex suppositione consequenti.

76. *Objicies 19nd.* Ex eo: quòd Christus potuerit mereri Incarnationem per opera subsequencia. Jam sic: Opera subsequencia unionem hypostaticam, sunt valoris simpliciter infiniti; adeoque habent æqualitatem cum gratia unionis: ergo Christus per talia opera subsequencia, potuit mereri unionem hypostaticam. *Resp. Diss. Conseq.* Ità, ut hæc opera essent meritum purè compensativum unionis hypostaticæ, *Conced.* Ut essent meritum inductivum ejusdem unionis hypostaticæ, *Neg. Conseq.*

77. *Replicabis.* Nullibi fit mentio apud Theologos meriti

meriti compensativi : ergo videtur esse purè ad placitum de novo inventum : ergo nulla solutio. *Resp. Neg. Ant.* Meminit etenim hujus meriti *Vasquez hic Diss. 21. cap. 5. Cardinalis de Lugo Diss. 27. de Incarnatione sect. 3. Haunoldus lib. 4. tract. 1. cap. 7. controvers. 1. Co-ninck dub. 7. de act. supernatur.* Et plures alij apud *Haunoldum* relati.

*Objicies 20mò.* Principium meriti potest aliquando 78. esse præmium ejusdem : ergo potuit Christus mereri unionem hypostaticam per opera subsequenter. *Prob. Ant.* Potest Rex, aut Dux per modum anticipatæ retributionis dare militi arma, & eqvum, in præmium victoriæ obtinendæ per arma, & eqvum; atqui in tali casu arma, & eqvus essent principium victoriæ, & simul præmium : ergo *Resp. Neg. Ant. Ad Prob. Diss. Maj.* Potest Rex dare militi arma & eqvum, hoc est : purum usum armorum & equi, non tamen jus absolutum, & dominium armorum, quod erit præmium obtinendum per victoriam, *Conced.* Potest dare militi arma, & eqvum, hoc est : ipsum jus absolutum, & dominium armorum in præmium victoriæ per arma obtinendæ, *Neg. Maj. similiter Diss. Min.* Atqui in tali casu arma, & eqvus, hoc est, usus eorum erit principium victoriæ, dominium verò, & jus absolutum erit præmium victoriæ, *Conced.* Ipsum jus absolutum erit principium victoriæ, & simul præmium consequens victoriam, *Neg. Min. & Conseq.* Usus rei juxta probabiliorem sententiam est separabilis à dominio rei, sicut etiam dominium conditionatum ab absoluto; potest itaque Rex conferre militi usum armorum, tanquam principium victoriæ, & ei conferre dominium armorum, tanquam præmium victoriæ, quin principium meriti cadat sub meritum : ergo.



79. *Objic. 2<sup>mo</sup>.* Miles per usum armorum, tanquam per principium meriti, potest sibi mereri dominium armorum, tanquam præmium: ergo etiam Christus per usum unionis hypostaticæ, tanquam per principium meriti, poterat sibi mereri unionem hypostaticam, tanquam præmium. *Confirmatur.* Unio hypostatica potuit Christo dari sub conditione, sicut militi possunt dari arma & equus sub conditione, ut nempe, strenuè pugnando mereatur illa: ergo potuisset Christus tali casu mereri unionem hypostaticam, per opera subsequenta. *Resp. ad Arg. Neg. Conseq. Diss. est: 1<sup>mo</sup>.* Quia unio hypostatica non potest dari præcisè ad usum, sed debet statim conferri absolutè, & simpliciter appropriari Christo, cum sit proprium substantiale Christi complementum; at verò arma & equus, possunt dari ad usum: ergo. *Diss. est: 2<sup>do</sup>.* Quia miles potest existere à parte rei independentè à dominio armorum; adeoque potest Dux belli cum illo pacisci de dominio armorum; at verò Christus non poterat existere independentè ab unionè hypostatica, & sic non poterat Deus cum Christo pacisci de danda unionè in præmium meriti subsequenti. Si autem sit sermo de sola humanitate, etiam hæc non poterat producere opera proportionata pro unionè hypostatica, ut patet ex dictis: ergo. *Diss. est: 3<sup>io</sup>.* Quia valor meritum Christi desumitur ab unionè hypostatica tanquam à forma dignificante, adeoque hæc forma debet esse propriè merentis, cum meritum, ejusque valor sint sub dominio merentis; at verò valor meriti ponendi à milite, non desumitur ab armis, & eorum dominio, sed à virtute & dexteritate militis, strenuè illis armis pugnantis; ut observat *Matth. hic Diss. 3. q. 12. a. 3. n. 456.* ergo arma possunt cadere

cadere sub meritum, quoad eorum dominium; non verò unio hypostatica, cum sit forma dignificans; sic enim caderet sub meritum ipsa etiam forma ejusdem meriti, quod implicat; quia meritum causaret se ipsum, utpote causans formam sui constitutivam. Ex his apparet, quid dicendum sit ad Confirmationem: ergo.

*Obicies 22da.* Ad rationem meriti non requiritur, ut 80. semper re ipsa existat physicè, priusquam conferatur præmium, sed sufficit, ut prævideatur absolutè futurum; atqui ante executionem Incarnationis, Deus prævidit merita Christi absolutè futura: ergo per hæc merita poterat Christus mereri Incarnationem. *Resp.* *Dist. Min.* Ante executionem Incarnationis, ut factam in tempore, Deus prævidit merita Christi, *Conced.* Ante executionem, ut decretam ab æterno, *Neg. Min.* Pro meliori intelligentia hujus solutionis.

*Sciendum est:* quòd absoluta futuritio operationis, supponat absolutam futuritionem operantis; effectus enim non potest esse prior suâ causâ efficivâ; quia verò absoluta futuritio Christi non potest intelligi, nisi supponatur decretum executivum, quò Deus ab æterno decrevit Christum executivè ponere cum omnibus operationibus, & partibus circumstantijs, cum quibus re ipsa est positus; idè non potuit ante hoc decretum executivum, prævideri ulla operatio Christi, absolutè futura: ergo implicat, ut Christus per operationem absolutè futuram, mereatur unionem hypostaticam executivè ponendam.

*Obicies 23tid.* Poterat dari hominibus gratia & Angelis, propter merita Christi absolutè prævisa: ergo etiam propter eadem merita poterat dari Christo unio hypostatica. *Resp. Neg. Conseq. Dist. est:* Quia



merita Christi poterant, & re ipsâ præcesserunt gratiam dandam hominibus; at verò non poterant præcedere unionem hypostaticam, utpote posteriora ipsâ; prius enim est exilire, & postea operari, cum operari sequatur ad esse; atqui merita sunt quoddam operari, unio autem est quoddam esse: ergo &c.

32. *Objicies 24to.* Poterat Christus mereri circumstantias Incarnationis meritò inductivò: ergo etiam ipsam unionem. *Resp. Dist. Ant.* Aliquas, *Conced.* Omnes *Neg. Ant. & Conseq.* Illas circumstantias poterat mereri Christus, ut communior Theologorum docet sententia, quibus erat prior, non autem eas, quibus erat posterior. Et quia circumstantiis antecedentibus erat posterior, qualis est: *annuntiatio* futuræ Incarnationis per Gabrielem &c. Item concomitantium, nimirum: ut tali tempore, tali locò, ex tali stirpe, & ex tali Matre carnem assumeret; ideo has mereri non potuit. Quia verò aliquibus circumstantiis erat prior, quales sunt: *Adoratio* pastorum, & magorum, *laudes* in nativitate Angelorum &c. Ideò has mereri potuit, cum mereri potuerit, & meritis sit multa, statim in primo instanti suæ conceptionis: ergo.

33. *Replicabis.* Poterat Christus mereri aliquas circumstantias: ergo etiam unionem hypostaticam. *Resp. Neg. Conseq. Dist.* patet ex immediatè dictis: Quia fuit, & potuit esse prior aliquibus circumstantiis: ergo mirum non est, quòd potuerit illas mereri; at verò non fuit, nec potuit esse prior unionem hypostaticam: ergo mirum non est, quòd Christus illam non potuerit mereri, idque nec per opera subsequencia.

# THESIS III.

*Licet (imò.) nullus purus homo meruerit, nec mereri potuerit substantiam Incarnationis: ut docet S. Thomas hic q. 2. a. 11. Poncius Disp. 38. q. 5. Et quoad meritum condignum, tanquam certum supponit Leonardus Penafiel hic Disp. 7. Sect. 4. Quoad meritum congruum est Scoti in 4. Disp. 2. q. 1. Vasquez Disp. 22. cap. 4. Cardinalis de Lugo hic Disp. 8. Sect. 4. & aliorum plurimorum, quos pro hac sententia adducit Leonardus Penafiel loc. sup. cit. Tamen (2do.) antiqui Patres aliquas circumstantias, saltem de congruo meriti sunt, & Beata Virgo maternitatem; idque meritò dispositivò, non verò causativò Ità quoad antiquos Patres, tenet Vasquez Disp. 23. cap. 5. Suarez Disp. 10. Sect. 6. Amicus Disp. 27. Sect. 8. n. 152. Leonardus Penafiel Disp. 7. Sect. 5. Comptonus hic Disp. 47. Sect. 6. Quoad Beatam Virginem verò S. Thom. loc. sup. cit. ad 3. Godoy hic q. 2. tract. 2. Disp. 13. §. 2. n. 18. Cardinalis de Lugo Disp. 8. Sect. 5. Gonet hic Disp. 8. a. 4. §. 3. Suarez Disp. 10. Sect. 8. Reding. hic q. 5. a. 1. Controvers. 3. n. 13. Et alij.*

**P**robatur ima pars Thesis, imò: Autoritate S. 1. Scripturæ. Ex eo: quòd defactò nullus purus homo meruerit substantiam Incarnationis. Unde sic: In varijs scripturæ locis hoc mysterium, non nostris meritis, sed immensæ Dei misericordiæ ac benignitati



tati tribuitur; imò ab ipso humana merita removen-  
tur; sic ad Titum 3. v. 4. & 5. Apostolus dicit: *Ap-  
paruit benignitas, & humanitas Salvatoris nostri Dei,  
non ex operibus iustitiæ, quæ fecimus nos, sed secundum  
misericordiam suam salvos nos fecit.* Idem sonant illa  
verba Luce 2. v. 78. *Per viscera misericordiæ Dei no-  
stri, in quibus visitavit nos oriens ex alto.* Et ista ad  
Ephes. 2. v. 4. *Propter nimiam charitatem suam, quâ di-  
lexit nos (nempe Deus,) cum essemus mortui peccatis,  
convivificavit nos in Christo.* Ea ipsa de causa Christus  
ad Hebr. 2. v. 9. dicitur: *Gratia Dei.* Ergo ex scri-  
ptura constat, quòd nullus purus homo defacto me-  
ruerit substantiam Incarnationis.

2. *Probatur 2dò. Ex eo: quòd nullus purus homo potue-  
rit mereri de congruo substantiam Incarnationis.* Jam sic:  
Sicut se habet ordo naturæ ad ordinem gratiæ, ita se  
habet ordo gratiæ ad ordinem unionis hypostaticæ;  
atqui nihil est in toto ordine naturæ, quòd possit  
mereri, etiam de congruo ordinem gratiæ, vel ali-  
quid ad ipsum pertinens: ergo etiam nihil est in or-  
dine gratiæ, quod possit mereri ordinem unionis  
hypostaticæ, vel aliquid ad ipsum pertinens.

*Confirmatur.* Opera ordinis gratiæ, magis sunt im-  
proportionata unioni hypostaticæ, quàm opera natu-  
ralia ipsi gratiæ: ergo, si per opera naturalia, non  
potest homo de congruo mereri primam gratiam, à  
fortiori non poterit per opera ordinis gratiæ, me-  
reri unionem hypostaticam. *Conseq. est legitima. Ant.  
etiam est manifestum.* Cum enim ordo hypostaticus  
involvat personam Verbi divini, quæ est infinitæ  
dignitatis, & perfectionis; idè veluti in infinitum  
excedit ordinem gratiæ. Hic autem, cum sit finitus,  
solummodò finitò modò distat ab ordine naturæ:  
ergo.

*Probatur 3<sup>io</sup>. Si aliquis purus homo potuisset mereri de congruo substantiam Incarnationis, debuisset illam posse mereri vi gratiæ, vel à solo Deo gratiosè, & liberaliter collatæ, (naturaliter etenim, & absque auxilio gratiæ supernaturalis, nemo poterat hoc mysterium, utpote omnes vires naturæ superans mereri, ut fides docet contra Pelagium,) vel dependenter à meritis Christi; atqui neutro modò potuit illam purus homo mereri: ergo. Prob. Min. Quoad primam partem. Defectò puri homines, nullam habuerunt gratiam ex sola liberalitate Dei, sed omnes ex merito Christi, ut præcedente Thesi ostensum est: ergo. Prob. eadem Min. quoad alteram partem: Principium meriti non cadit sub illud meritum, cujus est principium; atqui si purus homo, id est: qui non est simul Deus, meruisset de congruo substantiam Incarnationis, per gratiam ex meritis Christi acceptam, principium meriti caderet sub meritum: ergo. Prob. Min. Hoc meritum puri hominis supponeret gratiam vel actualem vel habitualement, tanquam suum principium; gratia autem puri hominis, supponeret meritum Christi, tanquam suum principium, per consequens Incarnationem quoad substantiam, seu Christum, ut principium meriti; proinde etiam ut principium meriti à puro homine eliciti: ergo, si purus homo meruisset substantiam Incarnationis, per gratiam ex meritis Christi acceptam, principium meriti caderet sub meritum; atqui implicat, ut principium meriti cadat sub meritum: ergo. Declaratur hoc subsumptum. Absolutè repugnat, ut aliqua res sit sui ipsius causâ; atqui si principium meriti caderet sub meritum, tunc meritum esset sui ipsius causa: ergo. Prob. Min. Quod est causa causæ, est etiam causa causati; atqui meritum esset causatum, & etiam effectus.*

set



set causa suæ causæ, seu principij merentis : ergo esset causa sui ipsius ; uti etiam *Thesi præcedente ad prop. 9. 2dæ partis dictum est* : ergo.

4. *Probatur 4to.* Implicat mutua causalitas ; atqui , si purus homo posset mereri substantiam Incarnationis *de congruo*, daretur mutua causalitas : ergo. *Prob. Min.* Meritum Christi, & Christus merens, esset naturâ prior in genere causæ moralis meritorix, quàm meritum puri hominis ; quia esset sic prior, quàm gratia illius, quæ est principium meriti ; & meritum puri hominis in eodem genere causæ moralis meritorix, esset naturâ prius, quàm meritum Christi : quia esset naturâ prius, quàm Christus merens, & principium meriti sui : ergo si purus homo posset mereri *de congruo* substantiam Incarnationis, daretur mutua causalitas quoad idem esse, & in eodem genere causæ ; quod implicat : ergo nullus purus homo potuit mereri *de congruo* substantiam Incarnationis.

5. *Dices.* Potuit purus homo, gratiâ habituali instructus, mereri *de congruo* executionem Incarnationis : ergo etiam potuit mereri substantiam, & prædestinationem ejusdem. *Resp. Dist. Ant.* Si nomine executionis intelligatur circumstantia accelerationis, *Transf.* Si intelligatur decretum executivum Incarnationis, aut ipsa substantia ejusdem, *Neg. Ant. & Conseq.* Eodém enim modò argumentandum est, teste *Vasquez hic Disp. 22. cap. 2. de meritis respectu executionis*, ac respectu prædestinationis ; nam idem ordo, quem res inter se servant in tempore secundum causam & causatum, servatur etiam in præscientia, & prædestinatione Dei : ergo, si merita purorum hominum fuissent causa Incarnationis in executione, fuissent etiam causa in prædestinatione ; quia juxta superius dicta, ex ordine & causalitate rerum

rerum ad invicem, desumitur earundem rerum ordo in prædestinatione, & præscientia divina. Hinc S. August. teste Vasquez loc. sup. cit. quotiescunque concedit dari nobis aliquid ex meritis, toties etiam concedit eligi merita ad illud, in præscientia, & prædestinatione divina.

*Probatur 5to.* Ex eo : quod nullus purus homo potuerit mereri de condigno substantiam Incarnationis. Jam sic: Nulli merito finito, debetur ex justitia præmium simpliciter infinitum, ut communiter docent Theologi; adeoque nulla operatio finiti valoris, est de condigno meritoria præmij infiniti, meritum enim de condigno, requirit æqualitatem cum præmio, & vice versâ; atqui substantia Incarnationis est simpliciter infinita, cum includat substantiam infinitam Verbi; merita autem puri hominis essent valoris finiti: ergo nullum tale meritum potuit elici, quod purus homo potuisset de condigno mereri executionem Incarnationis quoad substantiam; adeoque nullus purus homo potuit eandem mereri de condigno.

*Probatur 6to.* Opera purorum hominum justorum, 7. propriè ordinantur ad beatitudinem supernaturalem, tanquam ad proprium, & adæquatum præmium; adeoque non sunt digna majore præmio; aliàs eò ipsò beatitudo, non esset præmium adæquatum, respectu talium operum; atqui unio hypostatica est longè altioris ordinis, quàm beatitudo; adeoque præmium transcendens incomparabiliter beatitudinem; cum Incarnatio sit unio physica, realis, & substantialis in esse personali, naturam assumptam tota Deitate indivisibiliter perfundens; beatitudo verò, ut visio, sit unio solummodò intentionalis; amor autem benevolentia, sit unio solummodò affectiva, & moralis, utraque accidentalis, seu, ut loquitur S. Thom.

hic



*hic q. 2. 4. 11. in ☉* per actum fruētis : ergo nullus purus homo potuit de condigno mereri unionem hypostaticam, & substantiam Incarnationis.

8. *Probatur 7<sup>mo</sup>.* Ut aliqua creatura mereatur per suum actum præmium de condigno, debet ille actus esse æqualis valoris, & dignitatis cum ipso præmio; atqui nullus actus à pura creatura elicitus, potest esse ejusdem dignitatis, & valoris cum substantia Incarnationis: ergo nulla pura creatura potest de condigno mereri substantiam Incarnationis. *Maj. patet;* nam condignitas meriti consistit formaliter in æqualitate ad præmium, non quidem omnimodâ, sed proportionis; unde dicitur meritum condignum, quasi *simul & æqualiter dignum*. *Prob. itaque Min.* Actus, qui à pura creatura eliciuntur, nec sunt in eodem, nec in altiori ordine cum substantia Incarnationis, nec procedunt ex perfectiore gratia, quàm sit substantia Incarnationis; atqui hæc est in altiori ordine: ergo nullus actus à pura creatura elicitus, potest esse ejusdem valoris & dignitatis, cum substantia Incarnationis; per consequens nullus purus homo potuit mereri de condigno substantiam Incarnationis.
9. *Probatur 8<sup>vo</sup>.* Omne meritum puræ creaturæ, adæquatè compensatur per augmentum gratiæ habitualis, & præmium vitæ æternæ; ut cum *S. Thom.* communiter docent Theologi: quia gratia habitualis, & opera per illam dignificata, non habent naturalem, & intrinsicam condignitatem, nisi cum gloria, cujus gratia est veluti semen: ergo nulli merito à pura creatura elicto, debetur ex justitia, substantia Incarnationis.
10. *Probatur 9<sup>no</sup>.* Ordo unionis hypostaticæ magis excedit ordinem gratiæ creatæ, quàm ordo gratiæ excedat ordinem naturæ; ut *superius n. 2. dictum est;* atqui

atqui in ordine naturæ, nullum est opus de condigno meritorium gratiæ habitualis: ergo neque in ordine gratiæ creatæ, est aliquod opus de condigno meritorium unionis hypostaticæ. Unde, cùm opera, & actus boni, à pura creatura, ante Incarnationem elicit, tantùm ad ordinem gratiæ pertinuisent; ideo non habuissent æqualem valorem, & dignitatem cum Incarnatione, quæ est ordinis altioris, scilicet: *hypostatici*, qui, cùm infinitam Verbi divini personalitatem involvat, est perfectionis quodammodò infinitæ, ut docet *S. Thom. 1. p. q. 25. a. 6. ad 4.* Per consequens actus illi à pura creatura elicit, non fuissent de condigno meritorij unionis hypostaticæ, & substantiæ Incarnationis.

*Probatur secunda pars Thesis imò. Ex eo: Quòd anti-* II.  
*qui Patres aliquas circumstantias Incarnationis de congruo,*  
*meruerint, idque merito dispositivò, & minùs strictè*  
*dictò; non verò causativò & strictè dictò; & Beata*  
*Virgo Maternitatem. Unde quoad antiquos Patres sic:*  
*Antiqui Patres impetrârunt Redemptorem quoad cir-*  
*cumstantiam accelerationis, progeniei, & loci: ergo.*  
*Prob. Ant. de acceleratione. Danielis 9. sic alloquitur*  
*Gabriel Daniele: Ab exordio precum tuarum egres-*  
*sus est sermo, ego autem veni, ut indicarem tibi, quia*  
*Vir desideriorum es. Et paulò post: septuaginta heb-*  
*domates abbreviate sunt; ergo. De progenie. Ex Ge-*  
*nesi 22. Ubi Deus Abrahamæ promittit: Quia fecisti hanc*  
*rem, - - benedicentur in semine tuo omnes gentes. Ubi*  
*expressè notatur Abrahamum meruisse Christum ex se-*  
*mine suo nasciturum, propter obedientiam præsti-*  
*tam, volendo immolare filium suum Isaac. De hoc*  
*semine autem loquitur S. Paulus ad Galatas 3. Quod*  
*est Christus. Quoad locum probatur ex psalm. 84.*  
*Ubi postquam orâset David: Ostende nobis Domine*  
*mise-*



misericordiam tuam, & salutare tuum da nobis; sub-  
juxit: Terra nostra dabit fructum suum. Illa nimirum  
terra, in qua preces fundebantur, & in qua suspi-  
rabat fructum illum, de quo *Isaia 45.* dicitur: *Ape-  
riatur terra, & germinet Salvatorem.* Atqui ex his  
textibus eruitur, quòd antiqui Patres meruerint cir-  
cumstantias accelerationis, progeniei, & loci: ergo  
id dicendum est. *Subsumitur:* Atqui illas non me-  
ruerunt meritò de condigno: ergo saltèm illas me-  
ruerunt meritò de congruo, idque meritò *dispositivò*,  
& minus stricte dictò, non verò causativò, & stricte  
dictò. *Prob. subsum.* Inter meritum condignum &  
præmium, debet esse æqualitas; atqui inter meri-  
tum antiquorum Patrum, & circumstantias Incarna-  
tionis, non potuit esse æqualitas: ergo. *Prob. Min.*  
Meritum antiquorum Patrum, fuit ex ordine gratiæ,  
circumstantiæ Incarnationis ex ordine unionis hy-  
postaticæ; atqui inter illa, quæ sunt ex ordine gra-  
tiæ, & inter illa, quæ sunt ex ordine unionis hy-  
postaticæ, non potest esse perfecta æqualitas, ut  
consideranti patet: ergo. *Item:* meritum de con-  
digno tantùm ordinatur ad id promerendum, cum  
quo habet ex natura sua connexionem, ut observat  
*Amicus hic Diss. 26. sect. 8. n. 148.* Atqui meritum  
de condigno, cum solo argumento gratiæ, gloriæ,  
& virtutibus infusus, habet connexionem ex natu-  
ra sua: ergo ad hæc tantùm promerenda ordinatur:  
ergo antiqui Patres non meruerunt has circumstan-  
tias de condigno, sed solummodò de congruo, id-  
que meritò *dispositivò* & minus stricte dictò; non ve-  
rò causativò, & stricte dictò.

12. Probatur 2dò. Antiqui Patres instantè petebant,  
& ferventer desiderabant accelerationem Incarna-  
tionis, (quia Christum venturum ceriò credebant, adeo-  
que

que adventum ejus non desiderabant) ut patet ex illo  
 Isaïæ 45. *Rorate Cæli desuper, & nubes pluant Justum;*  
 atqui istæ, & similes preces, ac desideria, mereban-  
 tur saltèm de congruo accelerationem, & alias cir-  
 cumstantias Incarnationis: ergo. *Prob. Min.* Tum,  
 quia congruum est, ut Deus exaudiat preces justo-  
 rum, petentium res ad salutem necessarias vel utiles.  
 Tum, quia illa Sancta desideria, erant dispositio-  
 nes supernaturales, ad congruè, & convenienter  
 recipiendum Christum; atqui dispositio supernatu-  
 ralis, in persona justa, ad aliquem effectum, mere-  
 tur saltèm de congruo, seu in genere causæ moralis  
 dispositivæ, talem effectum: ergo. &c.

*Probatur 3<sup>id.</sup> Quoad Maternitatem Beatæ Virginis. 1<sup>o</sup>*  
 Ex eo: quòd eandem sibi meruerit saltèm de congrua  
 meritò dispositivò. Unde sic: *Luce 1.* in Cantico Bea-  
 ta Virgo dicit: *Quia respexit humilitatem Ancilla suæ:*  
 ergo humilitate meruit Maternitatem, disponendo  
 se pro illa. *Confirmatur.* *Authorit.* Ecclesiæ, quæ  
 in Regina Cæli, ità cantat: *Quem meruisti portare;*  
 atqui Beata Virgo non meruit illum portare de con-  
 digno: ergo saltèm de congruo. *Prob. Min. 1<sup>mo</sup>.*  
 Nullò meritò, à pura creatura elicito, potest mere-  
 ri de condigno præmium altioris ordinis, quàm sit  
 gratia, & gloria; atqui Maternitas Beatæ Virginis,  
 est altioris ordinis, quàm sit gratia & gloria: ergo.  
*Prob. Min.* Hæc Maternitas facit Matrem Dei natu-  
 ralem, gratia autem & gloria, facit filium Dei tan-  
 tum adoptivum; atqui præstantius est esse Matrem  
 Dei naturalem, quàm filium adoptivum, ut com-  
 muni æstimatur judicio: ergo. *2<sup>do</sup>.* Gratia & gloria  
 non merentur Hyperduliam, Maternitas illam me-  
 retur: ergo Maternitas est majoris æstimationis,  
 quàm gratia & gloria. *3<sup>id.</sup> Maternitas Beatæ Vir-*



ginis, utpote ad Christum Deum & hominem terminata, Incarnationem involvit; unde, quod de Incarnatione dictum est, idem de Maternitate Beatæ Virginis dici debet, ut observat *Gonet hic Diss. 8. a. 4. §. 3.* atqui nulla pura creatura, adeoque nec Beata Virgo, potuit mereri Incarnationem de condigno: ergo neque suam maternitatem. *410.* Merita Beatæ Virginis procedebant ex gratia adoptionis, quæ ut sic, solum respicit, & inclinatur ad acquirendam beatitudinem, non autem ad promerenda ea, quæ sunt altioris ordinis; atqui Maternitas Beatæ Virginis est altioris ordinis: ergo illam non meruit de condigno; *510.* Maternitas Beatæ Virginis est bonum aliquomodo infinitum, merita autem Beatæ Virginis erant simpliciter finita; atqui per merita finita, non potest mereri bonum infinitum, & præfertim illud, quod est altioris ordinis: ergo.

*Probatur 410. Authorit. S. Bernardi, qui sermon. de 14. Aquæ ductu. ita dicit: Sed quomodo noster hic Aquæ ductus, fontem illum attingit tam sublimen? Quomodo putas, nisi vehementia desiderij, nisi fervore devotionis, nisi puritate orationis? sicut scriptum est: oratio iusti penetrat celos, Et quis iustus, si non Maria iusta, de quo sol iustitiæ ortus est nobis? Quomodo ergo inaccessam attingit maiestatem, nisi pulsando, petendo, querendo? Ergo juxta S. Bernardum, Beata Virgo meruit Maternitatem; atqui illam non meruit de condigno, ut patet ex dictis: ergo de congruo, disponendo se pro illa.*

*Confirmatur. Authorit. aliorum SS. Patrum, qui unò ore fatentur, Beatam Virginem propter vitæ sanctitatem, & eximiam puritatem, meruisse concipere Regem Cælorum & Dominum. S. Ambrosius enim lib. 2. de virginibus ita inquit: Maria digna existit, ex qua*

qua Dei Filius nasceretur. S. Augustinus lib. de nativitate & gratia. cap. 30. ita ait: Beata Maria concipere Deum meruit, & parere. Similiter S. Hieronymus Epist. 22. ad Eustachium de custodia Virginitatis ita scribit: Proponere tibi Mariam, quæ tante exstitit puritatis, ut Mater Domini esse mereretur: ergo.

Probatur 5to. Ratione cum Gonet hic. Diss. 8. a. 4. 15. §. 3. Meritum de congruo, fundatur in legibus amicitiae, secundum quas congruum est, ut amicus amicum exaudiat, quando petit, quæ iusta sunt; atqui Beata Virgo erat inter omnes magis amica Dei, & aliàs valde probabile est, quod instantè oraverit Deum, ut Filium suum mitteret in mundum, ad redimendum genus humanum à Dæmonis, & peccati servitute; & quidem ferventiùs, & instantiùs, quàm fecerint antiqui Patres: ergo congruum fuit, ut propter ejus orationes & desideria, non solum Deus mitteret Filium suum in mundum, sed etiam, ut faceret Beatam Virginem esse ejus Matrem.

Probatur 6to. Aliqui ex antiquis Patribus meruerunt de congruo, ut Christus ex ipsis originem duceret, ut patet ex dictis de Abrahamo: ergo etiam Beata Virgo de congruo meruit, ut esset ejus Mater; siquidem omne meritum, quod conceditur alijs sanctis, concedendum etiam est Beatæ Virgini, & in gradu magis perfectò; sicut, & in gradu perfectiori fuit amica Dei.

Probatur 7mo. Beatæ Virginis actus, utpote excellentissimi, habuerunt sufficientem proportionem geometricam, seu congruentiam dignitatis, ad hanc Matris dignitatem impetrandam ac obtinendam, supposità ordinatione Dei, de assumenda carne ex Virgine; & consensus Beatæ Virginis fuit in hunc finem directus, atque à Deo intentus; atqui hoc est esse



meritum de congruo: ergo. Præterea: Beata Virgo erat gratiâ plena, & elicuit plurimos actus meritorios, per quos se disposuit, ut esset digna Mater Christi; atqui isti actus non erant meritorij de condigno, ut patet ex dictis: ergo erant meritorij saltem de congruo.

§. I.

*Solvuntur objectiones contra primam partem Thesis, quæ dicit: quod nullus purus homo meruerit, nec mereri potuerit substantiam Incarnationis.*

18. **O**bjicies primò. Ex eo: quod antiqui Patres videantur meruisse de condigno substantiam Incarnationis. Unde sic: Quicumque meretur de condigno aliquod præmium, meretur similiter de condigno omne id, sinè quo tale præmium obtineri non potest; atqui antiqui Patres (*idem est de Beata Virgine,*) meriti sunt de condigno suam beatitudinem in ordine executionis: ergo etiam in ordine executionis meriti sunt Christum; cùm beatitudo non possit obtineri, nisi per Christum. *Resp. Neg. Maj.* Nam sinè existentia Dei, & ipsiusmet merentis, non potest obtinere præmium vitæ æternæ, & tamen is, qui de condigno meretur præmium vitæ æternæ, nullò modò meretur existentiam Dei, aut sui ipsius: ergo idem dicendum est hîc.

19. *Objicies 2dò.* Quicumque de condigno potest mereri majus, potest etiam minus; atqui beatitudo, quam Antiqui Patres de condigno meriti sunt, est majus bonum, quàm Incarnatio Christi: ergo. *Prob. Min.* Beatitudo est finis simpliciter ultimus: ergo. *Resp. Neg.*

*Neg. Min. Ad Prob. Dist. Ant.* Beatitudo objectiva, nempe, ipse Deus, est finis simpliciter ultimus, *Conced.* Beatitudo formalis, nempe, visio & amor beatificus, quò beati possident Deum, *Neg. Ant. & Conseq.*

*Obijcies 3<sup>id.</sup>* Suppositò pactò & promissione Dei, 20. cuilibet merito debetur præmium; atqui Deus Antiquis Patribus promisit Christum: ergo illum sunt meriti, & quidem de condigno. *Resp. Dist. Maj.* Suppositò pactò, & promissione Dei, debetur ex fidelitate cuilibet merito præmium, *Conced.* Debetur ex iustitia, & condignitate meriti, *Neg. Maj.* Ad meritum enim de condigno, præter pactum & promissionem, requiritur insuper æqualitas; atqui merita antiquorum Patrum, non fuerunt æqualia cum Incarnatione, ut patet ex dictis: ergo.

*Obijcies 4<sup>id.</sup>* Antiqui Patres potuerunt mereri de 21. condigno apertionem regni cælorum; atqui apertio regni cælorum, est effectus Incarnationis: ergo etiam potuerunt mereri de condigno Incarnationem. *Resp. Dist. Maj.* Potuerunt mereri apertionem regni cælorum, prout hæc dicit remotionem impedimenti, quod se tenet ex parte cujuslibet particularis hominis, *Conced.* Prout importat remotionem impedimenti, quod se tenet ex parte naturæ, per peccatum originale vitiatæ, *Neg. Maj.* Duo clauderant regnum cælorum ante Incarnationem Verbi, ut observat Gonet hic *Dist. 7. a. 4. §. 2. 1<sup>mo</sup>*. Culpa totius naturæ humanæ. 2<sup>do</sup>. Indignitas cujuslibet particularis personæ. Et, licet antiqui Patres per proprium meritum, hoc secundum impedimentum removere potuerint, non tamen primum; quia ad removendum illud impedimentum, requiritur gratia capitalis, quam antiqui Patres non habuerunt, sed solus Christus:



ergo. Hinc S. Thom. in 3. Dist. 18. q. 1. a. 6. *questiuncul.* 2. ad 2. ita dicit : *Quod antiqui Patres meruerunt introitum paradisi, quantum ad id, quod persone est, sicut & nos; tamen, quod removeretur impedimentum, quod erat ex parte nature, mereri non potuerunt; & ideo eis semper remanebat janua clausa.*

22. *Obicies 510.* Gratia habitualis, & merita per ipsam dignificata, sunt inferioris ordinis, quam gloria, & tamen suppositio pacti illam antiqui Patres de condigno meruerunt : ergo idem dicendum est de unionis hypostatica. *Resp. Dist. Ant.* Gratia habitualis est ordinis inferioris, quam gloria, si gratia & gloria præcisè considerentur, prout constituunt duos diversos ordines, & gradus divinæ communicationis, *Conced.* Si considerentur secundum proportionem intrinsecam, quam ad invicem habent ex natura rei, *Neg. Ant. & conseq.* Sic materia prima considerata præcisè ut est ens materiale, est inferioris ordinis, quam anima rationalis, quæ est ens spirituale; considerata tamen ut potentia ad actum suum substantialem, & anima considerata, ut actus corporis organici, pertinent ad eundem ordinem entis naturalis; hinc etiam, licet gratia sit inferior & imperfectior modus divinæ communicationis ad extra, quam sit gloria, quia tamen gratiæ ex natura rei debetur gloria, tanquam fructus radici, & tanquam finis medio proportionato; idcirco, in quantum sibi ex natura rei proportionantur, & se mutuo exigunt, in tantum pertinent ad eundem ordinem. Proinde merita nostra, quæ à gratia habituali procedunt, non acquirunt à pacto & promissione Dei *condignitatem*, & naturalem proportionem cum gloria, sed tantum acquirunt novum *titulum justitiæ*, ut nimirum gloria, quæ antea meritis secundum se consideratis debebatur titulo connaturalitatis

tis, accedente patēdo, debeat etiam ipsis titulo iustitiæ, saltē minus rigoroſe ſumptæ.

*Obijcies 6to.* Potuit Deus per ſuam aſſiſtentiam ex- 23.  
trinſecam ſupplere illam improportionem, & inæ-  
qualitatem actuum, à pura creatura elicitorum: ergo de absoluta potentia Dei, potuit purus homo mereri de condigno ſubſtantiam Incarnationis. *Reſp.* cum Gonet *hic Diſp.* 7. a. 4. §. 1. n. 91. *Neg. Ant.* Nam aſſiſtentia illa extrinſeca Dei non elevâſſet illos actus ſupra ordinem gratiæ: ergo non tribuiſſet illis valorem meritorium de condigno Incarnationis, & intrinſecam proportionem cum illa; per conſequens nec ipſam, ſtante tali aſſiſtentiâ extrinſecâ, recipient. *Prob. Ant.* Illa aſſiſtentiâ extrinſecâ Dei, non feciſſet, quod huiusmodi actus fuiſſent elicitæ à principio intrinſeco digniore, quàm ſit gratia: ergo non elevâſſet illos ſupra ordinem gratiæ; nec per conſequens reddidiſſet illos proportionatos ordine hypſtaticô, cū ad hoc, ut aliquis actus cenſeatur eſſe ex ordine hypſtatico, requiratur, ut ſit elicitus à perſona infinîtè digna, tanquam principio, & forma valorante, & dignificante in genere moris actus, illôſque ad altiorem ſtatum elevante: ergo &c.

*Replicabis.* Poſteſt Deus per ſuam aſſiſtentiam ex- 24.  
trinſecam ſupplere improportionem intellectûs, reſpectu viſionis beatificæ: ergo etiam poſteſt ſupplere, improportionem actuum, à pura creatura elicitorum, itâ, ut purus homo poſſit mereri ſubſtantiam Incarnationis. *Reſp. imô.* Quod Thomiſtæ negent *Ant.* Aſſerentes nec divinitûs poſſe videri ab intellectu Deum, ſinè intrinſeco lumine gloriæ. *Reſp. 2do.* *Diſt. Ant.* Poſteſt Deus ſupplere improportionem intellectûs per reſpectum ad id, ad quod concurrere debuit lumen gloriæ in genere cauſæ efficientis, Con-



ced. Per respectum ad id, ad quod concurrere debuit in genere causæ formalis, *Neg. Ant.* Lumen gloriæ duplicem exercet causalitatem respectu intellectûs. 1<sup>mo</sup>. In genere causæ efficientis, iuvando intellectum ad visionem beatificam; & hanc causalitatem potest Deus supplere. 2<sup>do</sup>. In genere causæ formalis, inquantum lumen gloriæ recipitur in intellectu tanquam aliqua forma accidentalis, & cum intellectu constituit aliquod compositum accidentale. Et hoc Deus non potest supplere. *Resp. 3<sup>io</sup>. Neg. Conseq. Diss. est:* Quia intellectus cum lumine gloriæ concurrat ad eliciendam visionem in genere causæ efficientis: ergo mirum non est, quod improprietatem intellectûs, & defectum luminis gloriæ possit Deus supplere; at verò persona infinite digna, concurrat in genere causæ formalis, vel quasi formalis ad dignificationem actuum: ergo mirum non est, quod improprietatem actuum, & defectum personæ infinite dignæ, non possit Deus per solam assistentiam extrinsecam supplere.

35. *Objicies 7<sup>mo</sup>.* Ex eo: quod videatur purus homo potuisse mereri saltem de congruo Unionem hypostaticam, & substantiam Incarnationis. Unde sic: *Isaia 64. v. 1.* dicitur: *Utinam dirumperes celos, & descenderes.* Et *Psal. 105. Visita nos in salutaris tuo &c.* Atqui hæc preces impetrârunt saltem de congruo Redemptorem; non videntur enim fuisse vacuæ: ergo. *Resp. Diss. Min.* Impetrârunt Redemptorem quoad aliquas circumstantias v. g. accelerationis, &c. *Conced. Quoad substantiam, Neg. Min. & Conseq.*

36. *Objicies 8<sup>vo</sup>.* S. Thom. hic q. 2. a. 11. in  $\odot$  sic habet: *Ex congruo meruerunt SS. Patres Incarnationem desiderando, & petendo, congruum enim erat, ut Deus exaudiret eos, qui ei obediebant: ergo.* *Resp. Explicando*

do textum S. Thom. Et ille intelligendus est de ali-  
quibus circumstantiis Incarnationis, *Conced.* Intelli-  
gendus est de substantia Incarnationis, *Neg. textum.*  
Quod autem ibidem S. Thom. non de substantia, sed  
de circumstantiis Incarnationis loquatur, patet ex eo-  
dem *art. cit.* in quo ad 3. negat, quod Beata Virgo  
meruerit Incarnationem, & tamen concedit, quod  
congruè meruerit Maternitatem: ergo hoc meritum,  
quod concedit respectu Maternitatis, negat respectu  
Incarnationis; atqui, si Deipara non meruit de con-  
gruo substantiam Incarnationis, multò minùs illam  
meruerunt alij: ergo.

*Obijcies 9mò.* Antiqui Patres, & Beata Virgo erant 27.  
ante Incarnationem: ergo poterant illam saltèm de  
congruo mereri. *Resp. Dist. Ant.* Erant antelincar-  
nationem citiùs tempore, & ùt in tempore positam,  
*Conced.* Erant citiùs naturâ, & ùt ab æterno decre-  
tam, *Neg. Ant.* Deus enim decretò suò citiùs posuit  
Christum, quàm antiquos Patres, qui ratione Chri-  
sti omnes gratias acceperunt, & sic Christus fuit na-  
turâ prior, quàm antiqui Patres; per consequens non  
poterant mereri Incarnationis substantiam de con-  
gruo.

*Obijcies 10mò.* Ad meritum de congruo non requi- 28.  
ritur status gratiæ, sed sufficit opus naturale hone-  
stum: ergo antiqui Patres poterant mereri Christum,  
finè ejus gratia. *Resp. Neg. Ant.* Licèt enim non re-  
quiratur status gratiæ, requiritur tamen aliqua gra-  
tia, saltèm actualis, tanquam principium omnis omni-  
no meriti; si etenim propter opus purum naturale  
honestum, daretur præmium supernaturale, eò ipsò  
ordo naturæ attingeret ordinem gratiæ; atqui hoc  
est Pelagianum, & pridem damnatum: ergo antiqui  
Patres finè gratia Christi, non poterant quidquam  
mereri.

Re-



29. *Replicabū. Facienti quod in se est, Deus non denegat gratiam*, juxta commune Theologorum axioma: ergo, si aliquis Ethnicus honeste vivat, Deus ipsi dabit gratias, & per consequens opus naturale honestum, potest esse de congruo meritorium gratiæ supernaturalis. *Resp. Explicando Axioma*: Facienti, id est, cooperanti primæ gratiæ, Deus non denegat ultiores gratias, *Conced.* Facienti aliquid opus purè naturale, Deus propter tale opus, non denegat gratias supernaturales, *Neg. Axioma.*
30. *Objicies 11mō.* Antiqui Patres desiderabant, & petebant executivè Incarnationem; atqui hæc desideria, & preces merebantur de congruo Incarnationem: ergo. *Prob. Min.* Illa desideria erant actus supernaturales: ergo meritorij saltē de congruo. *Resp. Neg. Min. Ad Prob. Neg. Conseq. Ratio est*: Quia ad meritum de congruo non sufficit, si actus sit supernaturalis, sed necessarium est, ut sit etiam prior naturā ad præmium; atqui actus supernaturales antiquorum Patrum non fuerunt naturā priores, sed posteriores Incarnatione: ergo.
31. *Objicies 12mō.* Antiquis Patribus fuit collata gratia ex meritis Christi. *ut prævisis*, non autem *ut realiter existentibus*, ante collatam gratiam: ergo illa gratia supponebat tantū Incarnationem *ut decretam*, non autem *ut re ipsa factam*: ergo antiqui Patres poterunt se ad illam disponere, dispositione causativā, & sic illam mereri de congruo. *Resp. Dist. Ant.* Antiquis Patribus collata fuit gratia ex meritis Christi prævisis, non tamen existentibus prioritate, & duratione temporali, *Conced.* Non tamen ut existentibus prioritate naturæ, *Neg. Ant. Similiter Dist. Conseq.* Ergo illa gratia non præsupponebat Incarnationis executionem, ut re ipsa factam, & tempore priorem,

rem, *Conced.* Non præsupponebat naturâ priorem, *Neg. Conseq.* Potest autem bene aliquid esse naturâ prius, quamvis sit tempore posterius, ut observat *Hau-noldus lib. 4. tract. 1. cap. 7. Controvers. 2.* Præsertim, si illud naturâ prius, sit causa præcisè moralis, quæ non requirit existentiam sui physicam.

*Obijcies 1310.* Non minùs est efficax gratia collata 32. per Christum ad merendam Incarnationem, quàm collata à solo Deo, absque ullo intuitu meritorum Christi; atqui gratiâ à solo Deo liberaliter collatâ, posset quis congruè mereri Incarnationem: ergo, & gratiâ per Christum collatâ. *Resp. Dist. Maj.* Si spectetur gratia secundum se, non minùs est efficax ad merendam Incarnationem collata per Christum, quàm collata à solo Deo, *Transf.* Si spectetur prout est præmium meritorum Christi, *Neg. Maj.* Quamvis enim gratia ex meritis Christi data, sit ejusdem virtutis, ac data à solo Deo, tamen dum datur ex meritis Christi, hoc habet peculiare, quòd ordine naturæ, supponat ipsam Incarnationem, tanquam principium gratiæ; atqui principium gratiæ non potest eadere sub meritum ejusdem gratiæ, cujus est principium: ergo.

*Obijcies 1410.* Gratia ex hoc, quòd detur ex meritis Christi non amittit vim suam merendi: ergo licet antiquis Patribus collata fuerit gratia ex meritis Christi, tamen poterant per illam mereri Incarnationem. *Resp. Dist. Ans.* Non amittit vim suam merendi remotam, *Conced.* Proximam, & expeditam, *Neg. Ans. & Conseq.* Eò ipsò enim, quòd gratia sit per Christum, tanquam per causam, non potest esse prior Christo in ratione causæ: ergo non habet vim proximam merendi Christum, & substantiam Incarnationis.



S. II.

*Solvuntur Objectiones contra secundam partem Thesis, quæ dicit: quòd Antiqui Patres aliquas circumstantias de congruo meriti fini, & Beata Virgo Maternitatem.*

34. **O**bjicies imò. Ex eo: quòd Antiqui Patres nullas circumstantias Incarnationis potuerint mereri. Unde sic: Si potuissent aliquas circumstantias Incarnationis antiqui Patres mereri, tunc potuissent mereri circumstantias progenitorum, loci, & temporis; atqui has non potuerunt mereri: ergo. *Prob. Min.* Hæ circumstantiæ sunt per se requisitæ ad existentiam Christi: ergo sunt per se pro priori ad meritum: ergo Antiqui Patres non poterant illas mereri. *Prob. Ant.* Hæ circumstantiæ individuant Christum, juxta illud vulgatum: *Forma, figura, locum, stirps, nomen, patria, tempus.* Unum perpetuè reddere lege solent: ergo. *Resp. Neg. Min. Ad Prob. Dist. Ant.* Hæ determinatæ circumstantiæ sunt per se requisitæ ad existentiam Christi, *Neg.* Aliquæ indeterminatè sumptæ, sunt per se, id est, connaturaliter requisitæ, *Transf. Ant.* Quia ad rationem meriti formaliter sumpti, utpote actus liberi, omnes illæ circumstantiæ se habent per accidens, essetque idem omninò meritum, si poneretur Christus à solo Deo extra locum, tempus &c. *Ad ulteriorem Prob. Dist. Ant.* Illæ circumstantiæ individuant Christum quoad nos, *Conced.* Quoad se, *Neg. Ant. & Conseq.* Et sic accipiendus est antiquus ille versus.
35. *Replicabis imò.* Approximatio agentis ad passum v. g. ignis requiritur per se saltèm ut conditio pro priori

priori ad effectum : ergo etiam illæ circumstantiæ.  
*Resp. Dist. Ant.* Aliqua approximatio requiritur pro  
 priori ad effectum, *Conced.* Hæc in individuo, *Neg.*  
*Ant. Dist. etiam Conseq.* Ergo etiam illæ circumstan-  
 tiæ per se requiruntur, acceptæ secundum speciem,  
 & indeterminatè, *Transf.* Acceptæ quoad individuum,  
 & determinatè, *Neg. Conseq.*

*Replicabis 2dò.* Quidquid complet inesse, est prius 36.  
 quàm agere ; atqui illæ circumstantiæ complent  
 Christum inesse : ergo sunt priores. *Resp. Dist. Maj.*  
 Quidquid substantialiter, aut per se complet inesse,  
 est prius quàm agere, *Conced.* Quidquid complet  
 per accidens, seu in tali esse, quod ad hoc agere  
 se habet impertinenter, *Neg. Mai. Similiter Dist. Min.*  
*& Neg. Conseq.* Hæc autem circumstantiæ impertinen-  
 ter se habebant ad Christi esse, adeoque poterant  
 illas Antiqui Patres, saltèm de congruo mereri,  
 cùm respectu substantiæ Incarnationis sint extrinsecæ,  
 ut observat *Gonet hic Dist. 7. a. 4. §. 1.*

*Obijcies 2dò.* Christus nullò modò potuit mereri 37.  
 circumstantias suæ Incarnationis : ergo neque An-  
 tiqui Patres. *Resp. Dist. Ant.* Non potuit mereri omnes  
 circumstantias suæ Incarnationis, *Conced.* Aliquas,  
*Neg. Ant.* Quænam autem illæ circumstantiæ sint,  
 quas Christus mereri potuit, dictum est *Thesi præce-*  
*dente §. 2. n. 82.* Aut aliter *Dist. Idem Ant.* Non potuit  
 mereri circumstantias sibi ex natura rei, & connat-  
 uraliter debitas, *Conced.* Circumstantias sibi non  
 debitas connaturaliter, & ex natura rei, *Neg. Ant.*  
 Aliqui enim Theologi docent : quòd Christus pro-  
 babiliter sibi defa<sup>cto</sup> meruerit circumstantias aliquas,  
 & quidem illas, quæ ipsi connaturaliter non debe-  
 bantur, v.g. Ut nasceretur in tali loco, tali tempo-  
 re, &c. Nam, licet Christo connaturaliter debeatur

*ali-*



*aliquis locus, aliquod tempus* &c. Non debetur tamen illi ex natura rei, & per se *hic locus, hoc tempus* &c. ergo.

38. *Replicabis.* Christus non potuit mereri circumstantias sibi connaturaliter debitas : ergo neque alias, licet ipsi fuerint connaturaliter indebitæ. *Resp. Neg. Conseq. Diss. est :* Quia circumstantiæ connaturaliter indebitæ, non constituunt per se causam physicè effectivam actûs meritorij, nec quidquam conferunt, sive ad valorem objectivum, sive ad personalem; ut per se patet, sed habent se purè per accidens; at verò circumstantiæ connaturaliter debitiæ, constituunt causam physicè effectivam actûs meritorij: ergo.

39. *Obijcies 3<sup>id.</sup>* Deus ab æterno prædefinivit certum tempus, (*idem est de stirpe & loco,*) in quo executurus erat Incarnationem; adeoque hoc tempus nec accelerari potuit, nec prolongari, cum omne decretum Dei efficax sit immutabile: ergo circumstantia temporis &c. non potuit cadere sub meritum congruum Antiquorum Patrum. *Resp. Diss. Ant.* Deus pro executione Incarnationis prædefinivit ab æterno certum tempus, dependenter tamen à prævisione orationum, & desideriorum, quibus Antiqui Patres erant petaturi accelerationem Incarnationis, *Conced.* Prædefinivit hoc tempus independenter à prævisione talium meritorum, & desideriorum, *Neg. Ant.* Proinde, dum dicitur: Quodd Antiqui Patres meruerint accelerationem Incarnationis, non est sensus: quodd Deus priùs habuerit aliquod decretum differendi diutius Incarnationem, & postmodum propter desideria Patrum mutaverit hoc decretum, & determinaverit aliud tempus anterius, sed sensus est: (*ut observat Leonardus Penafiel Diss. 7. sect. 5.*) quodd Deus ab

ab æterno propter prævisa Patrum merita decreverit, ut Christus in hoc determinato tempore incarnaretur, decreturus ab æterno aliud tempus posterius, nisi futura Patrum desideria prævidisset. *Dist. etiam Conseq.* Ergo circumstantia temporis non potuit cadere sub meritum congruum causativum, & strictè dictum, *Conced.* sub meritum congruum dispositivum & minùs strictè dictum, *Neg. Conseq.* Illa itaque desideria Patrum & orationes, erant dispositiones pro futura Incarnatione.

*Objicies 4to.* Antiqui Patres omnem gratiam ad 40. merendum habuerunt ex meritis Christi: ergo Christus prævisus fuit ut merens, independentè à meritis Patrum, adeoque merita Christi fuerunt priora in prævisione Dei, quàm merita Patrum: ergo non potuerunt mereri ullam circumstantiam Incarnationis. *Resp. Dist. ultimum Conseq.* Non potuerunt mereri ullam circumstantiam Incarnationis meritò causativò, & strictè dictò, *Conced.* Meritò dispositivò, & minùs strictè dictò, *Neg. Conseq.* Merita itaque Antiquorum Patrum, non erant causativa & inductiva præmij, adeoque non erant stricta merita de congruo, sed dispositiones pro futura Incarnatione.

*Objicies 5to.* Ex eo: quòd Beata Virgo videatur *41.* sibi meruisse Maternitatem de condigno. Jam sic: Augmentum gratiæ est quid majus, quàm Maternitas Dei; atqui Beata Virgo meruit sibi de condigno augmentum gratiæ, & charitatis: ergo à fortiori Maternitatem Dei. *Prob. Maj.* Ex illo *Luce 11.* ubi, eùm mulier quædam extollens vocem dixisset ad Christum: *Beatus venter, qui te portavit, & ubera que suxisti.* subjunxit Christus: *Quinimò beati, qui audiunt verbum Dei, & custodiunt illud.* Quibus verbis, ut annotat Glossa ibidem, præposuit Christus sancti.



sanctitatem vitæ, dignitati Matris Dei: ergo. *Resp. Neg. Maj.* Nam esse Matrem Dei, est aliquomodo cooperari proximè ad unionem hypostaticam, ministrando scilicet, materiam proli concipiendæ, quæ est Deus, ac proinde importat dignitatem quandam infinitam, ut docet *D. Thom. 1. p. q. 25. a. 6. ad 4.* Quod attinet sanctitatem Beatæ Virginis, potest dici: quodd ipsi magis proficua fuerit sanctitas personalis ( *loquendo formaliter,* ) quàm dignitas Matris; quia per sanctitatem fuit intrinsicè perfecta per plura dona supernaturalia, quod non habuit per maternitatem, nisi causaliter, imò nec physicè, ( *ut observat Gonet. hęc Diss. 7. a. 4. S. 3.* ) sed solum moraliter, quatenus, scilicet congruum erat, ut Mater Dei haberet præ cæteris sanctis plùs gratiæ, & puritatis. Et hoc est, quod voluit Christus *Luce 11.*

42. *Obijcies 6id.* Maternitas non fuit infinitæ dignitatis: ergo potuit cadere sub meritum condignum: ergo illam sibi meruit de condigno Beata Virgo, *Resp. Diss. Ant.* Non fuit infinitæ dignitatis, neque etiam in altiori ordine, *Neg.* Et fuit in altiori ordine, *Conced. Ant.* Maternitas enim importat quandam affinitatem cum Deo, teste *S. Thom. 2. 2. q. 103. a. 4. ad 2.* ratione cujus constituitur in altiori ordine; unde, licet non sit dignitatis infinitæ, quia tamen est altioris ordinis, idèd non potest cadere sub meritum condignum. Sicut, licet peccatum non sit malitiæ simpliciter infinitæ, quia tamen est in altiori ordine, idèd nulla pura creatura potest pro illo condignè satisfacere.

43. *Obijcies 7imò.* Fides videtur fundare majores prærogativas, quàm Maternitas: ergo Maternitas non fuit tantæ dignitatis, ut non potuisset illam B. V. mereri de condigno. *Resp. Neg. Ant.* Maternitas enim fun-

fundat immunitatem à peccato originali, & ab omni culpa personali, tam mortali, quàm veniali; imò fundat tantam gratiam, quantam nec Adamus, nec omnes simul sumpti homines, & Angeli habuerunt; ex his tamen nihil præstat Fides: ergo.

*Replicabis.* S. August. lib. de Virginitate. cap. 3. ita ait: 44.

*Beatior fuit Maria percipiendo fidem Christi, quàm concipiendo Verbum:* ergo tamen fides videtur fundare majores prærogativas. *Resp.* Explicando S. August. cum distinctione: Beatior fuit, id est: utiliùs erat Mariæ percipere fidem, quàm concipere Verbum, *Transf.* Digniùs erat, & ex natura sua excellentiùs, *Neg. Ant. & Conseq.* Hæc autem utilitas non est tanta prærogativa; siquidem etiam naturæ humanæ est utilior visio beatifica, quàm unio hypostatica, non tamen dignior; unde potest esse sæpiùs res utilior, non tamen dignior; nos autem hic loquimur de dignitate, non verò de utilitate.

*Obijcies 8vo.* Qui meretur ultimam dispositio- 45.  
nem de condigno, meretur ipsam formam de condigno; atqui Beata Virgo meruit de condigno ultimam dispositionem ad Maternitatem, juxta illam orationem post salve Regina: *Omnipotens sempiterne Deus, qui gloriose Virginis Matris Mariæ corpus & animam, ut dignum Filij tui habitaculum effici mereretur, Spiritu Sancto cooperante preparasti:* ergo. *Resp. Diss. Maj.* Qui meretur de condigno ultimam dispositionem, cui ex natura rei debetur forma, meretur similiter & ipsam formam, *Conced.* Qui meretur de condigno dispositionem ultimam, cui tantum ex quodam congruitate, & decencia debetur forma, meretur de condigno ipsam formam, *Neg. Maj.* Maternitas autem illi dispositioni non debebatur ex natura rei, seu ex condignitate, & justitia, sed tantum ex congruitate



te & decentia; unde etiam Beata Virgo meritò congruò, non quidem causativò & inductivò, merita est maternitatem, sed tantum meritò dispositivò, teste *Esparza*. Hinc aliqui Theologi dicunt, quòd Beata Virgo fuerit condignè disposita, pro maternitate, non tamen illam condignè meruerit. Ita *Hannoldus hic cap. 7. controvers. 2. §. 1. n. 344. Reding. q. 5. a. 1. controvers. 3. n. 12. Et alij.*

46. *Objicies 9mò.* Christus est meritis Maternitatem Beatæ Virgini: ergo illa non poterat mereri eandem de congruo. *Resp. 1mò.* Quòd aliqui Theologi sic *Distingunt Ant.* Est meritis Maternitatem meritò compensativò, *Concedunt.* Meritò inductivò, *Negant Ant.* Alij *Negant Ant.* Ex eo: quòd Christus fuerit posterior stante hoc rerum ordine, Beata Virgine ut Matre. Alij sic *Distingunt Ant.* Christus qui Filius, materialiter, & secundum se sumptus meruit B. V. Maternitatem, *Concedunt.* Quà Filius *Negant. Ant.* Quia meritis Christi quàm Filij (*ut ipsi volunt,*) erant posteriora Maternitate in præscientia divina considerata. Alij dicunt Matrem Christi fuisse quidem priorem tempore & in executione, non tamen naturâ & in intentione; adeoque docent, quòd Christus potuerit B. V. mereri Maternitatem, & debuerit, tanquam principium omnis omnino meriti, & prior in intentione. *Resp. 2dò.* conformiter ad nostra principia *Dist. Conseq.* Ergo illa non poterat eandem mereri meritò de congruo causativò, inductivò, & strictè dictò, *Conced.* Meritò dispositivò, & minus strictè dictò, *Neg. Conseq.* Licet enim Antiqui Patres aliquas circumstantias Incarnationis, & Beata Virgo Maternitatem meruerit de congruo, hoc tamen meritum non erat causativum & strictè dictum, sed tantum dispositivum; quia omnia merita eorundem

dem dependebant à meritis Christi, àt absolute prævisis.

*Replacabis.* Divisio meriti in causativum & dispositivum, est nova, & in scholis inaudita: ergo si B. V. non meruit sibi Maternitatem de congruo, meritò causativò, & stricte dictò, neque meruit sibi eandem meritò dispositivò, & minùs stricte dictò. *Resp. Neg. Ant.* Quòd etenim B. V. meruerit sibi Maternitatem meritò dispositivò, docet P. Haunoldus lib. 4. Tract. 1. cap. 7. Controvers. 2. Unde Divisio meriti in causativum & dispositivum non est nova, & in scholis inaudita. Audiatur præfatus Author loc. cit. n. 344. ità concludens: Dico secundò. Beatissima Virgo fuit condignè disposita, seu dispositivè digna, dignèque præparata, quæ assumeretur in Matrem Dei. Conclusionem firmant locutiones Patrum, & Ecclesiæ, & est res indubitata inter Catholicos; fuit enim tam quoad corpus, quàm quoad animam mundissima, non solum ab omni culpa actuali & personali, sed etiam originali; ornata insuper gratiâ sanctificante supra omnes alias puras creaturas. Ità ille. Si ergo juxta hunc Authorum potuit se B. V. condignè disponere pro Matre Dei, potuit etiam se de congruo disponere, & vi hujus dispositionis Maternitatem sibi mereri, meritò dispositivò, & minùs stricte dictò: ergo &c.





# THESIS IV.

*Unio Hypostatica (imò.) est aliquid modaliter distinctum ab extremis. Ut colligitur ex D. Thom. hic q. 2. a. 6. & 7. Accedit Scotus in 3. Dist. 1. q. 1. §. ad primum dico. cum Scotistis. Suarez 3. p. Diss. 8. sect. 3. Valquez Diss. 18. cap. 3. Sylvester Maurus hic q. 3. a. 7. Salmanticenses hic Tract. 21. Diss. 4. dub. 1. §. 1. cum plurimis. Gormaz hic Diss. 13. sect. 1. Et alij plures, quos refert, & sequitur Amicus hic Diss. 8. sect. 2. n. 66. Quæ unio (zdd.) non est facta in natura, sed in persona. Est Dogma fidei, definitum in Concilio Ephesino 1. Chalcedonenf. actione 1. & 5. In Lateranensi sub Martino I. consultatione 5. can. 4. usque ad 9. In alio Lateranensi sub Innocentio 3. ut habetur cap. Firmiter, de summa Trinitate & fide catholica; adeoque est omnium Catholicorum Theologorum.*

- i. **P**robatur una pars Thesis. imò. *Authorit. S. Thomæ. Ex eo: quod unio hypostatica sit aliquid modaliter distinctum ab extremis. Unde sic: S. Thom. 3. p. q. 2. in titulo unionem vocat modum; ibidem articulo 6. probat esse substantialem; a. 7. creatum, & ipsissimam unionem hypostaticam asserit esse relationem, dum in ☉ ita ait: Unio de qua loquimur, est relatio quedam, quæ consideratur inter divinam naturam, & humanam, secundum quod conveniunt in una persona Filij Dei. Sicut autem (in prima parte q. 13. a. 7.) dictum est: omnis relatio, quæ consideratur inter Deum & creaturam, realiter quidem est in creatura, per cujus mutationem talis relatio innascitur, non autem est realis in*

in Deo, quia non innascitur secundum mutationem Dei; sic ergo dicendum est: quod hæc unio de qua loquimur, non est in Deo realiter, sed secundum rationem tantum, in humana autem natura, quæ creatura quædam est, realiter est; & ideo oportet dicere, quod sit quid creatum. Ergo, cum juxta S. Thomam unio hypostatica sit modus, substantialis, creatus, & relatio quædam; signum est, quod modaliter distinguatur ab extremis. Unde propter hanc autoritatem S. Thomæ ex Thomistis istam sententiam amplexus est, Herreta Tarozonensis Episcopus. Aravio Episcopus Segobienensis. Et Godoy Episcopus Oxomenis.

Probatur 2do. Et declaratur hæc doctrina D. Thomæ. 2o. quod videlicet unio hypostatica sit: 1mo. Aliquid creatum, Jam sic: Nihil increatum incipit esse in tempore; nam omne increatum identificatur Deo, essentialiter æterno; atqui unio hypostatica non fuit ab æterno, sed incepit in medio annorum, in plenitudine temporis: ergo unio hypostatica non est aliquid increatum, sed creatum. 2do. Quod unio hypostatica sit aliquid substantiale. Ratio est: Tum, quia modus desumit suam speciem à modificato; atqui unio hypostatica est modus, ut immediatè videbimus, modificatum autem est substantia, videlicet natura humana: ergo. Tum, quia hoc definitum est in Concilio Lateranensi sub Martino I. consult. 5. Canone 6. his verbis: si quis secundum SS. Patres non confitetur propriè substantialem unionem, condemnatus sit. Tum, quia substantiale est, quod pertinet ad intrinsecam rationem substantiæ, atqui unio hypostatica pertinet ad intrinsecam rationem substantiæ, nempe Christi: ergo. 3io. Quod sit modus. Ratio est: quia modus est ultimata actualitas, tollens intrinsecam indifferentiam extremorum; atqui unio hypostatica



est huiusmodi actualitas, ut mox patebit: ergo unio hypostatica est quid creatum, substantiale, & modale; adeoque modaliter distinctum ab extremis.

3. *Probatur 3<sup>io</sup>.* Pro illo priori signo naturæ, in quo humanitas Christi fuit producta, prius naturâ, quam fuerit assumpta à Verbo, fuit intrinsicè indifferens ad hoc, ut pro posteriori assumeretur, vel à Patre, vel à Spiritu S. ergo hæc intrinseca indifferencia debuit *formaliter* tolli per aliquid, per quod humanitas *formaliter* pro posteriori determinaretur ad hoc, ut *substantialiter* potius uniretur Filio, quam Patri, vel Spiritui S. Atqui hæc intrinseca indifferencia non potest tolli, nisi per modum intrinsecum, cuius essentia sit, hanc numerò humanitatem conjugere *substantialiter* Verbo, non autem Patri, aut Spiritui S. qui modus intrinsecus non est alius, quam unio hypostatica: ergo. *Prob. subsum.* sublativum huius indifferentiæ. *1<sup>mo</sup>.* Non potest esse carentia propriæ subsistentiæ creatæ; quia stante hac carentiâ, humanitas est æquè indifferens, ut assumatur à Patre vel Spiritu S. *2<sup>do</sup>.* Non *intima præsentia*, *coexistentia*, aut *cubicatio*; quia omnes tres Personæ Divinæ sunt æquè intimè præsentis, & coexistentes humanitati. *3<sup>io</sup>.* Nec potest esse decretum Dei volentis, ut hæc humanitas potius uniretur Verbo, quam reliquis Personis Divinis, quia illud decretum est humanitati extrinsecum; indifferencia autem est intrinseca: ergo. *Præterea*: huic decreto debet assignari aliquod objectum, atqui non aliud, quam unio hypostatica: ergo. *4<sup>to</sup>.* Non dispositio ultima; quia hæc concurret in genere causæ efficientis; non est autem ratio formalis: ergo sublativum huius indifferentiæ, debet esse unio hypostatica; per consequens est modus ab extremis modaliter distinctus.
4. *Probatur 4<sup>to</sup>.* Humanitas ex non unita intrinsicè, fa-

ita est intrinsecè unita Verbo; adeoque de uno contradictorio *intrinseco* & *physico*, transivit in alterum contradictorium interinsecum, & physicum; atqui implicat de contradictorio *intrinseco*, & *physico*, transire in alterum contradictorium intrinsecum & physicum, absque physica mutatione transeuntis: ergo humanitas non potuit ex non unita *intrinsecè*, fieri unita *intrinsecè*, absque *intrinseca* & *physica* mutatione sui; atqui id, quod per mutationem intrinsecam recipit humanitas, manifestè est unio: ergo unio hypostatica est distincta ab extremis; atqui non est entitas absoluta, quia sic esset indifferens ad extrema, & ad tollendam hanc ultimam indifferentiam, necessaria foret alia aequalitas, de qua rediret quæstio, & processus in infinitum: ergo est *entitas modalis*, & per consequens modaliter distincta ab extremis.

*Probatur 5<sup>to</sup>. Cum Gormaz. Qui Disput. 13, hæc sect. 1. hóc, aut saltè simili modò discurret. Verbum caro factum est; atqui non ratione solius humanitatis factæ: quia humanitas fuit facta pro priori naturæ ante assumptionem; neque aliud est assignabile, quàm unio substantialis facta per actionem incarnativam: ergo Verbum est caro factum ratione unionis substantialis factæ & humanitati superadditæ, adeoque cùm unio sit facta, est quid creatum; cùm autem sit superaddita humanitati, est quid ab illa distinctum; atqui non aliter quàm modaliter, cùm non sit quid absolutum: ergo.*

*Probatur 6<sup>to</sup>. Distinctis actionibus debent assignari distincti termini; atqui actio productiva, & actio unitiva sunt distinctæ actiones: ergo debent ipsis assignari distincti termini. Atqui terminus actionis productivæ est humanitas: ergo terminus actionis unitivæ erit unio humanitatis ad Verbum: ergo.*

*Probatur 7<sup>imò</sup>. Denominatio realis, est enuntia-*



tio mentalis de rebus prout sunt in se ipsis : ergo implicat, ut nova realis denominatio duobus extremis *formaliter* conveniat, nisi saltē alterutri extremorum adveniat aliquid reale, seu forma nova realis, ut observant *Salmanticensēs Tract. 21. Diss. 4. dub. 1. §. 2. n. 9.* quæ sit fundamentum illius denominationis *realiter* ac *formaliter* verificativum; atqui Verbum in tempore denominatur *physicè* ac *realiter unitum* humanitati; & humanitas veritate fidei dicitur, *realiter*, *intrinsecè unita* Verbo : ergo alterutri inest aliqua forma realis. *Subsumitur* : atqui non inest Verbo, quod est actus purus, expers omnis potentiae *realiter* receptivæ : ergo illa forma realis, nempe unio hypostatica, inest humanitati : ergo &c.

§. *Probatur 8vo.* De fide est, quod humana natura intrinsecè *realiter*, ac *physicè unita* sit Verbo Divino; item, quod divina Verbi personalitas *realiter* ac *physicè unita* sit naturæ humanæ : ergo certum est, quod detur realis ac physica unio inter naturam humanam, & Divinam Verbi Personalitatem. Atqui id, per quod ejusmodi propositiones verificantur, non est divina Verbi personalitas, neque humanæ naturæ entitas : ergo est aliquid illi superadditum, & ab ipsis distinctum. *Probat. subsump.* Verbum Divinum existit ab æterno, nec tamen ab æterno fuit *realiter unitum* naturæ humanæ; natura enim humana potuit existere à parte rei, quin *realiter physicè*, ac *intrinsecè uniretur* divinæ Personalitati; tum, quia unio ista est supernaturalis; tum, quia natura humana, quæ defactò est in Christo, est ejusdem speciei cum naturis cæterorum hominum; hæ autem possunt existere à parte rei, licet non uniantur Divinæ Personalitati : ergo, & illa potuit : ergo verificativum hujusmodi propositionum, est aliquid Ver-

Verbo, ac humanæ naturæ superadditum; atque ab  
ijsdem distinctum. *Confirmatur* cum Elsparza *lib. 9.*  
*de Myſterio Incarnat. q. 20. a. 2.* Quæ sunt realiter ſe-  
parabilia, non ſunt realiter idem; nihil enim eſt  
realiter ſeparabile à ſe ipſo; atqui Verbum & na-  
tura humana ſunt entitates ab unionem hypſtatica ſe-  
parabiles, ut conſtat ex immediate dictis: ergo non  
ſunt realiter idem: ergo ſunt aliquid diſtinctum;  
atqui non aliter, quàm modaliter: ergo.

*Probatur 9<sup>o</sup>.* Incarnatio eſt actio realis alicujus in 9.  
tempore productiva: ergo unio hypſtatica diſtin-  
guitur ab extremis quæ uniunt. *Ant.* eſt certum apud  
Theologos ex Concilio Lateranenſi *cap. Firmiter. de*  
*ſumma Trinitate.* Sextâ ſynodo Generali Conſtantino-  
politana. Concilio Toletano 6. & 11. Ubi definitur:  
*Totam Trinitatem eſſe cauſam efficientem Incarnationis;*  
*quia opera Trinitatis ad extra omnibus tribus perſonis ſunt*  
*communia. Prob. itaque Conſeq.* Quia per actionem  
incarnativam, utpotè effectivam, producitur aliquis  
terminus realis; atqui non Verbum, quia hoc æter-  
num eſt. Non etiam ſola humanitas, quia hæc pro-  
ducitur per actionem naturalem ejusdem ſpeciei, cum  
actione cæterarum humanitatum productiva; actio  
autem incarnativa eſt ſupernaturalis, adeoque eſt di-  
verſæ rationis ab actione humanitatis productiva:  
ergo per actionem incarnativam producitur unio hy-  
poſtatica ab extremis modaliter diſtincta.

*Probatur 10<sup>o</sup>.* Modus, habitudo, ſeu relatio ſub- 10.  
ſtantialis ex definitione, ac eſſentia ſua, eſt realis for-  
malitas, per quam duo ſubſtantialia ad ſe invicem  
indifferentia, ultimatè & formaliter determinantur;  
atqui unio hypſtatica eſt huiusmodi formalitas: er-  
go. *Prob. Min.* Formalis unio hypſtatica, eſſentia-  
liter, intrinſecè ac formaliter determinat hanc na-  
turam



turam humanam, ad hanc (*nempe divini Verbi*) Personalitatem, ut illa, ab hac *substantialiter* inesse suppositi terminetur; ut personalitati huic, præ alijs referatur; atqui tam Personalitas Verbi divini, quàm humanitas, sunt extrema substantialia ad se invicem indifferentia; nam Verbum divinum de se est indifferens, ut terminet naturam vel Angelicam vel humanam, & inter naturas humanas hanc vel aliam numerò; & humanitas etiam est indifferens, ut terminetur substantialiter per subsistentiam creatam vel increatam; & inter increatas, ut terminetur formaliter à Personalitate Patris, vel Personalitate Filij, vel Spiritûs S. ergo.

11. Probatur *imò*. Unio hypostatica est aliquid creatum, ut constat ex *n. 2.* Est aliquid substantiale, ut patet ex *n. eodem*. Atqui aliquid ab extremis distinctum, ut probatum est *n. 5.* Atqui non est aliquid absolutum, distinctione reali majore distinctum, atque ex essentia sua indifferens ad hæc, vel alia extrema formaliter intrinsecè unienda, ut dictum est *n. 4.* Ergo est aliquid relativum ex essentia sua determinatum ad hæc, & non alia extrema, inter se formaliter intrinsecè unienda: ergo est modus.

12. Probatur 2da pars *Thesis imò*. Ex eo: quòd unio hypostatica in Christo non sit facta in natura, sed in Persona, seu quòd Natura divina & humana in Christo, non fuerint factæ per unionem natura unica, ut voluit Eutiches, & Dioscorus, sed sit facta unica Persona, ut negavit Nestorius. Jam sic: Christus Dominus post unionem factam, mansit verus Deus, & homo: ergo in illo post unionem, fuit Natura divina & humana. Conseq. est legitima. *Ant.* est de fide, & patet ex illo *Isaia 9.* Quòd videlicet Christus fuerit verus Deus,

Deus, ubi ita dicitur: *Parvulus natus, & Filius datus est nobis, & vocabitur nomen ejus, consiliarius admirabilis, Deus fortis.* Et ibidem cap. 35. ita habetur: *Deus ipse veniet, & salvabit nos:* ergo. Quod autem fuerit etiam verus homo, patet, tum, ex innumeris veteris testamenti locis, in quibus dicitur: quod Christus sit futurus ex semine Abraham, ex fœmore Jacob, Filius David &c. Tum, ex illo Joannis 8. ubi Christus de se ipso dixit: *Quæritis me hominem interficere, qui veritatem vobis locutus sum.* Et ibidem cap. 9. ubi dixit à nativitate cœcus: *Ille homo, qui dicitur JESUS, fecit lutum.* Quem Christus non correxit, sed tantum ulterius petijt, ut crederet quoque se esse Filium Dei: ergo. Cùm itaque fuerit verus homo, evidenter sequitur, quod etiam haberit verum corpus, & non purè phantasticum, ut docuit *Manetes Persa*, qui se Manichæum appellavit; neque ex materia cœlesti, ut voluit *Valentinus Hæreticus*, sed ex carne humana assumptum: ergo.

*Probatur 2dò.* Christus est perfectus Deus, & homo, ut constet ex symbolo S. Athanasij, qui dicit: *Perfectus Deus perfectus homo, ex anima rationali & humana carne subsistens:* ergo ex natura humana & divina unitis, tanquam ex duobus imperfectis, non resultavit in Christo Domino una natura, ut volunt Hæretici. Conseq. patet. Quia non stat perfectus Deus sinè Deitate perfecta, nec absque humanitate perfecta, potest perfectus homo consurgere; sicut absque albedine perfecta non potest perfectum album esse; nam universaliter repugnat (ut observat *Gordoy* q. 2. de Incarnatione. tract. 2. Diss. 9. §. 1.) perfectio in concreto, absque perfectione formæ concretum constituentis: ergo si Christus est perfectus Deus, & perfectus homo, non componitur ex Deitate & hu-



humanitate imperfectis, (ut magis *n. 16.* declarabitur,) sed in illo Deitas & humanitas perfectè inveniuntur.

14. *Probatur 3<sup>to</sup>.* Si in Christo per unionem facta fuisset una natura ex duabus, vel hoc factum fuisset per conversionem Naturæ divinæ in humanam, aut vicissim, prout volebat Evtiches. Vel per utriusque confusionem, & mixtionem substantialem eò modò, quò ex elementis fit una natura, seu substantia mixta, ut volebat Dioscorus; atqui nullò hòc modò facta est una: ergo. *Prob. Min. imò.* Non est facta una per conversionem Naturæ Divinæ in humanam; quia Natura Divina est essentialiter immutabilis, & indestruibilis; illud autem quod convertitur in alterum, mutatur & desinit esse: ergo. *add.* Neque est facta una per conversionem naturæ humanæ in Divinam; quia sic desisset natura humana in Christo; adeoque Christus non esset verus homo, quod est contra fidem. *3<sup>to</sup>.* Etiam non est facta una per mixtionem substantialem utriusque naturæ; quia in mixtione substantiali miscibilia corrumpuntur, & generatur ex illis novum mixtum diversæ speciei, quòd Naturæ Divinæ convenire non potest: ergo.

15. *Confirmatur.* Inter extrema multum distantia non potest mixtio fieri, ex eo, quòd unum ob excessum activitatis, quæ eminet super aliud, illud in sui naturam convertat, ut patet; sic, si aliquis guttam aquæ infundat amphoræ vini, non resultat ex illis tertia species, sed aqua in vinum convertitur, ob excessum quantitatis vini; atqui Natura Divina in infinitum excedit humanam: ergo talis mixtio ex illis fieri non potest, ut ex utraque fiat una natura, sed Natura Divina convertet in se naturam humanam, solùmque Dei Natura remanebit in Christo, quod est

con-

contra fidem myſterij, quā credimus, Chriſtum eſſe verum Deum, verūque hominem : ergo.

*Probatur 4to.* Si ex Natura Divina & humana in 16. Chriſto, fuiſſet facta una natura, tunc fuiſſet facta tanquam ex duobus imperfectis; atqui non potuit fieri tanquam ex duobus imperfectis : ergo. *Prob. Min.* Unum ex duobus imperfectis ſolū eſſe poteſt, vel per modum partium quantitativarum, ex quibus totum integrale reſultat, vel per modum materiæ & formæ, ex quibus totum phyſicum componitur; atqui Natura Divina nullū ex his modis potuit cum natura humana fieri una : ergo. *Prob. Min.* Impriſis non potuit primō modō fieri una, quia partes quantitativæ ſunt corporeæ; atqui Natura Divina non eſt corporea, imō ſummē incorporea : ergo in hac compositione & unitate, non potuit ſe habere ut pars quantitativa. Atqui etiam non potuit fieri una, eō modō, quō ex materia & forma ſit unū compositum : ergo. *Prob. ſubſump.* De ratione formæ eſt informatio, de ratione materiæ eſt potentialitas, de ratione utriusque, eſt dependentia à toto, ad cujus compositionem, ut ad finem ordinantur; atqui repugnat Naturæ Divinæ informatio, potentialitas, & dependentia, ut per ſe patet : ergo Natura Divina in Chriſto nec materia, nec forma eſſe potuit; & per conſequens ex illa & humanitate, unitis per modum materiæ & formæ, non potuit tertia reſultare natura.

*Confirmatur.* Quod ex materia & forma reſultat, ſi 17. forma non adæquet materiam, eſt numerō multiplicabile, & communicabile pluribus numerō tantū diſtinctis; atqui, ſi Divinitas eſſet forma humanitatis, non adæquaret materiam, quam informabat, cum aliæ humanitates non eſſent ab illa informatæ :

ergo



ergo natura ex Divinitate ut forma, & humanitate ut materia resultans, esset pluribus communicabilis & multiplicabilis numero, & per consequens non esset tantum unus Christus, sed plures, quod est contra S. Athanasium in symbolo ita dicentem: *Non duo tamen, sed unus est Christus*; adeoque non potuit ex Divinitate ut forma, & humanitate ut materia, tertia resultare natura.

18. *Probatur 5to.* Species juxta Philosophum habent se sicut numeri, ita ut addita quolibet differentia, species varietur, sicut numerus addita quolibet unitate variatur specificè in ratione numeri: ergo, si ex natura humana & Divina, resultasset una natura per additionem naturæ ad naturam, Christus neque esset Divinæ neque humanæ naturæ, sed alterius, ab utraque specificè distinctæ; siquidem addita naturâ, superadditur differentia. Ex quo ulterius sequitur, quod nec esset homo, per consequens nec illius operationes essent Dei, & hominis; atqui hoc est contra expressa S. Scripturæ testimonia, ex quibus habetur, Christum esse verum Deum, & verum hominem, ejusque operationes esse Dei & hominis: ergo &c.
19. *Probatur 6to.* Ex eo: quod unio hypostatica facta sit in persona Verbi, adeoque, quod in Christo una tantum sit persona. Et quidem Autoritate Concilij Alexandrini ubi contra Nestorium definitum est: *unam tantum in Christo esse personam*; quam definitionem approbavit Concilium Ephesinum I. Constantinopolitanum V. Collat. 8. Chalcedonense Collat. 1. Et specialiter in synodo Ephesina can. 2. ita definitum est: *Si quis non confitetur carni secundum subsistentiam unitum esse Verbum, quod est à Deo Patre, & unum esse Christum cum sua carne, eundem, videlicet Deum simul, & hominem, anathema sit.* Confirmatur Autorit. S. Atha-

S. Athanasij, qui in suo symbolo ita dicit: *Qui licet Deus sit & homo, non duo tamen, sed unus est Christus*; atqui si in Christo darentur duæ naturæ, & duæ personæ, ut voluit Nestorius, essent duo Christi: ergo. Eidem veritati consentiunt omnes Ecclesiæ Doctores. Cyrillus *Opuscul. ad Erythrium*. Damascenus *lib. 3. de fide. cap. 12.* Nazianzenus *Oratione 1. ad Dedanimum*. S. Thom. 3. p. q. 2. a. 2. Et plures alij, quos referunt commentatores *D. Thom.* in præsentem locum.

*Probatur 7mo.* Natura humana est verè & realiter unita Verbo Divino; atqui hæc unio non est facta in Natura Verbi, ut patet ex immediatè dictis: ergo facta est in Persona Verbi. *Confirmatur.* Duo concreta non possunt de se invicem prædicari, nisi formæ talium concretorum uniantur eidem supposito, & personæ; atqui ratione unionis hypostaticæ, Deus & homo de se invicem prædicantur in concreto; bene enim dico: *Deus est homo, homo est Deus*: ergo. *Prob. Maj.* Non potest dici: *album est dulce*, nisi albedo & dulcedo eidem subjecto uniantur: ergo duo concreta non possunt de se invicem prædicari, nisi formæ talium concretorum uniantur eidem supposito, & personæ; & per consequens natura humana & Divina debent respicere tantum unam personam.

*Probatur 8vo.* Cum Godoy q. 2. de *Incarnatione. Tract. 21. 2. Diss. 9. §. 8.* Unio illorum, ex quibus una resultat persona, est unio facta in persona; atqui ex unionem Verbi ad humanitatem, una resultavit persona, subsistens in duabus naturis, humanâ nempe & Divinâ, quæ est, & dicitur Christus: ergo unio Verbi ad humanitatem, facta est in persona. *Major est certa*; hæc enim solâ ratione Nestorius, & illius sequaces negabant unionem Verbi ad humanitatem in persona



na factam esse, quia non recognoscebant in Christo unam personam ex natura humana & divina resultasse, sed asseriebant Christum esse purum hominem, distinctum personaliter à Verbo Dei, illique solum accidentaliter esse unitum, per effectum specialem, & tanquam inhabitanti in templo suo per gratiam. *Prob. Min.* Quam Nestoriani negant, ex Symbolo S. Athanasij, in quo dicitur: *sicut anima rationalis & caro unus est homo, ita Deus & homo unus est Christus*; atqui ex anima rationali, & humana carne unitis, resultat una persona: ergo etiam ex humanitate & Divinitate unitis, resultavit una persona Christi.

22. *Confirmatur* imò. S. Paulus 1. ad Corinth. 8. ita dicit: *Unus est Dominus JESUS Christus, per quem omnia*; atqui esse, per quem omnia, non convenit Christo ratione humanitatis, quia hæc est aliquid creatum, adeoque omnium principium esse non potest: ergo illi convenit ratione Divinitatis, & omnipotentie, in qua cum Patre identificatur, tanquam principio omnium rerum; adeoque Christus, prout ex Divinitate, & humanitate resultat, est unus; & per consequens una persona, non duæ, ut asseriebant Nestoriani.

23. *Confirmatur* addò: Idem S. Paulus ad Colossenses 1. ita ait: *In ipso condita sunt universa in celo & in terra.* Et postea subdit: *Et ipse est caput corporis Ecclesie, qui est principium, primogenitus ex mortuis.* Ex quibus verbis sic arguitur: Esse primogenitum ex mortuis, convenit Christo; esse, in quo condita sunt omnia, convenit filio Dei, nempe Verbo; atqui idem ipse est, in quo universa sunt condita, & qui est Primogenitus ex mortuis, ut expressè S. Paulus in allegato testimonio testatur: ergo Christus, & Verbum Dei idem sunt; atqui non sunt idem naturæ, ut patet ex dictis: ergo sunt unum idemque personæ.

*Pro-*

*Præ-*  
hanc  
cui c  
intri  
conve  
bo in  
ai: C  
denon  
cum e  
tio el  
differ  
Pater  
sting  
præd  
rinse  
disting  
tum;  
facta

*Solutio*  
to

O  
teria  
unio  
trem  
duæ  
Ant.  
ita a

*Probatur 9<sup>nd</sup>. Ratione D. Thom. hic q. 2. a. 2. ad 24.*  
 hanc formam reducta. Omne, quod intrinsecè ali-  
 cui convenit, unitur illi in persona; atqui Verbum  
 intrinsecè est homo; & consequenter humanitas illi  
 convenit intrinsecè: ergo humanitas fuit unita Ver-  
 bo in persona. Vel sic potest ratio *D. Thom.* propo-  
 ni: Omne, quod de aliquo prædicatur in quid, vel  
 denominativè, denominatione intrinseca, est unum  
 cum eo secundùm suppositum, & idè hæc proposi-  
 tio est falsa: *Petrus est Paulus*; quia suppositaliter  
 differunt. Item, hæc propositio in Deo est falsa:  
*Pater est Filius*; quia personaliter & suppositaliter di-  
 stingvuntur; atqui secundùm fidem, natura humana  
 prædicatur de Filio Dei *concreтивè*, & in quid, ac in-  
 trinsecè denominatione: ergo homo & Filius Dei, non  
 distingvuntur suppositaliter, sed sunt unum supposi-  
 tum, & per consequens unio humanitatis ad Verbum,  
 facta est in supposito, & non in natura.

## §. I.

*Solvuntur objectiones, contra primam par-  
 tem Thesis, quæ dicit: quòd unio hypostatica  
 sit aliquid modaliter distinctum ab extremis.*

**O**bjicies 1<sup>mo</sup>. Ex eo: quòd unio hypostatica non vi-  
 deatur esse aliquid modaliter distinctum ab extre-  
 mis. Unde sic: In naturali composito ex ma-  
 teria & forma substantiali, non est opus ullâ mediâ  
 unione modaliter, seu ex natura rei distincta ab ex-  
 tremis: ergo nec in composito Theandricò, in quo  
 duæ naturæ constituunt unum esse personale. *Prob.*  
*Ant. authorit. S. Thom. Qui 2. contra Gentes. cap. 71.*  
*ita ait: Forma unitur materie absque omni medio, nec est*



aliquid unum faciens ex materia & forma, nisi agens, quod potentiam reducit in actum: ergo. *Resp.* 1<sup>mo</sup> *Trans. Ant. Neg. Conseq. Disp. est:* Quia materia potest per aliquas accidentales dispositiones, v. g. per calorem ut 8. ultimatè, & intrinsecè determinari ad formam ignis, adeoque indifferentia materiæ ad formam ignis, posset intrinsecè tolli per ejusmodi prævias dispositiones, quæ naturaliter exigunt determinatam formam substantialem; at verò in humanitate ante subsistentiam, nullæ possunt recipi dispositiones accidentales; & quamvis recipi possent, nulla tamen est assignabilis dispositio, quæ ex natura rei exigeret determinatam subsistentiam Verbi, præ Patris, aut Spiritus S.: ergo, licet nulla admitteretur distincta unio in compositis naturalibus, adhuc tamen necessariò admittenda esset, & est in composito Theandrico. *Resp.* 2<sup>do</sup> *Neg. Ant.* Quia in nostris principiis probabilius est, & verius absolutè putant *Salmanticenses Tract. 21. hic Disp. 4. dub. 1. §. 7. n. 41.* quòd etiam inter materiam & formam detur modus unionis illas necens, & ab eis distinctus. *Ad Prob.* dico: quòd *S. Thomas loc. cit.* & alij, præcisè exclusit medium ut quod, non autem ut quo; agit enim ibidem partim contra *Averoë*m, qui dicebat animam rationalem uniri corpori mediantibus phantasmatibus; partim contra *Platonicos*, qui eam dicebant uniri corpori corruptibili, mediante quodam corpore incorruptibili, & inseparabili ab anima; partim contra alios, qui dicebant eam uniri mediante Spiritu corporali; nunquam autem exclusit medium uniens ut quo, prout plurimè fatentur Thomistæ.

26. *Obijcies add.* cum *Gonet hic Disp. 6. a. 3.* Nihil creatum potest esse actuale exercitium, seu actus secundus illius potentia divina, quâ Verbum terminat

mat humanitatem : ergo Verbum per se ipsum, & sine ullo medio, exercet formaliter rationem termini, & per solam suam personalitatem, secluso omni medio, terminat in actu secundo humanitatem. *Resp.* Imò. *Dist. Ant.* Nihil creatum potest esse actuale exercitium intrinsecum, seu actus secundus intrinsecus illius potentiae divinae, quâ Verbum terminat humanitatem, *Conced.* Nihil creatum potest esse extrinsecum exercitium, seu actus secundus, extrinsecè denominans Verbum in tempore assumens, ac terminans humanitatem, *Neg. Ant. & Conseq.* Illa enim assumptio, & terminatio, quâ mediante Verbum formaliter terminat humanitatem, est Verbo extrinseca, & soli humanitati intrinseca, ut docet *D. Thom.* hic q. 2. a. 7. *Resp.* 2<sup>da</sup>. cum Gormaz hic *Disp.* 13. de *constitutivo hypostaticæ unionis. Sect.* 2. n. 546. *Dist. Conseq.* Ergo Verbum per se ipsum exercet formaliter rationem termini ut quod, *Conced.* Exercet formaliter rationem termini ut quo, *Neg. Conseq.* Licet enim Personalitas Verbi, sit ille terminus, qui se habet *ut quod*, & qui complet humanitatem *ut quod*, non tamen est ille, qui se habet *ut quo*, qualiter se habet unio hypostatica : ergo.

*Obijciens 3<sup>ia</sup>.* Actuale exercitium Omnipotentiae divinae, creaturas producentis, non est aliquid creatum, modaliter ab ipsa Omnipotentia distinctum : ergo neque actuale exercitium Personalitatis Divinae, terminantis humanitatem, est aliquid creatum modaliter distinctum. *Prob. Conseq.* Ideo actuale exercitium Omnipotentiae Divinae, non est distinctum ab illa, quia hæc est actus purus in ratione principij productivi; atqui etiam Personalitas Verbi est actus purus in ratione principij terminativi : ergo. *Resp. Dist. Ant.* Actuale exercitium Omnipotentiae Divinae non est ali-



quid ab ea modaliter distinctum, tanquam aliquid intrinsecè superadditum omnipotentiae Divinae productivae, *Conced.* Tanquam aliquid intrinsecè superadditum creaturae productivae, & extrinsecè denominans omnipotentiam producentem creaturas in tempore, *Neg. Ant. & Conseq.* Nec omnipotentia Divina, nec Verbum, utpote actus purus, possunt reduci in actum secundum per aliquid superadditum ipsis intrinsecum, nullus tamen effectus creatus potest ab Omnipotentia Dei, ad extra produci, nisi per *productionem* seu *actionem* in effectu intrinsecè receptam, per quam effectus *formaliter* denominatur intrinsecè productus, & Omnipotentia actu producens.

28. *Obijcies 4to.* Positò agente extrinsecò, quod humanitatem ad Verbum extrinsecè, & ultimatè determinat, nulla superest extremorum ad se invicem indifferentia: ergo positò agente extrinsecò, nullà est opus unione superadditâ. *Confirmatur.* Positâ actione unitivâ humanitatis ad Verbum, humanitas necessariò unitur Verbo: ergo ad hanc unionem sufficit Verbi, humanitatis, & actionis unitivæ coexistentia. *Resp. Dist. Ant.* Positò agente extrinsecè, & ultimatè determinante, nulla superest extremorum indifferentia extrinseca, *Conced.* Intrinseca, *Neg. Ant. & Conseq.* Imò repugnare videtur in terminis, determinatio purè extrinseca, & simul ultimata. Si enim est purè extrinseca, nondum est ultimata, quia nondum intrinseca: Si autem est ultimata, non est purè extrinseca, cum implicet, indifferentiam intrinsecam aliter tolli, nisi per determinationem intrinsecam. *Ad Confirm. Dist. Ant.* Positâ actione unitivâ, humanitas necessariò unitur Verbo efficienter, *Conced.* Eò ipsò etiam formaliter, *Neg. Ant. & Conseq.* Instat enim argumentum evidenter, si sic argueres: positâ actione

cale

calefactiva necessario existit calidum : ergo ad calidum sufficit coexistentia subiecti, & actionis calefactivæ absque superaddita forma caloris, quæ consequentia omnino est nulla; quia actio calefactiva non facit formaliter calidum, sed tantum efficienter: ergo à pari. Quare, sicut per hoc, quod actio calefactiva essentialiter inferat calorem, non excluditur, imò habetur necessitas formæ à calefactione distinctæ, per quam subiectum est *formaliter* calidum, ita per hoc, quod actio unitiva essentialiter inferat unionem, non excluditur, sed potius habetur necessitas unionis, & quidem modalis, ac distinctæ ab extremis, per quam humanitas *formaliter* uniatur Verbo.

*Obijcies 510.* Etiam Verbum est intrinsecè indifferens, ut terminet humanitatem; atqui hæc intrinsecæ indifferentia, non tollitur per unionem intrinsecam Verbo: ergo potest indifferentia intrinsecæ tolli, absque unionem distincta. *Resp. Neg. Maj.* Quia Verbum non est intrinsecè complebile, adeoque nec intrinsecè indifferens ad hoc complementum: humanitas autem, quia est intrinsecè perfectibilis, & complebilis in ratione suppositi, est etiam intrinsecè indifferens ad hoc complementum: hinc unio hypostatica, licet verè uniat Verbum humanitati, & humanitatem Verbo, non tamen eodem modò afficit utrumque extremum; Verbum enim unitur humanitati quasi *active*, communicando illi suam perfectionem; humanitas verò unitur *pure passive* ut recipiens, & non ut conferens perfectionem; adeoque unio hypostatica determinat humanitatem, immutando illam intrinsecè, tanquam aliquid *in quo*, Verbum verò non determinat, immutando illud *intrinsecè*, sed tantum *extrinsecè*.

*Obijcies 610.* Habitudo nova, quæ murus albus *A 30.*



sit similis muro albo *B*, non est aliqua superaddita entitas modalis in communiore sententia : ergo nec illa habitudo, per quam extrema fiunt unum. *Resp. Neg. Conseq. Disp. est*: Quia murus albus *A*, non est intrinsecè indifferens ad esse simile absolutè, sed tantum indifferens extrinsecè, dependenter à conditione extrinseca, nempe à termino, quò positò resultat absolutè denominatio similis, quæ priùs per albedinem fuit conditionatè in muro albo *A*. Hinc implicat existere duos muros albos, quin sint formaliter similes; at verò humanitas est intrinsecè indifferens ad simpliciter esse unitum Verbo; unde etiam potest coexistere Verbo, quin sit ei unita: ergo indiget determinatione modali intrinsecà.

31. *Obicies 7mo*. Licet unio distinguatur realiter ab extremis seorsim sumptis, non distinguitur tamen realiter ab extremis simul & indivisim sumptis, & sibi communicantibus aliquam perfectionem: ergo unio hypostatica non est modus ex natura rei distinctus ab humanitate, & Personalitate Verbi, simul sumptis. *Resp. Disp. Ant.* Unio non distinguitur realiter ab extremis simul sumptis, sola simultaneitate temporis, aut loci, vel cognitionis, *Neg.* Non distinguitur realiter ab extremis simul sumptis simultaneitate unionis, seu ab extremis ut unitis, *subdist.* unio non distinguitur ab extremis adæquatè ut unitis, *Conced.* Inadæquatè, & tanquam inclusum ab includente, *Neg. Ant. & Conseq.* Sicut enim albedo distinguitur à muro ut albo inadæquatè, tanquam inclusum ab includente; ita unio distinguitur ab extremis ut unitis, quia extrema ut unita præter unionem, dicunt suas proprias entitates, sicut murus ut albus, præter albedinem, dicit subjectum albedinis.

32. Rectè etiam hic monet *Esparza lib. 9. de Mystero Incarnat.*

*earnat. q. 20.* quærendum esse ex adversarijs, utrùm istæ voces: *extrema simul sumpta*, significant aliquem diversum realem modum, & aliquam diversam realem habitudinem, quam non significant istæ voces: *extrema seorsim sumpta*. Si affirmant? Ergo extrema simul sumpta includunt unionem realiter distinctam, qualem non includunt extrema seorsim sumpta, & sic sentiunt nobiscum. Si negent? Demonstrant se, solis verbis ludere; quandoquidem adhibent diversas voces, absque animo significandi diversas res, aut diversos realiter modos ejusdem rei. Quibuscunque autem vocibus denuò elabi conentur, urgendi iterum sunt simili interrogatione, circa significationem illarum vocum superadditarum, utrùm videlicet illæ novæ voces habeant novum significatum realiter distinctum, à significato priorum vocum? Neque desistendum est ab hac interrogatione, donec assignent diversitatem rei à parte rei significatæ, quod nunquam præstabunt, nisi significando aliquem modum realem superadditum extremis, secundum se consideratis.

*Objicies 8vò.* Extrema simul sumi, nihil aliud est, 33.  
quàm quando sumuntur cum intima Verbi inhabitatione, & carentia propriæ subsistentiæ: ergo possunt esse extrema inter se unita, sine modali unionem.  
*Resp. Neg. Ans.* Quia nisi per intimam præsentiam intelligatur realis, ac physicus nexus modalis, terminatus ad Verbum, sequeretur, quòd æquè Personalitas Patris ac Spiritûs S. unita sit humanitati ac Verbum; nam omnes tres personæ, ratione suæ immensitatis, sunt æqualiter intimè præsentem humanitati; humanitas etiam ut carens propriâ subsistentiâ, est æquè indifferens, ut assumatur à Patre, vel Filio, vel Spiritu Sancto; & hæc carentia propriæ subsistentiæ non



minùs adfuisset, si humanitas fuisset unita Patri, aut Spiritui S. ergo in his non consistit *formalis unio* humanitatis ad Verbum.

34. *Obicies* 9<sup>do</sup>. cum Recentioribus Thomistis, Ultimata determinatio, formaliter sit per decretum Dei, quò Deus vult indivisim hanc humanitatem unitam esse Verbo: ergo necdum est opus intrinsecà unione modaliter ab extremis distinctà. *Resp. Neg. Ant.* Ratio est: 1<sup>mo</sup>. Quia tale decretum est extrinsecum humanitati; unio autem est quædam entitas humanitati intrinseca. 2<sup>do</sup>. Decretum Dei est aliquid in creatum, unio autem hypostatica est aliquid creatum. 3<sup>to</sup>. Decretum Dei, seu voluntas Dei præcisè quæ talis, non alium effectum formalem, seu denominationem potest præstare humanitati, quàm denominationem extrinsecam *volui*, non autem intrinsecam denominationem *unui*, adeoque, licèt decretum Dei tollat illam indifferentiam *causaliter*, non tamen tollit illam *formaliter*. 4<sup>to</sup>. Illud Decretum Dei est practicum & efficax: ergo ponit suum objectum: ergo efficit aliquid in humanitate; non enim efficit humanitatem secundum se, quia hæc existere potest, quin formaliter uniatur, ac dependeat à Verbo: ergo vult, & efficit superadditam modalem unionem. 5<sup>to</sup>. Illud decretum Dei applicat omnipotentiam efficaciter ad executionem Incarnationis, seu unionis hypostaticæ: ergo unio formalis, est *naturà* posterior, tali decretò: ergo non potest in illo *formaliter* consistere unio.
35. *Obicies* 10<sup>mo</sup>. Verbum potest immediatè, & formaliter terminare unionem hypostaticam: ergo etiam humanitatem: ergo distincta unio, superflue admititur. *Resp. Neg. Conseq. Diss. est*: Quia unio modalis est essentialiter relatio dependens à suis extremis: ergo non est intrinsecè indifferens, per consequens

nec

nec indiget ullò *intrinsecò determinativò*; at verò natura humana secundùm se, & secundùm suam entitatem considerata, est indifferens: ergo.

*Objicies 11mò.* Subsistentia creata unitur naturæ, 36. sinè ullo medio superaddito: ergo etiam Divina.

*Resp. Neg. Conseq. Diss. est:* Quia subsistentia creata est modus; de essentia autem modi est, ut immediatè uniatur. At verò subsistentia Divina non est modus: ergo. Quòd autem modus debeat immediatè uniri, hoc non provenit ex aliqua perfectione, sed potius ex imperfectione, ex eo, quòd *essentialiter* dependeat à suis extremis, ità, ut nec *divinitus* sinè illis existere possit.

*Objicies 12mò.* Idèò inter materiam & formam de- 37.

bet admitti unio-modalis distincta, ut habeatur causalitas materiæ ad formam, & vicissim; atqui nulla datur causalitas subsistentiarum in natura, nec vicissim: ergo. *Resp. Neg. Maj.* Sed propter indifferentiam intrinsecam, ut videlicet hæc tollatur per unionem, tanquam per aliquid intrinsecum.

*Objicies 13tiò.* Quod convenit alicui per essentiam, 38.

& per se, non convenit illi per aliud, & ratione alicujus medij, etiam tantùm modaliter distincti; atqui Verbo divino per se convenit, esse ultimum formalem terminum naturæ, qui scilicet *formaliter* reddat naturam humanam in ratione personæ subsistentem: ergo hoc illi non convenit per unionem modalem distinctam. *Resp. Diss. Maj.* Quod convenit alicui per essentiam, & per se, tam in actu primo, quàm in actu secundo, non convenit ei per aliud, *Conced.* Quod convenit illi tantùm in actu primo, non autem in actu secundo, *Neg. Maj. Diss. etiam Min.* Atqui Verbo divino convenit esse ultimum formalem terminum naturæ in actu primo, id est, potentem reddere naturam humanam in ratione personæ subsi-

stent-



stentem, *Conced.* Convenit Verbo divino esse ultimum terminum formalem in actu secundo, id est: semper reddere naturam humanam in ratione personæ subsistentem, *Neg. Min. & Conseq.* Ut itaque Verbum reddat naturam humanam in actu secundo subsistentem, necessaria est unio modalis superaddita.

39. *Obijcies 14to.* Unio hypostatica, & humanitas, producantur per eandem actionem: ergo non sunt duo termini distincti. *Resp. Neg. Ant.* Quia actio, quæ producitur humanitas, est quoad substantiam naturalis, cum ipsa humanitas sit naturalis; actio verò quæ producitur unio hypostatica, est quoad substantiam supernaturalem, quia etiam unio hypostatica est quoad substantiam supernaturalem: ergo sunt actiones distinctæ.

40. *Obijcies 15to.* Si unio hypostatica esset intrinseca realis relatio, sequeretur: 1mo. Quod essentialiter requireret Personalitatem divinam, tanquam terminum, & substantiale complementum humanitatis; atqui implicat, ut aliquid creatum exigit Personalitatem divinam: ergo. *Prob. Min.* Nullum ens creatum, est ejusdem ordinis, cum Personalitate divina; atqui deberet esse: ergo. 2do. *sequeretur:* quod Deus nec per absolutam suam omnipotentiam posset conservare, aut ponere hanc unionem absque extremis, quæ essentialiter respicit; atqui hoc præjudicat absolutissimo Dei dominio in omnes creaturas: ergo. 3to. *sequeretur:* quod tota Trinitas assumpserit humanitatem, quia tota Trinitas effecit realem intrinsecam, modalem unionem: ergo. *Resp. ad 1mum, Neg. Min.* tum Argumenti, tum Probationis. Quia lumen gloriæ, & visio beatifica, sunt aliquid creatum, nec sunt ejusdem ordinis cum essentia divina, & tamen illam exigunt, ut uniatur intel-

intellectui creato per modum *formæ intelligibilis*: ergo idem dicendum de unione hypostatica, cum etiam hæc tantum sit aliquid, quod *essentialiter* exigitur Personalitas divina, non autem ens creatum, quod *essentialiter* exigit eandem Personalitatem: ergo. *Ad 2dum. Neg. Min.* Quia ad perfectum Dei Dominium nihil aliud pertinet, quam, ut Deus quolibet momento possit rem eodem modo ponere, quod ex essentia sua est ponibilis, & destruere eodem modo, quod est destruibilis. Sic in sententia Adversariorum non læditur Dei Dominium, etiamsi Deus non possit ponere materiam primam sine omni forma, vel, existentiam sine essentia: ergo idem dicendum est in nostro casu. *Ad 3ium. Neg. sequel.* Quia assumere humanitatem, est ipsam ad se sumere, hoc est: ad suum *esse Personale* trahere, communicando humanitati suam personalitatem; ut terminum substantialem, adeoque personæ personalitati immediatè uniendo humanitatem. Licet itaque tota SS. Trinitas uniat humanitatem, non tamen illam unit sibi toti, sed soli Verbo: ergo licet tota Trinitas se habeat *activè* ad illam, non tamen *passivè*, sed solum Verbum. *Gormaz hic Diss. 13. sect. 2. n. 549.*

*Objicies 16to.* Implicat substantia supernaturalis creata: ergo etiam unio substantialis supernaturalis creata: ergo, cum unio hypostatica sit supernaturalis, non potest esse substantialis. *Resp. Neg. Conseq. Diss. est:* Quia substantia completa, est in se ens absolutum: ergo à nullo extrinseco potest specificari; & consequenter, si substantia esset supernaturalis, non esset talis per respectum ad Deum, ut excedentem omnem ordinem rerum creaturarum & creabilium, sed esset supernaturalis *per se*, & *per suam essentiam*, quod creaturæ repugnat; at verò modus substantialis est respectivus transcendentaliter,

&c



& ab extrinseco potest specificari, & sic est supernaturalis non *per se*, sed *ab alio*, nempe per specificationem à Deo, ut excedentem totum ordinem naturæ, quod non implicat: ergo.

42. *Replicabís.* Implicat modus, qui non sit connaturalis naturæ, quam modificat: ergo implicat modus supernaturalis. *Resp. Dist. Ant.* Implicat modus, qui non sit connaturalis naturæ, quam modificat, connaturalitate non mutuâ, *Conced.* Mutuâ, *Neg. Ant. & Conseq.* Licet enim modò supernaturali debeatur natura, quam modificat, non tamen vicissim modus debetur illi naturæ. Instantia est in gratia, lumine gloriæ, & visione Dei, quibus debetur natura intellectualis, non tamen vicissim ista debentur naturæ intellectuali: ergo.
43. *Obijcies 17imò.* Si unio hypostatica esset modus, tot essent uniones, quot sunt partes distinctæ in Christo; atqui hoc est multiplicare entia sine necessitate: ergo. *Resp. 1mò.* *Dist. Maj.* tot essent uniones, quot partes distinctæ in ratione suppositi, *Conced.* Quot partes distinctæ in ratione partis, *Neg. Maj. Resp. 2dò.* *Dist. aliter eandem Maj.* Tot essent uniones partiales, quot sunt partes, *Conced.* Tot essent uniones totales, & substantiales, *Neg. Maj.* Unio hypostatica est totalis & substantialis: ergo est tantum una. Insuper, quia est substantialis, idèò fundat solum relationem transcendentalem, non verò prædicamentalem; quia hanc fundat solum accidens, ut communiter docetur in Philosophia.
44. *Obijcies 18vò.* Si Pater, aut Spiritus S. uniretur humanitati, id fieret sine distincta unione: ergo etiam defectò Verbum est unctum eidem, sine unione distincta. *Consequentia* patet à paritate rationis. *Prob. Ant.* Si Pater, aut Spiritus S. unirentur humanitati per

per distinctam unionem, hæc unio vel esset ejusdem speciei, vel diversæ ab unione, quâ Verbum defectu unitur humanitati; atqui neutrum dici potest: ergo. *Prob. Min.* Imprimis unio Patris æterni cum humanitate, non esset ejusdem speciei, quia respiceret diversum specie terminum, cum Personæ Divinæ distinguantur inter se specie, vel quasi specie. Atqui nec esset diversæ speciei, quia inter entia diversæ speciei, datur excessus & defectus quoad perfectionem specificam; cum species se habeant sicut numeri, quorum alij sunt excedentes, alij excessi; unio autem, quæ uniret humanitatem Patri, esset æqualis perfectionis cum illa, quæ defectu unit humanitatem Filio: ergo. *Resp. Cum Salmanticensibus Tract. 21. hic Disp. 4. dub. 1. §. 8. n. 44. Neg. Ant.* Ad *Prob. Neg. Min.* Et dico: illas uniones fore diversas eò modò, quò Personalitates Divinæ sunt inter se diversæ, quia modi relativi diversificantur à suis terminis, quos essentialiter respiciunt. Nec opus esset, ut istæ uniones se mutuo excederent quoad perfectionem; quia licet species in entibus absolutis dicant ejusmodi excessum & defectum, quoad perfectiones specificas; non tamen eundem dicunt species in entibus modalibus, & respectivis, nisi ipsi termini, quos essentialiter respiciunt, habeant ejusmodi excessum, aut defectum.





§. II.

*Solvuntur objectiones contra secundam partem Thesis, quæ dicit: quod unio non sit facta in natura, sed in persona.*

45. **O**bjicies 1<sup>mo</sup>. Ex eo: quod unio hypostatica sit facta in natura. Unde, sic: Quando Joannis 2. Aqua facta est in vinum, tunc verè est conversa in vinum: ergo etiam quando Joannis 1. Verbum caro factum est, verè est conversum in carnem; adeoque in Christo videtur tantum esse una natura. Resp. Neg. Conseq. Diss. est: Quia aqua est corruptibilis: ergo est capax conversionis, at verò Verbum Divinum non est corruptibile: ergo. Unde ly factum in scripturis, juxta dispositionem subjectæ materiæ accipiendum est, & exponendum; aliàs etiam sequeretur, quod Christus conversus sit in peccatum, & maledictum; quia 2. ad Corinth. 5. dicitur: Christus pro nobis peccatum factus. Et ad Galatas 3. dicitur pro nobis factus maledictum; atqui hoc non, ergo nec illud.

46. **O**bjicies 2<sup>dò</sup>. S. Athanasius in symbolo ita dicit: Nam, sicut anima rationalis, & caro unus est homo, ita Deus & homo unus est Christus; atqui anima & caro constituunt unam integram hominis naturam: ergo etiam Deus & homo efficiunt unam Christi naturam. Resp. cum Gonet. hic Diss. 6. a. 1. §. 2. & dico: quod S. Athanasius nihil aliud voluerit, quàm hoc, quod sicut corpus & anima, quamvis diversæ sint naturæ, tamen in una persona convenient; ita divina & humana, quamvis distinctæ sint, tamen in una persona copulentur. Ant sic: quod, sicut corpus

pus trahitur ad esse animæ, ita humanitas assumpta fit, ad esse Verbi divini. Hinc S. August. Epist. 3. ad Volusianum ita dicit: sicut in unitate persone, anima unitur corpori, ut homo fit, ita in unitate persone, Deus unitur humanitati, ut Christus sit; adeoque in exemplo allato non est omnimoda paritas.

*Objicies 3<sup>ta</sup>.* In Concilio Chalcedonenſi *Actione* 1. 47. refert Eustachius Episcopus verba S. Cyrilli Alexandrini dicentis: Non oportet intelligere duas naturas, sed unam naturam Verbi Dei incarnatam: ergo unio hypostatica facta est in natura. *Resp.* S. Cyrillum sic explicandum esse: non oportet intelligere duas naturas personaliter distinctas, Conced. Duas naturas personaliter unitas, Neg. S. Cyrillus hac locutione usus est contra Nestorium, qui asserbat in Christo esse duas naturas personaliter distinctas, & tantum moraliter & affectivè unitas. Deinde, postquam Dioscorum & Eutichiani hac locutione S. Cyrilli pro suo errore abuti voluerunt, S. Cyrillus in Epist. 28. solemmniter protestatur, se hanc propositionem non protulisse in sensu Eutichiano: ergo &c.

*Objicies 4<sup>ta</sup>.* Verbum eò modò caro factum est, 48. quò panis fit corpus Christi in Evcharistia, ut videtur sentire Justinus Martyr, *Apolog.* 2. S. Ambros. lib. 4. de sacram. cap. 4. & alij; Atqui panis fit corpus Christi per conversionem: ergo etiam Verbum caro factum est, per conversionem. *Resp.* Neg. Maj. Dum enim SS. Patres mysterium Evcharistiæ comparant cum mysterio incarnationis, hæc comparatio præcisè instituitur, ad probandam veritatem carnis in Evcharistia; non autem ad ostendendam paritatem fictionis; proinde in illis locis tantum ostenditur, quòd sicut Verbum divinum veram carnem & sanguinem habuit, ita sub speciebus panis & vini post consecrationem



erationem sit vera caro, & sanguis Christi. *Gonet hic Diss. 6. a. 1. §. 2. n. 15.*

49. *Obijcies 5to.* Si in Christo essent duæ naturæ, essent etiam duo Christi; sicut, quia in Trinitate est tantum una natura divina, unus tantum est Deus, & non plures Dij; atqui hoc non; ergo. *Resp. Neg. sequel. Maj. Ratio est:* quia ad hoc, ut concreta substantiva multiplicentur, & dicantur in plurali, non sufficit sola multiplicatio naturarum, aut sola multiplicatio personarum, sed requiritur multiplicatio utriusque; hic autem est sola multiplicatio naturarum: ergo non sequitur esse duos Christos.

50. *Obijcies 6to.* Ex elementis potest fieri unum per mixtionem: ergo etiam ex natura divina & humana, una natura in Christo. *Resp. Neg. Conseq. Diss. est:* Quia ut observat *Cardinalis de Lugo* in illa sententia philosophica, quæ docet, quod elementa manent formaliter in mixtis, elementorum naturæ non sunt ultimæ completæ, sed aliquomodo incompletæ & parciales: ergo mirum non est, quod ex ipsis possit fieri una natura; at verò natura humana, & Divina in ratione naturæ, sunt ultimæ completæ: ergo &c.

51. *Obijcies 7mo.* Natura humana debet perfici in ordine ad actus supernaturales; atqui non aliter, quam per commixtionem cum natura Divina: ergo. *Resp. Neg. Min.* Per hoc enim sufficienter perficitur natura humana, quod compleatur à personalitate Verbi, quæ personalitas illi immediate unitur, & hac mediante, natura Divina. Insuper natura humana non perficitur ad actus supernaturales in ratione naturæ, sed in ratione principij, quia jam eò ipsò non esset natura, sed supra naturam: ergo &c.

52. *Obijcies 8vo.* Natura Verbi divini est realiter identificata

tificata cum personalitate Verbi: ergo unio hypostatica non potuit immediatè terminari ad personalitatem Verbi, quin æquè immediatè fuerit terminata ad naturam Divinam. *Prob. Conseq.* Non possunt de eadem indivisibili re verificari duo prædicata contradictoria physica, ac realia; atqui uniri immediatè, & non uniri immediatè, sunt duo prædicata contradictoria physica, ac realia: ergo non possunt verificari de Personalitate, & Natura divina, utpotè una eadèmq; realiter indivisibili re.

*Confirmatur.* Visio beatifica, est tantùm unio quædam intentionalis hominis videntis, cum Deo viso, & tamen hæc unio non potest immediatè terminari ad Personalitatem, quin etiam immediatè terminetur ad Naturam divinam; quia nimirum Personalitas & Natura divina, sunt idem realiter: ergo à potiori unio hypostatica non potest physicè, realitèrque immediatè terminari ad Personalitatem, quin similiter terminetur ad Naturam divinam. Hujus difficultatis solutio sumenda est ex prima parte, quò pertinet decidere, qualis inter Naturam divinam, & Personalitates distinctio requiratur, & sufficiat ad verificandas sinè contradictione hæc propositiones: *Natura Patris communicatur Filio; Paternitas non communicatur Filio. Paternitas generat Filium; natura non generat Filium, &c.* Cùm tamen fide divinâ certum sit, naturam divinam esse realiter idem cum personalitatibus. Eadèmq; igitur responsione, quâ solvuntur illæ difficultates, præsens solvenda est. Unde *Resp. 2mò.* *Conformiter ad doctrinam in Libello de Deo Uno & Trino, annò 1707. edito, Thesi 5. traditam, Dist. Argumenti Ant.* Natura Verbi divini est realiter identificata cum personalitate Verbi, ità tamen, ut differant secundùm rationem & modum significandi,



*Conced.* Ità, ut hoc modò non differant, *Neg. Ant. Dist.* etiam *Conseq.* Quin æquè terminaretur immediatè ad naturam, si Natura & Personalitas sumantur entitative, & in sensu identico, *Conced.* si sumantur in sensu formali & reduplicativo, *Neg. Conseq.* In sensu identico eadem res, quæ est natura, unitur humanitati, attamen non sub ratione & formalitate naturæ, sed sub ratione ac formalitate personalitatis Verbi. *Ad Probat. Dist. Min.* Uniri immediatè, & non uniri immediatè, sunt prædicata contradictoria, si affirmantur, & negentur secundum easdem rationes, & modos significandi, *Conced.* si affirmantur & negentur secundum diversas rationes, & modos significandi, *Neg. Min. Et Conseq.* Prædictæ propositiones æquivalent istis: *Persona sub ratione personalitatis unitur, natura sub ratione nature non unitur*; atqui hæ propositiones non sunt contradictoriæ: ergo &c.

54. *Resp. 2dò. conformiter ad nostram doctrinam, Dist. Ant.* Natura Verbi est realiter idem cum personalitate Verbi in Filio, ità tamen, ut ab hac personalitate distinguatur realiter in tertio, videlicet, in Patre, aut Spiritu S. qui eandem numerò naturam Verbi identificant sibi realiter, non identificando sibi realiter personalitatem Verbi, *Conced.* Natura Verbi est ità realiter idem cum personalitate Verbi in Filio, ut neque in tertio, nimirum in Patre, aut Spiritu S. distinguatur realiter natura, à personalitate Verbi, *Neg. Ant. Et Conseq.* Hæc distinctio ab aliquibus vocatur realis in tertio, ab alijs distinctio relationis, à Patre *Essarsa* distinctio innominata, quia extra Trinitatis mysterium, non habetur ullum ejus exemplum, de qua in prima Parte.

55. *Ad Confirmationem, Neg. Conseq. Dist. est:* Quia visio

visio respicit personas, prout sunt à parte rei; atqui à parte rei involvunt etiam naturam: ergo visio debet terminari etiam ad naturam, alias non esset intuitiva; at verò natura humana respicit suum complementum; atqui sola personalitas Verbi est tale complementum & non natura: ergo mirum non est, quòd unio hypostatica possit immediate terminari ad personalitatem Verbi, quin similiter terminetur ad Naturam divinam.

*Obijcies qnd. Secundum eam rationem, Verbum divinum immediate, ac formaliter unitur humanitati, secundum quam eminenter continet perfectionem subsistentiæ humanæ; atqui illam continet secundum rationem naturæ, non secundum rationem proprietatis relativæ; quia relationes divinæ nullam dicunt formaliter perfectionem: ergo. Resp. Dist. 2. partem Minoris. Relationes divinæ nullam dicunt formaliter perfectionem secundum rationem Ad consideratæ, Conced. secundum rationem In consideratæ, Neg. Min. Et Conseq. Relationes enim divinæ terminando Naturam divinam, inquantum constituunt Personas divinas, in tantum dicunt rationem In, & perfectionem infinitam; quatenus verò præcisè unam personam alteri opponunt, eatenus dicunt rationem Ad, nullamque explicant perfectionem; quia relationes quæ tales, nihil ponunt in persona, sed tantum unam alteri opponunt; omnis autem perfectio ponit aliquid in eo, cuius est perfectio: ergo. Et quia personalitas Verbi unitur humanitati secundum rationem In, inquantum videlicet personalitas Verbi subsistit in natura Divina, ideo communicat illi summam perfectionem.*

*Obijcies romo. Ex eo: quòd unio hypostatica non videtur fuisse facta in Persona. Jam sic: S. August.*



*contra Felicianum cap. 11. ait : In mediatore Dei & hominum, aliud Dei filius, & aliud Filius hominis fuit; atqui aliud & aliud important duo diversa supposita: ergo. Resp.* Explicando S. August: aliud fuit Dei Filius, & aliud filius hominis in ratione naturæ, *Conced.* Aliud in ratione personæ, *Neg.* textum S. August. Et ita se ipsum explicat S. August. dum ibidem ait: *aliud dicitur per distinctionem substantiæ, seu naturæ: ergo.*

§8. *Obicies 11mō.* S. Hilarius, Cyprianus, & alij SS. Patres docent, Christum assumpsisse hominem; atqui homo est persona humana: ergo in Christo sunt duæ personæ. *Resp.* cum Vasquez, Bellarmino, & alijs explicando SS. Patres: docent assumpsisse hominem, prout *ly homo* significat humanitatem, seu naturam humanam in abstracto, *Conced.* Prout *ly homo* significat in concreto totum hominis suppositum, *Neg.* SS. Patres ita locutos fuisse. Aut potest dici: SS. Patres eō loquendi modō significasse, quod Christus assumpserit hominem in ratione suppositi constitutum, non autem præsuppositivè constitutum.

§9. *Obicies 12mō.* Humanitas in Christo habet omnia, quæ spectant ad dignitatem naturæ humanæ; atqui personalitas propria, seu humana, spectat ad dignitatem naturæ humanæ, ut patet ex S. Thom. 1. p. q. 29. a. 3. ergo humanitas in Christo habet personalitatem propriam seu humanam; atqui Natura divina in Christo etiam habet personalitatem suam propriam seu divinam: ergo. *Resp.* cum Sylvestro Mauro *hic q. 24. Dist. Maj.* Habet omnia vel formaliter, vel æquivalenter & eminenter, *Conced.* Tantum formaliter, *Neg. Maj.* Humanitas enim Christi longè meliori, digniorique modō subsistit in divina personalitate Verbi, quàm subsisteret per humanam propriam personalitatem: ergo. *Obji-*

*Obijcies 1310.* Quando Christus dicitur Verbum, 60.  
& Filius Dei, hoc non est intelligendum identicè,  
& substantialiter, sed accidentaliter, videlicet: ra-  
tione inhabitationis per gratiam, & propter singu-  
laritatem affectûs; sicut vir & uxor, dicuntur una  
caro ratione affectûs, quò se diligere debent: ergo.  
*Resp.* cum Godoy q. 2. de Incarnat. Tract. 2. Diss. 9. §. 6.  
*Neg. Ant.* Ratio est: quia, licet Deus in multis  
iustis inhabitet per gratiam, tamen non sequitur, nec  
licet dicere, quòd Deus fiat hic vel ille iustus. *Item*,  
licet uxor diligat maritum, aut vice versâ, tamen  
non sequitur, quòd per hoc fiat uxor maritus, aut  
vice versâ; atqui ex fide habemus, quòd Verbum  
sit caro factum, id est, Deus homo, seu Christus:  
ergo Christus non est solummodò Filius Dei ratio-  
ne inhabitationis per gratiam, nec ratione specia-  
lis affectûs, sed ratione physicæ conjunctionis cum  
humanitate, in unitatem personæ.

*Obijcies 1410.* Terminus actionis non potest esse 61.  
ante actionem; atqui persona Verbi erat ante actio-  
nem unitivam Verbi cum humanitate: ergo hæc per-  
sona, non fuit terminus actionis unitivæ, adeoque  
unio non est facta in persona Verbi. *Resp. Dist. Min.*  
Persona Verbi, ut subsistens in sola Natura divina,  
erat ante hanc actionem unitivam, *Conced.* Ut sub-  
sistens in duabus naturis, videlicet divina, & humana,  
*Neg. Min.* Terminus enim resultans ex actione unitiva,  
est persona Verbi, ut subsistens in duplici natura.

*Obijcies 1510.* Ubi sunt duæ generationes, ibi sunt 62.  
duæ personæ, quia terminus generationis est perso-  
na seu suppositum; atqui in Christo sunt duæ ge-  
nerationes, nempe æterna, quâ generatur à Patre,  
& altera temporalis, quâ generatur à Matre Vir-  
gine: ergo. *Resp. Neg. Maj. Et Dist. ejus causalem.*



Quia terminus totalis, & ut quod generationis, est persona seu suppositum, *Conced.* Terminus formalis, & ut quo, *Neg. causalem.* *Concessâ Min. Neg. Conseq.* Licet enim persona terminet ut quod generationem, adeoque sit id, quod generatur, ipsa tamen natura generationem terminat ut quo, & per modum termini formalis ac specificativi; & sic natura est id, ratione cuius dicitur generari persona; unde, cum in Christo sint duæ naturæ, potest eadem persona Verbi, prout subsistit in Natura divina, terminare æternam generationem à Patre, & prout subsistit in natura humana, terminare ut quod generationem temporalem à Matre: ergo.

63. *Objicies 16to.* Actiones totò genere diversæ, arguunt diversas personas; atqui in Christo sunt actiones totò genere diversæ, scilicet intellectio creata, & increata: ergo etiam sunt diversæ personæ. *Resp. Neg. Maj.* Quia idem suppositum humanum etiam, elicit operationes totò genere diversas, nempe naturales & supernaturales, & tamen homo non est duæ personæ: ergo à pari idem dicendum est de Christo. *Ratio autem à priori est:* quia subsistentia non est principium elicativum operationis, sed tantum conditio, ut natura operari possit: ergo.

64. *Objicies 17mo.* Natura humana, quam Verbum assumpsit, erat singularis, & individua; atqui omnis natura singularis & individua, si sit intellectualis, est persona: ergo illa natura humana, quam Verbum assumpsit, erat persona. *Prob. Min.* Juxta Boëtium lib. de duabus naturis, persona definitur: *Est intellectualis nature individua substantia:* ergo. *Resp. Neg. Min.* *Ad Probat.* Explico Boëtium cum S. Thom. hic q. 16. a. 12. ad 2. Persona est intellectualis naturæ individua substantia, si in se, & per se subsistat, *Concedi si sub-*

subsistat in alio, *Neg.* Natura autem humana assumpta à Verbo, subsistit in Verbo : ergo.

*Objicies 18vo.* Natura humana, est æquè completa. 65. ta substantialiter, & æquè perfecta in Christo, sicut in alijs hominibus; atqui in alijs hominibus habet propriam subsistentiam; ergo etiam in Christo. *Resp. Dist. Maj.* Est æquè completa in ratione naturæ, *Conced.* In ratione personæ, *Neg. Maj.* Natura enim humana in Christo, in ratione personæ, est infinites perfectior, quàm in alijs hominibus; adeoque non est æquè completa, & perfecta.

*Objicies 19no.* Nullum nomen seu prædicatum, quod 66. dicitur de pura creatura, potest univocè prædicari de persona purè increata, & divina; atqui hoc nomen, *homo*, prædicatur univocè de Christo, & alijs hominibus, ut fatentur omnes Theologi, contra paucos Nominales: ergo Christus non est persona, purè increata, sed etiam creata, adeoque duplex est in Christo persona. *Resp. Dist. Maj.* Nullum nomen, quod prædicatur de pura creatura, potest univocè prædicari de persona purè increata, quæ non est composita ex duabus naturis, nempe, creata, & increata, *Conced.* Quæ est ita composita, prout est persona Verbi post Incarnationem, *Neg. Maj.* Ad hoc enim, ut natura humana à suis individuis per intellectum abstracta, prædicetur univocè de Christo, sufficit, quod in Christo sit vera natura humana singularis, licet tibi non sit, ut *in se*, & *per se subsistens*; species enim prædicatur immediatè de suis individuis, non autem suppositis.

*Objicies 20mo.* Si Verbum ratione proprietatis re- 67. lativæ, formaliter, ac immediatè uniretur humanitati, humanitas Christi referretur ad Patrem relatione originis; atqui hæc relatio intercedit solum inter



Personas Divinas : ergo. *Resp. Neg. sequel. Maj.* Quia, ut rectè docet *Suarez hic Diss. 12. Sect. 2.* licet personalitas Christi referatur ad Patrem relatione originis, hâc tamen non refertur Christus præcisè ut homo, & ratione humanitatis, cum Pater non generet humanitatem. Sicû, quamvis relatio filiationis terminet Divinitatem, non tamen ipsam Divinitatem refert ad Patrem, sed solam personam Filij quâ talem; ita à pari proportionaliter est hic discurrendum.

68. *Objicies 21mò.* Humanitas videtur solùm accidentaliter fuisse unita Verbo : ergo unio hypostatica non videtur fuisse facta in persona. *Prob. Ant.* De Filio Dei ad *Philippenses 2.* dicitur : Quòd sit in similitudinem hominum factus, & habitu inventus ut homo ; atqui habitus unitur tantùm accidentaliter : ergo & humanitas. *Resp. Neg. Ant. Ad Prob.* explico Apostolum. Et ille intelligendus est, quòd Dei Filius factus sit in similitudinem hominum, hoc sensu, quòd exterius ita se gesserit, ac si non differret ab alijs hominibus, cum tamen esset simul Deus, *Conced.* Quòd fuerit ad apparentiam homo, *Neg. textum Apostoli.* Cui autem illam speciem & proprietatem naturæ humanæ, quam assumpsit Verbum, Apostolus vocet habitum, rationem dant Theologi cum *S. Augustino octuaginta trium questionum, q. 73.* Quia, sicut, dum homo induitur, vestis mutat figuram, non homo indutus ; sic natura humana Divino Verbo unita, erat intrinsecè mutata & perfectâ ; Verbum tamen divinum per illam unionem nullò modò intrinsecè erat mutatum.

69. *Objicies 22dò.* Omne, quod unitur alteri substantialiter completo, unitur tantùm accidentaliter ; atqui humanitas unita fuit personæ divinæ substantialiter completæ : ergo unita ipsi fuit, & est, accidentaliter.

taliter: ergo unio non est facta ad personam Verbi.  
*Resp. Dist. Maj.* Quod unitur alteri substantialiter completo, si etiam hoc, quod unitur, sit substantialiter completum, unitur tantum accidentaliter, *Conced.* Si hoc, quod unitur, non sit substantialiter completum, *Neg. Maj.* Natura autem humana, non erat substantialiter completa in ratione personæ, utpotè carens complementò substantiali, nempe propriâ subsistentiâ.

*Objicies 2310.* Quod unitur alteri ita, ut non spe-70.  
 ctet ad essentiam, unitur tantum accidentaliter; atqui Verbum ita unitur humanitati, ut non spectet ad ejus essentiam: ergo. *Resp. Dist. Maj.* Quod unitur alteri, ita, ut non spectet ad essentiam, neque in esse compositi ac naturæ, neque in esse suppositi ac personæ, unitur tantum accidentaliter, *Conced.* Quod ita unitur alteri, ut non spectet quidem ad essentiam in esse compositi, spectet tamen ad illam in esse suppositi, *Neg. Maj.* Similiter *Dist. Min. & Neg. Conseq.* Personalitas autem, licet non spectet ad essentiam in esse compositi, spectat tamen formaliter ad essentiam substantiæ *per se subsistentis*, ac personæ; adeoque ad essentiam & substantiam in esse suppositi.

*Objicies 2410.* Instrumentum tantum unitur acci-71.  
 dentaliter ei, cujus est instrumentum; atqui humana natura in Christo, est instrumentum Verbi, ut docet *S. Damascenus lib. 3. de fide. cap. 15.* ergo. *Resp. Dist. Maj.* Instrumentum separatum, quod non trahitur ad unitatem suppositi, unitur tantum accidentaliter ei, cujus est instrumentum, *Conced.* Quod trahitur in unitatem suppositi, *Neg. Maj.* Similiter *Dist. Min. & Neg. Conseq.* Licet itaque humanitas sit instrumentum Verbi divini, quia tamen trahitur in unitatem suppositi, ideo non unitur Verbo accidentaliter, sed substantialiter: ergo &c.

THE-



## T H E S I S V.

*Unio hypostatica (imò.) tam in ratione unionis, quàm etiam in ratione doni, est omnium unionum maxima.* Ità

S. Thom. 3. p. q. 2. a. 11. Scotus in 3. Dist. 6. q. 1. Suarez Diss. 9. sect. 1. & 2. Amicus Diss. 8. sect. 5. & 6. Cum plurimis, quos ibidem pro hac sententia adducit. De Rhodes hic Diss. 2. q. 4. Sect. 2. §. 2. Salmanticenses Tract. 21. hic Diss. 4. dub. 2. §. 2. Et alij. Christus (2dò.) est verè, & propriè persona composita. Ità S. Thom. 3. p. q. 2. a. 4. Godoy Tract. 2. Diss. 10. §. 1. Gonet Diss. 6. a. 1. §. 1. Et alij D. Thom. Discipuli. Eidem sententiæ subscribunt Vasquez Diss. 16. cap. 2. Cardinalis de Lugo Diss. 10. Et alij plurimi, contra Scotum in 3. Dist. 2. q. 1.

Et alios Scotistas.

1. **P**robatur una pars Thesis. imò. Ex eo: quòd unio hypostatica, tam in ratione unionis, quàm etiam in ratione doni, sit omnium unionum maxima. Unde, quòd sit maxima in ratione unionis, sic: imò. Illa est maxima unio in ratione unionis, ex qua resultat maxima unitas, post illam, quæ est in SS. Trinitate; atqui ex unione hypostatica resultat maxima unitas post illam, quæ est in SS. Trinitate: ergo unio hypostatica est maxima unio in ratione unionis. *Prob. Min. Authorit. S. Bernardi, qui lib. 5. de consid. ad Eugenium ità dicit: Inter omnia, quæ rectè unum dicuntur, arcem tenet unitas Trinitatis, quæ tres persone una substantia sunt; secundò locò illa precellit, quæ è conversa*

*res substantiæ una in Christo persona sunt.* Ex quo apparet, quòd S. Bernardus unionem hypostaticam præferat unioni naturali inter corpus & animam; ergo. 2dò. Illa est maxima unio, in ratione unionis, per quam extrema ità uniuntur, ut inter illa fiat communicatio idiomatum; atqui per unionem hypostaticam fit communicatio idiomatum, ità, ut homo dicatur *Deus*, & *Deus homo*, quòd in nulla alia unione fit: ergo unio hypostatica est maxima in ratione unionis. 3iò. Quò magis à se invicem distant extrema, & minùs unibilia sunt, eò perfectior, & major est unio, quæ talia extrema unit; atqui nulla extrema sunt magis distantia, & minùs unibilia, quàm finitum & infinitum; *Deus* & creatura, cùm ad se nullam naturalem dicant propensionem, ut observat *Amicus hic Diss. 8. sect. 5.* ergo. 4iò. Illa unio est maxima simpliciter, in ratione unionis, quæ unit firmius & indissolubilius res substantiales, quarum utraque posset separatim existere; atqui unio hypostatica, ità unit humanitatem finitam, & personalitatem Verbi infinitam, ut nulla virtute creata dissolvi, & separari possint, cùm interim reliquæ res creatæ unitæ, à se invicem separari possint, destructâ unione ab agente naturali creato: ergo &c.

*Confirmatur hoc ultimum cum Amico Diss. 8. sect. 2. §. n. 128.* Ideò visio beatifica inter omnes uniones maximè participat de immutabilitate, indissolubilitate, & perpetuitate visionis increatæ, (ex qua ratione participata aternitas dicitur,) quia inter omnes visiones creatas, proximè accedit ad visionem increatam, quæ *Deus* se ipsum immutabiliter contempletur, & fruitur; atqui etiam unio hypostatica, inter omnes uniones creatas, proximè accedit ad increatam constitutionem, inter ipsas personalitates increatas, & Natu-

ram



ram divinam, non quidem quoad simplicitatem constitutionis, sed quoad perfectionem constituti; cum hæc unio includat pro extremo eandem increatam personalitatem Naturæ divinæ: ergo etiam unio hypostatica inter omnes uniones creatas, est maximè immutabilis, ac indissolubilis.

3. Probatur 2dò. Ex eo: quòd unio hypostatica sit etiam in ratione doni omnium unionum maxima. Unde sic: 1mò. S. August. lib. 13. de Trinitate. cap. 19. ità dicit: *Nulla major gratia est, quàm, quòd Deus fiat homo, & homo Deus, estque tanta natura humanæ subvectio, ut, quòd amplius attolleretur non haberet. Idem habet lib. de prædestinat. sanctorum. cap. 15. Ità inquit: Prædestinatio est ista natura humanæ tanta, & iam celsa, & summa subvectio, ut quò attolleretur aliàs, non haberet.* Atqui ex his textibus clarè liquet, quòd unio hypostatica sit omnium unionum maxima in ratione doni: ergo. 2dò. Eò perfectius est donum, quò per ipsum perfectiùs communicatur esse Dei; atqui per unionem hypostaticam, perfectissimò modò communicatur esse Dei; nam per eam Deus fit homo, & homo Deus: ergo est in ratione doni omnium unionum maxima. Insuper: ut observat *Amicus hic Disp. 8. sect. 6. n. 148.* ratione unionis hypostaticæ debetur naturæ humanæ cultus latriæ, seu talis adoratio, qualis Deo debetur, qui aliàs nulli creaturæ, quòcunque donò elevatæ, exhibetur: ergo. 3iò. Uniri substantialiter Deo, est perfectiùs, quàm eidem uniri tantum accidentaliter, ut testantur *Salmanticenses Tract. 21. hic Disp. 4. dub. 3. §. 1. n. 70.* atqui per unionem hypostaticam unitur homo substantialiter Deo; per alias uniones, qualis etiam est beatifica, unitur tantum accidentaliter, ut omnes Theologi fatentur: ergo. 4iò. Excellentius est, hominem fieri Deum, quàm

quàm videre, vel amare Deum; atqui per unionem hypostaticam homo fit Deus; per unionem verò beatificam solum videt, & amat Deum: ergo unio hypostatica est majus donum Dei, quàm visio beatifica. *scd.* Excellentius est esse Filium Dei naturalem, quàm adoptivum tantum; atqui per unionem hypostaticam redditur homo Filius Dei naturalis; per unionem verò luminis gloriæ, visionis beatificæ, gratiæ, & charitatis, redditur tantum filius adoptivus; imò horum omnium unio hypostatica est radix, & infert præfatas uniones, non tamen è converso: ergo in ratione doni, est omnium unionum maxima.

*Probatur 2da pars Thesis imò. Ex eo: quòd Christus 4. fit verè & propriè persona composita. Unde sic: Quinta synodus generalis Constantinopolitana, postquam actione 8. can. 4. retulisset errorem Evtichetis, & Nestorij, ità habet: Sancta verò Dei Ecclesia, utriusque impietatem ejiciens, unionem Verbi Dei ad carnem, secundum compositionem confitetur, quod est secundum substantiam; unio enim per compositionem in mysterio Christi, non solum inconfusa, ea, quæ convenerunt, conservat, sed nec divisionem suscipit. Quæ verba referuntur in Concilio Lateranensi sub Martino I. Consultatione 4. Et in eodem Concilio Canones sive Synodi confirmantur: ergo.*

*Probatur 2da. Authorit. SS. Patrum, præsertim S. Bernardi, qui Sermon. 2. in Cantica, ad illa verba: Osculetur me osculò oris sui, ità dicit: Attendite, sic os osculans Verbum assumens, osculatum caro, quæ assumitur; osculum verò quod pariter ab osculante & osculato conficitur, persona ipsa ex utroque compacta, mediator Dei & hominum, homo Christus JESUS: ergo. Id ipsum docet S. Damascenus, qui lib. 3. Fidei. ità inquit: In Domino JESU Christo duas naturas agnoscimus,*

*unam*



nam autem hypostasim ex utraque compositam. Idem  
sentit S. Dionysius de divinis nominibus. cap. 4. Ubi hanc  
compositionem vocat : Ineffabilem. Et alij plurimū  
SS. Patres : ergo &c.

6. Probatur 3tio. ratione, cum Godoy *Tract. 2. Diss.*  
*io. §. 1.* Omnis unitas per se, aut est per simplicita-  
tem, aut per compositionem; atqui Christus est per  
se unus, & non est unus per simplicitatem: ergo  
est unus per veram, & propriam compositionem.  
*Prob. Min:* Omnis simplicitas realem distinctionem  
constituentium excludit; atqui in Christo sunt plura  
realiter constituentia, & distincta: ergo Christus non  
est unus per simplicitatem, sed per veram compo-  
sitionem. *Præterea:* illud est compositum, quod cum  
unum sit, ex multis constat, ut inquit S. Basilius  
*contra Evnomium;* atqui Christus unus est, & constat  
ex multis: ergo est verè, & propriè compositus.
7. Probatur 4to. cum Gonet *hic Diss. 6. a. 2. n. 27.*  
Quod constat ex realiter distinctis, ad invicem uni-  
tis, est verè, & propriè compositum ex illis; compo-  
sitiō enim est distinctorum unio; atqui Christus constat  
ex realiter distinctis, ad invicem unitis, nempe, ex  
humanitate & personalitate Verbi: ergo est verè, &  
propriè persona composita.
8. Probatur 5to. Terminus unionis hypostaticæ, non  
est aliquid simplex, sed compositum; atqui persona  
Christi, est terminus unionis hypostaticæ: ergo non  
est simplex sed composita. *Min. est certa, Prob. Maj.*  
Tum, quia contra rationem unionis est, terminari ad  
aliquid simplex, cum semper unio sit respectu distin-  
ctorum. Tum etiam, quia extrema simplicia illius  
unionis præexistebant unioni; atqui quod præexistit  
unioni, non est terminus illius: ergo terminus unio-  
nis non est quid simplex, sed compositum.

*Probatur 6to.* Quod Concilia, & SS. Patres absque limitatione, & diminutione dicunt esse compositum, hoc dicendum est esse compositum sine limitatione, & diminutione, teste *Godoy loc. sup. cit. n. 8.* Atqui Concilia, & SS. Patres supra relati, absolute, & absque ulla limitatione, dicunt Personam Christi esse compositam: ergo id ipsum tenendum, & dicendum est. *Præterea:* Nam ab eo, quod res est, vel non est, propositio dicitur vera vel falsa; atqui in re ita est, quod Christus sit persona composita: ergo id absolute dicendum est; nec in hoc modo loquendi est ulla convenientia cum Hæreticis, dicendo: quod Christus sit persona propriè composita, ut testatur *Godoy loc. sup. cit.*

*Probatur 7mo.* Compositio est distinctorum unio, ut 10. superius insinuatum est: ergo unio realis distinctorum realiter, est realis compositio; & unio propria extremorum propriè distinctorum, est verè & propriè compositio; atqui Christus constat ex pluribus propriè distinctis; nam humanitas distinguitur à Verbo Divino, & uniuntur sibi verè & propriè, cum nulla ratio adsit, cur unio hypostatica non deberet dici propriè unio: ergo Christus est compositus verà, & proprià compositione.

*Probatur 8vo.* Ubi est multitudo rerum absque compositione, necessarium est, ut ibi sit inordinata confusio, ut patet in acervo lapidum; atqui in Christo est multitudo rerum, & persona Christi non est inordinata confusio naturarum: ergo persona Christi debet esse composita. Ex his

*Colligitur,* quod ex immediata compositione humanitatis & personalitatis Verbi, consequatur mediata compositio duarum naturarum, nempe: Divinæ & humanæ in una persona; adeoque Christus est perso-



na verè & propriè composita etiam ex duabus naturis. *Ratio est*: quia persona Verbi in se realiter includit Naturam divinam: ergo hæc Natura divina, mediâtè unitur naturæ humanæ, in una persona Verbi.

13. *Dices*. Concilium Constantiense *actione 15.* damnavit hunc articulum *4um* Joannis Hufs: *Christus est natura Divina & humana*; atqui Christus esset verè natura divina & humana, si ex utraque componeretur: ergo. *Resp.* Damnata esse illam propositionem, propter pravam sensum, quò illam intelligebat Hufs, qui secutus est *Wiclephum*; dicebat enim Christum esse naturam Divinam & humanam divisivè, non autem copulativè, ut testatur *Valdensis lib. 1. fidei. a. 3. cap. 39. & 42.* Falsum autem est, Christum esse naturam Divinam & humanam divisivè, cùm compositio naturarum duarum, tollat earundem divisionem, licèt non tollat distinctionem, prout distinctio opponitur identitati: ergo

## S. I.

*Solvuntur objectiones contra primam partem Thesis, quæ dicit: quòd unio hypostatica, tam in ratione unionis, quam in ratione doni sit, omnium unionum maxima.*

14. *Obijcies 1mo.* Ex eo: quòd major sit unio inter materiam & formam, ut vult Durandus, quam inter humanitatem & Verbum divinum; adeoque quòd unio hypostatica in ratione unionis non sit omnium unionum maxima. Unde sic: Illa est major unio in ratione unionis, ex qua fit aliquid magis unum; atqui ex unione materiæ & formæ, fit aliquid magis unum, quam ex unione hypostatica: ergo unio materiae

teriar  
unio  
forma  
ex un  
posito  
magis  
Neg.  
num  
dò el  
unita  
simpl  
Hinc  
dum,  
unira  
carua  
uobis  
Ob  
separ  
rabil  
gis u  
6. n.  
signu  
corpu  
quan  
anim  
Ob  
tiona  
huma  
gis u  
tur,  
cius,  
tas V  
bi no  
ter p

teriarum & formarum, est major in ratione unionis, quam unio hypostatica. *Prob. Min.* Ex unione materiarum & formarum, fit aliquid unum in natura, & supposito; ex unione verò hypostatica, fit tantum unum in supposito: ergo ex unione materiarum & formarum, fit aliquid magis unum, quam ex unione hypostatica. *Resp.* *Neg. Min.* *Ad Prob. Dist. Conseq.* Fit aliquid magis unum extensive, *Conced.* Intensive, de quo solummodo est quaestio, *Neg. Conseq.* Ex quo apparet, quod unitas humanitatis cum Persona divina, debeat dici simpliciter major, quam unitas ex materia & forma. Hinc S. Thomas hic q. 2. a. 9. ad 3. ita dicit: *Dicendum, quod unitas divine Personae est major, quam sit unitas & personae, & naturae in nobis: & ideo unio incarnationis est major, quam unio animae, & corporis in nobis: ergo &c.*

*Obicies 2da.* Illa magis uniuntur, quae minus sunt 15. separabilia; atqui materia & forma sunt minus separabiles, quam duae naturae in Christo: ergo sibi magis uniuntur: ergo. *Resp.* cum Gonet hic *Dist.* 6. a. 6. n. 110. *Neg. Maj.* Nam sola inseparabilitas, non est signum majoris unionis, aliàs unio quantitatis ad corpus, esset major, unione animae cum corpore; cum quantitas non possit separari à corpore, bene tamen anima à materia. Unde *Neg. Min. & Conseq.*

*Obicies 3ia.* Materia & forma magis sibi propriationantur, & magis ad se invicem ordinantur, quam humanitas & personalitas Verbi: ergo etiam sibi magis uniuntur. *Resp.* *Dist. Conseq.* Magis sibi uniuntur, id est, facilius, *Conced.* Magis, id est, simplicius, *Neg. Conseq.* Simplicius enim unitur personalitas Verbi cum natura humana, quia personalitas Verbi non est pars, sicut est forma; adeoque etiam inter personalitatem Verbi, & naturam humanam, di-



cenda est major unio: ergo. Aut etiam potest dici cum *Suarez hic Disp. 9. sect. 1.* Quòd inter materiam & formam sit major proportio naturalis, non autem obedientialis, quæ tamen inter humanitatem & Verbum intercedit, estque altioris ordinis; unde sufficit, ut unio hypostatica possit dici major, quàm unio naturalis. Non negamus tamen, quòd unio inter materiam & formam possit dici major secundum quid, & hoc videtur velle *Vasquez 3. p. Disp. 20. cap. 2.* dum in contrariam inclinat sententiam, nempe, propter quandam facilitatem; nam possunt sibi uniri etiam ab agente naturali creato; nihilominus in ratione efficacie, & vis uniendi, unio hypostatica est major, quàm quæcunque unio naturalis, quia unit infinitè distantia.

27. *Obijcies 4to.* Unio, quâ uniuntur ita duo, ut non possint separari salvâ consistentiâ partium, est major unione, quâ duo ita uniuntur, ut possint separari salvâ consistentiâ partium; atqui anima & corpus, non possunt separari salvâ consistentiâ partium, natura autem humana & divina possunt separari salvâ consistentiâ partium: ergo. *Resp. cum Sylvestro Mauro hic, lib. 9. q. 27. Dist. Maj.* Unio, quâ uniuntur ita duo, ut non possint separari salvâ consistentiâ partium, est major unione, quâ duo ita uniuntur, ut possint separari salvâ consistentiâ partium, si cætera sint paria, &, si uniantur in aliquo æquè uno, *Conced.* Si uniantur in aliquo minùs uno, uti contingit de anima & corpore, *Neg. Maj.* Similiter *Dist. Min. & Neg. Conseq.* Præterea dico: quòd etiam natura humana Christi, non possit separari à Verbo salvâ consistentiâ, hoc est, salvâ totâ perfectione, quâ intrinsecè substantialiter perficitur, sicut anima rationalis non potest separari à corpore, salvâ totâ perfectione, quâ perficitur à corpore; adeoque ex hoc non potest inferri, quòd inter animam & cor;

& corpus sit major unio, quàm sit unio hypostatica.

*Obijcies 510.* Illud compositum est magis unum, 18, quod constat ex partibus minùs distinctis; nam quæ habent minùs pluralitatis, plùs habent unitatis; atqui natura & suppositum creatum minùs distinguuntur, quàm humanitas & Verbum: ergo compositum ex natura & supposito creato, est magis unum, quàm compositum ex Verbo & humanitate: ergo unio hypostatica non est omnium unionum in ratione unionis maxima. *Resp. cum de Rhod. Diss. 2. q. 4. sect. 2. §. 2. Dist. Maj.* Illud plùs habet unitatis per simplicitatem, quod habet minùs pluralitatis, *Conced.* Illud plùs habet unitatis per unionem, quod habet minùs pluralitatis, *Neg. Maj.* Si enim duo realiter uniuntur, quorum unum sit *simplicissimum*, magis facient unum per compositionem, quàm si uniuntur duo, quorum alterutrum sit modaliter distinctum: ergo, licet subsistentia creata distinguatur tantùm modaliter à natura creata, quia tamen personalitas Verbi est quid simplicissimum, idèò unita naturæ humanæ, magis facit unum, quàm subsistentia creata cum natura creata.

*Obijcies 610.* Major est unitas essentix & naturæ, 19, quàm unitas personæ: ergo major est unio ex qua resultat unitas essentix & naturæ, quàm sit illa, ex qua resultat unitas solius personæ; atqui ex unionem naturali cujuscunque compositi, resultat unitas essentix; ex unionem hypostatica resultat tantùm unitas personæ: ergo major est unio naturalis cujuscunque compositi, quàm unio hypostatica. *Resp.* *Dist. Ant.* Major est unitas essentix creatæ, quàm unitas personæ creatæ, *Transf.* Major est unitas essentix creatæ, quàm unitas personæ increatæ subsistentis in natura creata, & increata, *Neg. Ant.* Ratio hujus est: quia



quia ibi est major unitas, ubi est major simplicitas; ibi autem est major simplicitas, ubi minor est compositio; ibi verò minor est compositio, ubi componentia minùs habent rationem partis propriè dictæ; ibi autem componentia minùs habent rationem partis propriè dictæ, ubi saltèm unum componens non est propriè pars perfectibilis ab altera sua comparte; atqui sic se res habet in proposito, nam persona Verbi non est perfectibilis ab humanitate, sed est purè perfectiva illius: ergo compositio Christi ex humanitate, & personalitate Verbi, est minima, & consequenter unitas compositi, est maxima; quò enim minor est compositio, eò major est unitas: ergo & unio est maxima.

20. *Obijcies 7mò.* Quæ maximè distant, non possunt maximè uniri; atqui verbum divinum, & natura humana maximè distant; Verbum enim divinum est infinitum, natura autem humana est finita: ergo. *Resp.* *Dist. Min.* Verbum divinum & natura humana maximè distant, in ratione entis & potentiæ naturalis, *Conced.* In ratione perfectibilis & perfectivi, ac in ratione potentiæ obedientialis, *Neg. Min. Et Conseq.* Licèt enim Verbum divinum, & natura humana, maximè distant in ratione entis & potentiæ naturalis, cùm ad se invicem nullam dicant proportionem naturalem & inclinationem, non tamen à se invicem maximè distant in ratione perfectibilis & perfectivi; Si quidem Verbum divinum summè perficit naturam humanam in Christo, & illa perficitur summè à Verbo divino, stante potentiâ obedientiali: ergo &c.

21. *Obijcies 8vò.* Unio maxima debet inferre maximam unitatem; atqui maxima unitas, est unitas simplicitatis, quam unio hypostatica non infert: ergo. *Resp.* *Dist. Maj.* Debet inferre maximam unitatem, in suo genere, seu unitatem compositionis, *Conced.* Unitatem

tem diversi generis, qualis est unitas simplicitatis, *Neg. Maj.* Similiter *Dist. Min. & Neg. Conseq.*

*Obicies 9<sup>o</sup>.* Major unitas est inter extrema, & 22. prædicata identificata, quam inter personam Verbi & naturam humanam in Christo: ergo identitas est major unitas. *Resp. Dist. Conseq.* Identitas est major unitas simplicitatis, non præsupponens extremorum distinctionem, *Conced.* Est major unitas compositionis, quæ præsupponit extremorum distinctionem, *Neg. Conseq.* Nos præcisè dicimus, unionem hypostaticam esse maximam, inter unitates compositionis.

*Obicies 10<sup>o</sup>.* Illud est magis unum, quod per se, 23. & ratione suæ unitatis est unum, quàm, quod est unum ex eo solum, quia in eo plura conjuncta sunt; atqui unitas, quæ est principium numeri, est aliquid per se, & ratione suæ unitatis unum: ergo est magis unum, quàm Christus. *Resp. Dist. Min.* Unitas quæ est principium numeri, est per se unum unitate simplicitatis, vel unitas in abstracto, *Conced.* Est unum unitate compositionis, vel unitas in concreto, quæ resultat ex unionem, *Neg. Min. & Conseq.* Si enim unitas, quæ est principium numeri admittatur esse una, unitate simplicitatis vel in abstracto, tunc non bene arguitur ab illa ad unionem hypostaticam; Si verò illa unitas dicatur esse una in concreto & per unionem, tunc non potest dici magis esse una, quàm unus sit Christus, ut consideranti patet: ergo &c.

*Obicies 11<sup>o</sup>.* Dantur uniones naturales, quæ tantam habent firmitatem, quantam unio hypostatica, quia etiam hæ nullâ virtute creatâ dissolvi possunt; talis est unio materiæ cum quantitate, animæ cum suis potentijs; item cujusvis naturæ puræ creatæ, cum suâ propria subsistentia: ergo unio hypostatica non est omnium maxima, quoad firmitatem. *Resp.*



*Dist. Ant.* Dantur uniones naturales accidentales, nullâ virtute creatâ dissolubiles, *Conced.* Substantiales, *Neg. Ant. & Conseq.* Firmitatem unionis hypostaticæ, non comparamus cum unionibus *accidentalibus*, sed cum *substantialibus*; quia, cum unio hypostatica sit substantialis, est major, & in altiori ordine, quàm omnes uniones accidentales. Proinde, licet unio quantitatis physicæ cum materia, & potentialium spiritualium cum anima, sit secundum quid æqualis unioni hypostaticæ, scilicet, in ratione *firmi-  
tatis*, & *indissolubilitatis* per virtutem creatam; quia tamen utraque est accidentalis, idè utraque est simpliciter minor, & inferior. Quamvis autem natura purè creata, uniatur substantialiter suæ propriæ subsistentiæ, non tamen unitur illi per distinctam ab utroque extremo unionem; quia subsistentia creata per se ipsam, est *essentialiter* affixa suæ naturæ, hic autem quæritur: utrùm unio hypostatica sit in ratione unionis maxima, inter omnes illas uniones *substantiales*, quæ ex natura rei distinguuntur à suis extremis: ergo.

25. *Obijcies 12mò.* Si Verbum assumpsisset naturam Angelicam, illa unio fuisset major, quàm hæc cum natura humana: ergo unio hypostatica non est simpliciter maxima. *Resp. Dist. Ant.* Fuisset major extrinsecè & terminativè, propter majorem perfectionem extremorum, *Conced.* Fuisset major intrinsecè, formaliter, & in ratione unionis, *Neg. Ant. & Conseq.*

26. *Obijcies 13tiò.* Ex eo: quòd unio hypostatica non videatur esse maxima in ratione doni. Jam sic: Gratia habitualis est majus, & præstantius donum, quàm unio hypostatica: ergo. *Prob. Ant.* Sicut per hanc unionem, humanitati datur persona Verbi, ità per gratiam datur homini Spiritus S.: ergo. *Resp. cum Sal-*  
*maniti-*

*manticensibus* Tract. 21. Diss. 4. dub. 3. §. 3. Neg. Ant.  
*Ratio est:* 1<sup>mo</sup>. Quia gratia habitualis, neque ut quod,  
 neque ut quo constituit Filium Dei naturalem, sicut  
 constituit unio hypostatica. 2<sup>do</sup>. Unio hypostatica  
 nec debetur naturæ secundum se, nec ut habenti gra-  
 tiam, quantumcunque perfectam; at verò gratia, li-  
 cet non debeatur naturæ secundum se, debetur tamen  
 naturæ, ut habenti unionem ad Verbum. *Ad Pro-*  
*bationem* Neg. paritatem Antecedentis, *Diss. est:* quia  
 Verbum sic datur humanitati, ut cum illa unam sub-  
 stantiam componat; at verò per gratiam datur Spi-  
 ritus S. sic, ut tamen per illam non componat cum  
 creatura unum per se, & unam Substantiam: ergo &c.

*Objicies* 14<sup>to</sup>. Saltè visio beatifica est præstantius 27.  
 donum: ergo. *Prob. Ant.* Visio est vitalis possessio  
 Dei, non autem unio hypostatica: ergo visio bea-  
 tifica est præstantior. *Resp. Neg. Ant. Ad Prob. Diss.*  
*Conseq.* Ergo visio beatifica est præstantior secundum  
 quid, nempe in ratione vitalitatis, *Conced.* Est sim-  
 pliciter præstantior in ratione doni, *Neg. Conseq.* A-  
 liàs etiam sensatio, cùm sit vitalis, esset simpliciter per-  
 fectior, quàm gratia habitualis, quod tamen à Theo-  
 logis non admittitur: ergo.

*Objicies* 15<sup>to</sup>. Visio beatifica est perfecta operatio 28.  
 intellectualis naturæ; unio autem hypostatica est  
 tantùm modus: ergo visio beatifica est perfectior u-  
 nione hypostaticâ. *Resp. Neg. Conseq.* Ex Antece-  
 denti enim non sequitur, quòd perfectior sit visio,  
 sed tantùm arguitur peculiaris potentia, à qua elici  
 debet visio; neque sequitur, visionem esse perfectio-  
 rem in entitate, sed tantùm in modo essendi, quate-  
 nùs scilicet unio est modus, *essentialiter* dependens  
 ab extremis, non verò visio; aliàs etiam substantia  
 esset perfectior, quàm gratia, aut quodcunque do-



num supernaturale, quia illa habet modum essendi per se, gratia verò per accidens; atqui hoc non: ergo nec illud.

29. *Objicies 16<sup>to</sup>.* Illud est excellentius donum, quod soli creaturæ rationali concedi potest, quàm illud, quod etiam potest conferri creaturis irrationalibus; atqui visio beatifica solis creaturis rationalibus concedi potest, unio autem hypostatica etiam irrationalibus: ergo visio beatifica est donum excellentius. *Resp. Neg. Maj.* Quia ex hac majori communicabilitate unionis hypostaticæ, potius debet inferri, eam esse perfectiorem, & excellentiorem; cùm enim omne bonum sit sui *communicativum*, quò magis est aliquid sui *communicativum*, eò majus censetur esse bonum; adeoque cùm unio hypostatica sit magis sui *communicativa*; idè debet censi esse majus bonum, visione beatificâ: ergo.

30. *Objicies 17<sup>mo</sup>.* Visio beatifica perficit videntem, unio hypostatica destruit propriam subsistentiam humanitatis: ergo visio beatifica est majus bonum, quàm unio hypostatica. *Resp. Dist. 2<sup>dam</sup> partem Anteced.* Unio hypostatica destruit propriam subsistentiam, ità tamen, ut illam suppleat modò longè perfectiori, *Conced.* ità ut illam non suppleat modò longè perfectiori, *Neg. 2<sup>dam</sup> partem Ant. & Conseq.*

31. *Objicies 18<sup>vo</sup>.* Per visionem beatificam communicatur nobis tota SS. Trinitas; per unionem verò hypostaticam, sola personalitas Verbi: ergo visio beatifica est major in ratione doni. *Resp. Dist. Ant.* Communicatur nobis tota SS. Trinitas accidentaliter, *Conced.* Substantialiter, *Neg. Ant. & Conseq.* Substantialis autem communicatio procul dubiò est major, quàm accidentalis: ergo.

32. *Objicies 19<sup>no</sup>.* Unio hypostatica terminata ad omnes  
tres

tres Personas Divinas, esset perfectius donum, quàm, si sit tantum terminata ad unam personam: ergo hæc unio non est maxima in ratione doni. *Confirmatur.* Visio omnium personarum est perfectior, quàm visio unius tantum personæ: ergo etiam unio terminata ad plures personas est major, quàm terminata ad unam tantum personam. *Resp. Dist. Ant. Argum.* Unio terminata ad tres Personas Divinas, esset perfectior extensivè intrà eundem ordinem, *Conced.* Intensivè, & extra eundem ordinem, *Neg. Ant.* Unio enim hypostatica ad omnes tres Personas Divinas terminata, non variaret ordinem, sed tantum extenderet perfectionem intrà eundem ordinem; Sicut neque Natura Divina, ut subsistens in tribus personis est intensivè, sed tantum extensivè perfectior, quàm ut subsistens in una persona. *Ad Confirmat. Dist. similiter Ant.* Visio omnium personarum est perfectior extensivè, quàm visio unius tantum personæ, *Transf. Intensivè, Neg. Ant.* Et sub simili Distinctione, *Neg. Conseq.*

*Obijcies 2o mō.* Per Evcharistiam unitur nobis totus 33. Christus, qui est donum infinitum: ergo Evcharistia est majus bonum. *Resp. cum Salmanicensibus loc. sup. cit. Dist. Ant.* Unitur nobis totus Christus, sed solummodo accidentaliter, & in ordine ad præstandos nobis effectus gratiæ per suam præsentiam realem, *Conced.* Unitur nobis substantialiter, & in ordine ad constituendum nobiscum unum suppositum, *Neg. Ant.* Plus autem confertur gratiæ, ad exigentiam unionis hypostaticæ, quàm nobis conferatur per communionem Evcharistiæ, etiam quotidianam. *Praeterea:* unio hypostatica fundat communicationem idiomatum inter Deum & hominem, quam non fundat communio Evcharistica: ergo &c.



§. II.

*Solvuntur objectiones contra secundam partem Thesis, quæ dicit: quòd Christus sit verè, & propriè persona composita.*

34. **O**bjicies 1<sup>mo</sup>. Ex eo: quòd in Christo non admittantur partes, adeoque nec vera & propria compositio. Unde sic cum Scotistis: De ratione compositi est, ut componatur ex pluribus partibus; atqui Verbum non potest esse pars: ergo neque potest componi cum humanitate, ità, ut faciat propriè dictum compositum. Major videtur esse certa; quia componere, est totum ex partibus facere. Min. etiam est evidens. Nam omnis pars est quid in completum, & imperfectum; Atqui Verbum divinum non potest esse quid incompletum, & imperfectum: ergo. *Resp. cum Gonet hic Diss. 6. a. 2. §. 2. Neg. Maj.* Nam de ratione compositi ut sic, est solùm, ut componatur ex pluribus à parte rei distinctis, sive illa plura se mutuò perficiant, sive non; si omnia, ex quibus aliquid componitur perficiant se mutuò, tunc componentia habent rationem partis, hoc est rationem entis incompleti, & perfectibilis. Si verò unum perficiatur, alterum purè perficiat, tunc illud solùm, quòd perficitur, habet rationem partis, non verò illud, quod perficit; unde compositum latius patet, quàm totum strictè acceptum, sicut latius patet actus, quàm forma. Quia verò Verbum divinum perficit humanitatem in Christo, & vice versà non perficitur ab humanitate, ideò, licèt humanitas possit dici pars, Verbum tamen nullò modo

ad potest subire rationem partis, ut observat Syl-  
vester Maurus lib. 9. q. 24. n. 12.

*Objicies 2da.* Omne compositum dependet à suis  
componentibus; atqui persona Christi non potest  
dependere ab alio, cum sit increata: ergo Christus  
non est verè, & propriè persona composita. *Resp.*  
*Dist. Min.* Persona Christi ut terminans Naturam  
Divinam, non potest dependere ab alio, *Conced.*  
Ut terminans naturam humanam, *Subdist.* Non po-  
test pendere ab alio secundum id, quod dicit in re-  
cto, *Conced.* Secundum id, quod dicit in obliquo,  
*Neg. Min. & Conseq.* In Christo est persona Verbi,  
terminans naturam Divinam, & sic non est com-  
posita, quia realiter identificata; in quantum verò  
eadem persona Verbi terminat naturam humanam in  
Christo, in tantum est composita; unde persona  
Christi secundum hunc obliquum, & naturam hu-  
manam, dependet ab alio.

*Objicies 3tia.* Omne compositum est melius & per-  
fectius, quocunque ex componentibus seorsim sum-  
ptis; atqui Christus non est quid melius, quam ipsius  
componentia: ergo Christus non est compositus. *Resp.*  
*Dist. Maj.* Omne compositum est melius, quam com-  
ponentia seorsim sumpta, si utrumque componens  
sit finitum, & incompletum, adeoque perfectibile,  
*Conced.* Si unum sit infinitum, & continens eminenter  
omnem perfectionem alterius extremi, *Neg. Maj.*  
Verbum autem divinum est infinitum, & continet  
eminenter omnem perfectionem naturæ humanæ;  
adeoque Christus non est perfectior, quam Verbum  
divinum seorsim sumptum, sicut Deus & creatura  
simul non sunt quid perfectius, quam solus Deus,  
seorsim sumptus. *Amicus hic Dist. 9. sect. 2. n. 23.*  
Aut etiam potest sic Distingui Maj. cum Sylvestro Mau-



- ro lib. 9. q. 24. n. 14. compositum est melius componentibus seorsim sumptis, si componatur ex talibus, quorum singula sint pars, *Conced.* si componatur ex talibus, quorum singula non sint pars, uti hic contingit, *Neg. Maj.* similiter *Dist. Min.* Et *Neg. Conseq.*
37. *Obijcies 4to.* Quod est summè simplex, non potest componi cum alijs; atqui Verbum divinum est summè simplex: ergo non potest componi cum alijs, *Resp.* cum Sylvestro Mauro lib. 9. q. 24. n. 12. *Dist. Maj.* Quod est summè simplex, non potest componi cum alijs per modum partis perfectibilis, *Conced.* Per modum actûs purè perfectivi, *Neg. Maj.* Summa simplicitas consistit in hoc, ut ens habeat esse, ac perfectionem intrinsecam, non constantem ex pluribus realiter distinctis, sed sit totum suum esse, & tota sua perfectio; atqui hoc adhuc Verbo convenit, licet uniatuatur naturæ humanæ: ergo.
38. *Obijcies 5to.* Omne compositum est posterius suis componentibus; atqui persona Verbi, non potest esse posterior: ergo neque componens. *Resp. Dist. Min.* Persona Verbi, ut terminans Naturam divinam, non potest esse posterior, *Conced.* Ut terminans naturam humanam, *Neg. Min. Et Conseq.* Persona Verbi solummodò est posterior ratione terminationis, quod nullam involvit repugnantiam; non autem est posterior ratione existentiae aut durationis, cum persona Verbi fuerit ab æterno.
39. *Obijcies 6to.* Si Christus esset verè compositus, vera esset hæc propositio: *Verbum divinum est verè compositum*; quia, quæ dicuntur de Christo, possunt etiam per communicationem idiomatum, dici de Verbo divino; atqui hæc propositio est falsa: ergo. *Resp. Dist. Maj.* Hæc propositio esset vera: *Verbum divinum est verè compositum*; cum hoc addi-

addito, Verbum divinum ut subsistens in natura humana, *Conced.* sine hoc addito, & intelligendo Verbum divinum præcisè secundum se, & ut præcisè subsistens in sola natura divina, *Neg. Maj.* Ad id verò quod additur de communicatione idiomatum, dicendum est: quòd ea, quæ absolutè dicuntur de Christo, possint dici absolutè de Verbo, & Filio Dei, nisi sint talia, quæ determinant hoc subiectum *Christus*, ad hoc, ut stet solùm pro composito ex natura humana & divinitate; hæc autem prædicata: *Christus est compositus; Christus est terminus resultans ex unione personali duarum naturarum*; determinant ipsum Christum ad standum pro aggregato ex natura humana & Divinitate, & sic non possunt dici sine addito de Filio Dei, aut de Verbo, sed solummodò cum addito, quatenus est persona humana.

*Obijciēs 7<sup>mo</sup>.* Personalitas Verbi est medium, in quo Natura Divina & humana uniuntur in Christo; atqui medium in quo extrema uniuntur, non est extremum componens: ergo personalitas Verbi non est extremum componens; & consequenter Christus non est compositus ex personalitate Verbi, & humanitate. *Resp. Dist. Maj.* Personalitas est purum medium, in quo uniuntur duæ naturæ, *Neg.* Est ita medium, ut sub alio respectu sit componens, *Conced. Maj.* Instantia est in quantitate; licet enim quantitas sit medium, in quo qualitas, v. g. albedo, unitur corpori, nihilominus in quantum eadem qualitas unitur etiam quantitati, hoc respectu qualitas est extremum, & reperitur vera compositio, non tantum inter corpus & qualitatem, sed etiam inter qualitatem & quantitatem. Hinc etiam quantitas separata in Eucharistia, dicitur alba, adeoque facit compositionem cum albedine.

*Obji-*



†1. *Objicies 8vo.* Si Christus esset compositus, sequeretur, quòd in illo essent duæ personæ; atqui hoc est hæreticum: ergo. *Prob. sequel. Maj.* Persona simplex, distinguitur à persona composita; atqui in Christo esset persona simplex, nempe Divina; & composita, nempe humana: ergo in Christo essent duæ personæ. *Resp. Neg. sequel. Maj. ad Prob. Diss. Maj.* Persona simplex distinguitur à composita, vel adæquatè, vel inadæquatè, *Conced.* semper adæquatè, *Neg. Maj.* Persona enim Divina, distinguitur tantùm à persona humana in obliquo considerata, nempe, ab humanitate, non autem à personalitate, ut observat *Godoy q. 2. de Incarnatione. Tract. 2. Diss. 10. §. 2. n. 31.* Quia hæc est eadem; subit enim vires personalitatis creatæ, per consequens non dantur ibi duæ personæ; nam ad hoc, ut sint duæ personæ, requiritur, ut duæ naturæ habeant duas subsistentias ex natura rei distinctas, quod non contingit in Christo. Insuper aliqui Theologi dicunt, ut videre est apud *Godoy loc. sup. cit. §. 5. n. 70.* Quòd persona Christi non sit composita compositione *hujus ex his*, sed *hujus ad hoc*, seu *cum his*. Ex eo, quòd omne compositum compositione *ex his*, dependeat à componentibus tanquam à partibus constituentibus ipsum, sitque illis posterius, saltèm ordine naturæ; atqui personalitas Christi non dependet à Natura Divina, & humana, tanquam à partibus constituentibus ipsam, nec est aliquid illis posterius, sed præexistit uni ex illis, scilicet, naturæ humanæ: ergo persona Christi non est composita ex Natura Divina & humana, compositione *hujus ex his*, sed *hujus ad hoc*, seu *cum his*.

†2. *Objicies 9no.* Omne, quod componitur ex ali-  
quibus, videtur esse homogeneum ex illis; ut patet

tet in corporibus, ex quibus non componitur nisi corpus; atqui ex Verbo & natura humana, non potuit resultare aliquid homogeneum, aliàs unio fuisset facta in natura, quod est contra Thesim præcedentem: ergo neque compositum. *Resp.* Verbis S. Thomæ hic q. 2. a. 4. ad 3. Dicendum, quod non in omni compositione hoc verificatur, quod illud, quod componitur, sit homogeneum componentibus, sed solùm in partibus continui. Nam continuum non componitur nisi ex continuis, animal verò componitur ex anima & corpore, quorum neutrum est animal; adeoque juxta S. Thomam non omne quod componitur ex aliquibus, debet necessariò esse homogeneum ex illis; unde *Neg. Maj.*

*Obijcies 1.º.* Si persona Christi esset composita ex 43. Verbo & natura humana, tunc Persona Christi esset minùs simplex, quàm natura humana, siquidem omne compositum est minùs simplex componentibus; atqui hoc non potest dici: ergo nec illud. *Resp.* cum Sylvestro Mauro lib. 9. q. 24. n. 16. *Dist. Maj.* Persona Christi esset minùs simplex, quàm natura humana, formaliter sumpta, & ut subsistens in duabus naturis, *Conced.* Esset minùs simplex Personam Christi secundùm se sumptam, *Neg. Maj.* Similiter *Dist. Min. & Neg. Conseq.*

*Obijcies 1.º.* Persona Christi non potest dici verè facta; atqui si esset composita, posset dici verè facta: ergo. *Prob. Min.* Quod est posterius naturam componentibus, est factum ex illis; atqui persona composita Christi, esset naturam posterior componentibus: ergo esset facta. *Resp.* cum Godoy q. 2. de Incarnat. tract. 2. *Dist.* 10. §. 2. n. 21. *Dist. Maj.* Persona Christi non potest dici verè facta, prout in Divinitate subsistit, *Conced.* Prout subsistit in humanitate



nitate, *Subdist.* Non est facta ratione Divinitatis, *Conced.* Non est facta ratione humanitatis, *Neg. Maj.* Licet enim Persona Christi non possit dici absolute facta, potest tamen dici facta ratione humanitatis, in quantum in tempore incepit terminare naturam humanam, Personalitas Verbi, in Christo: ergo.

45. *Replicabū.* Persona Christi non potest dici absolute facta: ergo etiam non potest dici absolute composita. *Resp. Neg. Conseq. Ratio est,* quam adducit *Godoyloc. sup. cit.* Quia asserendo personam Christi esse absolute compositam, non convenimus in modo loquendi cum Hæreticis, sed cum SS. Patribus, & Concilijs, in modo loquendi convenimus. At verò dicendo *absolute* esse factam, seu esse creaturam, quod idem est, etsi in sensu cum hæreticis non convenimus, convenimus tamen cum illis in modo loquendi. Et quia non solum convenientia in sensu, sed etiam in Verbis, & in modo loquendi cum Hæreticis vitari debet; ideo potest dici *absolute*, Personam Christi esse compositam, non tamen *absolute* factam.

46. *Objicies 12mō.* Vera & propria compositio, est tantum triplex. *Prima* compositio ex his, qualis est unio formæ & materiæ substantialis. *Secunda* compositio hujus cum hoc, qualis est unio accidentalis cum subjecto, aut numeri cum numero. *Tertia* compositio, horum in hoc, qualis est unio mediata duorum extremorum in aliquo tertio, tanquam in medio, quò pacto qualitas unitur corpori, mediante quantitate; atqui unio humanitatis cum Personalitate Verbi, neque est compositio ex his; quia Personalitas Divina non habet rationem partis, adeoque nec rationem materiæ aut formæ. Neque est compositio *hujus cum hoc*; quia Personalitas Divina

non


non habet se ad naturam humanam, sicut accidens ad subiectum. Neque est compositio horum in hoc; quia Personalitas Divina unitur immediatè humanitati: ergo hæc non est vera, & propria compositio. *Resp. 1<sup>mo</sup>. Trans. Maj. Neg. primam partem Min.* Quia compositio ex his, non est tantum compositio essentiae ex materia & forma, sed etiam suppositi ex natura & subsistentia; & ad hanc reductivè spectat hæc supernaturalis compositio Christi, ex Personalitate Verbi & humanitate. *Resp. 2<sup>do</sup>. Neg. Maj. Ratio est:* Quia vera & propria compositio dividitur: 1<sup>mo</sup>. In substantialem & accidentalem; substantialis dividitur in metaphysicam ex genere & differentia, & in physicam, quæ subdividitur, 1<sup>mo</sup>. In compositionem essentiae seu naturæ ex materia & forma. 2<sup>do</sup>. ex natura & subsistentia. 3<sup>io</sup>. corporis heterogenei ex partibus integrantibus, v.g. capite, manibus, &c. 2<sup>do</sup>. Compositio physica & substantialis suppositi, alia est naturalis, alia supernaturalis, qualis est Christi: ergo.

*Objicies 3<sup>io</sup>. Ubi est compositio, ibi neque com-* 47<sup>a</sup>  
positum de extremis, neque extrema de se invicem prædicantur; ut patet in homine, qui nec prædicatur de anima vel corpore, nec corpus vel anima prædicantur de se invicem; atqui tam Christus prædicatur de Verbo, & hoc homine, quàm Verbum, & hic homo, de se invicem: ergo Christus non videtur esse persona propriè composita: ergo. *Resp. Cum Amico hic Disput. 9. sect. 2. n. 26. Dis. Maj. Ubi est compositio in esse naturæ, ibi neque compositum de extremis, neque extrema de se invicem prædicantur, Conced. Ubi est compositio in esse suppositi, Neg. Maj. In Christo autem est compositio in esse suppositi: ergo mirum non est, quod compositum de extremis, vel extrema de se invicem prædicari possint.*



48. *Replicabis.* Ubi est compositio in esse naturæ, ibi neque compositum de extremis, neque extrema de se invicem prædicari possunt: ergo etiam, ubi est compositio in esse suppositi, non poterunt extrema de se invicem prædicari. *Resp. Neg. Conseq. Diss. dat. Amicus loc. sup. cit.* Quia in priori prædicatione, prædicatum non includitur in subiecto ex modo significandi; at verò in posteriori includitur: ergo.
49. *Obijcies 1410.* Ut sit compositio vera & propria, debet esse realis; nam compositio rationis nec vera nec propria est compositio; atqui Persona Christi non est composita reali compositione: ergo Christus non est persona propriè composita. *Prob. Min.* Persona Christi est composita ex alia, & alia ratione subsistendi, ut docet *D. Thomas hic q. 2. a. 4.* atqui ex alia, & alia ratione subsistendi, non potest resultare realis compositio: ergo. *Resp. Neg. Min. Ad Prob. Diss. Min.* Ex alia, & alia ratione subsistendi, non potest resultare compositio realis, si nomine rationis intelligatur mentis operatio, *Conced.* Si ly ratio sumatur tantum quoad modum explicandi, *Neg. Min.* Personalitas Verbi, terminans naturam humanam in Christo, est verè realis; verum, quia aliter terminat Naturam Divinam, nempe, per identitatem, & aliter humanam, nempe, per unionem modaliter distinctam; ideo dicitur: quod alia sit ratio Verbi subsistendi in Natura Divina, & alia in natura humana: ergo &c.
50. *Obijcies 1510.* Licet in Divinis sint tres Personæ realiter distinctæ, & una natura, tamen Natura Divina non est composita ex tribus personis: ergo etiam, licet in Christo sint duæ naturæ, & una personalitas, tamen Persona Christi non censetur esse composita. *Resp. Neg. Conseq. Diss. est:* Quia Divi-

Divinæ Personæ non uniuntur propriè Naturæ Divinæ, sed sunt identificatæ cum illa; & quia sunt cum illa identificatæ, idè non faciunt cum illa compositionem; ad compositionem enim necessariò requiritur, ut inter componentia intercedat unio, ut observat *Godoy hic Tract. 2. Diss. 10. §. 1. n. 6.* Et ex hac ratione nec tres Personæ Divinæ censentur esse compositæ; at verò in Christo Personalitas Verbi, & natura humana, uniuntur sibi invicem; hinc fit, ut resultet persona composita ex natura humana, & personalitate Verbi. Circa hanc difficultatem *Sylvesster Maurus loc. sup. cit. n. 15.* ità discurre: Natura Divina non est composita ex tribus personis, quia neque est composita compositione trium personarum cum natura; siquidem tres personæ non distinguuntur à natura, adeoque non possunt facere cum illa compositionem; neque est composita compositione trium personarum inter se; quia nullum compositum potest constare pluribus per se subsistentibus, & oppositis; atqui singulæ tres personæ per se subsistunt, & relative opponuntur: ergo non possunt mutuo componi. At Persona Christi est composita ex duabus naturis realiter distinctis, ac non oppositis, sed unitis in una Verbi subsistentia, & ex persona Verbi & natura humana realiter distinctis in una subsistentia. Hæc doctrina desumpta est ex *S. August. lib. 11. de civit. cap. 10.*  
Ità citatus *Sylvesster Maurus.*





## THESIS VI.

*Defectò (1mò.) sola persona Filij  
assumpsit humanitatem. Est dogma  
fidei. Possunt tamen (2dò.) plures Perso-  
nae Divinae eandem naturam creatam assumere.*  
Ità S. Thom. 3. p. q. 3. a. 6. Vasquez *Disp.* 29. cap. 2.  
Suarez. *Disp.* 13. sect. 2. Arriaga. *Disp.* 27. sect. 5. Et  
alii plures, quos pro hac sententia refert Amicus  
*Disp.* 14. sect. 6. n. 71. Accedit Godoy q. 2. de Incarna-  
tione. tract. 2. *Disp.* 15. §. 2. Reding hic q. 7. a. 2.  
controvers. 3. n. 5. Joannes à S. Thom. *Disp.* 6. a. 3.  
Salmanticenses *Tract.* 21. *Disp.* 8. dub. 6. §. 1. Et alij  
communiter Thomistae contra Scotum in 3. dist. 1. q.  
2. & alios Scotistas. Et (3tò.) Una Persona Di-  
vina plures simul naturas creatas terminare. Ità S.  
Thom. 3. p. q. 3. a. 7. Et alij communiter Thomi-  
stae teste Gonet hic *Disp.* 8. a. 4. §. 1. n. 83. Sco-  
tus in 3. Dist. 1. q. 3. Et cum eo com-  
muniter Scotistae.

1. **P**robatur ita pars Thesis. 1mò. *Authorit. S. Scri-  
pturae.* Ex eo: quòd defectò sola persona Filij  
assumpsit humanitatem. Et quidem omnibus  
illis textibus, aliunde notissimis, in quibus Filius  
Dei specialiter dicitur *Incarnatus*, quod nunquam de  
Patre vel Spiritu S. asseritur. Item ijs, in quibus  
dicitur: quòd Pater nobis dederit Filium, & tra-  
diderit in mortem. Item his, in quibus dicitur *Filius*  
*minor Patre*, ratione naturae assumptae; hoc enim ve-  
rum non esset, si Pater etiam esset homo. *Præte-  
rea;*

rea : quia S. Scriptura ita distinguit Christum à Patre & Spiritu Sancto, sicut Filium seu Verbum : ergo sentit Christum, ut subsistentem in humanitate, & Divinitate (*hoc enim nomen Christi significat,*) personaliter distingui à Patre, & Spiritu Sancto. Denique arguit Felix I. *Epist. 1. decretali.* Quia Filius specialiter dicitur visibilis seu visus in terris, propter mysterium Incarnationis, quod aliàs neque Patri, neque Spiritui Sancto ullus attribuit : ergo.

Probatur 2dò. Autoritate Concilij Toletani VI. 2. quod in confessione fidei ita loquitur : *Licet tota Trinitas cooperata sit formationem suscepti hominis, quoniam inseparabilia sunt opera Trinitatis, solus tamen Filius suscepit humanitatem in singularitate Personæ, non unitate Divinæ Nature :* ergo &c.

Confirmatur 1mò. Autoritate Concilij Toletani XI. quod in confessione fidei post medium ita ait : *Credimus solum Filium formam servi accepisse in singularitate Personæ, non in unitate nature, nam in eo, quod est proprium Filio, non in eo, quod est toti Trinitati commune.* Quid clarius ? Et licet hæc Concilia non fuerint universalia, seu Oecumenica sed Nationalia, attamen ipsorum autoritas est gravissima, quia ita docuerunt in confessione fidei publicæ, nunquam ab ullo Pontifice aut Concilio reformata, quod necessarium erat, ut dissentientibus alijs Catholicis, consentirent : ergo. Confirmatur 2dò. Autoritate sextæ synodi Generalis Constantinopolitanæ actione 8. Ubi ex S. Dionysio cap. 2. de divinis nominibus, sic dicitur : *His enim neque Pater, neque Spiritus Sanctus ullâ ratione communicant ; nisi fortè quis asserat, benignitate, clementia, & communicatione voluntatis, atque in omni supereminentiissima & ineffabili operatione, illos quoque accessisse censes :* ergo &c.



3. Probatur 3<sup>to</sup>. Authoritate SS. Patrum, præsertim S. Augustini, qui lib. de Eccles. Dogmat. cap. 2. ita inquit : *Non assumpsit Pater carnem, neque Spiritus Sanctus, sed Filius tantum, ut qui erat in Divinitate Dei Patris Filius, ipse fieret in homine, hominis Matris Filius, nè Filij nomen ad alterum transiret, qui non esset æternâ nativitate Filius : ergo.*

4. Probatur 4<sup>to</sup>. ratione. Id, quod terminatur ad unam personam, prout realiter distinguitur ab alijs, non necessariò terminatur ad alios; atqui Incarnatio terminatur ad personalitatem Verbi, prout realiter distinguitur ab alijs personis, cum non terminetur ad essentiam Filij, ut patet ex Concilio Toletano VI. quod Can. 1. ita dicit : *solum Filius suscepit humanitatem, in singularitate Personæ, non in unitate Divinæ Naturæ, id est : ( declaratio est Concilij, ) in eo quod proprium est Filij, non quod est commune Trinitati : ergo.* 2<sup>do</sup>. Si Incarnatâ unâ personâ deberent omnes incarnari propter identitatem naturæ, sequeretur, quod generatâ unâ personâ, deberent etiam omnes generari. Item, spiratâ unâ personâ, deberent omnes spirari; atqui hoc est contra fidem : ergo. 3<sup>to</sup>. Si defactò præter secundam in Deitate personam, alia divina persona assumpsisset humanitatem, deberet etiam posse dici, quod alia persona præter Filium fuerit passa, mortua, & sepulta; atqui hoc salvâ fide dici non potest : ergo neque potest dici, quod defactò alia persona assumpsit humanitatem, præter Filium; adeoque error Sabellianorum, & Patropassanorum, asserentium totam Trinitatem fuisse incarnatam, non subsistit.

5. Quod autem magis congruum fuerit & conveniens, ut potius incarnaretur Verbum, seu Filius; variâ à SS. Patribus congruentiæ, ut videre est apud Sua-

*Suarez Disp. 12. sect. 1. & apud Amicum Disp. 3. n. 9.*  
 assignantur. Et quidem 1<sup>mo</sup>. Quia conveniebat,  
 ut idiomatica, quantum fieri potest sint similia;  
 adeoque etiam congruebat, ut, qui ab æterno  
 erat Filius Dei, etiam esset in tempore Filius Vir-  
 ginis, & nomen Filij nullò modò Patri, aut Spi-  
 ritui Sancto communicaretur. Ità *S. Damascenus*  
*lib. 4. cap. 4.* 2<sup>do</sup>. Quia uterque nempe: Ver-  
 bum Divinum, & homo, est imago Patris. *Ad*  
*Colos. 1. Et 1. ad Corinth. 2. ad Roman. 8.* Quos  
*prædestinavit conformes fieri imaginis Filij sui.* 3<sup>io</sup>.  
 Quia Verbum est exemplar & sapientia, per quam  
 facta sunt omnia; adeoque decuit, ut per ean-  
 dem sapientiam incarnatam omnia restaurarentur, &  
 ad excellentiæ dignitatem eveherentur; ità *S. Da-*  
*mas. sup. cit.* Et indicat *S. August. tract. 17. in Joan.*  
 4<sup>to</sup>. Quia homines, appetendo scientiam Dei, ce-  
 ciderunt: ergo conveniebat, ut per eandem scien-  
 tiam & sapientiam Patris, nempe per Verbum divi-  
 num, resurgerent; ut habet *S. Bernard. serm. in Dom.*  
 1. *Advent.* 5<sup>to</sup>. Quia pertinebat ad Filium, vindic-  
 care Patris injuriam, & Filios adoptivos reparare;  
 aut, ut vult *Clemens Alexandrinus, & S. Basilius*; quia  
 cum Incarnatio fuerit facta ad reparandam imaginem  
 Dei, per peccatum ab homine obliteratedam, con-  
 gruum erat, ut illa persona incarnaretur, quæ ex  
 sua proprietate personali est imago Dei Patris; at-  
 qui solus Dei Filius, est imago Dei Patris: ergo.  
 6<sup>to</sup>. Quia Dæmon primatum appetierat, qui Filio  
 debetur; idèd decuit, ut per ipsum Filium expu-  
 gnaretur. Ità *S. August. lib. Questionum veteris & no-*  
*vi testamenti. q. 113.* 7<sup>mo</sup>. Quia Filius est quasi per-  
 sona media, inter Patrem, & Spiritum Sanctum;  
 ergo decuit, ut ille esset mediator inter Deum, &



hominem lapsum. 8vo. Specialiter conveniebat Incarnatio Filij præ Incarnatione Patris; quia, si Incarnatus fuisset Pater, non potuisset salvari ratio missionis, ut bene observat *Amicus hic Diss.* 3. n. 11. Et ostendi solet in 1. p. de Deo Trino: ergo &c.

6. Probatur 2da pars Thesis. 1mo. Ex eo: quod possint plures Personæ Divinæ eandem naturam creatam assumere. Et quidem autoritate S. Thom. qui 3. p. q. 3. a. 6. in  $\odot$  ita ait: *Est autem talis divinarum personarum conditio, quod una earum non excludit aliam à communione ejusdem naturæ, sed solam à communione ejusdem personæ: ergo.*

7. Probatur 2do. Argument. D. Thom. ad hanc formam redactō. Quidquid non involvit specialem repugnantiam, Omnipotentia divinx est admittendum; atqui talis assumptio, nempe: unius naturæ creatæ à tribus Personis Divinis, non involvit specialem repugnantiam: ergo Omnipotentia divinx est admittenda. *Prob. Min.* Si involveret aliquam repugnantiam, tunc illa se teneret, vel ex parte Personarum Divinarum, vel ex parte naturæ creatæ; atqui ex nulla parte se tenet: ergo. *Prob. Min.* Imprimis non ex parte Personarum Divinarum: ergo una pars est vera. *Prob. Ant.* Omnibus Personis Divinis inest æqualis virtus, id est: omnes Personæ Divinæ habent illimitatam, independentem, & infinitam virtutem terminandi naturam creatam; adeoque hæc virtus, non potest exhauriri ab ulla natura creata; neque se excludunt ab unionem naturæ creatæ; quia tres Personæ Divinæ simul terminant Naturam Divinam, per identitatem personalitatum cum natura: ergo eandem numero naturam creatam singularem, poterunt simul terminare per unionem. Atqui etiam nulla repugnantia se tenet ex parte

parte naturæ creatæ : ergo & altera pars est vera. *Prob. subsumpt.* Talis assumptio non esset juxta naturalem, sed juxta obedientialem capacitatem, & potentiam naturæ assumptæ, quâ stante nulla est repugnantia; cùm quælibet creatura obediat Deo Creatori suo, ad omne recipiendum, vel producendum, quod non destruit ejus essentiam: ergo. &c.

*Probatur 3<sup>io</sup>.* Quando humanitas terminatur ab una Persona Divina, habet terminationem *intensivè majorem*, videlicet: infinitam, quàm sit necessaria; si verò terminaretur à duabus vel tribus personis, haberet insuper terminationem *extensivè majorem*; atqui non repugnat habere terminationem *intensivè majorem*, quàm sit necessaria: ergo etiam non repugnat habere terminationem *extensivè majorem*.

*Probatur 4<sup>io</sup>.* Si aliqua specialis hujus repugnantia esset, tunc vel maximè esset hæc, quam adferunt Scotistæ; quia implicat, ut unus idemque effectus procedat à triplici causa totali; atqui hoc non repugnat, ut probabilior sententia in Philosophia docet, ex eo, quòd exclusio unius causæ totalis ab altera, sit solummodo effectus secundarius, quem Deus impedire potest: ergo. Imò, licet hoc repugnaret, tamen non sequitur, quòd tres causæ totales in hoc casu influerent in eundem effectum; quia natura humana à tribus personis assumpta, non denominaretur, nec constitueretur una, sed triplex persona: ergo.

*Probatur 5<sup>io</sup>.* cum Godoy. q. 2. de Incarnat. tract. 2. *Disp. 15. §. 2.* Defectò omnes tres Personæ Divinæ terminant eandem numerò Naturam Divinam: ergo etiam de possibili possunt terminare eandem numerò naturam creatam. *Prob. Conseq. 1<sup>mo</sup>.* Quia Personalitas Divina per se primò terminat Naturam Divinam, in qua omnis natura creata eminenter continetur; ideo illi etiam



etiam convenit, quòd possit secundariò extendi ad terminandam naturam creatam : ergo, si omnes Personales Divinæ, simul in natura Dei primò terminanda conveniunt, possunt etiam in natura creata secundariò terminanda adunari. 2dò. Nulla est implicantià, ut defactò una, eadèmq̃ue Natura Divina tribus subsistentijs terminetur : ergo etiam nulla erit implicantià, ut iisdem una, eadèmq̃ue natura creata terminari possit.

11. *Probatur 6to.* Dependentià adæquata & totalis à pluribus in diverso genere, non implicat ; atqui dependentià unius naturæ creatæ à tribus Personis Divinis, esset à pluribus in diverso genere : ergo non implicat. *Prob. Min.* Paternitas, Filiatio, & Spiratio passiva, sunt relationes personales inter se diversæ : ergo etiam alià esset dependentià à Persona Patris, alià à Persona Filij, alià à Persona Spiritûs Sancti : ergo esset dependentià à pluribus in diverso genere.

12. *Probatur 7mo.* Potest Deus facere, ut unum idèmq̃ue corpus, sit simul & semel in duobus locis extrinsecis, non obstante, quòd secundùm potentiam naturalem adæquatè, totaliter, & perfectè terminetur superficie ambiente : ergo etiam potest Deus facere, ut una eadèmq̃ue natura jam subsistens, & terminata adæquatè, totaliter, & perfectè secundùm potentiam naturalem, adhuc terminetur alià subsistentià, divinitûs. 2dò. Unum numerò accidens potest esse divinitûs in duobus subjectis, juxta sententiam valde probabilem : ergo etiam una eadèmq̃ue natura humana, simul & semel in pluribus suppositis. 3to. Illa quæ solis relationibus distinguuntur, in nullo absolute se invicem excludunt ; atqui Personæ Divinæ solis relationibus distinguuntur : ergo in nulla natura humana assumpta se excludunt. 4to. In materia Incarnationis attenditur potentia facientis, ut patet ex

ex illis verbis *S. August. Epist. 3. ad Volusianum*: *Tota ratio facti, est potentia facientis*; atqui in Deo est potentia ad naturam humanam, simul adæquatè ab omnibus tribus personis terminandam: ergo talis terminatio potest fieri. *Prob. Min.* In natura creata est potentia obedientialis respectu omnium trium personarum: ergo in Deo est potentia ad terminandam naturam humanam ab omnibus tribus personis. *5<sup>id.</sup>* Effectus personalitatis, juxta probabilem sententiam, est duplex: unus primarius, alter secundarius. Effectus primarius est: *reddere naturam subsistentem*. Secundarius est: *reddere ipsam incommunicabilem*. Jam sic arguitur: Effectus secundarius potest divinitus impediri, ut patet in penetratione duorum corporum, ubi effectus secundarius, nempe, exclusio corporis à loco impeditur; atqui incommunicabilitas est effectus secundarius, juxta probabilem sententiam: ergo potest impediri; & per consequens possunt tres Personæ Divinæ, in una eademque natura creata, subsistere. *6<sup>id.</sup>* Sicut prius potest esse sine posteriori absque contradictione, ita non repugnat, multiplicari posterius non multiplicatò priori; atqui Personalitas est posterior naturâ singulari: ergo possunt absque contradictione multiplicari Personalitates, non multiplicatâ ipsâ naturâ creatâ. *7<sup>id.</sup>* Unitas suppositi, non facit unitatem naturæ: ergo etiam multiplicitas suppositorum non faciet multitudinem naturarum. *Prob. Conseq.* Si unitas suppositi faceret unitatem naturæ, tunc unum suppositum non posset assumere diversas naturas; atqui unum suppositum, & Persona Divina, potest assumere plures naturas creatas; ut docet *Scotus in 3. Dist. 1. q. 3.* ergo. *8<sup>id.</sup>* Omnis creatura defactò dependet in fieri, & in conservari ab omnibus tribus Personis Divinis, ratione unius Omni-

[po-



potentiæ, quæ una & eadem est in omnibus tribus Personis Divinis: ergo etiam ratione ejusdem Omnipotentia, potest natura humana dependere ab omnibus tribus personis in subsistendo, ita, ut nihil derogetur, imò per hoc commendetur Omnipotentia Dei. 2<sup>do</sup>. Licet una forma sufficienter determinet materiam ad esse *compositi*, & *ad esse entis per se*, tamen juxta multos Scotistas in Philosophia, potest adhuc materia per aliam formam divinitus determinari ad esse *compositi*, & *ad esse entis per se*, adeoque possunt in una eademque materia divinitus dari plures formæ substantiales. Item, licet unum corpus sufficienter expleat capacitatem naturalem loci, tamen non implicat, ut flante hac expletione capacitatis, adhuc aliud corpus ponatur divinitus in eodem loco, ut iterum doceant Scotistæ: ergo etiam non obstante, quòd natura creata terminetur unâ subsistentiâ, quæ naturaliter est sufficiens, quin possit adhuc alia divinitus terminari.

13. Probatur 3<sup>ia</sup> pars Theſis. 1<sup>mo</sup>. Ex eo: quòd una persona divina possit simul plures naturas creatas terminare. Unde sic: S. Thom. 3. p. q. 3. a. 7. in  $\odot$  ita docet: Patet ergo, quòd, si ve consideremus personam divinam secundum virtutem, quæ est principium unionis, si ve secundum suam personalitatem, quæ est terminus unionis, oportet dicere: quòd persona divina præter naturam humanam, quam assumpsit, possit aliam humanam naturam assumere: ergo ex mente S. Thom. potest una persona divina plures simul naturas creatas assumere & terminare.

14. Probatur 2<sup>do</sup>. Si Persona Divina non posset assumere aliam naturam creatam, tunc & divina virtus unita, & terminativitas divinæ personæ limitaretur, & exhauriretur per unam naturam creatam; atqui hoc repugnat virtuti, & terminativitati infinitæ: ergo. *Min. patet*: quia infinitum nequit adæquari vel exhauriri

riri finitô. *Prob. sequel. Maj.* Persona Divina nec posset producere unionem sui ad aliam naturam, neque ratio personalitatis terminare aliam: ergo virtus producendi personalem unionem sui ad naturam creatam, unicâ unionem creatâ, adeoque finitâ; & terminativitas personalitatis unicâ terminatione naturæ creatæ exhauriretur, & limitaretur.

*Confirmatur cum Amico hic Disp. 14. sect. 7. n. 127. 15.* Quælibet Persona Divina habet terminativitatem infinitam, quæ à nulla creatura exhauriri potest, cum quævis creatura indigeat finitô solum concursu; neque ulla est, ex parte naturæ assumptibilis, repugnantia, quin plures naturæ simul assumi valeant in unitatem personæ: ergo una eadêmque Persona Divina, potest plures naturas humanas simul assumere.

*Probatur 3<sup>to</sup>.* Quidquid potest Pater, potest etiam **16.** Filius; atqui Pater post Incarnationem Filij, potest assumere aliam naturam humanam, à natura Filij assumpta, distinctam, ut omnes admittunt: ergo etiam Filius assumptâ unâ naturâ creatâ, potest aliam assumere, & per consequens potest terminare simul plures naturas creatas.

*Probatur 4<sup>to</sup>.* cum Godoy q. 3. de Incarnat. tract. 3. **17.** *Disp. 16. §. 8. n. 124. ratione D. Thom. ad hanc formam redactâ.* Vis assumptiva, non comprehensa sub una natura, potest simul ad aliam extendi; atqui vis assumptiva conveniens Divinæ Personæ, non comprehenditur ab una natura creata: ergo potest simul ad aliam extendi. *Maj. est certa:* nam eô ipsô, quod vis assumptiva non comprehendatur ab aliqua una natura, non adæquatur cum illa, ac proinde illam excedit; ex quo ulterius fit, quod possit ad aliam assumendam extendi. *Probatur itaque Min.* Vis assumptiva naturæ creatæ, convenit Personæ Divinæ ratione Omnipotentia,



tentiæ, ut principij assumptionis, & ratione personalitatis, ut termini; atqui nec Omnipotentia ut principium activum, nec personalitas ut terminativa, comprehendi possunt ab una natura creata; cum Omnipotentia ut activa, & personalitas ut terminativa, sint infinitæ, & natura creata sit finita; infinitum autem à finito comprehendi non possit: ergo vis assumptiva Divinæ Personæ, non comprehenditur ab una natura creata; & consequenter extendi potest ad assumendam simul cum illa, aliam naturam creatam.

18. *Dices.* Licet hæc ratio probet, quod non repugnet assumere plures naturas creatas, quantum est ex parte Personæ Divinæ, non tamen probat, quod non repugnet, quantum est ex parte naturæ creatæ. *Resp.* *Neg. Ans.* Ratio est: quia, ut docet D. Thom. hic q. 3. a. 6. in ○. ex S. August. ad Volusianum. In Mysterio incarnationis: tota ratio facti, est potentia facientis; & consequenter ad judicandum, an aliquid sit possibile, magis attendendum est ad conditionem personæ assumentis, quam ad conditionem extremi assumptibilis, nisi ex parte illius aliqua repugnantia, vel implicantia involvatur; atqui ex parte naturæ creatæ assumptibilis à Persona Divina, non potest ulla specialis repugnantia, & implicantia assignari, quod minus possit cum alia natura creata assumi: ergo, cum aliàs non repugnet ex parte personæ assumentis, ut ratio allata D. Thom. svadet; ideo asserendum est, hoc possibile esse, quod videlicet: una Persona Divina, possit simul assumere plures naturas creatas.

19. *Probatur sio.* Eadem personalitas Verbi Divini potest terminare, & defectò terminat duas naturas à se infinite distantes, nempe, divinam & humanam, ut patet in Christo: ergo à fortiori potest terminare duas naturas finitas.

*Pre-*

*Probatum 6to.* Quia Omnipotentia Divina, præter vim productivam ad intra, convenit vis ad extra productiva, quæ est infinita; ideo Omnipotentia Divina productio uno effectu ad extra, potest plures & plures producere; atqui etiam Personalitati Divina præter vim terminativam ad intra, convenit vis terminativa ad extra, quæ est infinita: ergo etiam Personalitas Divina terminatâ unâ naturâ creatâ, poterit plures & plures terminare.

# §. I.

*Solvuntur objectiones contra primam partem Thesis, quæ dicit: quod defacto sola Persona Filij assumpsit humanitatem.*

**O**bjicies 1mo. Ex eo: quod defacto videantur omnes tres Personæ assumpsisse humanitatem. Unde sic: Impossibile est unam personam operari sinè altera Incarnationem; atqui assumere est operari: ergo etiam impossibile est unam personam assumere sinè altera humanitatem; per consequens videntur defacto omnes tres personæ assumpsisse humanitatem. *Resp. Dist. Maj.* Impossibile est, unam personam operari sinè altera, purè activè, & solùm in genere causæ efficientis, *Conced.* In genere causæ, vel quasi causæ formalis, seu terminantis, *Neg. Maj.* Aut aliter *Dist. eandem Maj.* Impossibile est unam personam operari sinè altera, operatione, quæ convenit personæ ratione naturæ secundùm se acceptæ, *Conced.* Quæ convenit personæ ratione naturæ, ut modificatæ per aliquam personalitatem, *Neg. Maj.* Similiter *Dist. Min: & Neg. Conseq.* Hinc quando dicitur: quod opera Trinitatis ad extra, sint toti Trinitati communia, intelligi-



gendum est de illis operibus, & actionibus, quæ conveniunt alicui personæ ratione Naturæ Divinæ, secundum se sumptæ; non verò de illis operibus & actionibus, quæ conveniunt alicui personæ, ratione naturæ ut modificatæ, per proprietatem personæ, qualis est *assumptio*, seu *ad se sumptio*.

22. *Replicabis*. Impossibile est unam personam operari ad extra in genere causæ efficientis sinè altera: ergo etiam in genere causæ quasi formalis, seu terminantis. *Resp. Neg. Conseq. Diss. est*: quam adfert *Amicus hic Diss. 14. sect. 1. n. 2.* Quia principium producendi ad extra in Deo, est ratio absoluta naturæ, seu ut alij dicunt: *Dei ut unus*, adeoque communis omnibus tribus personis; at verò ratio sustentandi seu hypostaticè terminandi, est ratio respectiva, conveniens uni personæ, independenter ab altera: ergo.

23. *Obicies 2dò*. Terminare relationem, quâ creatura refertur ad Deum, non est causare efficienter, sed formaliter, vel quasi formaliter, & tamen non potest uni personæ sinè alia convenire: ergo Personæ Divinæ non solum sunt indivisæ in operando ad extra, in genere causæ efficientis, sed etiam in genere causæ, vel quasi causæ formalis. *Resp. Diss. Conseq.* Sunt indivisæ in operando ad extra in genere causæ, vel quasi causæ formalis, tunc, quando causalitas formalis fundatur in causatione efficiente, *Conced.* Quando causalitas formalis non fundatur in causatione efficiente, *Neg. Conseq.* Quia autem causalitas, vel quasi causalitas formalis personalitatis divinæ, respectu naturæ quam terminat, non fundatur in causatione efficiente; idè potest uni Personæ Divinæ seorsim competere, quin competat alteri; Deus autem ut terminans relationem, quâ creaturæ referuntur ad ipsum ut Dominum & Creatorem, causat talem relationem

cau-

quæ con-  
vinæ, se-  
peribus &  
e, ratione  
onæ, qua-

m operari  
tera: er-  
eu termi-  
fert Ami-  
nert produ-  
turæ, seu  
unis om-  
tandi seu  
conveni-  
ergo.

creatura  
nter, sed  
on potest  
næ Divi-  
ad extrâ,  
nere cau-  
useq. Sunt  
usæ, vel  
s forma-

Quando  
ne effici-  
quasi cau-  
ctu natu-  
ione effi-  
sim com-  
t termi-  
ad ipsum  
lationem  
cau-

causalitate vel quasi causalitate formali super effici-  
entiam fundata: ergo in terminanda relatione creatu-  
rarum, omnes Divinæ Personæ sunt necessariò con-  
nexæ. *Godoy q. 3. de Incarnat. tract. 3. Disp. 16. §. 1.*  
*n. 15.*

*Obijcies 3tiò.* Personæ divinæ terminantes notiti- 24.  
am intuitivam, Dei non sunt causa illius in genere cau-  
sæ efficientis, sed in genere causæ, vel quasi causæ  
formalis, & tamen non potest una sine altera termi-  
nare notitiam intuitivam, seu visionem beatificam:  
ergo, licet terminare naturam humanam, non sit in  
genere causæ efficientis, sed formalis, vel quasi forma-  
lis, non sequitur, quod una persona possit illam termi-  
nare sine altera. *Resp. Neg. Conseq. Disp. est imò.* Quia  
terminare notitiam intuitivam seu visionem beatifi-  
cam, convenit divinis Personis sub eadem ratione for-  
mali, nempe ratione essentia communi, in qua Perso-  
næ Divinæ conveniunt; unde quamvis respectu visionis,  
quam terminant, solum concurrant in genere causæ, vel  
quasi causæ formalis, non potest tamen una Persona  
Divina sine altera, visionem beatificam, & notitiam in-  
tuitivam terminare; at verò, quod Personæ Divinæ  
terminent naturam humanam, convenit ipsis ratione  
proprietas personalis, & quia proprietates persona-  
les in Personis Divinis sunt distinctæ, ideo potest una  
persona, non terminante alterâ, terminare naturam  
humanam, & illi uniri. *Godoy loc. sup. cit. n. 16.*  
*Disp. est 2dò.* Quia illa quæ inter se habent mutuam  
habitudinem, majorem etiam inter se habent connexi-  
onem, in ordine ad claram, seu quidditativam co-  
gnitionem Dei; at verò in ordine ad unionem phy-  
sicam, non habent tantam connexionem, ut patet in  
rebus creatis. Sic relatio accidentalitatis paternitatis  
non potest cognosci sine filiatione, & tamen potest



realiter uniri alicui subiecto, cui non unitur filiatio. Similiter scientia non potest cognosci sine obiecto scibili, & tamen in reali conjunctione, vel unione, potest ab illo separari. Quia autem unio hypostatica est realis, & physica, ut dictum est *Thesi 4.* Et Personæ Divinæ realiter inter se distinguuntur; ideo persona Filij potest uniri humanitati, non unitis alijs Personis Divinis, licet propter habitudinem & connexionem cum illis, non possit intuitivè videri sine ipsis. *Suarez hic Diss. 12. sect. 1. Diss. est 3<sup>ia</sup>.* Quia correlativa sunt simul naturâ & cognitione: ergo quando unum cognoscitur, debet etiam alterum cognosci; at verò correlativa non sunt simul unitione, ut inductione patet: ergo potest unum uniri, quin uniatur & alterum.

25. *Objicies 4<sup>ta</sup>.* Non solum natura, ut terminata vel suppositata, dependet à persona terminante, sed etiam secundum suam entitatem dependet ab illa, cum sine persona terminante, saltè connaturaliter, non possit natura creata existere; atqui, licet ut terminata dependeat à persona terminante in genere causæ, vel quasi causæ formalis, tamen secundum suam entitatem, non dependet ab illa in hoc genere causæ, sed in genere causæ efficientis: ergo non potest suppositari & terminari ab una Persona Divina, quin suppositetur, & terminetur ab alijs. *Resp. Neg. Min.* Quia effectus formalis formæ, non solum dependet ab illa in genere causæ formalis, sed etiam id, quod sine tali effectû, ut sibi communicato, nequit existere. Teste *Godoy loc. sup. cit. n. 14.* Et patet: Siquidem totum compositum, & materia, dependent à forma in genere causæ formalis, quia nec totum, nec materia possunt existere sine effectû formali formæ, ut toti intrinseco, & materiæ communicato; & ta-

men

men materia, & totum, distinguuntur à forma ut communica-  
ta subjecto, & per consequens ab effectu ejus formali. Quia autem natura creata secundum suam  
intrinsicam entitatem, non potest, saltèm connaturaliter, existere sine personalitate sibi unita, & communicata; unde fit, ut dependeat ab illa in genere  
*causæ*, vel quasi *causæ formalis*, quamvis sic sumpta, non sit effectus illius formalis.

*Obijcies 1<sup>to</sup>.* Non potest aliquis uniri per gratiam <sup>26.</sup>  
uni Personæ Divinæ, quin uniatur omnibus tribus Personis Divinis, licèt hæc unio sit minor & accidentalis: ergo à fortiori non potest humanitas per unionem hypostaticam substantialem uniri Filio, quin uniatur Patri, & Spiritui Sancto. *Resp. Neg. Conseq.*  
*Disst. est imò.* Quia gratia respicit omnes tres Personas Divinas sub ratione entis producibilis; at verò unio hypostatica tantùm illas respicit sub ratione entis terminabilis. *2<sup>do</sup>.* Quia respectu gratiæ est influxus in genere causæ efficientis: ergo mirùm non est, quòd non possit aliquis uniri per gratiam uni personæ, quin uniatur omnibus; at verò hìc est influxus in genere causæ, vel quasi causæ formalis: ergo.

*Obijcies 6<sup>to</sup>.* S. Damascenus dicit: omnia esse in divinis communia; præter esse ingenitum, quod convenit Patri; esse genitum, quod convenit Filio; esse spiratum, quod convenit Spiritui Sancto; atqui Incarnatio nihil est horum: ergo convenit omnibus tribus personis; per consequens incarnatò Filiò, etiam incarnatus est Pater, & Spiritus Sanctus. *Resp. Explicando S. Damascenum:* Omnia sunt in divinis communia ad intra, præter hæc tria, *Conced.* Omnia sunt communia ad extra. *Subdist.* Quæ sunt in genere causæ efficientis, *Conced.* Quæ sunt in genere causæ, vel quasi causæ



formalis, Neg. S. Damascenum hoc sensu locutum fuisse.

28. *Obijcies 7mo.* Potest dici: quòd etiam relatio divina, sit ratio efficiendi, & non solum terminandi; atqui ratio efficiendi est communis omnibus tribus personis: ergo quidquid una divina relatio ad extra facit, debent omnes facere. *Resp. Neg. Maj. Ratio est:* quia in omni re principium agendi & operandi, est ipsa natura; & in re intellectuali, qualis est Deus, omnis operatio procedit aliquò modò ab intellectu & voluntate; quia ergo in tribus Personis Divinis una est natura, idè què intellectus, & voluntas, idè una est illius omnipotentia; & cùm Incarnatio sit maximum Omnipotentia opus, idè non potest relatio ex præcisa ratione relationis esse principium ejus, sed tale principium est Omnipotentia, quæ illi convenit ratione essentia; ex qua ratione omnis alia productio & effectio, est communis omnibus tribus personis, sicut voluntas & intellectus. Unde, licet admitteretur, quòd relatio, *ut relatio*, dicat aliquam perfectionem; quia tamen non pertinet ad perfectionem naturæ, idè non habet ex se, ut sit principium seu ratio agendi, sed tantum hoc, ut constituat suppositum, à quo actio procedit; adeoque, ut possit esse ratio terminandi: ergo. *Suar. Diss. 12. sect. 1.*

29. *Obijcies 8vo.* Cum persona Verbi, est simul incarnata Natura Divina; atqui Natura Divina identificatur omnibus tribus personis: ergo cum Verbo, etiam reliquæ personæ sunt incarnatæ. *Resp. Diss. Maj.* Est simul incarnata Natura Divina mediata, & præcise ratione secundæ personæ, *Conced. Immediate, & præcise ratione sui, Neg. Maj.*

30. *Replicabis.* Non potuit immediate personalitas Verbi

bi uniri humanitati, quin mediâtè etiam uniretur ipsa Natura Divina, quæ realiter identificatur personalitati Verbi : ergo etiam non potuit immediâtè uniri naturæ, quin mediâtè uniretur Patri, & Spiritui Sancto, qui realiter identificantur Naturæ Divinæ. *Resp. Neg. Conseq. Diss. est* : quia uniri mediâtè, est esse idem cum re, quæ unitur immediâtè; cùm ergo Natura Divina identificetur personalitati Verbi, quæ unitur immediâtè; consequens est, quòd Natura Divina uniat mediâtè; at verò, cùm Paternitas, & Spiratio passiva, non identificentur personalitati Verbi, idèò mirum non est, quòd Paternitas & Spiratio passiva, non uniantur sic humanitati, sicut Natura Divina. *Cujus ratio ulterior, & universalis est* : quia, ea, quæ conveniunt uni personæ ratione naturæ communis, conveniunt omnibus personis; nam in natura communi omnes personæ sunt idem; at verò quæ conveniunt uni personæ ratione propriæ personalitatis, non conveniunt omnibus personis, cùm in hoc distinguatur una persona à reliquis personis. Hinc quia activè unire humanam naturam Verbo, convenit Filio ratione naturæ communis, terminare verò naturam humanam ratione propriæ personalitatis; inde fit, ut activè unire conveniat omnibus tribus personis, terminare verò soli Filio.

*Obicies 9<sup>to</sup>.* Licet terminare naturam divinam, conveniat personis ratione proprietatum personalium, quibus inter se distinguuntur, tamen non potest una personalitas terminare Naturam Divinam, aliâ non terminante: ergo etiam, licet illis conveniat terminare naturam creatam ratione proprietatum personalium, quibus inter se distinguuntur, tamen non poterit illam terminare una sinè altera; adeoque incarnatô Filiô, debuit etiam incarnari Pater, & Spiritus



Sanctus. *Resp. Neg. Conseq. Diss. est imò.* Quia Natura Divina ob suam infinitatem, petit essentialiter existere in tribus personis; adeoque non potest per unam personalitatem terminari, quin etiam per aliam terminetur. At verò natura creata non petit unionem cum Personis Divinis, & cum aliàs ratio terminandi sit in qualibet persona distincta, ideò, sicut potuit cum nulla illarum uniri, ita potuit ab una sine altera terminari. *Diss. est add.* Quia terminare ad intra, convenit necessario personalitatibus, ratione identitatis cum Natura Divina: ergo non potest ista terminatio uni personæ convenire, quin etiam conveniat alijs; at verò terminare ad extra, non necessario, sed liberè convenit Divinis Personis; & cum aliàs terminent ratione illius, in quo inter se distinguuntur; ideò, sicut potuit nulla Persona Divina alienam terminare naturam, ita potest terminare una sine altera terminante.

32. *Obijctes* imò. Filius unitur humanitati secundum proprietatem absolutam, & non relativam; atqui absoluta sunt omnibus tribus personis communia: ergo unitò Filiò humanitati, uniuntur etiam reliquæ personæ. *Prob. Maj.* Si Filius non uniretur humanitati secundum proprietatem absolutam, sed secundum relativam, sequeretur, quòd redderet humanitatem formaliter relatam ad Patrem; atqui hoc non: ergo. *Probatur sequel. Maj.* Communicaret illi effectum formalem Filiationis: ergo. *Resp. Neg. Maj. Ad Prob. Neg. sequel. Maj.* Filius enim non unitur humanitati, ut actus informans, sed tantum ut terminus subsistens: ergo, licet ille referatur ad Patrem, non tamen reddit naturam, cui unitur, formaliter relatam; Sicut etiam Naturam Divinam, cujus est terminus subsistens, non reddit formaliter relatam, sed solam Personam.

*Obije.*

*Objicies 11mò.* Pater, & Spiritus Sanctus sunt in humanitate Christi specialiiori modò, quàm sint in ulla alia creatura, adeoque non tantùm per *essentiam*, *presentiam*, & *potentiam*, quò pactò sunt in omnibus rebus creatis; neque etiam per *gratiam* tantùm, quò pactò sunt in omnibus iustis; neque tantùm per *visionem beatificam*, quò pactò sunt in omnibus beatis: ergo sunt ibi per unionem hypostaticam; adeoque omnes tres personæ sunt incarnatæ. *Resp. Neg. Conseq.* Et dico: Sicut reliquæ personæ sunt specialiiori modò in Evcharistia per *concomitantiam*, ità & in humanitate Christi. Unde, si per impossibile Pater, & Spiritus Sanctus non essent in humanitate Christi reliquis omnibus enumeratis modis, adhuc ibi essent per *concomitantiam*, in quantùm videlicet, non possunt separari à Filio, propter identitatem naturæ, qui est hypostaticè unitus humanitati: ergo &c.

*Objicies 12mò.* Si solum Verbum assumpisset naturam humanam, sequeretur, quòd plùs debeamus Verbo, quàm alijs Divinis Personis; atqui hoc non: ergo non solum Verbum, sed etiam aliæ Personæ assumpserunt humanitatem. *Prob. sequel. Maj.* Illi plùs debetur, qui majora confert beneficia; atqui solum Verbum nobis majora contulisset beneficia, in quantùm solum pro nobis carnem assumpisset, passum fuisset, & mortuum, & nos à peccatis redemisset: ergo. *Resp. Neg. sequel. Maj.* Nam, licèt de solo Verbo verificetur, quòd pro nobis carnem assumpserit, ex eo: quia hæc denominatio petit habere terminum humanitatis, qui illam suppositet, quod solum præstitit Verbum, tamen non sequitur teste *Godoy q. 3. de Incarnat. traç. 3. Diss. 16. §. 1. n. 19.* Verbum nobis aliquod beneficium contulisse, quod à tota Trinitate non fuisset. Licèt etenim prædicta beneficia non fuerint



rint Patris, nec Spiritus Sancti *terminativè*, fuerunt tamen ab illis simul cum Verbo *effectivè*; proinde nullum beneficium est nobis collatum à Verbo, quod nobis non contulissent aliæ Personæ Divinæ.

35. *Replicabis.* Esse hominem *terminativè*, est nostrum beneficium: ergo cum solus Filius fuerit factus homo, signum est, quod solus nobis contulerit beneficium. *Resp. Neg. Conseq.* Nam, licet solum Verbum terminaverit humanitatem, quia tamen Incarnationem & unionem humanitatis ad Verbum omnes tres personæ efficienter causaverunt, idè beneficium Incarnationis, est ab omnibus *effectivè*, quamvis non sit ab omnibus *terminativè*, sed solum à Verbo. Ex quo tantum sequitur aliquod beneficium nostrum, nempe *esse hominem, carnem assumere &c.* solum prædicari de Verbo; non autem, quod solum de Verbo verificetur, quod tale beneficium nobis contulerit; nam ad hoc necessarium est, quod non solum terminatio humanitatis, sed etiam efficientia Incarnationis soli Verbo attribueretur. *Godoy sup. cit. n. 21.* Hinc *S. Thom. q. unicâ de unionem Verbi incarnati. a. 1. ad 9.* docet: quod persona Verbi incarnati non sit plus diligenda, quam persona Verbi simpliciter, licet sit secundum aliam rationem diligenda, quæ tamen ratio sub universali bonitate Verbi comprehenditur, & propter hoc etiam non sequitur, si Incarnationis unio facta est in una persona, & non in alia, quod propter hoc una persona sit magis diligenda, quam alia. Pariter ergo ex hoc, quod Verbo divino debeamus beneficium Incarnationis sub aliqua speciali ratione, nempe: *terminationis humanitatis, & Redemptoris denominativè talis*; quia tamen rationes istæ, sub universali ratione beneficentiæ divinæ continentur, idè non plus debemus Verbo, quam Patri & Spiritui Sancto.

*Objic.*

*Objicies 131<sup>to</sup>. Ex eo: quod congruentius fuisset, & 36.*  
 magis decuisset incarnari Patrem quàm Filium. Unde  
 sic: Incarnationis divinæ effectus, est quædam hu-  
 manæ naturæ recreatio, seu nova creatio; atqui  
 potentia creandi magis appropriatur Patri, quàm Fi-  
 lio: ergo congruentius fuisset, & magis decuisset,  
 incarnari Patrem, quàm Filium. *Major* colligitur  
 ex capite ultimo ad Galatas, ubi natura humana re-  
 parata, dicitur *Nova creatura*. *Min.* constat ex sym-  
 bolo Apostolorum: ergo. *Resp.* Verbis *S. Thom. 3.*  
*p. q. 3. a. 8. ad 2. Dicendum, quod prima rerum creatio*  
*facta est à potentia Patris per Verbum; unde & recrea-*  
*tio per Verbum fieri debuit à potentia Dei Patris, ut re-*  
*creatio creationi responderet, secundum illud 2. ad Co-*  
*rinth. 5. Deus erat in Christo mundum reconcilians fi-*  
*bi: ergo.*

*Objicies 141<sup>o</sup>. Ex eo: quod congruentius fuisset in- 37.*  
 carnari Spiritum Sanctum. Jam sic: Incarnatio est  
 donum maximum, quod Deus nobis conferre po-  
 tuit: ergo congruentius fuisset incarnatus Spiritus  
 Sanctus. *Prob. Conseq.* Spiritus S. vi suæ originis  
 procedit ut amor, amor autem est primum & po-  
 tissimum donum, quod amans donat amato: ergo.  
*Resp. Neg. Conseq.* Quia magis congruebat, ut do-  
 num istud, nempe Spiritum Sanctum haberemus per  
 merita, & intercessionem Filij, quemadmodum ipse  
 dixit Joannis 14. v. 16. *Ego rogabo Patrem, & alium*  
*Paracletum dabit vobis.* Sic etenim major eluxit mu-  
 nificentia, ut observat *Amicus hic Disp. 3. n. 13.* Quia  
 plures personæ nobis sunt donatæ, una, visibili In-  
 carnatione, altera, invisibili gratiâ.

*Objicies 151<sup>o</sup>. Incarnatio ordinatur ad remissionem; 38.*  
 peccatorum, ut colligitur ex illo *Matth. 1. v. 21. Vo-*  
*cabis nomen ejus JESum, ipse enim salvum faciet popu-*  
 lum



lum suum à peccatis eorum; atqui remissio peccatorum attribuitur Spiritui Sancto, juxta illud Joannis 20. v. 23. *Accipite Spiritum Sanctum, quorum remiseritis peccata, remittuntur eis*: ergo magis congruebat incarnari Spiritum Sanctum, quam Dei Filium. *Resp.* iterum verbis *S. Thom. q. 3. a. 8. ad 3.* Spiritui Sancto proprium est, quod sit donum Patris & Filij; remissio autem peccatorum fit per Spiritum Sanctum tanquam per donum Dei; & ideo convenientius fuit ad justificationem hominum, quod incarnaretur Filium, cujus Spiritus Sanctus est donum: ergo.

39. *Obicies* 1610. Incarnatio Patris, & Spiritus Sancti fuisset æquè infinita ac Filij: ergo non est major convenientia in Incarnatione Filij. *Resp. Diss. Conseq.* Non est major convenientia intensiva, intrinseca, & quoad se, *Conced.* Non est major extrinseca, & quoad modum concipiendi, eaque fundata in congruentijs, à nobis superius recensitis, *Neg. Conseq.*

## §. II.

*Solvuntur objectiones contra secundam partem Thesis, quæ dicit: quod possint plures Personæ Divinæ eandem naturam creatam assumere.*

40. *O* *Obicies* imò. Ex eo: quod huic sententia videatur adversari *S. Anselmus*. Unde sic: *S. Anselmus lib. 2. cur Deus homo. cap. 9.* dicit: *Plures personæ non possunt assumere unum eandemque hominem in unitate personæ, quare in una tantum personæ, id fieri necesse est*: ergo. *Resp.* Explicando textum *S. Anselmi*: plures personæ non possunt assumere eandem

dem humanitatem, ità, ut ex illis personis uni naturæ unitis, resultet una persona, *Conced.* Ità, ut resultent tres personæ, seu ità, ut una natura subsistat in tribus personalitatibus, *Neg. textum S. Anselmi.* Ità *Godoy q. 3. tract. 2. Disp. 16. §. 3. n. 40.*

*Objicies 2dò.* Pater, qui est innascibilis, dicere-  
tur in hoc casu nascibilis, si videlicet assumeret naturam humanam, sicut illam assumpsit defunctò Filius; atqui hoc non: ergo. *Resp. Dist. Maj.* diceretur nascibilis secundum diversas naturas, *Conced.* secundum eandem naturam, *Neg. Maj.* Secundum naturam divinam esset innascibilis, secundum naturam verò humanam esset nascibilis, quod non implicat, ut per se patet: ergo.

*Replicabís.* Saltèm Pater diceretur filius hominis; 42.  
atqui hoc non videtur posse admitti, propter confusionem personarum divinarum: ergo. *Resp. Neg. Min.* Sicut enim non confunduntur humanæ personæ per hoc, quòd Cajus & Titius sint ejusdem parentis filij, ità neque hic fieret ulla confusio divinarum Personarum. Hinc *S. Thom. 3. p. q. 3. a. 5. ad 1.* ità dicit: *Filiatio temporalis, quà dicitur Christus filius hominis, non constituit personam ipsius, sicut filiatio æterna, sed est quiddam consequens nativitatem temporalem.* Unde si per hunc modum nomen filiationis ad Patrem, vel Spiritum Sanctum transferretur, nulla sequeretur confusio divinarum personarum: ergo &c.

*Objicies 3iò.* Incarnatio est missio: ergo si Pater 43.  
incarnaretur, posset dici missus, quod ei repugnat; ergo Pater non potest incarnari. *Resp. Dist. Ant.* Incarnatio illius personæ, quæ est procedens & originata ab alia, est missio, *Conced.* Incarnatio personæ non originatæ, nec ab alia procedentis, est missio, *Neg. Ant. & Conseq.* Missio Personarum Divina-



vinarum apud Theologos nihil aliud significat, quam originem unius personæ ab alia, ut connotantem aliquam specialem actionem temporalem personæ originatæ, ratione cujus actionis, talis persona incipit novò aliquò modò esse in mundo; adeoque ejusmodi missio duo importat, unum in recto, videlicet, originem unius personæ ab alia; alterum in obliquo, videlicet, aliquam actionem temporalem; per quam novò modò, persona originata incipit esse in mundo; cum itaque Pater non esset persona originata, signum est, quòd ipsi missio non competeret, licet novò modò inciperet esse in mundo, sicut competit Filio.

44. *Objicies 410.* Si Pater aut Spiritus Sanctus incarnaretur, tunc homines per talem Incarnationem fierent filij adoptivi; atqui hoc non: ergo. *Prob. Min.* Filiatio adoptiva est participata similitudo filiationis naturalis: atqui tunc non esset, quia filiatio naturalis non convenit Patri, neque Spiritui Sancto: ergo. *Resp. Neg. Min. Ad Prob. Neg. iterum Min.* Nec obstat causalis in *Min.* posita. Quia, licet filiatio adoptiva non habeatur à Patre & Spiritu Sancto, ut causa exemplari, illa tamen fit in nobis appropriatè à Patre, qui est principium filiationis naturalis, & per donum Spiritus Sancti, qui est amor Patris & Filij. Hinc *S. Thom. hic q. 3. a. 5. ad 2.* ità dicit. Dicendum, quòd filiatio adoptiva est quadam participata similitudo filiationis naturalis; sed fit in nobis appropriatè à Patre, qui est principium naturalis filiationis, & per donum Spiritus Sancti, qui est amor Patris & Filij, & idè, sicut incarnatò Filiò adoptivam filiationem accipimus ad similitudinem filiationis naturalis ejus: ità Patre incarnatò adoptivam filiationem reciperemus ab eo, tanquam à principio naturalis filiationis.

liationis, & Spiritu Sancto, tanquam à nexu communi Patris & Filij: ergo &c.

*Obijcies 5to.* Si Pater aut Spiritus Sanctus incarnaretur, tale compositum esset Filius Dei; atqui non adoptivus: ergo naturalis; atqui etiam non esset filius Dei naturalis, quia hoc est proprium Verbi: ergo. *Prob. sequel. Maj.* Pater, & Spiritus Sanctus in natura humana subsistens, esset hæres, & non esset hæres extraneus: ergo esset filius naturalis. *Prob. Conseq.* Omnis hæres non filius, est hæres extraneus; atqui non esset hæres extraneus, quia non esset filius adoptivus: ergo esset filius Dei naturalis. *Resp. Neg. sequel. Maj.* Et dico: illud compositum theandricum ex natura humana & Patre, aut Spiritu Sancto, non fore filium adoptivum; quia non esset persona extrane. Neque naturalem; quia careret filiatione personali, à virtute generativa procedente, quæ est fundamentum in Christo, filiationis temporalis. Esset itaque hæres, & habens jus substantiale ad bona Patris; non esset tamen filius naturalis, quia non omnis hæres est filius, tum in creatis, tum in Divinis, ut patet in Spiritu Sancto; qui habet Deitatem, & jus ad omnia bona Patris, proceditque à Patre, & tamen non ideo est filius; quia non procedit ex vi virtutis generativæ paternæ: ergo &c.

*Obijcies 6to.* Si tres personæ incarnarentur, hæc 46. Incarnatio esset mysterium Trinitatis in creatis; atqui in creatis mysterium Trinitatis non admittitur: ergo necque talis Incarnatio admitti potest. *Prob. Maj.* Una natura humana esset tripliciter subsistens: ergo. *Resp. Neg. Maj.* Quia natura humana in hoc casu esset quidem tripliciter subsistens, sed non identificata cum tribus personalitatibus, uti est in mysterio



sterio Trinitatis. *Præterea* : illa triplex terminatio, non haberetur necessario, & ex innata fecunditate naturæ humanæ, sed contingenter, & ex potentia obedienciali; at verò in mysterio Trinitatis haberetur necessario, & ex innata fecunditate Naturæ Divinæ: ergo.

47. *Obijcies 7mò.* Si plures Personæ Divinæ assumerent eandem naturam creatam, daretur inter illas personas communicatio idiomatum, adeoque Pater posset dici filius; atqui hoc non: ergo. *Resp. Dist. Maj.* Daretur inter illas personas communicatio idiomatum, quoad prædicata communia, essentialia, & absoluta, *Conced.* Quoad prædicata notionalia, personalia, & relativa, *Neg. Maj.* Unde non posset dici: *Pater est filius*, quia ista sunt prædicata relativa: ergo.
48. *Obijcies 8vò.* Virtus generativa infinita in Deo, exhauritur unicò Verbò, ut terminò adæquatò: ergo multò magis terminabilitas finita humanitatis, exhauritur unicâ terminatione unius subsistentiæ divinæ. *Resp. Neg. Conseq. Dist. est:* Quia, si Verbum & Filius, non esset adæquatus terminus generationis divinæ, sed possibilis alius filius, tunc hic filius non esset simpliciter infinitus, in ratione filij; adeoque deficeret in *formali* linea Verbi; at verò non repugnat humanitati deficere, imò hæc est *essentialiter* defectibilis, præterquam, quòd ipsius obediencialis terminabilitas importet non repugnantiam: adeoque connotet potentiam facientis infinitam; ergo &c.
49. *Obijcies 9nò.* Natura humana per unam Personalitatem Divinam, jam est *ultimatè* completa in linea substantiali; ergo nequit in eadem linea compleri ulterius, per aliam subsistentiam. *Resp. Dist. Conseq.* Ergo nequit ulterius compleri, ut est completa, & in

in eadem ratione, *Conced.* Quæ est completa, & in diversa ratione, *Neg. Conseq.* Instantia est in Natura Divina, quæ terminata personalitate Patris, de factò terminatur personalitate Filij, & Spiritus Sancti, tanquam diversis rationibus.

*Replicabis.* Ex eo, quòd Natura Divina de factò terminetur tribus personalitatibus, non bene inferitur, quòd etiam natura humana possit sic terminari: ergo. *Prob. Ant.* Inter Naturam Divinam & humanam, sunt varia discrimina: ergo licet hoc Naturæ Divinæ convenire possit, non tamen potest naturæ humanæ competere. *Prob. Ant.* Assignando hæc discrimina: *Primum discrimen est:* Nam Naturæ Divinæ hoc convenit propter infinitatem, & fecunditatem infinitam; quia autem natura creata est finita, & limitata, idè talis terminatio ipsi convenire non potest, aliàs evaderet infinita. *Secundum est:* Natura Divina nullâ subsistentiâ relativâ & personali, *adequatè* terminatur, sed tantum *inadequatè*; petit enim ob summam fecunditatem esse communis tribus personis, ac proinde nullâ illarum *adequatè* terminari; at verò natura creata non potest terminari Personalitate Divinâ, quin per illam *adequatè* terminetur; & quia implicat simul per plures terminos *adequatè* terminari, ideo fit, ut semel terminatâ subsistentiâ v. g. Filij, aliâ subsistentiâ Divinâ simul terminari non possit. *Tertium est:* Quia essentia Divina per subsistentias proprias non in alio, sed in se subsistit; atqui non repugnat idem in se ipso subsistere pluribus modis: ergo. At verò natura creata per subsistentiam alienam non subsistit in se, sed in alio; ac per consequens sistit in illo, cum quo non stat transire ad subsistendum in alio. Ita arguit Cardinalis de Lugo *Disp. 12. sect. 6. n. 82.*

*Resp.*



§ 1. *Resp. Neg. Ant. cum sua Prob. Ad ejus Prob. dico:* Primum discrimen nullum esse. Nam, licet esse in pluribus personis, connaturaliter, ab intrinseco, ex infinitate naturæ, & illius summa fecunditate prove- niat; esse tamen in pluribus personis vi potentia obedientialis, infinitatem naturæ creatæ non arguit; quia de factò hoc convenit naturæ humanæ in Chri- sto, quæ tamen per hoc infinita non evadit: ergo, licet posse connaturaliter tribus subsistentijs Divinis terminari, & hoc ab intrinseco exigere, solum natu- ræ infinitæ possit competere: posse tamen illis obedientialiter uniri, illisque terminari, infinitatis signum non est, sed potest convenire naturæ limi- tatæ & finitæ, quin eò ipsò arguatur esse infinita. *Godoy q. 3. de Incarnat. tract. 3. Diss. 16. §. 2. n. 33.*

§ 2. *Secundum etiam discrimen non subsistit.* Nam, vel procedit de adæquatione intensiva, vel de adæqua- tione extensiva; atqui nullò modò ex his, potest as- signatum discrimen subsistere: ergo. *Prima pars Min. patet:* nam adæquatio intensiva consistit in hoc, quòd nihil naturæ interminatum à personalitate v. g. Filij, relinquitur: ergo personalitas Filij adequatè in- tensivè terminat Naturam Divinam; & consequen- ter hoc genere adæquationis, adequatè terminatur à pluribus personalitatibus. *Prob. itaque secunda pars Min.* Nam, licet personalitas Verbi terminet adæ- quatè intensivè naturam creatam, secundum poten- tiam, & capacitatem obedientialem, non tamen il- lam terminat adequatè extensivè: ergo quantum ad hoc, nullum est discrimen: *Prob. Ant.* Tum, quia hoc asserunt Authores nostræ sententiæ: ergo hoc non debet ab Adversarijs supponi, sed probari, ut ipsorum assignatum discrimen subsistat. Tum, quia, licet personalitas Verbi connaturaliter terminet Na- turam

turam Divinam, tamen cum *inadequatione extensiva*, potest stare per respectum ad ipsam, *adequatio intensiva*: ergo similiter per respectum ad naturam creatam *obedientialiter* terminabilem, poterit stare *extensiva inadequatio*, cum *adequatione intensiva*. Sicut enim *inadequatio extensiva* cum Natura Divina, nullam refundit imperfectionem in personalitatem Verbi, ita nec *inadequatio extensiva* cum natura creata, ut *obedientialiter* terminabili, refundet aliquam imperfectionem in eandem personalitatem Verbi.

*Tertium denique discrimen non subsistit.* Tum, quia §3. Natura Divina non solum subsistit in se, sed etiam subsistit in Filio seu Verbo, existit enim in illo; & quia non per inhaerentiam, nec per unionem physicam, necessario per subsistentiam; & tamen hoc non obstante, potest subsistere in Patre & defuncto subsistit: ergo pariter, quamvis natura creata unita personae Filij, subsistat in illo, poterit in illo non sistere, sed simul subsistere in Patre. Tum, quia natura creata per propriam subsistentiam non sinit in se ipsa, cum uniatur subsistentiae à se realiter distinctae, sed sinit in aliquo sui, nempe, in modo substantiali ei superaddito, & tamen sistere in propria subsistentia, non dicit exclusionem transiens ad aliam propriam; cum Natura Divina (ut constat ex fide,) simul subsistat tribus proprijs subsistentijs: ergo naturam creatam subsistere per alienam subsistentiam, & in alieno supposito, non dicit sistentiam in illo, (hoc est: quod ita subsistat, ut non possit per aliam subsistentiam subsistere,) cum exclusionem essentiali, subsistenti simul per alienam subsistentiam in alio. Godoy loc. sup. cit. n. 36.

Obicies tomò. Subsistentia est terminus, reddens naturam incommunicabilem alteri, ut supposito: ergo  
P natu-



natura creata, non potest terminari, nisi unâ subsistentiâ. *Resp. 1mò. Dist. Ant.* Subsistentia est talis terminus, reddens naturam alteri incommunicabilem naturaliter, *Conced.* Obedientialiter, & supernaturaliter, *Neg. Ant.* Et sub simili distinctione *Neg. Conseq. Resp. 2dò. Dist. Aliter Ant.* Reddit naturam incommunicabilem alteri in sensu composito, & reduplicativo, *Conced.* In sensu diviso, & specificativo, *Neg. Ant.* Sic Natura Divina secundum se considerata, completur per tres personalitates, licet personalitas Filij non possit complere Naturam Divinam, ut affectam paternitate, aut vicissim. *Resp. 3iò. Dist. adhuc aliter Ant.* Subsistentia creata est talis terminus, *Conced.* Subsistentia increata, *Neg. Ant. & Conseq.* Aut potest dici: quod effectus formalis primarius subsistentiæ, sit reddere naturam subsistentem, formalis verò secundarius, sit reddere incommunicabilem alteri, ut aliqui Philosophi, & Theologi volunt; atqui effectum secundarium potest Deus impedire: ergo etiam hanc incommunicabilitatem alteri.

55. *Objicies 1mò.* Non potest una eadèmq; materia informari duabus formis substantialibus: ergo neque una natura creata terminari duabus subsistentiis. *Resp. 1mò. In sententia plurimorum Neg. Ant.* Ex eo quod in hoc non appareat multis, specialis contradictio & repugnantia; atqui in quo non apparet specialis contradictio, hoc omnipotentix Dei est admittendum: ergo. *Resp. 2dò. Neg. Conseq. Dissent.* in sententia Thomistarum est hæc: quia unus terminus personalis divinus, non excludit alterum à natura, item, terminus personalis non cessat esse personalis ex hoc, quod terminet naturam, quæ est terminata aliò terminò personali, ut patet in natura Divina.

triplici terminò personali terminata ; at verò duæ formæ substantiales excludunt se ex una eadèmq; materia. *Item*, forma substantialis, saltèm una, cessaret esse *actus primus*, quia adveniret enti substantialiter completo : ergo.

*Objicies 12mò.* Repugnat, ut idem effectus dependeat à pluribus causis efficientibus totalibus : ergo etiam repugnat, ut eadem humanitas dependeat à pluribus personalitatibus divinis, quia dependeret à qualibet, tanquam à totali termino. *Resp. 1mò.* in probabili sententia, pro qua solidæ adduci solent in Philosophia rationes, *Neg. Ant. Resp. 2dò. Diss. Ant.* Repugnat, ut idem effectus, secundum idem esse dependeat à duabus causis efficientibus totalibus. *Conced.* secundum diversum esse, *Neg. Ant. Resp. 3tid.* *Neg. Conseq. Diss. est :* quia causæ totales darent idem esse effectui secundum totalem influxum : ergo essent, & non essent totales ; at verò tres personalitates divinæ, non darent humanitati idem, sed triplex esse personale : ergo.

*Objicies 13tid.* Implicat, ut idem corpus simul circumscribatur & terminetur duplici locò adæquatò : ergo etiam implicat, ut eadem natura humana terminetur duplici subsistentiâ, tanquam terminò adæquatò. *Resp. 1mò.* in sententia admittente replicationem, quæ valdè probabilis est, *Neg. Ant. Resp. 2dò.* in sententia negante replicationem, *Neg. Conseq. Diss. est 1mò.* Quia si aliquid corpus esset in duobus locis, tunc quilibet locus esset adæquatus & non esset ; circumscriberet adæquatè, & etiam non circumscriberet adæquatè. *1mum* supponitur, *2dum.* probatur : Quia Corpus esset extra illum locum, ut supponitur ; extra quod autem corpus est, illò non terminatur nec



circumscribitur adæquatè; sicut illud non potest esse definitio adæquata essentialis, extra quam est vel unicum prædicatum essentialis: ergo. At verò in nostro casu ex duplici termino personali, non sequitur talis contradictio, ut patet in Natura Divina, triplici personalitate terminata. *Diff. est 2dò:* Quia terminatio loci, debet fieri per *adequationem*, & perfectam *commensurationem* locati cum loco; cum itaque implicet, ut corpus unius ulnæ, simul perfectè sit æquale, ac *commensuratum* spacio duarum ulnarum, idè implicat idem corpus poni simul in duobus locis; at verò ad terminationem personalitatis non requiritur *adequata* & *perfecta commensuratio* naturæ cum personalitate, ut patet in Christo, in quo defactò natura finita, terminatur personalitate infinità: ergo.

58. *Replicabis.* Una subsistentia divina explet totam capacitatem naturæ creatæ, in ordine ad subsistendum: ergo etiam hoc non potest fieri. *Resp. Diff. Ant.* Explet in ordine ad subsistendum subsistentiâ ejusdem rationis, *Conced.* Alterius rationis, *Neg. Ant. & Conseq.* Unde natura humana completa per unam personalitatem, non potest compleri per aliam ejusdem rationis, sed per alterius rationis, ut patet in Natura Divina, quæ secundum se considerata completur per tres personalitates, licet personalitas Filij non possit complere Naturam Divinam, ut affectam Paternitate, vel vicissim, *ut superius dictum est n. 49.*

59. *Obicies 1atò.* Implicat, idem numerò accidens simul recipi in pluribus subjectis: ergo etiam implicat, unam, naturam creatam subsistere in tribus suppositis. *Resp. 1mò.* in sententia docente: individuationem delumi à propria cujuslibet rei entitate, *Neg. Ant.*

*Ant. Resp. add. in sententia Thomistarum, Neg. Conseq. Diss. est:* quia, cum juxta illos accidens desumat suam unitatem numericam à subjecto, si idem numerò accidens existeret simul in pluribus subjectis, esset idem numerò, ut supponitur; & simul non esset; quia esset diversum juxta diversitatem subjectorum; at verò natura substantialis, non habet suam unitatem numericam à persona, sed potius ipsa persona, si sit creata, sumit suam unitatem numericam à natura, quæ in ea subsistit. *Go- net Diss. 8. de Persona assumente. a. 4. §. 2. n. 88.*

*Objicies 1510.* Persona creata, non potest terminare plures naturas, quia est finita: ergo etiam natura creata, non potest terminari pluribus personalitatibus, quia est finita. *Resp. Neg. Conseq. Diss. est:* quia, cum personalitas creata, sit actus naturæ, ideò major perfectio requiritur ex parte ipsius, ut possit terminare; cum semper requiratur plus ad agere, quam ad pati; at verò natura humana in hoc casu non habet se ut actus, sed ut potentia, & cum ad pati minus requiratur, ideò mirum non est, quòd natura creata, licet sit finita, possit divinitus terminari à pluribus personalitatibus.

*Objicies 1610.* Illæ personæ assumentes eandem naturam humanam, non essent plures homines, propter unitatem naturæ humanæ; atqui etiam non essent unus homo, propter pluralitatem personarum: ergo. *Resp. Neg. Min. Ratio est:* Quia sicut Natura Divina, licet terminetur tribus personalitatibus, debet dici unus Deus, ita à pari hic deberet dici unus homo; ad multiplicationem enim hominem requiritur, ut non tantum personalitates, sed etiam, ut naturæ multiplicentur. *Præterea:* Christus est unus specie homo cum alijs hominibus, propter unitatem specificam



naturæ humanæ, quamvis persona Christi plus quam genere differat, à personis reliquorum hominum: ergo etiam in nostro casu tres Personæ Divinæ, essent unus tantum homo, propter unitatem numericam naturæ humanæ, etiamsi ipsæ personæ sint inter se distinctæ.

62. *Replicab.* Deberet dici, quod in hoc casu essent tres homines: ergo. *Prob. Ant.* 1<sup>mo</sup>. Si tres personæ haberent unam tantum vestem, vel albedinem, dicerentur tres vestiti, aut albi: ergo etiam, si tres personæ haberent unam humanitatem, deberent dici tres homines. 2<sup>do</sup>. homo idem significat, ac habens humanitatem; atqui essent tres habentes humanitatem: ergo etiam tres homines. *Min.* patet. *Prob. Maj.* Quia inter concretum & abstractum est hoc discrimen, quod concretum directe supponat pro habente formam, abstractum verò pro forma habita: ergo. 3<sup>io</sup>. Ad multiplicationem concreti substantivi non requiritur, ut multiplicetur utrumque significatum in recto, & in obliquo, sed sufficit multiplicari ejus significatum in recto: ergo. *Prob. Ant.* Si tres personæ assumerent eandem humanitatem, essent verè tres personæ; atqui persona est etiam nomen substantivum: ergo ad hoc, ut multiplicetur nomen substantivum, sufficit multiplicari ejus significatum in recto. 4<sup>to</sup>. Pater in eo casu esset homo; atqui non esset idem homo, qui Filius, quia Pater est aliud suppositum à Filio: ergo Pater esset alius homo à Filio, adeoque etiam à Spiritu Sancto: ergo essent tres homines, Pater, Filius, & Spiritus Sanctus. 5<sup>to</sup>. Bonus est iste syllogismus: Omnis persona humana est homo; sed essent tres personæ humanæ: ergo essent tres homines. *Resp. Neg. Ant.* Ad idem Probat. *Neg. Conseq.* *Diff. est:* Quia esse vestitutum & album, sunt

nomina adjectiva, quæ suam unitatem vel pluralitatem sumunt ex subjecto, non verò ex accidente; at verò nomina substantiva, sumunt suam unitatem vel pluralitatem à natura; & quia hic esset una natura, idè etiam esset unus homo. *Ad 2dam, Transf. Maj.* Cùm homo quoad modum significet substantivè, habens verò humanitatem adjectivè. *Dist. Min.* Atqui essent tres habentes eandem humanitatem, *Conced.* habentes distinctam humanitatem, *Neg. Min. & Conseq.* Ratio est: quia ad multiplicandum concretum substantivum, non sufficit, supposita esse multa, sed necesse est etiam formas seu naturas esse multas. Instantia est in SS. Trinitate, in qua non multiplicatur concretum substantivum *Deus*, propter unitatem Naturæ Divinæ. *Ad 3tiam Neg. Ant. Ad Probat. Dist. Min.* Atqui persona est etiam nomen substantivum, & habet aliquid peculiare præ alijs, *Conced.* Et non habet aliquid peculiare præ alijs, *Neg. Min.* Similiter *Dist. Conseq. Et Neg. Conseq.* Nomini *Personæ* hoc est peculiare, ut multiplicetur, multiplicatâ solâ personalitate; alia autem concreta substantiva non possunt multiplicari, nisi secundum rectum & obliquum multiplicentur. *Ratio Disparitatis est:* quia in nomine personæ, *personalitas* est simul forma, seu significatum in obliquo, & significatum in recto; at verò in alijs v. g. in *ly homo*, humanitas ità significatur per modum formæ seu in obliquo, ut nullò modo significetur in recto; hōc modò enim significatur personalitas. *Ad 4tam Neg. Min.* Sicut enim Pater est idem *Deus*, sic Filius & Spiritus Sanctus, licet sit aliud suppositum; ità etiam in hoc casu esset idem homo, licet sit aliud suppositum, Pater, Filius, & Spiritus Sanctus. *Ratio est:* quia *ly alius*, quando additur concreto substantivo, v. g. *Deo*, vel homini,



non tantum significat alietatem suppositi, sed etiam naturæ, quam *ly Deus* aut *ly homo* distinctè significat. Unde hi termini: *unus homo*, *hic homo*, sic sunt resolvendi: *suppositum unius vel hujus naturæ humanæ*; non verò sic: *unum suppositum*, vel *hoc suppositum naturæ humanæ*; quod patet in *ly Deus*, licet enim rectè dicatur esse unicus Deus, non tamen bene dicitur esse unicum suppositum Deitatis, sed bene, suppositum unius Deitatis. *Præterea observandum est*: licet in tali casu plures personæ divinæ, essent unus & idem homo, non possent tamen dici unus & idem simpliciter. *Ratio est*: quia adjectiva: *unus*, *idem*, & similia, dum ponuntur simpliciter, adjectivè sumpta, efficiunt, & determinant ipsum suppositum; dum verò adjunguntur termino substantivo, determinant ipsam formam seu naturam. *Ad istam Nego illum Syllogismum esse bonum*; Sicut nec valet iste: *Omnis persona divina est Deus; atqui sunt tres personæ divinæ: ergo tres Dij*. Nam ratio Personæ desumitur à natura humana ut suppositata; ratio verò unitatis ab unitate numerica naturæ humanæ desumi debet, quæ in tali casu cum esset unica, idè etiam tantum unus esset homo: ergo &c.

### S. III.

*Solvuntur objectiones contra tertiam partem Thesis, quæ dicit: quod una persona Divina, possit plures simul naturas creatas terminare.*

63. **O**bjicies imò. Ex eo: quod una Persona Divina, non videatur posse, simul plures naturas creatas assumere, & terminare. Unde sic: Licet Pater  
ator-

æternus habeat virtutem infinitam generandi, tamen non potest generare nisi unicam personam Filij: ergo etiam, licet quævis Persona Divina habeat infinitam virtutem assumendi, tamen non poterit assumere, nisi unicam naturam. *Resp. Neg. Conseq. Diss. est:* Quia persona Filij genita à Patre æterno, est infinita, adeoque perfectè explet, & exhaurit virtutem infinitam generantem; per consequens mirum non est, quòd non possit generare alterum Filium; at verò naturæ assumptibiles sunt finitæ, utpote creatæ, adeoque non possunt explere, & exhaurire infinitam vim assumendi Personarum Divinarum. *Sal-manticenses hic Tract. 21. Diss. 8. dub. 5. §. 1. n. 127.*

*Objicies 2dò.* Ex hoc sequeretur, quòd personalitas Verbi nullam aliam posset terminare naturam, nisi Divinam; atqui hoc est falsum: ergo. *Prob. sequel. Maj.* In Natura Divina habet actum perfectum, & adæquatum, quò illius infinita virtus terminandi expletur: ergo. *Resp. Neg. sequel. Maj. Ad Probar. Diss. Ant.* Habet actum perfectum, & adæquatum, quò expletur illius infinita virtus terminandi ex necessitate, & per identitatem, *Conced.* Terminandi liberè, & per assumptionem alicujus naturæ alienæ, *Neg. Ant. & Conseq.* Licet enim per terminationem Naturæ Divinæ expleatur adæquatè virtus terminandi, & assumendi ex necessitate, non tamen per illam terminationem expletur virtus assumendi, & terminandi liberè: Sicut voluntas Divina, amando se ipsam ex necessitate, amat bonum sibi adæquatum, & perfectè expletivum amoris necessarij, & nihilominus potest amare creaturas amore liberò, qui nullâ bonitate creatâ expletur; ità etiam hic à pari, de personalitate Verbi est discurrendum. Proinde, si concedatur virtus aliquid terminandi ad extra, eadem ratione debet



bet concedi virtus terminandi omne illud, quod in tali genere est terminabile.

65. *Obicies 3to.* Non potest una eadēque forma, simul informare duas materias distinctas, & divisas: ergo neque una persona terminare duas naturas distinctas, & divisas. *Resp. 1mo.* In sententia multorum Philosophorum, docentium, quod hoc divinitus possit fieri. *Neg. Ant. Resp. 2do.* In aliorum sententia *Trans. Ant. Neg. Conseq. Diss. est: 1mo.* Quia in primo casu talis forma esset una, & non esset; esset, ut supponitur; non esset, quia subiectum est duplex: ergo etiam duplex debet esse forma, cum in his principiis forma desumat individuationem à subiecto; similiter discurrendum est de uno eodēque numero accidente, quod etiam ex eadem ratione non potest esse in duobus subiectis; at verò in altero casu nihil simile accideret: ergo. *Diss. est 2do:* Quia forma est virtutis finitæ, & limitatæ; hinc unius formæ virtus informativa, seu informativitas, exhauritur per unam adæquatam informabilitatem materiæ; at verò personalitas divina est infinita: ergo.

66. *Obicies 4to.* Una subsistentia creata, non potest terminare plures naturas creatas: ergo neque subsistentia Divina. *Resp. Neg. Conseq. Diss. est: 1mo.* quam dat *Suarez hic Diss. 13. Sect. 4.* Quia subsistentia creata est modus naturæ creatæ; implicat autem, ut modus unius rei modifcet aliam rem; sic implicat, me sedere per sessionem alterius, esse præsentem loco, per modalem alterius præsentiam; virgam esse rectam, per alterius rectitudinem: ergo. At verò subsistentia increata non est modus: ergo. *Diss. est: 2do.* Quia subsistentia creata, eò ipsò quod sit creata, est finita; adeoque exhauriri potest terminabilitate finitæ unius naturæ; at verò subsistentia divina est infinita:

nita: ergo nequit exauriri terminabilitate unius naturæ creatæ. Ità *Gonet hic Diss. 8. a. 6. §. 1. n. 119.*

*Obijcies 5to.* Si Verbum assumeret simul naturam humanam & Angelicam, valeret per communicationem idiomatum hæc prædicatio: *hic homo, est angelus, & vicissim.* Item, si assumeret duas humanitates unam albam ex muliere Europæa, alteram nigram ex Maura, valeret hæc prædicatio: *hoc album, est nigrum.* Item, si una moreretur, & altera viveret, valeret hæc prædicatio: *hoc mortuum, est vivens, & vicissim;* atqui hujusmodi prædicationes videntur esse falsæ, ut docet Cajetanus: ergo. *Resp.* Cum Divo Thoma, & communiori Theologorum sententia Neg. Min. Dummodò illæ naturæ sumantur in concreto, tunc enim habebunt hunc verissimum sensum: *Persona Divina terminans naturam Angelicam, est simul terminans naturam humanam.* Item, *hoc suppositum habens sibi unitam humanitatem albam, est simul habens sibi unitam alteram humanitatem nigram.* Item, *hoc suppositum terminans corpus cadavericum, est simul terminans corpus vivum.* Ex quo faciliè erui potest solutio aliarum sequelarum, quas Adversarij inferunt, & putant esse falsas, scilicet: quòd idem esset Pater & Filius sui ipsius, si Verbum assumeret naturam Petri Patris, & naturam Pauli filij. Item, quòd idem esset generatum, & non generatum, si assumeret naturam humanam & Angelicam; istæ enim sequelæ non verificarentur de eodem secundùm idem, sed secundùm diversas naturas, quod non repugnat, ut patet defactò in Christo, in quo, quamvis sint diversissimæ naturæ, Divina nempe, & humana, tamen per communicationem idiomatum potest dici: quod idem sit *passum & non passum, mortuum & non mortuum;* quia hæc omnia explicantur secundùm diversitatem naturarum: ergo &c.

Re-



68. *Replicabis* cum Cajetano. Licet illæ naturæ possent prædicari de eodem supposito Divino, tamen non possent prædicari de se invicem: ergo nulla solutio. *Resp. Neg. Ant.* Instantiam habemus: in Christo enim duæ naturæ in concreto sumptæ, bene de se invicem prædicantur, sic bene dico: *Deus est homo; & homo est Deus*, ex eo, quod sint in eodem supposito: ergo etiam illæ plures naturæ creatæ, si essent in uno eodemque supposito, possent in concreto sumptæ de se invicem prædicari.

69. *Urgebis.* Inter naturam Divinam & humanam in Christo, & inter aliàs naturas creatas assumptas, est magnum discrimen: ergo non licet à natura Divina & humana in Christo, argumentari ad alias naturas creatas assumptas. *Prob. Ant.* Quia in Christo non solum natura humana est unita immediatè Personæ Divinæ, sed etiam saltèm mediatè est unita Naturæ Divinæ, propter identitatem realem, quam habet Natura Divina cum Verbo; atqui illæ naturæ creatæ, licet unirentur in persona, non tamen unirentur inter se, neque realiter identificarentur cum Verbo: ergo. *Resp. Neg. Ant. Ad Prob. Dist. Maj.* Et illa identitas Naturæ Divinæ cum Verbo, est ratio communicationis idiomatum, *Neg.* Et non est, sed potius ratio communicationis idiomatum, & mutux de se invicem prædicationis in concreto, est, quod una & eadem persona personalizet utramque naturam, *Conced. Maj.* Communicatio enim idiomatum in Christo non fundatur (*ut putat Cajetanus,*) in hoc, quod Divina Natura, & Personalitas Verbi, cui est unita humanitas, sint realiter idem, sed in hoc, quod, tam Natura Divina, quam humana habeant eandem personalitatem Verbi; atqui etiam illæ naturæ creatæ, haberent eandem personalitatem, imò totam personam Verbi:

ergo

ergo etiam de ipsis verificaretur communicatio idiomatum.

*Instabis.* Hæc ratio est absque fundamento: ergo, 70.  
*Resp. Neg. Ant.* Fundamentum ipsius desumitur ex instantia de duabus formis accidentalibus, existentibus in eodem supposito, sic v. g. *ars musica*, quæ est in intellectu hominis, & *albedo*, quæ est in ejus corpore, licet non uniantur inter se, cum una sit in intellectu, altera in corpore, neque ulla illarum sit identificata subiecto, tamen ex hoc solum, quod sint in eodem supposito hominis, possunt de se invicem prædicari in concreto; quia bene dicitur: *hic musicus est albus*; & *hic albus est musicus*: ergo etiam in nostro proposito, etiamsi illæ duæ naturæ non essent inter se unitæ, nec realiter supposito Divino identificatæ, tamen, quia essent in eodem supposito, ideo possent de se invicem prædicari.

*Objicies 6to.* Si Verbum Divinum posset assumere 71.  
 plures naturas creatas, sequeretur, quod etiam posset assumere infinitas; atqui infinitas non potest assumere: ergo nec plures. *Prob. Min.* Si posset assumere infinitas, deberet ipsius personalitas esse infinita; atqui non est infinita; cum juxta communioem sententiam, Relationes Divinæ non dicant perfectionem: ergo non potest assumere naturas infinitas. *Resp. Dist. sequel.* *Maj.* posset assumere infinitas, ex supposito, quod existant, aut possibiles sint naturæ creatæ categorématique infinitæ, *Conced.* Ex supposito, quod non existant, aut non sint possibiles naturæ creatæ, uti non sunt, juxta probabiliorem sententiam, categorématique infinitæ, *Neg. sequel.* *Maj.* Similiter *Dist. Min. Et Neg. Conseq. Ad Probat. Dist. Maj.* Deberet ipsius personalitas esse infinita quoad rationem *In, Conced. Quoad rationem Ad, Neg. Maj.* Similiter *Dist. Min. Et Neg. Conseq.*



*Conseq.* Licet enim personalitas Verbi quoad rationem *Ad*, nullam dicat perfectionem, quia tamen dicit summam perfectionem quoad rationem *In*; idè posset Verbum assumere infinitas naturas creatas, ex supposito, quòd istæ existerent; quia autem juxta communio rem sententiam implicat *infinitum creatum categorematicum*; idè infinitas naturas creatas non potest Verbum assumere, qui defectus non tenet se ex parte Verbi, sed ex parte naturarum creatarum.

72. *Objicies 7mo.* Si Verbum posset assumere plures naturas creatas, vel hoc fieret mediantibus pluribus unionibus, vel mediante unâ tantum unione; atqui nihil horum potest dici: ergo. *Prob. Min.* Imprimis non potest dici, quòd Verbum posset assumere plures naturas creatas mediantibus pluribus unionibus; quia sic resultarent plura supposita, quod non admittitur. Atqui etiam non posset Verbum assumere easdem, mediante unicâ unione; quia, cum uni-  
rentur Verbo plures naturæ, deberent similiter multiplicari uniones: ergo. *Resp. Neg. Min.* Et dico: quòd talis assumptio, & terminatio fieret mediantibus pluribus unionibus; quia illæ plures naturæ ante assumptionem essent intrinsecè indifferentes, ut assumantur à Verbo, vel à Patre, aut Spiritu Sancto; atqui intrinseca indifferentia debet tolli per unionem superadditam, ut patet ex *Thest. 4.* ergo. *Ad Probat. Neg.* Quòd in illo casu essent plura supposita; quia licet defectus in Christo sint duæ naturæ, Divina videlicet, & humana, tamen est tantum unum suppositum; ità in nostro casu fieret.

73. *Objicies 8vo.* Si Verbum Divinum posset assumere plures naturas creatas, sequeretur, quòd posset assumere unam hic Paagæ, & alteram Viennæ; atqui hoc

hoc videtur esse impossibile: ergo. *Prob. Min.* Impossibile est, ut localiter distantia fiant simul localiter indistantia; atqui in isto casu, hæ duæ naturæ localiter distantes, fierent simul localiter indistantes: ergo. *Prob. Min.* Essent distantes localiter, ut supponimus, quia una esset Pragæ, & altera Viennæ. Atqui etiam fierent localiter indistantes, quia unirentur eidem Verbo: ergo in isto casu hæ duæ naturæ localiter distantes, fierent simul localiter indistantes. *Resp. imò. Conced. Maj. Neg. Min. Ad Probat. potest negari Maj.* In sententia admittente replicationem; quia, si Petrus v.g. qui est Pragæ, replicaretur Viennæ, esset simul distans localiter, & indistans, sine ulla contradictione; nam prout esset Pragæ, distaret Viennâ; prout verò esset Viennæ, non distaret Viennâ: ergo. *Resp. 2do. Trans. Maj. Probat. Neg. Min. Ad ejus Probat. Neg. iterum Min.* quoad primam partem, videlicet, quodd illæ duæ naturæ essent indistantes localiter. *Ratio est:* quia valeret quidem dicere: quodd illæ duæ naturæ essent eidem supposito unitæ; sed non hoc, quodd essent in eodem loco locatæ: ergo &c.

*Dices.* Illa natura, quæ esset Pragæ, esset etiam 74. Viennæ, & è contra illa, quæ est Viennæ, esset etiam Pragæ: ergo essent in eodem loco. *Prob. Ant. Verbum Divinum propter suam immensitatem, esset simul Pragæ, & Viennæ: ergo etiam utraque natura ipsi unita, esset simul Pragæ, & Viennæ. Resp. imò.* Quodd hoc Argumentum nimis multum probet, quia ex illo sequeretur, quodd natura humana unita Verbo, esset ubique, cum ubique sit Verbum; atqui hoc dicere, est incidere in hæresim Ubiquistarum: ergo. *Resp. 2do. Neg. Ant. Ad Prob. Neg. Conseq. Ratio est:* nam, non ubicunque est Verbum, deberent etiam esse illæ



illæ naturæ, ipsi unitæ; siquidem Verbum est immensum, & illimitatum; naturæ verò ipsi unitæ, sunt limitatæ: ergo. *Insania* est manifesta in anima rationali, quæ etiam aliquò sensu dicitur in corpore humano illimitata, cum sit tota in toto, & tota in qualibet parte hominis; hæc, licet eadem sit in capite, quæ est in pede, ex hoc tamen non sequitur, quòd caput, & pes sint in eodem loco, aut ibi, ubi est anima rationalis; & hoc ideo, quia anima rationalis est quodammodò illimitata, caput verò & pes sint partes limitatæ; cum autem etiam illæ duæ naturæ assumptæ essent limitatæ, ideo non sequitur, quòd ibi essent, ubi esset Verbum, aut ibi esset una, ubi est altera.

75. *Replicab.* Ubicumque est Verbum, ibi etiam est Natura Divina: ergo etiam, ubicumque esset Verbum, deberent esse illæ naturæ assumptæ. *Resp. Neg. Conseq. Diss.* est: Quia Natura Divina est immensa, & realiter identificata ipsi Verbo: ergo mirum non est, quòd, ubicumque est Verbum, sit etiam Natura Divina; at verò naturæ creatæ non sunt immensæ, nec realiter identificatæ Verbo, sed tantum in hoc casu essent ipsi unitæ: ergo &c.

76. *Urgebis.* Quæcunque sunt eadem uni tertio, sunt eadem inter se: ergo etiam quæcunque sunt indistantia ab uno tertio, sunt etiam indistantia inter se. *Resp. Explicando axioma:* Quæcunque sunt eadem uni tertio, sunt eadem inter se, in illa ratione, in qua sunt eadem uni tertio, sunt etiam eadem inter se, *Conced.* In alia ratione, *Nego axioma.* Sic in Divinis Pater, Filius, & Spiritus Sanctus; quia sunt idem cum Deitate, sunt etiam in hac ratione idem inter se; siquidem sunt unus, & idem Deus; verum in alia ratione, nempe, in personalitatibus, non sunt idem. *Diss. etiam*  
Con-

*Conseq.* Ergo etiam quæcunque sunt indistantia ab uno tertio, sunt indistantia inter se, si illud tertium sit limitatum, *Transf.* Si absolute, vel aliquomodo sit illimitatum, & illa duo sint limitata, uti contingeret in nostro casu, & manifestè apparet in instantia de anima rationali, *Neg. Conseq.* Aut aliter *Dist. idem Conseq.* Erunt indistantia inter se in ea ratione, in qua non distant, ab illo tertio, *Conced.* In alia ratione, *Neg. Conseq.* Hoc de talibus duabus naturis verum esset dicere: quòd sint præsentès eidem supposito; sed non hoc: quòd ambæ sint præsentès eidem loco; vel: ubicunque est Verbum, ibi etiam sint simul illæ duæ naturæ, Verbo unitæ.

*Obicies 9mò.* Tali casu, quò una persona assumeret 77. plures naturas creatas, vel essent plures homines, vel non? Atqui nihil potest dici: ergo. *Resp. Neg. Min.* Et dico: quòd non essent plures homines. Ità *D. Thomas hic q. 3. a. 7. ad 2.* Ubi sic habet: *Ideo, si persona divina assumeret duas naturas humanas, propter unitatem suppositi, diceretur unus homo, habens duas humanitates. Ratio est: 1mò.* Quia, ut censeantur esse plures homines, debent & naturæ multiplicari, & personalitates; atqui in nostro casu non multiplicarentur personalitates: ergo neque homines. Si autem omnes tres Personæ Divinæ assumerent tres naturas humanas distinctas, tunc essent tres homines, quia & naturæ, & personalitates essent multæ. *2dò.* Quia, si una persona cum tribus humanitatibus constitueret tres homines, etiam cum duabus animalitatibus, constitueret duo animalia; & consequenter cum duabus naturis viventibus, duos viventes: atqui hoc non: ergo nec illud. *Prob. Min.* In Christo est una persona cum duabus naturis viventibus, & tamen non sunt duo viventes; aliàs enim designatò unò, posset dici:



dici: hoc vivens vitâ increatâ, scilicet Deus, non esset illud vivens vitâ creatâ, scilicet, homo; adeoque de Christo posset dici: homo non est Deus, & è contra, quod est hæreticum: ergo &c.

78. *Replicabis.* Videtur, quòd in tali casu, quò una persona assumeret plures naturas creatas, essent plures homines: ergo. *Prob. Ant. imò.* S. Thom. in 3. *Dist.* 4. q. 2. a. 5. ad 2. dicit: Singularitas, & pluralitas termini substantivi, qualis est homo, attenditur secundum unitatem, aut pluralitatem naturæ significatæ, & non secundum unitatem aut pluralitatem suppositorum: ergo multiplicatis humanitatibus, multiplicatur homo, etiamsi non multiplicetur suppositum. 2dò. Ad unitatem termini completi substantialis, sufficit sola unitas formæ, absque unitate suppositi, quia, ut superius dictum est, si tres Personæ Divinæ, unam eandemque humanitatem assumerent, essent tantum unus homo, propter numericam unitatem humanitatis: ergo è contra ad multiplicationem termini concreti substantialis, sufficiet sola multitudo formarum, absque multitudine, & pluralitate suppositorum: ergo una persona assumens tres simul humanitates, erit triplex homo, seu tres homines. 3idò. Unitas & multitudo substantivorum, debet attendi secundum idem principium: ergo. 4idò. Quamvis in Christo admitti possint duo viventes substantivè, non tamen sequitur, unum posse negari de altero; quia inter se non differunt suppositò, quod tamen necessariò requiritur ad negabilitatem unius de altero; quia, cum negatio removeat totum prædicatum à toto subjecto, propositio negativa, non potest esse vera, nisi prædicatum negatum, sit adæquatè aliud à subjecto, nempe, quoad formam & suppositum, quod hic non fit: ergo ratio numero præcedenti allata nihil probat. 5idò.

Si Verbum hâc humanitate dimissâ aliam assumeret, tunc Christus non diceretur unus, & idem homo, sed alius, & alius, non obstante unitate suppositi: ergo etiam in casu, quò idem Verbum assumeret plures naturas humanas, non diceretur unus, sed plures homines, non obstante unitate suppositi. *Resp. Neg. Ant. Ad 1am Prob.* dico cum *Godoy Tract. 3. Diss. 6. §. 8. n. 163.* quòd *S. Thom.* hanc sententiam retractaverit *3. p. q. 3. a. 7.* Quando enim *S. Thom.* (*Verba sunt citati Authoris,*) aliquam sententiam expressè retractat, etiam si aliquando illam docuerit, standum est ultimæ illius voluntati, & sententia, quam ultimò docet, est tenenda. *Ad 2dam Prob. Neg. Conseq.* Quia in substantivis, plura requiruntur ad multitudinem simpliciter sub aliqua appellatione, quàm ad unitatem; ad pluralitatem enim simpliciter necessarium est, ut unum possit negari de altero; hinc non tantùm requiritur diversitas formæ, sed etiam *suppositi*; siquidem per negationem significatur diversitas suppositorum, pro quibus prædicatum, & subjectum supponunt in recto; at verò ad unitatem nominis substantivi v. g. *homo*, sufficit unitas formæ, cum illa unitas sufficiat, ut plura supposita sint unus & idem homo. Instantia est in SS. Trinitate, ubi tres personæ, sunt unus Deus, propter unitatem naturæ. *Ad 3tiam Diss. Ant.* Debet attendi secundùm idem principium inadæquatè, *Conced.* Secundùm idem principium adæquatè, *Neg. Ant. & Conseq.* *Ad 4tam Neg. Ant.* Siquidem hoc necessariò debet sequi. *Ratio est:* quia ubicunque est multitudo sub aliqua ratione, est etiam distinctio sub eadem ratione; atqui ubi est distinctio, ibi est non aliud; cum distinctio ex suo formali conceptu dicat unum esse, non aliud: ergo ubi est multitudo, ibi unum potest negari de altero.



Hinc, si identitas suppositi in Christo non impedit viventium pluralitatem simpliciter, etiam non impedit negabilitatem unius de altero. *Ad 5<sup>am</sup> Prob. Neg. Ant.* Effet enim propter unitatem, & identitatem suppositi, unus, & idem homo, saltē *negativē*, id est, sic, ut non haberetur unus & alter homo de se mutuo negabilis; ex supposito, quod natura humana dimissa, existeret sine substantia propria, aliās, si haberet substantiam propriam, deberet etiam dici alius homo.

79. *Obijcies romō.* Si duæ naturæ creatæ possent assumi à Verbo, sequeretur, quod unirentur inter se; atqui hoc est impossibile, quia duæ substantiæ completæ non possunt se habere ut actus & potentia, quod tamen deberet fieri: ergo. *Prob. sequel. Maj.* Quia anima, & corpus defacto uniuntur Verbo, etiam uniuntur inter se: ergo similiter si illæ duæ naturæ creatæ unirentur Verbo, unirentur etiam inter se. *Resp. Neg. sequel. Maj.* *Ad Prob. Neg. causalem, & assigno aliam:* quia, videlicet, defacto anima informat corpus in Christo; in nostro autem casu una natura non informaret alteram: ergo neque ipsi uniretur. Quod autem hæc causalis sit vera, patet ex hoc: quia in triduo mortis Christi anima non erat unita corpori, quamvis corpus fuerit unitum Verbo, juxta illud: *quod semel assumpsit, nunquam dimisit*, saltē quoad partes principales; unde, si aliquis sacerdos in triduo mortis Christi consecrasset hostiam, tunc vi verborum consecratoriorum fuisset panis transsubstantiatus, non quidem in corpus vivum, seu animatum animâ rationali, sed in corpus Christi exanime, quod fuerat unitum Verbo: ergo ex hoc, quod illæ duæ naturæ creatæ unirentur eidem supposito Divino, non sequitur, quod unirentur inter se.


*Obijc.*

*Obijcies 11mo.* Si duæ naturæ creatæ assumerentur à Persona Verbi, unirentur se totis, & penetrarentur; atqui hoc non videtur posse admitti: ergo neque illud, quòd videlicet possit Verbum Divinum assumere plures naturas creatas. *Prob. sequel. Maj.* Quia Natura Divina & humana sunt in eadem Verbi persona, se intimè attingunt: ergo, si duæ naturæ creatæ essent in eadem persona, se intimè, & se totis attingerent; atqui contactus intimus, & totalis duarum naturarum corporalium in eodem, est vera penetratio, ut patet in duobus corporibus existentibus in eodem loco: ergo prædictæ naturæ creatæ, existentes in eadem Persona, se penetrarent. *Resp.* cum Salmanticens. *hic Tract.* 21. *Disp.* 8. *dub.* 5. §. 1. *n.* 129. *Neg. seq. Maj.* *Ad Prob. Disting. Ant.* Quia Natura Divina & humana sunt in eadem Verbi persona, ita ut Natura Divina identificetur Verbo, natura verò humana eidem uniatur, *Conced.* Quia sunt quomocunque in eadem Verbi persona, & per solam unionem cum Verbo, *Neg. Ant.* Natura Divina est identificata Verbo, cui est unita etiam natura humana; adeoque istæ duæ naturæ intimiùs se attingunt, quàm duæ naturæ se attingerent, quæ unirentur tantùm Verbo; per consequens nulla inter tales naturas creatas, intercederet penetratio.

*Obijcies 12mo.* Ex hac sententia sequeretur, quòd si natura priùs assumpta à Verbo, assumeret naturam posterius advenientem; atqui hoc est inconveniens: ergo Persona Verbi, non potest plures naturas creatas assumere. *Prob. seq. Maj.* Quia Natura Divina est in persona assumente, dicimus non solùm personam, sed etiam naturam Dei assumere: ergo si una natura creata priùs esset in persona assumente, & hæc ulterius assumeret aliam naturam, diceretur non solùm,



Idem, quod persona Divina assumeret, sed etiam natura creata. *Resp. Neg. seq. Maj. Ad Prob. Dist. Ant.* Quia Natura Divina est in Verbo quomodocunque, dicimus non solum personam, sed etiam naturam Dei assumere, *Neg.* Quia natura Dei est realiter ipsum Verbum, & principium activum assumptionis, *Conted. Ant.* Natura autem humana prius unita Verbo, quia non est realiter Verbum, nec principium activum assumptionis; ideo, licet Verbum assumat, non propterea illa dicetur aliam supervenientem assumere, sicut natura Dei, sed perinde ad hunc effectum se habebit, ac si non existeret in Verbo. Hinc *S. Thom. 3. p. q. 3. a. 7. ad 3.* tam ratione præsentis solutionis, quam etiam ad præcedentem Objectionem datæ, ita dicit: *Dicendum, quod Divina, & humana natura, non eodem ordine se habent, ad unam Personam divinam, sed per prius comparatur ad ipsam divinam naturam, utpotè quæ est unum cum ipsa ab æterno: Sed natura humana comparatur ad naturam divinam per posterius, utpotè assumptæ ex tempore à divina persona: non quidem ad hoc, quod natura sit ipsa persona, sed quod persona in natura subsistat: Filius enim Dei est sua Deitas, sed non est sua humanitas. Et ideo ad hoc, quod natura humana assumatur à divina Persona, requiritur, quod divina natura uniatur unionem personali toti nature assumptæ, id est, secundum omnes partes ejus. Sed duarum naturarum assumptionem esset uniformis habitudo ad personam divinam, nec una assumeret aliam. Unde non oportet, quod una earum totaliter alteri uniretur, id est, omnes partes unius, omnibus partibus alterius.*



## T H E S I S VII.

*Defactò ( imò. ) Verbum assump-  
sit naturam humanam, cum omnibus par-  
tibus, quæ ad illius essentiam, & integritatem per-  
tinent; adeoque etiam assumpsit sanguinem. Quod at-  
tinet partes essentielles, nempe, verum corpus, & ani-  
mam, est de fide. Quoad partes integrales, præser-  
tim sanguinem, tenet Suarez hic Diss. 15. sect. 8. Vas-  
quez hic Diss. 36. cap. 6. Cardinalis de Lugo Diss. 14.  
sect. 2. 3. & 5. Contra Cajetanum §. p. q. 54. a. 2. Et  
Gonet hic Diss. 9. a. 2. §. 2. Qui distinguunt dupli-  
cem sanguinem, vitalem unum, & alterum nutrimen-  
talem, docentque primum assumptum esse à Verbo,  
non verò secundum. De possibili ( add. ) potuit  
assumere, & hypostaticè sibi unire, quamlibet na-  
turam, etiam pure materialem. Ità S. Thomas in  
3. Diss. 2. q. 1. a. 1. post S. Aug. lib. de vera Religione.  
cap. 16. Tertullianum de carne Christi. cap. 4. Gregori-  
um Nissenum in Oratione magna catechetica. Quos se-  
quitur Suarez hic Diss. 14. sect. 2. Godoy q. 4. tract. 4.  
Diss. 18. §. 4. Leonardus Penafiel Diss. 9. sect. 1.  
Reding. q. 7. a. 3. controversia 1. Gonet Diss.  
9. a. 1. §. 1. Et plurimi alij.*

**P** Rob. 1ma pars Thesis de partibus essentialibus: imò. 1.  
Ex eo: Quòd Verbum divinum hypostaticè assump-  
serit, sibi que univertit veram animam rationalem,  
ut docent omnes Catholici, contra Arianos, qui dixe-  
runt Verbum Divinum, Christo fuisse locò animæ, ut  
referunt S. Epiphanius Hæresi 69. S. Aug. Hæresi 49.



Et Nazianzenus *oratione* 51. Item contra Apollinarem, qui concessit animam sensitivam, negavit rationalem, ut testantur S. Epiphanius *Heresi* 77. Et S. August. *Heresi* 55. Jam sic: *Matthæi* 26. v. 38. dicit Christus: *Tristis est anima mea usque ad mortem.* Item *Joan.* 10. v. 18. *Potestatem habeo ponendi animam meam;* atqui ex his textibus erruere licet, quoddam Verbum assumpserit, sibi que univerit veram animam rationalem: ergo. Eandem veritatem definivit Concilium Romanum in *Confessione fidei* sub Damaso Papa. *Ephe- sinum can.* 3. *Chalcedonen- se actione* 1. S. Athanasius in suo Symbolo illam profitetur his verbis: *Perfectus Deus, perfectus homo, ex anima rationali, & humana carne subsistens.* Rationem congruam addunt alij SS. Patres; quia, cum Verbum Divinum incarnatum sit ad redimendum hominem, conveniebat assumere id, quod potissimum in homine ceciderat; atqui anima rationalis in homine ceciderat; ergo &c.

2. *Confirmatur.* Christus fuit verus homo, ut patet tum, ex illo *Joannis* 8. ubi Christus de se ipso ait: *Queritis me interficere hominem, qui veritatem vobis locutus sum.* Tum, ex illo ad *Roman.* 5. *Sicut per unum hominem peccatum in hunc mundum intravit &c.* Et infra: *multo magis gratia Dei, & donum in gratia unius hominis JESU Christi in plures abundavit.* Tum, ex illo 1. ad *Timoth.* 2. ubi vocatur: *Mediator Dei, & hominum, homo Christus JESUS.* Tum, ex illo *Joan.* 9. ubi Christus cæco visum restituisse legitur; atqui de ratione veri hominis, est anima rationalis: ergo Christus assumpsit veram animam rationalem. Præterea: in sacris scripturis multoties revelatum est, quoddam Christus oraverit, Deo gratias egerit, hominibus dona, & gratias meruerit, pro peccatis nostris satisfecerit &c. Atqui hæc præstare non potuit, sine vera anima rationali: ergo &c.

*Pro-*

*Probatur 2dò. Ex eo: quòd Verbum Divinum hypostaticè assumpserit, sibi que univerit verum corpus humanum, ut omnes Catholici sentiunt, contra Cerdonem, & hujus discipulum Martionem, qui in Christo solùm admittebant corpus apparens, & phantasticum, ut testator Epiphanius Hæresi 42. Tertullianus lib. de præscriptionibus, & alij. Item, contra Valentinum, qui asseruit corpus Christi non ex substantia Beatissimæ Virginis, sed ex materia cœlesti fuisse formatum, ut refert S. Iræneus lib. 3. de Hæresibus. cap. 11. Unde sic: Joan. 1. Verbum caro factum est. Lucæ 24. dicit Christus: Palpate, & videte, quia Spiritus carnem & ossa non habet, sicut me videtis habere. Idem de Christo loquitur S. Paulus ad Roman. 1. ità scribens: Factus est semine David secundum carnem. Et ad Galatas 4. Factus ex muliere. Item Matth. 1. v. 16. De qua natus est JESUS, qui vocatur Christus. Atqui ex his textibus clarè apparet, quòd Verbum Divinum hypostaticè assumpserit, sibi que univerit verum corpus humanum: ergo. Hinc errores suprà recensitos impugnarunt plurimi SS. Patres, ut videre est apud Vasquez hic Disp. 36. cap. 1. & 2. Eisdem varia damnarunt Concilia, præsertim Lateranense, cap. firmiter. de summa Trinitate, & fide catholica: ergo &c.*

*Confirmatur Authorit. S. August. qui lib. 83. Questionum q. 14. ità ait: Si phantasma fuit corpus Christi, fefellit Christus, & si fefellit, veritas non est; est autem Veritas Christus; ergo non fuit phantasma corpus ejus. Et q. 80. ità inquit: Ex hoc, quòd comedit, & dormivit, & fatigatus est, demonstratur eum habuisse verum corpus humanum. Idem sentit S. Thomas, dum 3. p. q. 5. a. 1. hòc, vel simili modò discurret: Verbum assumpsisset veram naturam humanam, fuitque verus homo; atqui de ratione nature humanæ, est verum corpus humanum: ergo Christus fuit verus homo.*

Di-



6. Dices. 1. ad Corinth. 15. v. 47. dicitur: *Primus homo Adam de terra terrenus, secundus homo (Christus,) de cælo cælestis.* Item Joan. 3. *Nemo ascendit in cælum, nisi, qui descendit de cælo, Filius hominis, qui est in cælo:* ergo Verbum non assumpsit verum corpus humanum. *Resp. Neg. Conseq.* Christus enim dicitur cælestis. imò. Quia personalitatem habuit divinam. Ità S. Gregorius Nazianzenus *Oratione 5. S. Aug. lib. 3. de civit. cap. 27. & alibi.* 2dò. Propter miraculosam Spiritûs Sancti obumbrationem, quâ ex purissimo Beatæ Virginis sanguine, corpus Christi efformatum est. Sic S. Ambrosius. 3iò. Ob vitam cœlestem, & sanctitatem, ac conversationem, ut docet Tertullianus lib. de carne Christi. cap. 8. ergo.
6. Probatur 3iò. Ex eo: quod Verbum Divinum hypostaticè assumpserit, sibi quæ universæ partes integrales hominis. Jam sic: Verbum Divinum assumpsit corpus humanum perfectum & integrum, adeoque omnibus partibus integrantibus constans; siquidem non potest dici, quod Christus fuerit mutilus, & monstrosus: ergo Verbum ad suam hypostasim assumpsit omnes illas partes, quæ ad integritatem, & perfectionem corporis humani sunt necessariæ; quia verò juxta communem Theologorum, & Philosophorum sententiam, partes excrementicæ, nempe, sudor, saliva &c. non pertinent ad integritatem corporis humani, ideo istæ non erant immediatè assumptæ à Verbo; licet possit dici, mediatè assumptas fuisse, hoc sensu, quod videlicet Verbum assumpserit tale corpus, in quo hæ partes latebant, quamvis ipsæ partes non fuerint terminatæ, per subsistentiam Verbi.
7. Probatur 4iò. Ex eo: quod Verbum assumpserit etiam sanguinem. Et quidem Authoritate scripturæ, quæ dicit:

dicit : quodd sanguine Christi redempti, & emundati sumus. Unde sic : 1. Petri 1. habetur : *Redempti estis, non corruptibilibus auro & argento, sed pretioso sanguine, quasi Agni immaculati, Christi.* Item 1. Joan. 1. *Sanguis Jesu Christi Filij ejus, emundat nos ab omni peccato*; atqui si sanguinem, saltẽ aliquem, non assumpsisset, non potuisset nos sanguine redimisse, & emundasse : ergo. Præterea : Verbum Divinum per se assumpsit naturam humanam integram ac perfectam, & consequenter illius partes; atqui sanguis est pars saltẽ secundariò pertinens ad naturam humanam : ergo. *Prob. Min. imò.* In qua est tota difficultas. *Concilium Trident. sess. 13. cap. 3.* definit : *Corpus seu carnem Christi esse sub speciebus vini; & sanguinem sub speciebus panis, vi naturalis connexionis, quã NB. partes Christi Domini inter se copulantur* : ergo Concilium Tridentinum supponit, sanguinem esse partem saltẽ secundariò constitutivam naturæ humanæ. *2dò.* Ex Galeno lib. 4. *de usu partium.* Aristotele lib. 3. *de historia animalium. cap. 2.* Divo Thoma hic q. 5. a. 2. Et alijs omnibus Medicis & Philosophis, sanguinem numerantibus inter partes animalium, saltẽ secundariò constitutivas, eorundem : ergo &c.

*Probatur 5tò.* Ex eo : quodd Verbum assumpserit totum sanguinem, qui fuit in corpore Christi, & qui pro nobis in passione effusus est; adeoque tam vitalem, quam nutrimentalem. Jam sic : In Concilio Ephesino can. 5. docetur : Verbum communicasse sanguini. In Quinta synodo Generali Constantinopolitana *actiõ. 6.* approbatur illa Cyrilli explicatio : *Verbum caro factum est* : Id est : carnem & sanguinem assumpsit. In sexta synodo *actiõ. 16.* damnatus fuit quidam hæreticus asserens : *in cruce carnem, & sanguinem*



guinem fuisse à Verbo dimissum. Sacrae Scripturae, & SS. Patrum textus plurimos adfert Suarez hic Diss. 15. sect. 6. cum quo sic argumentamur: indefinita, & absoluta propositio Conciliorum, & SS. Patrum, in doctrinalibus æquivalet propositioni universali, nisi restrictionem evincat, vel gravis ratio, vel Autoritas; atqui Concilia, & SS. Patres, de sanguine assumpto, loquuntur indefinitè, & absolute, nec restrictionem ad sanguinem tantum vitalem, evincit ulla gravis ratio, vel Autoritas: ergo.

9. Confirmatur. Clemens VI. in extravagante Unigenitus. de penitentis & remissionibus. universaliter ait: In ara crucis innocens immolatus; non guttam sanguinis modicam, quæ tamen NB. propter unionem ad Verbum pro redemptione totius humani generis suffecisset, sed velut quoddam profluvium noscitur profudisse. Unde sic argumentamur: multæ partes sanguinis pro redemptione nostra effusi, fuerunt tantum sanguis nutritivus, ut admittit Cajetanus; atqui quælibet gutta sanguinis effusi, propter unionem ad Verbum suffecit: ergo. Præterea: illa distinctio inter sanguinem vitalem & nutritivum, nullum habet fundamentum in antiquioribus Philosophis ac Medicis, juxta quos omnis verus sanguis est ejusdem speciei: ergo sanguis tam vitalis, quam nutritivus erat à Verbo assumptus. Item, Christus est verus filius Beatæ Virginis: ergo accepit aliquam partem illius; cum generatio, sit origo viventis à vivente conjuncto, in similitudinem naturæ specificæ, hoc est: quod generans debeat aliquam partem ex suo corpore deciscam, communicare proli genitæ; atqui Christus accepit sanguinem nutritivum à Beata Virgine: ergo sanguis nutritivus (etiamsi admittatur,) fuit pars Beatæ Virginis; adeoque etiam fuit à Verbo assumptus.

Pro-

*Probatur 2da. pars Thesis. 1mo. Ex eo : quòd Verbum 10.*  
 Divinum potuerit de possibili assumere, quamlibet naturam creatam, etiam irrationalem. Et quidem probatur quoad naturam superiorem seu Angelicam. Unde sic: S. Paulus ad Hebræos 2. ita dicit: *Nusquam Angelos apprehendit, sed semen Abrahæ.* Quod de apprehensione per unionem hypostaticam, accipitur in communi interpretatione; per quod etiam commendat Apostolus charitatem Dei erga homines, præ Angelis, eò, quòd potius humanam naturam, quàm Angelicam assumpserit; atqui si natura Angelica non esset assumptibilis à Verbo in unitatem personæ, non subsisteret S. Apostoli comparatio, nec amoris erga homines præ Angelis commendatio; ad hanc enim necessaria est libertas, quæ libertas, dicit: *posse assumere, vel non assumere:* ergo debet dici, quòd natura Angelica potuerit de potentia absoluta, assumi à Verbo in unitatem Personæ.

*Probatur 2da. conformiter ad doctrinam S. Thomæ, 11.*  
 qui, postquam hic q. 4. a. 1. ad 3. retulisset opinionem quorundam Theologorum, asserentium, naturam Angelicam non posse in unitatem Personæ Divinæ assumi, nisi destrueretur propria ejus personalitas, idque obstat ejus corruptibilitati, impugnat hanc doctrinam, dicendo: quòd hoc non videatur totaliter excludere congruitatem assumptionis naturæ Angelicæ. Unde ita ait: *Potest enim Deus, producendo novam naturam Angelicam, copulare eam sibi in unitate personæ.* Ex quibus verbis sic arguitur: Naturam Angelicam assumi in unitatem Divinæ Personæ, est eam assumi ad personalitatem, sive ad subsistentiam Divinam; atqui ex D. Thomæ citato, potest natura Angelica assumi in unitatem Divinæ Personæ: ergo, & ad subsistentiam Divinam.

*Pro-*



12. *Probatur 3<sup>to</sup>. cum Gonet hic Disput. 9. a. 1. §. 1. n. 6.*  
 Non aliâ ratione in natura humana est ad assumptionem capacitas, nisi, quia distinguitur à sua personalitate; & consequenter potest illâ destructâ, vel non consecutâ, terminari, per subsistentiam Verbi, in qua propria personalitas eminenter continetur; atqui etiam personalitas Angeli distinguitur ab illius natura: ergo etiam natura Angelica, potest ad Divinam assumi subsistentiam. *Maj.* supponitur ut certa. *Min.* verò (*præterquam quòd expressè doceatur à Divo Thoma, Quodlib. 2. q. 2. a. 4.*) potest breviter hac ratione suaderi: Ratio distinguendi suppositum à natura in hominibus, vel est limitatio naturæ, ob quam indiget complementò realiter distinctò, ut existat; vel est capacitas receptiva accidentium, competens immediatè supposito, & non competens naturæ, ut arguit *D. Thom. Quodlibet. sup. cit.* Atqui utraque hæc ratio militat in natura Angelica; est enim limitata, & finita, & capax recipiendorum accidentium: ergo eadem ratione, quâ in hominibus suppositum à natura distinguitur, etiam in Angelis debet à natura distingui.

13. *Confirmatur cum Godoy hic Q. 4. Tract. 4. Disput. 18. §. 2. n. 9.* Quoad distinctionem inter potentias & essentiam, operationes & principium, nullum est discrimen inter Angelum & hominem: ergo nec est admittendum ullum discrimen quoad distinctionem personalitatis à natura; & per consequens, sicut personalitas hominis distinguitur ab illius natura; ita inter personalitatem Angeli, & illius naturam, est admittenda distinctio ante operationem intellectus.

14. *Probatur 4<sup>to</sup>. Ex eò: Quòd Verbum potuerit assumere etiam naturam irrationalem. Idque Authoritatè S. Gregorij Nysseni, qui in oratione magna. cap. 27 contra.*

contra eos, qui asserabant indecorum esse dicere, Deum corpus assumpsisse terrestre, non autem cœleste, hæc habet: Nihilò tolerabilior videtur esse turpitudine & dedecus, quòd Deus cœlestis corporis figuram suscepit, quàm terrestris, ab ejus enim natura, qui altissimus est, ex æquo distat omnis creatura, & sunt omnia ei æqualiter subiecta. Quibus verbis, ut clarè constat, docet Nyssenus, corpus etiam cœleste potuisse à divino Verbo assumi. Rationem subdit: quia omnia æqualiter distant à Deo, & æqualiter sunt illi subiecta. Quæ doctrina intelligenda est secundum potentiam obedientialem; nam secundum congruentiam non omnia æqualiter possunt assumi, ut docet D. Thomas hic q. 4. a. 1. Et cum illo communiter Theologi.

Probatur 5<sup>to</sup>. cum Godoy Q. 4. hic Tract. 4. Disp. 15. 18. §. 4. Ideò natura rationalis potest assumi, quia est subsistens, subsistentià ab ipsa separabili, & in Divina subsistentia eminenter contenta; atqui etiam natura irrationalis subsistit subsistentià distinctà, & ab ipsa separabili, ac in Divina subsistentia eminenter contenta: ergo etiam natura irrationalis est assumptibilis à Deo, de potentia absoluta. *Maj. cum Conseq. tenet. Prob. itaque Min.* Id, quod perfectionis est, si à natura perfectiori potest separari, etiam est separabile à natura imperfectiore; atqui subsistere, est perfectionis in subsistentia, & à natura perfectiori potest separari, ut patet in natura Angelica, & humana: ergo etiam potest à natura irrationali separari; & per consequens natura irrationalis est assumptibilis à Deo, de potentia absoluta.

Confirmatur cum Gonet loc. sup. cit. n. 9. Naturam 16. materialem & irrationalem assumi ad Divinam hypostata-



positissim, nec repugnat ex parte talis naturæ; cū hęc sit realiter separabilis à propria subsistentia, habetque terminabilitatem obedientialem respectu subsistentiæ; neque etiam repugnat ex parte Personæ Divinæ, cū hęc habeat infinitam virtutem terminandi, ac substantialiter ultimatè perficiendi, quamlibet naturam creatam: ergo hoc de absoluta Dei potentia poterat fieri.

17. *Probatur 6to.* Corpus Christi post mortem mansit in sepulchro, verbo divino *hypostaticè unitum*; atqui illud corpus separatum ab anima rationali, & informatum formâ cadavericâ, vel formâ corporeitatis, fuit natura purè materialis & irrationalis; idem est de sanguine, & alijs quatuor humoribus: ergo natura irrationalis est capax unionis hypostaticæ. *Prob. Maj.* Verbum Divinum quod semel assumpsit (*intellige saltem de partibus principalibus*; ) nunquam dimisit: ergo corpus, quod est ex partibus principalibus naturæ humanæ, nunquam fuit à Verbo dimissum, & per consequens etiam in sepulchro fuit ipsi unitum. *Præterea:* de fide est, Christum pro nobis sepultum fuisse, ut constat ex illis verbis symboli: *Passus & sepultus est*; atqui hoc verum esse non posset, nisi Verbum ut *hypostaticè unitum* alicui ex partibus naturæ humanæ, fuisset in sepulchro: ergo Verbum *hypostaticè unitum* alicui parti naturæ humanæ, mansit in sepulchro; atqui non mansit ut unitum animæ, nam sic descendit ad inferos: ergo mansit ut unitum hypostaticè corpori.



## S. I.

*Solvuntur objectiones contra primam partem Thesis, in qua dicitur: quoddam defectum Verbum assumpserit naturam humanam cum omnibus partibus, quæ ad illius essentiam, & integritatem pertinent; adeoque quoddam etiam assumpserit sanguinem.*

**O**bjicies imò. Ex eo: quod Verbum non videatur <sup>18</sup> assumpsisse animam rationalem. Jam sic: Nulla est necessitas admittendi animam rationalem in Christo: ergo Verbum non videtur illam assumpsisse. *Prob. Ant.* Si aliqua esset necessitas, tunc esset hæc, ut vivificet, & animet corpus; atqui hæc non est: ergo. *Prob. Min.* Totum hoc potest præstare Verbum, cum de Deo *Psalm. 35.* dicatur: *Apud te est fons vitæ.* Et *Joan. 1.* de Verbo: *Quod factum est, in ipso vitæ erat:* ergo. *Resp. Neg. Ant. Ratio est:* quia cum Christus sit verus homo, ad verum autem hominem necessaria sit anima rationalis, ideo Verbum debuit necessario assumere animam rationalem. *Ad Prob. Dist. Maj.* Esset hæc necessitas ut vivificet, & animet corpus, etiam, *Conced.* Tantum, *Neg. Maj. Ad ulteriorem Prob. Dist. Ant.* Totum hoc potest præstare Verbum efficienter, *Trans.* Formaliter, *Neg. Ant.* Licet enim Deus sit fons vitæ, & vita viventium creatorum, tanquam prima causa effectiva eorundem, non est tamen principium formale intrinsecum vivificativum, & informativum ipsius corporis, sicuti est ipsa anima rationalis: ergo. Ex quo patet facilis responsio ad textus Scripturæ.

R

Obji-



19. *Objicies 2dò. Ex eo : quòd Verbum Divinum non videatur assumpsisse corpus humanum. Unde sic : si Verbum divinum assumpsisset corpus humanum, tunc assumpsisset illud immediatè ; atqui non assumpsit illud immediatè : ergo. Prob. Min. Verbum divinum assumpsit corpus mediante animâ, ut docent communiter Theologi cum Divo Thoma hic. q. 1. a. 1. ergo. Resp. Neg. Min. Ad Probat. cum Suarez hic Dist. 17. sect. 5. Dico illam propositionem : Verbum assumpsit corpus mediante animâ, hunc sensum habere : quòd Corpus sit assumptum propter animam, & illius functiones in corpore exercendas, pro satisfactione nostrorum peccatorum ; non habet autem hunc sensum : quod corpus sit assumptum mediante animâ, eò modò, quò accidentia assumpta sunt à Verbo mediante substantiâ.*

20. *Objicies 3tid. Ex eo : quòd Verbum divinum non videatur assumpsisse sanguinem. Jam sic : sanguis juxta Aristotelem, & probabiliorem sententiam, non est animatus : ergo non fuit immediatè assumptus à Verbo. Resp. imò, à multis etiam probabiliter negari Ant. Resp. 2dò. Transeat Ant. Neg. Conseq. Licet enim sanguis non sit animatus animâ rationali, aut aliâ formâ viventis, propterea tamen non definit esse pars corporis humani : ergo cum aliæ partes corporis humani fuerint assumptæ à Verbo, etiam sanguis assumptus est.*

21. *Replicabû. Aristoteles de partibus animalium cap. 1. dicit : Sanguinem non esse partem animalium. Idem sentit Divus Thomas : ergo. Resp. Explicando Autoritatem utriusque : docent non esse actu partem solidam animalium, Conced. Docent non esse sanguinem partem fluidam animalium, Neg. Autoritatem utriusque. Licet enim sanguis non sit actu caro, aut*

os, sed tantum in potentia, in quantum ex sanguine generantur ossa & caro, est tamen actu sanguis; adeoque actu integrans corpus humanum, cum sit intra partes solidas, tanquam intra vas, sine quo homo vivere non potest.

*Urgebis.* Si sanguis spectaret ad integritatem corporis, sequeretur, quod vi Verborum sub speciebus panis poneretur in Eucharistia; atqui hoc est contra Concilium Tridentinum: ergo. *Prob. sequel. Maj.* Illud ponitur vi Verborum sub speciebus panis, quod spectat ad integrum corpus Christi; atqui sanguis juxta dicta spectat ad integrum corpus Christi: ergo vera est sequela. *Resp. Neg. sequel. Maj. Ad Probat. Dist. Maj.* Illud vi verborum sub speciebus panis ponitur, quod spectat ad integrum corpus Christi, cum omnibus partibus solidis, & *primariò* constitutivis, *Conced. Maj.* Cum partibus fluidis, & *secundariò* constitutivis, qualis est sanguis, & alij humores, *Neg. Maj.* Verba enim consecratoria panis, non quomodocunque significant corpus Christi, sed per modum cibi, cui aptæ sunt partes solidæ, non verò fluidæ, uti est sanguis. *Hinc observandum est:* quod ille partes sint *primariò* constitutivæ hominis, quæ sunt continuæ, & in quibus organa vitæ deprehenduntur; illæ verò sunt *secundariò* constitutivæ, quæ non sunt continuæ, licet sint contiguæ, nec organa vitæ in ipsis deprehenduntur; & talis est sanguis, cum quatuor humoribus.

*Obicies 4to.* Sanguis informatur distinctâ formâ ab anima rationali: ergo si Verbum assumpsisset sanguinem, assumpsisset duas substantias, & naturas, quod est contra fidem: ergo. *Resp. Dist. Conseq.* Assumpsisset duas substantias, & naturas incompletas, quæ pertinent ad integritatem unius substantiæ, & naturæ, *Conced.* Assumpsisset duas completas, &



non pertinentes ad integritatem unius, *Neg. Conseq.* Hoc autem non est inconveniens; siquidem Verbum divinum per se assumpsit, & nunc retinet semper naturam humanam, integraliter completam, adeoque omnia illa assumpsit, quæ ad integritatem ejus pertinent; atqui sanguis ad integritatem ejus pertinet: ergo etiam illum assumpsit Verbum.

24. *Objicies 5to.* Corpus humanum est unum ens per se, adeoque habens unicam formam substantialem: ergo non integratur nisi ex illis partibus, quæ informantur ab eadem forma totali; atqui sanguis non informatur ab eadem forma totali: ergo. *Resp. Diss. Imo partem Ant.* Corpus humanum est unum per se, unitate quadam physicæ coordinationis, *Conced.* Unitate formæ, & per perfectam continuationem, *Neg. Ant. & Conseq.* Neque ex hoc inferre licet, quodd in homine essent duæ formæ totales, quod aliàs apud Philosophos non admittitur. Essent quidem, sed in diversa, non in eadem materia; quod non repugnat, ut patet in ferro ignito, in quo sunt duæ formæ substantiales totales, nempe forma ferri, & ignis, sed in diversa materia: ergo &c.

25. *Objicies 6to.* Sanguis non subsistit per ullam subsistentiam: ergo non est immediatè assumptus à Verbo. *Resp. Neg. Ant.* Quia in homine tot sunt subsistentiæ partiales, quot partes, sive *primariò*, sive *secundariò* constitutivæ hominis, ex quibus deinde resultat subsistentia totalis divisibilis, cujus vices supplet subsistentia Divina indivisibilis, utpote infinita, adeoque etiam terminat sanguinem.

26. *Objicies 7mo.* Si Verbum assumpsisset sanguinem, sequeretur, quodd per communicationem idiomatum posset dici: *Verbum est sanguis*; sicut dicitur: *Verbum est homo*; adeoque posset dici: *Verbum est dissu-*  
*sum,*

*sum, & aspersum cruci. Item; sanguis est consubstan-*  
*tialis Patri; atqui hoc non: ergo nec illud. Resp.*  
*Neg. sequel. Maj. Ratio est: quia communicatio idio-*  
*matum non desumitur à partibus, & naturis in-*  
*completis, & ex se ordinatis ad aliam naturam, sed*  
*solummodò à naturis completis & totalibus, ut com-*  
*muniter Theologi docent; hinc Verbum divinum*  
*non potest dici anima, aut corpus, licèt utrumque*  
*immediatè assumpserit: ergo.*

*Objicies 8vo. Ex eo: quòd Verbum non videatur 10- 27.*  
*tum sanguinem assumpsisse. Unde sic: S. Thom. Quod-*  
*libet. 5. a. 5. expressè docet: non totum sanguinem*  
*nutrimentalem; qui ex cibis generatur, pertinere ad*  
*veritatem naturæ humanæ; atqui quod non perti-*  
*net ad veritatem naturæ humanæ, non est assum-*  
*ptum à Verbo: ergo Verbum non videtur totum*  
*sanguinem assumpsisse. Resp. Explicando S. Doctorem:*  
*Et ille loquitur de humore, qui ad formam sanguinis*  
*disponitur, nec dum tamen est verus sanguis, Conced.*  
*Et loquitur de vero sanguine, Neg. Licèt itaque*  
*possit admitti, quòd ille humor, qui ad formam san-*  
*guinis disponitur, nec dum tamen est verus sanguis,*  
*non fuerit à Verbo assumptus, non tamen potest,*  
*nec debet dici, verum sanguinem non fuisse assum-*  
*ptum à Verbo.*

*Objicies 9no. Quod Verbum semel assumpsit, nun-*  
*quam dimisit, juxta celebre Theologorum axioma,*  
*desumptum ex S. Damasceno lib. 3. de orthodoxa fide.*  
*cap. 27. atqui aliquis sanguis fuit dimissus à Verbo:*  
*ergo non totus fuit assumptus. Prob. Min. Sanguis*  
*in passione effusus, non fuit totus reassumptus in re-*  
*surrectione, & reunitus corpori glorioso Christi, sed*  
*relictus in terra pro consolatione, & veneratione*  
*fidelium; atqui iste non est ampliùs unitus Verbo:*



ergo aliquis sanguis fuit dimissus à Verbo. *Prob. Maj.* In lancea *S. Longini*, in sindone, velo *S. Veronica*, fuit verus sanguis, qui in varijs asservatur locis. Item in velo *Beatissima Virginis*, quod stans sub cruce habuit, fuitque sacro sanguine Christi cruentatum, & servatur inter reliquias Metropolitanæ Ecclesiæ Pragenfis: ergo. *Resp. prætermisiss aliorum responsionibus*, explicando axioma: partes essentielles (nempe corpus & animam:) quas semel assumpsit, nunquam dimisit, *Conced.* Partes integrales, præsertim quando desierunt esse partes, tum actu, tum in potentia proxima, *Neg. Axioma.* Illæ autem partes integrales desierunt esse partes, etiam in potentia proxima, quæ ita sunt separatæ à corpore, ut nunquam essent reunientæ corpori Christi in resurrectione, ut patet in præputio, quod reservatur Romæ in Lateranensi, & alijs reliquijs.

29. *R. plicabis.* Si aliquæ partes darentur, quæ non debuissent reuniri in resurrectione Christi, tunc resurrectio Christi non fuisset perfecta & integra; atqui hoc non potest dici: ergo. *Prob. Maj. S. Thom. hic q. 54. a. 2. in Q.* dicit: Omnia ista (nempe caro, ossa,) in corpore Christi resurgentis fuerunt; & quidem integraliter absque omni diminutione, alioquin non fuisset perfecta resurrectio, si non fuisset reintegratum, quid quid per mortem ceciderat: ergo. *Resp. Diss. seqvel. Maj.* Non fuisset integra physice, id est secundum omnes omnino partes etiam minutissimas, *Trans.* Non fuisset integra moraliter, id est secundum majorem sui partem, *Neg. seqvel. Maj.* Patet hoc ex Bulla Pij V. apud Sylvestrum, in qua dicitur: Veritati fidei nullatenus repugnare, si asseratur, Redemptorem nostrum, de sanguine in cruce effuso, ob memoriam suæ passionis, partem aliquam in terris reliquisse: ergo nostrum

nostrum assertum non est contra fidem. Quod at-  
tinet authoritatem S. Thom. Dico, illum loqui de  
partibus actu, vel in potentia proxima constitui-  
vis, adeoque de illis, quæ erant præcipuæ, non ve-  
rò de partibus minùs præcipuis.

*Objicies 1o.* Verbum non assumpsit reliquos tres 30.  
humores, nempe: *pituitam* seu *phlegma*, *flavam*, &  
*atrabilem*: ergo neque sanguinem. *Prob. Ant.* Ari-  
stoteles hos humores vocat excrementitios: ergo.  
*2do.* Verbum non assumpsit immediate spiritus vita-  
les: ergo. *3io.* Non assumpsit dentes, unguës,  
vel capillos: ergo neque totum sanguinem. *Resp.*  
*ad 1um Neg. Ant.* Ratio est: quia etiam isti humo-  
res pertinent ad integritatem corporis humani, &  
per se requiruntur ad illius debitum temperamen-  
tum, ac ad quasdam vitales operationes; hinc etiam  
permanebunt in corporibus gloriolis: ergo. Imò  
ejusmodi humores passim solent comprehendi sub  
nomine *sanguinis*, quia commiscetur cum sanguine,  
eumque efficiunt fluidum & liquidum, ac debitè tem-  
peratum: ergo. Huic rationi addit Authoritatem  
*Innocentii III.* qui cap. 8. *In quadam nostra. de celebratio-*  
*ne Miss.* ait: fluxisse aquam & sanguinem de latere  
Christi, ut ostenderetur, Christum habuisse omnes qua-  
tuor humores. *Ad Prob. Explico Authoritatem Aristotelis:*  
vocat illos excrementitios secundum illam partem,  
quæ est superflua, & idè commiscetur inter visce-  
ra, *Conced.* Secundum illam partem, quæ intrà ve-  
nas commixta est sanguini, *Neg. Authoritatem Ari-*  
*stotelis.* *Ad 2dum, Neg. Ant.* Ratio est: Tum, quia  
spiritus vitales sunt sanguis depuratus ac subtilior.  
Tum, quia pertinent ad perfectionem naturæ hu-  
manæ. Tum, quia sunt connaturalia instrumenta  
animæ ad operandum: ergo. *Ad 3tium, Neg. ite-*



*rum Ant. Ratio est* : quia Verbum divinum assumpsit integram naturam humanam, adeoque cum omnibus partibus naturalibus; atqui dentes, ungues, & capilli, sunt partes naturales humanæ naturæ: ergo etiam hoc Verbum assumpsit, cum aliunde etiam hæc omnia resurgent cum corpore, juxta illud *Lucæ 21. v. 18. Capillus de capite vestro non peribit.* Consequenter Christus hæc omnia habet in cœlo; nullus enim audet dicere, quod sit ibi *calvus*, *edentulus*, aut *imberbis*; atqui nulla alia est hujus ratio, quàm, quia hæc omnia saltèm ad *ornatum*, *integritatem* & *veritatem* naturæ humanæ pertinent, sintque conservativa præstantiorum partium in homine, sicut folia in arbore, sunt conservativa fructuum: ergo.

31. *Replicabis.* Capilli, & barba sunt tantùm excrementa corporis humani, non sunt autem instrumenta actionum vitalium: ergo saltèm barba & capilli non sunt immediatè à Verbo assumpti. *Resp. Neg. Ant.* Capilli enim in probabiliori sententia crescunt, & etiam si non crescerent, adhuc saltèm conducere ad *ornatum* hominis, uti etiam ungues conducunt, qui partim ad *defensionem* animalis, partim ad *ornatum* ejusdem pertinent.
32. *Obicies 1<sup>mo</sup>.* Si Verbum assumpsisset immediatè sanguinem, debuisset etiam immediatè assumpsisse aërem; atqui hoc non: ergo. *Prob. sequel. Maj.* Ideo assumpsit sanguinem, quia est necessarius ad vitam humanam; atqui etiam aër est necessarius ad vitam humanam, cum sine illius continua attractione, & respiratione, vita humana conservari non possit: ergo. *Resp. Neg. sequel. Maj. Ad Prob. Diss. Caus. Maj.* Quia est necessarius, tanquam pars integralis naturæ humanæ, *Conced.* Quia est quomodocunque necessarius

farius ad vitam conservandam, *Neg. Causalem Maj.*  
 Est quidem aer necessarius ad vitam humanam con-  
 servandam, sed, quia est communis omnibus animan-  
 tibus, ut observat *Amicus hic Diss. 15. sect. 7. n. 105.*  
 Ideò assumptâ naturâ humanâ, non debuit necessariò  
 à Verbo assumi; sanguis autem, cùm sit propria pars  
 cujuslibet individui, ideò assumptò individuo huma-  
 nò, debuit etiam sanguis assumi.

## §. II.

*Solvuntur objectiones contra secundam  
 partem Thesis; quæ dicit: quòd Verbum de possibili  
 potuerit assumere, & sibi hypostaticè unire quam-  
 libet naturam, etiam purè materialem, &  
 irrationalem.*

**O**bjicies imò. Ex eo: quòd Verbum divinum non po-  
 tuerit assumere naturam Angelicam. Unde sic:  
 1mò. Assumptio est incarnatio; atqui Verbum  
 non potuit incarnari cum natura Angelica: ergo nec  
 potuit illam assumere. 2dò. Persona Angeli est in-  
 corruptibilis; atqui in assumptione naturæ, deberet  
 corrumpi ac destrui: ergo non poterat assumi. 3iò.  
 Suppositum seu personalitas in natura spiritali, seu  
 Angelica, non distingvitur realiter ab ipsa natura; at-  
 qui repugnat, personalitatem assumi: ergo & naturam  
 Angelicam. *Prob. Maj. Aristoteles 7. metaphys. ità di-*  
*cit: In rebus, quæ materiâ carent, idem est, quòd quid-*  
*quid est cum eo, cujus est; atqui per ly quid quid est, in-*  
*telligitur natura, per ly cum eo, intelligitur persona:*  
 ergo ex mente Philosophi natura in Angelis, qui ca-  
 rent materiâ, est identificata personalitati. 4iò. Per-  
 sonalitas divina non distingvitur realiter ab essentia:  
 ergo



ergo neque Angelica. *Resp. ad 1<sup>um</sup> Dist. Maj.* Assumptio naturæ humanæ, vel alterius carneæ, est incarnatio, *Conced.* Assumptio naturæ puræ spirituales, & non carneæ, est incarnatio, *Neg. Maj.* *Et concessu Min. Neg. Conseq.* *Ad 2<sup>dum</sup> Dist. Maj.* Persona Angeli est incorruptibilis ab intrinseco, naturaliter, & de lege ordinaria, *Conced.* Ab extrinseco, & de potentia Dei absoluta, *subdist.* Ratione naturæ, *Transf.* Ratione subsistentiæ seu personalitatis, *Neg. Maj.* Similiter *Dist. Min. Et Neg. Conseq.* Desineret itaque in nostro casu solus modus seu subsistentia, non verò natura Angeli; imò posset Deus producere novam naturam Angelicam, eamque sibi unire in unitate personæ, & sic nulla daretur corruptio præexistentis subsistentiæ. *Ad 3<sup>ium</sup> Neg. Maj.* Quælibet enim personalitas creata distinguitur modaliter à natura, ut supponimus ex Philosophia. *Ad Prob. explico Philosoph.* Et ille per *ly cum eo cuius est*, intelligit singularitatem, quæ est identificata cum natura, *Conced.* Intelligit personalitatem, quæ primo nobis innotuit ex fide, quâ caruit Aristoteles, *Neg. Textum Philosoph.* *Ad 4<sup>um</sup> Neg. Conseq. Diss. est:* Quia respectu personalitatis divinæ, nullum habemus signum distinctionis; at verò respectu personalitatis creatæ, habemus signum distinctionis, nempe, *separabilitatem*; Verbum enim divinum defacto assumpsit naturam humanam sine personalitate, ut conformiter ad fidem docent Theologi: ergo Personalitas humana est separabilis à natura; & quia eodem modò est discurrendum de personalitate Angelica, quò discurremus de humana, ut patet ex *dictis n. 13.* idèò, sicut personalitas humana est separabilis, ita etiam Angelica.

34. *Obijcies 2<sup>dò</sup>. S. Thom. hic q. 4. a. 1. in ☉* sic concludit: *Unde relinquitur, quòd sola natura humana sit assumpti-*

*assumptibilis*: ergo juxta doctrinam S. Thom. natura Angelica non est assumptibilis à Verbo divino; particula enim exclusiva *solum*, videtur alias naturas ab assumptibilitate excludere. *Resp. D. Thom.* ibi loqui de assumptibilitate secundum congruentiam, quæ quidem naturæ humanæ *perfectè* competit, non verò Angelicæ; nam, ut egregiè ibidem discurrit S. Doctor, in natura assumptibili triplex potest reperiri congruentia, nempe: *dignitatis, necessitatis, & universalitatis*, seu *extensionis*; atqui in natura Angelica non reperitur hæc triplex congruentia: ergo. *Prob. Min.* Licet enim in natura Angelica reperiatur congruentia *dignitatis*, cum in linea intellectuali perfectissima sit, congruentia tamen *necessitatis* illi deest, cum peccatum Angelorum irremissibile sit; similiter & congruentia *universalitatis* seu *extensionis* in ea non reperitur, cum in illa solus gradus intellectualis reperiatur; at verò in homine omnes hæc congruentiæ inveniuntur, cum natura humana, & intellectualis sit, & redemptionis capax, & indigens; atque in homine omnes gradus universi quodammodo contineantur, intelligit enim cum Angelis, vivit cum plantis, sentit cum animalibus, & existit cum lapidibus, alijsque inanimatis; Unde assumptio homine, quodammodo totum universum assumitur; Sicut Evangelium omni creaturæ quodammodo prædicatur, cum homini annuntiatur, ut ait Gregorius Magnus homil. 29. in Evangel. explicans illa verba Christi ad discipulos: *Euntes in mundum universum prædicare Evangelium omni creaturæ*. Ità explicat S. Thom. Gonet hic Diss. 9. a. 1. §. 2. n. 27.

*Obijcies 3tio.* Ex eo: quod natura irrationalis non potuerit assumi à Verbo divino. Jam sic: Natura, quæ non potest elevari ad visionem beatificam, nec potest elevari ad unionem hypostaticam cum Deo; atqui natu-



natura purè materialis non potest elevari ad visionem beatificam cum Deo: ergo neque ad unionem hypostaticam. *Prob. Maj.* Unio hypostatica est radix exigitiva visionis, & hæc est proprietas, consequens ad unionem hypostaticam: ergo natura incapax visionis, est etiam incapax unionis hypostaticæ. *Resp. Neg. Maj. Ad Prob. Dist. Ant.* Unio hypostatica est radix exigitiva visionis beatificæ in subiecto capaci, *Conced.* In subiecto incapaci, *Neg. Ant. Et Conseq.* Sic cadaver Christi, seu corpus, in triduo mortis fuit unitum hypostaticè Verbo, quamvis fuerit incapax visionis beatificæ. Idem est de quatuor humoribus: ergo &c.

36. *Replicabis.* Non potest quælibet creatura videre Deum: ergo neque illi uniri hypostaticè. *Resp. Neg. Conseq. Dist. est:* Quia visio & beatitudo formalis, necessariò præsupponit intellectum, & voluntatem; cùm beatitudo formalis *physicè sumpta*, consistat in operationibus harum duarum potentiarum; atqui non quælibet creatura habet intellectum, & voluntatem: ergo nec quælibet creatura potest videre Deum; at verò unio hypostatica nihil aliud præsupponit, nisi *capacitatem ad suppositari*; atqui stante potentiâ obedientiali, hæc *capacitas* in quilibet natura substantiali reperitur: ergo.

37. *Urgebis.* Quando creatura non potest elevari ad minus, non potest etiam elevari ad majus; atqui minus est videre Deum, quàm illi uniri hypostaticè: ergo, cùm non possit elevari ad visionem beatificam, necque poterit elevari ad unionem hypostaticam. *Resp. Dist. Maj.* Quando majus & minus sunt ejusdem ordinis, & minus includitur in majori, *Conced.* Quando sunt diversi ordinis, & minus non includitur in majori, *Neg. Maj.* Sic Angelus potest  
natura-

*naturaliter* intelligere, & *supernaturaliter* Deum videre, non tamen potest ridere, quod est minus; & homo potest discurrere, non tamen volare: ergo.

*Argues.* Esse, est propter operari: ergo natura incapax elevari ad operationem Divinam, qualis est visio, est etiam incapax elevari ad esse Divinum. *Resp.* *Dist. Ant.* Esse naturæ, seu essentia, est propter operari, *Conced.* Esse personale, & suppositale, *Neg. Ant.* Esse naturæ ita ordinatur ad operari, tanquam *formale principium* operationum, ut saltē *naturaliter* non possit reperiri, ubi operari illi proportionatum est impossibile; esse autem *personale & suppositale*, cū nullam habeat operationem sibi propriam, non est propter operari *formaliter, & immediate*. Deinde natura purē materialis, posset elevari ad aliquas actiones miraculosas, quæ etiam vocantur *Divina*, licet non elevaretur ad visionem beatificam: ergo &c.

*Obijcies 4to.* Natura incapax sanctitatis, est etiam incapax unionis hypostaticæ cum Deo; atqui natura irrationalis est incapax sanctitatis: ergo etiam est incapax unionis hypostaticæ cum Deo. *Prob. Maj.* Subiectum incapax effectus formalis formæ, est etiam incapax formæ; atqui unio hypostatica cum Deo, habet pro effectu formali sanctificationem naturæ, quæ ipsi conjungitur: ergo natura incapax sanctificationis, est etiam incapax unionis hypostaticæ cum Deo. *Resp. Neg. Maj. Ad ejus Prob. Dist. Maj.* Subiectum incapax effectus formalis primarij, est etiam incapax formæ, *Conced.* Subiectum incapax effectus formalis secundarij, *Neg. Maj.* Et sub eadem distinctione, *Neg. Conseq.* Potest itaque subiectum esse capax formæ, & ejusdem effectus primarij, licet non sit capax effectus secundarij, ut patet in anima Christi, capax



capaci gratiæ habitualis, quæ tamen incapax est filiationis adoptivæ, quæ à gratia habituali præstatur. Unde cum persona Divina, unita naturæ creatæ, non habeat pro effectu *formali primario*, ut illam constituat gratam & sanctam, sed, ut illam reddat substantentem; ideo hæc natura capax est istius effectus, vel *quasi effectus formalis*, etiamsi incapax sit sanctitatis, capax tamen est unionis hypostaticæ cum Deo. *Resp. ad. Dist. Maj.* Natura incapax sanctitatis physicæ, in ordine ad cultum patriæ, est etiam incapax unionis, *Conced.* Incapax sanctitatis moralis, & in ordine ad actus meritorios eliciendos, est etiam incapax unionis, *Neg. Maj.* Sanctificare enim, *moraliter* respicit capacitatem subjecti; cum itaque natura irrationalis non sit capax *sanctificationis moralis*, ideo Verbum in nostro casu non tribueret ipsi hunc effectum.

40. *Objicies s. id.* Natura irrationalis non est personabilis: ergo non est assumptibilis. *Prob. Ant.* Persona communiter definitur: quod sit *naturæ rationalis individua substantia*: ergo natura irrationalis & inanimata, non est personabilis, seu non est capax personalitatis, per consequens non potest assumi à Verbo. *Resp. Dist. Ant.* Non est personabilis quoad nomen, id est, non potest nominari persona, *Conced.* Non est personabilis quoad rem, id est quoad hoc, quod est esse substantentem incommunicabiliter, *Neg. Ant.* Persona enim Divina naturæ rationali dat esse *personæ*: irrationali dat tantum *rationem suppositi*, ut patet in sanguine Christi, qui non dicitur persona, sed tantum suppositum, aut subsistens subsistentiæ Verbi.

41. *Replicabis.* Effectus formalis personæ assumptibilis, est reddere naturam personatam; atqui natura irrationalis non potest reddi personata, ex dictis: ergo

ergo non potest assumi à Verbo. *Resp. Dist. Maj.* Est reddere naturam personatam, si natura sit capax hujus effectus formalis, *Conced.* Si non sit capax, uti natura irrationalis non est capax; *Neg. Maj.* Aut aliter: est reddere personatam quoad rem, *Conced.* Quoad nomen, *Neg. Maj.* Persona enim divina tribuit naturæ hanc denominationem personalitatis, si sit rationalis; Si verò sit irrationalis, tribuit ei tantum denominationem suppositi, & quia in nostro casu esset natura irrationalis, ideo faceret cum illa suppositum, non verò Personam.

*Objicies 6to.* Dedecet Divinam Majestatem, ut fiat 42<sup>us</sup> fus, aut mus, vel lapis: ergo. *Resp. Dist. Ant.* Dedecet negativè, id est, minus congruum est, *Conced.* Positivè, *Neg. Ant.* Illa enim non magis Deum dedecet, quàm conspui, flagellari, mori, &c. cum nullam arguant imperfectionem in persona Divina, sed solam denominationem à tali unione proveniente. Monent tamen Theologi, nè illa, quæ magnam vililitatem, juxta nostram imaginationem continent, temerè dicantur de Deo coram simplicibus, propter periculum irreverentiæ; similiter ob eandem rationem non debet fieri mentio præsentis Divinæ, quæ Deus per immensitatem suam, præsens est rebus sordidissimis.

*Objicies 7mo.* Si natura inelevabilis ad operationes Divinas, posset assumi à Verbo, sequeretur, naturam rationalem de se elevabilem, posse assumi, quin actu illius elevarentur potentis; atqui hoc implicat: ergo. *Maj. cum Conseq. tenet. Prob. Min.* Si natura rationalis posset assumi, non elevatis potentijs ad divinas operationes, sequeretur, quod posset assumi & manere peccabilis, nam potentis non elevatæ possunt deficere & peccare; atqui hoc non; cum in natura assumpta implicet peccatum, ut ve-

rior



rior docet sententia : ergo natura elevabilis non potest assumi, non elevatis etiam potentijs. *Resp. 1mo.* In sententia non distinguente potentias ab anima, *Neg. Maj.* Impossibile enim est, ut unum realiter identificatum elevetur, quin etiam & alterum elevetur, realiter identificatum. *Resp. 2do. Concessa Maj. Neg. Min.* Ad cuius Prob. Dico : Non ideo potentias naturæ assumptæ, defectibiles non esse, quia *intrinsecè* sunt elevatæ, ad operationes supernaturales, sed quia sunt *Divini suppositi*. Unde, quia actiones sunt suppositorum, supposito autem Divino repugnat actio peccaminosa ; ideo, quamvis potentias *intrinsecè* elevatæ non essent, tamen *defectuosè* operari non possent. Ità *Godoy hic q. 4. Tract. 4. Disp. 8. §. 6. n. 92.*

44. *Obicies 8vo.* Si Persona Divina posset assumere unam naturam irrationalem, posset etiam simul omnes assumere : ergo totum universum posset fieri unicum suppositum. *Resp. Conced. Totum.* Utrum autem tali casu omnes illæ naturæ assumptæ, earumque collectio retineret rationem universi, resolvendum est à Philosophis ; siquidem hæc quæstio, & decisio ejusdem dependet, ab hac : utrum ad rationem universi requiratur, non tantum generum, specierum, & individuorum, sed insuper etiam *suppositorum distinctio*.

45. *Obicies 9no.* Deus non potest assumere naturam creatam accidentalem, seu accidens : ergo nec quamcunque substantiam creatam. *Resp. Trans. Ant. Neg. Conseq. Disp. est :* quia accidens est entis ens, & comparatur ad substantiam, sicut actus ad potentiam : ergo, ut substantia possit *immediatè* uniri accidenti, debet aliquomodo esse *perfectibilis*, & in potentia ; atqui Deo repugnat esse *perfectibile*, & in potentia, cum

cùm sit actus purus: ergo repugnat, Deum *immediatè* uniri accidenti; at verò natura & substantia creata, habet se ad *subsistentiam*, ut potentia ad suum ultimum actum substantialem: ergo, ut possit uniri *subsistentiæ divinæ*, sufficit, ut actuetur per *subsistentiam*; non verò requiritur, ut vicissim actuet aut perficiat: ergo potest substantia creata, *immediatè* uniri *subsistentiæ* Divinæ, licèt non possit eidem uniri accidens.


*Obicies tomò.* Non bene arguitur, à corpore in 46. triduo mortis Christi, ad alias naturas irracionales: ergo etiamsi illud fuerit terminatum à Verbo divino, non sequitur, quòd possint etiam terminari aliæ naturæ irracionales. *Prob. Ant.* Corpus Christi in triduo mortis, licèt actu non fuerit naturæ rationalis, dicebat tamen *ordinem* ad animam rationalem, adeoque erat pars naturæ rationalis; & per consequens capax unionis substantialis cum Verbo; atqui aliæ naturæ irracionales, non dicunt *ordinem* ad animam rationalem: ergo à corpore Christi in triduo mortis, non bene arguitur ad alias naturas irracionales. *Resp. Neg. Ant. Ad Prob. Neg. Maj.* Falsum etenim est, ut observat Godoy hic q. 4. tract. 4. *Diff.* 18. §. 4. n. 67. Quòd corpus Christi mortuum, dicat *ordinem*, aut dicere possit ad animam rationalem. *Ratio est:* quia, cùm *reunitio* animæ cum corpore sit supernaturalis, non potest illam, corpus separatum ab anima, exigere: ergo sinè tali *ordine*, salvatur *assumptibilitas*; & per consequens natura irrationalis non dicens *ordinem* ad animam rationalem, adhuc *assumptibilis* est à Verbo. 2<sup>dd</sup>. Nam, estò dicatur materiam corporis Christi, Verbo unitam in sepulchro, post mortem *ordinem* dicere ad animam rationalem, compositum tamen ex materia & forma cadaveris, talem *ordinem* non dicit; atqui hoc compositum fuit uni-

S  
tum



tum *substantialiter* Verbo in sepulchro : ergo natura irrationalis non dicens *ordinem* ad animam rationalem, est capax unionis *substantialis* cum Verbo. *3<sup>id</sup>*. Estò diceret ordinem ad animam rationalem, ex hoc tamen ordine non redditur capax operandi operationes divinas, nec sanctitatis *substantialis*, nec personalitatis, *ut* *personalitas* est; & tamen, *ut* Adversarij fatentur, & tenentur fateri, est capax unionis *substantialis* cum Verbo: ergo quamvis natura irrationalis, non dicens *ordinem* ad animam rationalem, nec potens esse pars rationalis naturæ, incapax sit ad prædictas operationes sanctitatis *personalis*, & personaliter subsistendi, tamen erit capax assumptionis à Verbo, & unionis *substantialis* cum ipso: ergo, cum solummodò ex illis capitibus incapax assumptionis ab Adversarijs probetur, ideò negare tenentur talem incapacitatem in natura irrationali; adeoque natura irrationalis est assumptibilis à Verbo.

47. *Objicies 1<sup>mo</sup>*. Natura rationalis, ideò potest assumi à Verbo, quia respectu hujus assumptionis potest haberi honestus finis, nempe, redemptio generis humani; atqui respectu naturæ irrationalis assumptibilis, non potest haberi honestus finis: ergo hæc non potest assumi. *Resp. Neg. Min.* Hujus enim assumptionis, potest esse respectu Dei finis, manifestatio suæ Omnipotentiae; atqui iste finis est honestissimus: ergo &c.



## THESIS VIII.

*Humanitas Christi fuit sancta formaliter, non solum (imò.) per substantialem sanctitatem Verbi.* Ità S. Thom.

3. p. q. 2. a. 10. ad 1. Cardinalis de Lugo *Disp.* 16. sect. 1. Valentia *Disp.* 1. q. 7. punct. 1. Becanus cap. 8. q. 1. Godoy *hic tract.* 8. *Disp.* 21. §. 1. de Rhodes *hic Disp.* 3. q. 1. sect. 1. §. 1. Leonardus Penafiel *hic Disp.* 12. sect. 1. subsect. 1. cum viginti quatuor Authoribus. Sed etiam (2dò.) per sanctitatem accidentalem. Hanc Suarez *hic Disp.* 18. sect. 2. censet esse de fide & varijs sacre scripturæ, Conciliorum & SS. Patrum testimonijs confirmat. Valquez tamen *Disp.* 41. sect. 1. Negat illam esse de fide, licet sine temeritate eam non possit negari, affirmet. Accedit Scotus in 3. *Disp.* 1. q. 1. Maioribus *hic Disp.* 2. q. 1. a. 1. Amicus *Disp.* 6. sect. 1. Responding. q. 10. a. 2. de gratia Christi. controvers. 1. Et plures alij apud citatos Autores relati.

**P**robatur ima pars Thesis imò. Ex eo: quòd humanitas Christi fuerit sancta formaliter per substantialem sanctitatem Verbi. Et quidem Authoritate S. Scripturæ. Unde sic: Psalm. 44. dicitur: Unxit te Deus, Deus tuus oleo lætitiæ. Item Isaia 61. Et Luc. 4. Spiritus Domini super me, propter quod unxit me. Item Act. 4. & 10. Unxit eum Spiritu Sancto, & virtute. Quæ loca S. Scripturæ explicantes SS. Patres dicunt: hanc unctionem, quâ Christus homo fuit unctus, & à qua Christus est appellatus, esse ipsam Divinitatem, seu Verbum, per cuius præsentiam humanitas



nitas sanctificatur. Hinc S. August. lib. 15. de Trinit. cap. 26. ait : Tunc unctam fuisse invisibili Deo humanam naturam, quando Divine juncta est Personæ. S. Anselmus in caput ad Hebr. 1. ita inquit : Non ante Conceptus, & postmodum unctus, sed hoc ipsum de Spiritu Sancto, & carne Virginis concipi, Spiritu Sancto ungi fuit. Idem habet S. Gregorius Nazianzenus Oratione 36. ita dicens : Divinitas est unctio humanitatis, non operatione, ut in alijs Christis, sed totius unientis presentia : ergo. Idem sentiunt alij SS. PP. apud Vasquez Diss. 41. cap. 1.

2. Probatur 2do. Ratione desumpta ex S. Thom. loc. supr. cit. Sic ad 1. docente : Dicendum, quod gratia, quæ est accidens, est quedam similitudo divinitatis participata in homine; per incarnationem autem humana natura non dicitur participasse similitudinem aliquam divine nature, sed dicitur esse conjuncta ipsi Divine nature in persona Filij magis autem est ipsa res, quam similitudo ejus participata. Unde sic : Illa est forma sanctificans, quæ evehit subiectum ad esse Divinum, quæ fundat jus ad æternam beatitudinem, quæ reddit subiectum gratum Deo, & dignum ad terminandam amicitiam Dei supernaturalem; atqui hæc omnia præstat Verbum divinum, hypostaticè unitum humanitati, & quidem præstantiori & excellentiori modo, quam gratia accidentalit : ergo. Prob. Min. Verbum divinum hypostaticè unitum humanitati, multò magis naturam humanam evehit ad esse Divinum, reddit illam gratam Deo, & dignam ad terminandam amicitiam Dei supernaturalem, quam gratia habitualis; siquidem natura humana per gratiam habitualem solum participativè, & moraliter unitur Deo; per unionem autem hypostaticam unitur realiter & physice Verbo : ergo. Hinc SS. PP. dicunt, humanitatem

tem propter unionem ad Verbum fuisse *Deificatam*,  
*Deitate perfusam* &c. quam unionem explicant ex-  
 emplò ferri in fornace igniti, ponuntque discrimen  
 inter Christum & cæteros sanctos, quòd isti *partici-*  
*pative* dicantur sancti, Christus verò *substantive*, ut  
 discurret S. August. lib. 2. de *Incarnat. Verbi*. circa mè-  
 dium.

*Probatur 3<sup>id</sup>. Et magis declarantur dicta.* Illud do- 3.  
 num *formaliter* sanctificat, quod donatarium reddit  
*formaliter* consortem Naturæ Divinæ, gratum, ami-  
 cum, filium Dei, & quod *formaliter* excludit peccatum  
 Deo odibile, constituit hæredem gloriæ æternæ &c.  
 ut colligitur ex *Trident. Sess. 6. de justificat. cap. 7.* At-  
 qui Verbum, seu Divinitas hypostaticè unita humani-  
 tati, mediante personalitate Verbi, & unione hypo-  
 staticâ, hæc omnia præstat in Christo, & quidem mul-  
 to perfectiùs, quàm gratia habitualis in cæteris ho-  
 minibus: ergo. *Prob. Min.* Imprimis enim Divini-  
 tas unita humanitati, reddit illam *substantialiter* Dei-  
 ficatam, & non tantùm *accidentaliter* participem &  
 consortem naturæ Divinæ, sicut gratia habitualis.  
 2<sup>do</sup>. Constituit humanitatem objectum *complacentiæ*,  
 & *amicitiæ* divinæ, & quidem tam perfectè, ut nihil  
 possit eorum negare Deus, quæ humanitas Christi  
*absolutè* & *efficaciter* petit ab eo. 3<sup>id</sup>. Fundat filia-  
 tionem non tantùm *adoptivam*, sed etiam *naturalem*;  
 Christus enim, etiam quâ homo, est Filius Dei na-  
 turalis, quia non est extranea Persona. 4<sup>to</sup>. Exclu-  
 dit ab humanitate Christi omne peccatum, etiam  
 veniale; imò etiam ipsam *peccabilitatem*, seu poten-  
 tiam proximam peccandi, ut dicetur *Thesi 10.* Deni-  
 que constituit humanitem hæredem *gloriæ æternæ*,  
 dignam *calce lavæ*, & amore omnium creaturarum:  
 ergo humanitas Christi sanctificatur à Verbo, & cùm  
 illi



illi ipsissimum Verbum uniatur, sanctificatur *substantialiter*.

4. *Probatur 4to.* Cum de Rhodes *Disp.* 3. de *Incarnat.* q. 1. *sect.* 1. §. 1. Humanitatem sanctificari *substantialiter*, est illam habere in se aliquid *substantiale*, per quod nullum in se admittere possit peccatum, potentias omnes rectè ordinatas habeat, & omnes operationes conformes regulæ rationis; atqui humanitas Christi, eò ipsò, quòd uniatur *substantialiter* Verbo, habet in se *Deitatem substantialiter*, per quam excluditur omne peccatum, redditurque *perfectè* recta ac conformis regulæ rationis: ergo humanitas Christi redditur per gratiam unionis sancta *substantialiter*, id est, habens in se aliquid *substantiale*, per quod redditur incapax peccati, *perfectè* recta, ac conformis regulæ rationis. *Prob. Min.* Quia implicat, ut humanitas participet Divinum esse *substantiale*, quin sit incapax peccati, & *perfectè* quoad omnia recta; si etenim gratia accidentaliter sanctitas est, ex eo, quòd sit *similitudo* quædam *Deitatis*, & ejus veluti participatio, quòd magis Deitas ipsa, quæ in se sanctitas est, conferet humanitati effectum illum formalem sanctitatis: ergo.

5. *Probatur 5to.* cum Godoy q. 7. de gratia Christi. *iraff.* 5. *Disp.* 21. §. 1. n. 17. Donum in radice continens omnia, ad ordinem gratiæ spectantia, reddit subiectum cui datur, *amicabiliter* dilectum à Deo, in quo consistit esse *gratum*, & *formaliter* sanctum; atqui gratia unionis, est donum humanitati factum, continens *radicaliter* omnia ad ordinem gratiæ spectantia, ut fatentur contrariæ sententiæ Authores; aliàs nec *radicaliter* humanitatem Christi sanctificaret, cujus contrarium affirmant: ergo gratia unionis ratione sui, constituit humanitatem Christi *amicabiliter* dilectam à Deo,

à Deo, & conſequenter non ſolùm *radicaliter*, ſed *formaliter* ſanctam. *Confirmatur 1<sup>mo</sup>*. Quia gratia habitualis continet gloriam *radicaliter*, ideò reddit animam gratam, & ſanctam *formaliter*; atqui etiam gratia unionis continet gloriam *radicaliter*; imò eminentius, quàm gratia habitualis, cùm ipſam gratiam habitualement *radicaliter* contineat: ergo gratia unionis conſtituit humanitatem Chriſti *formaliter* gratam & ſanctam. *Confirmatur 2<sup>do</sup>*. Nam, eſt gratia habitualis permodùm *radicis phyſicæ*, contineat habitus viæ, gloriæ tamen ſolummodò continet *moraliter*, ſaltem prodeſt gratia viæ; & tamen ſtante hac continentia, ſanctificat *formaliter* animam: ergo etiam eſt gratia unionis non *phyſicè*, ſed tantùm *moraliter* contineat in radice gratiam habitualement & gloriam, nihilominus ſanctificabit humanitatem Chriſti *formaliter*.

*Probatur 6<sup>to</sup>*. Si Chriſti humanitas, non haberet 6. aliam ſanctitatem, niſi hanc, quæ provenit à gratia habituali, ejus opera non haberent infinitum valorem in ratione meriti; atqui habent, ut probabilior *Thomiſtarum* docet ſententia: ergo alia ſanctitas excellentior debet poni in Chriſto, per quam reddantur ſancta; atqui alia eſſe non poteſt, quàm illa, quæ in ipſa *formali* aſſumptione communicatur humanitati à Verbo Divino: ergo. *Prob. ſequel. Maj.* Sanctitas per gratiam habitualement, non poteſt dare humanitati, & mediante hac, operibus Chriſti valorem, niſi *ſinitum & limitatum*; cùm ſit ex ſe finita & inferioris ordinis à ſanctitate ſubſtantiali: ergo ſi Chriſti humanitas non haberet aliam ſanctitatem, niſi hanc, quæ provenit à gratia habituali, ejus opera non haberent *infinitum valorem* in ratione meriti.

*Dices*. Ut opera Chriſti ſint infinita in valore me- 7.



ritorio, sufficit, quod persona Verbi sit sancta infinite in se: ergo quamvis humanitas non sit infinita sancta, adhuc opera meritoria possunt esse valoris infiniti. *Resp. Neg. Ant.* Nam ad hoc, ut opera Christi sint meritoria, non sufficit sanctitas Verbi in se ipsa sed requiritur sanctitas personæ Verbi, ut est homo ergo ad infinitatem meritoriam illorum, non sufficit sanctitas infinita Verbi in se ipso, & ut est Deus sed requiritur sanctitas infinita Verbi, prout hominis & per consequens requiritur sanctitas infinita humanitatis. *Prob. Ant.* Ad valorem meritorium operum requiritur sanctitas merentis elicitive; atqui elicitive merens per opera Christi non est Verbum in se ipso nec Verbum, ut in Deitate subsistens, sed Verbum quatenus homo: ergo ad rationem prædictorum operum, non sufficit sanctitas personæ Verbi in se ipsa & ut Deus est, sed requiritur sanctitas personæ Verbi, ut est homo. *Godoy q. 7. de gratia Christi. tract. 5. Diss. 21. §. 1. n. 19.*

8. Probatur 2da pars Thesis 1mò. Ex eo: quod humanitas Christi fuerit etiam sancta per sanctitatem accidentalem, & quidem Auctoritate Sac. scriptura. Unde sic: Joannis 1. dicitur de Christo: Plenus gratia & veritatis; atqui hic textus non verificaretur, nisi in Christo esset gratia habitualis, quæ Christum sanctificet accidentaliter: ergo. Ad quem textum etiam S. August. respexisse videtur, dum lib. 15. de Trinit. cap. 26. loquens de donatione Spiritus Sancti per gratiam sanctificantem, ita inquit: Dominus ipse Jesus non solum Spiritum Sanctum dedit ut Deus, sed etiam accepit ut homo, & propterea dictus est plenus gratia, quia unxit eum Deus Spiritu Sancto, non utique oleo visibili, sed dono gratiæ, quod visibili significatur unguento, quod baptizatos ungit Ecclesia. Ubi aperte est sermo de dono gratiæ creatæ, & habitualis: ergo.

Probatur 2dò. Authorit. S. Bernardi Doctoris Mel-  
lisui, qui homil. 4. in missus. explicans illa Verba Luc.  
1. Ideoque, & quod nascetur ex te Sanctum; ita habet:  
Posuit indefinitè Sanctum, quia quidquid illud sit, quod  
Virgo genuit Sanctum, procul dubiò, ac singulariter San-  
ctum fuit, & per Spiritus Sancti sanctificationem, &  
per Verbi assumptionem. Quibus Verbis clarè distin-  
guit duplicem gratiam in Christo; unam assumptio-  
nis, quæ est increata & substantialis, alteram san-  
ctificationis, quæ est creata & accidentalis: ergo.

Probatur 3tiò. Rationibus Divi Thomæ hic. q. 7. a. 1. 10.  
Prima est: Quantò subjectum receptivum, est ma-  
gis propinquum causæ influenti, tantò magis parti-  
cipat illius causæ influxum; atqui anima Christi per  
unionem hypostaticam, est maximè propinqua Deo,  
qui est gratiæ habitualis Author: ergo maximè par-  
ticipat influxum gratiæ habitualis; & ideo Joannis 1.  
dicitur: De plenitudine ejus nos omnes accepimus; nos  
inquam, velût membra à capite, rivos habitualis gra-  
tiæ tanquam ex fonte illius participavimus: ergo.  
Secunda est: Humana natura in Christo habuit suas  
operationes supernaturales, nempe, cognitionem &  
dilectionem Dei perfectissimam: ergo etiam habuit  
connaturalia earum operationum principia, nempe,  
virtutes supernaturales; atqui illæ virtutes emanant  
ex gratia habituali, ut proprietates ex radice proxima:  
ergo signum est, quòd etiam Christus habuerit gra-  
tiam habitualement. Tertia est: Perfectio, quæ com-  
municatur effectui, præexistit formaliter in causa  
efficiente, si imperfectionem non dicat repugnan-  
tem causæ; atqui anima Christi Domini influit gra-  
tiam habitualement in animas justorum, & aliàs gra-  
tia habitualis non dicit imperfectionem illi repu-  
gnantem, ut patebit ex solutione objectionum: er-  
go illam habuit formaliter.

Proba-



11. Probatur 4to. Cum Amico hic *Diff. 16. sect. 1. n. 14.*

Cui communicatur aliquod esse, eidem connaturaliter debentur omnes perfectiones à tali esse promanabiles, quæ subjectum, cui tale esse communicatur, possunt perficere; atqui humanitati Christi *intrinsecè, & substantialiter* communicatum est ipsum esse Divinum Verbi: ergo eidem connaturaliter debentur omnes perfectiones supernaturales creatæ, ab hoc esse Divino promanabiles, quæ humanam Christi naturam quodcumque modò perficere, ac decorare possunt; atqui gratia habitualis est talis perfectio: ergo. *Prob. Maj.* Ideò corpori humano debentur omnes perfectiones ab anima rationali promanabiles, quæ ipsum corpus ornare possunt; quia eidem *intrinsecè* communicatur ipsum esse *substantiale* animæ rationalis. *Item,* ideò habenti gratiam habitua-lem, sunt *connaturaliter* debitæ omnes virtutes, quia hæ aptæ sunt promanare à gratia habituali, ut à prima radice: ergo etiam, ideò omnia dona supernaturalia creata naturæ humanæ perfectiva, *connaturaliter* sunt debita humanitati Christi, quia hæc omnia sunt apta promanare à Verbo Divino, quod *intrinsecè & substantialiter* est illi communicatum; adeoque humanitas Christi accipiendo, mediante unione, esse increatum Verbi, simul cum illo accipit omnia dona supernaturalia, quæ inesse Verbi *eminenter* continentur, & quæ apta sunt naturam humanam perficere ac decorare; atqui gratia habitualis continetur *eminenter* inesse Verbi, & est apta perficere ac decorare naturam humanam: ergo data fuit humanitati Christi.

12. Probatur 5to. cum Gonet *Diff. 12. de gratia Christi habituali. a. 1. § 1. n. 7.* Omnis perfectio spiritualis competens hominibus iustis, concedenda est humanitati

ti Christi, si non pugnet cum visione beatifica, aut cum unione hypostatica; atqui gratia habitualis est maxima perfectio spiritualis, competens animabus iustorum, & aliàs non pugnat cum visione beatifica, neque cum unione hypostatica: ergo tribuenda est animæ Christi.

## §. I.

*Solvuntur objectiones contra imam partem Thesis, quæ dicit: quòd humanitas Christi fuerit formaliter sancta, per sanctitatem substantialem.*

**O**bjicies 1<sup>mo</sup>. Ex eo: quòd humanitas Christi non videatur fuisse formaliter sancta, per sanctitatem substantialem Verbi. Unde sic: sancti Patres asserentes Divinitatem esse unctiōem humanitatis, non sunt intelligendi in sensu formali, quasi ipsa Divinitas esset formaliter ratione sui unctio humanitatis, sed in sensu causali, quatenus scilicet, ex unione Divinitatis cum humanitate derivatur, & resultat in anima Christi gratia habitualis, quâ humanitas ejus formaliter ungitur, & formaliter sanctificatur. Resp. Neg. Ant. Ratio est: 1<sup>mo</sup>. Quia si Divinitas solummodò causaliter sanctificaret humanitatem Christi, sanctificaretur operatione divinâ, cum gratia formaliter sanctificans illam, à Divinitate efficienter causetur; atqui Nazianzenus & Damascenus dicunt, quòd Divinitas sit unctio humanitatis, non operatione, ut in alijs Christiis sanctificans, sed totius unienis præsentia: ergo Divinitas non causaliter, sed etiam formaliter est unctio, & sanctitas humanitatis Christi. Ratio est: 2<sup>do</sup>. Quia juxta Nazianzenum aliter comparatur



ratur Divinitas ad humanitatem Christi in ratione unctionis & sanctitatis, ac ad alios homines iustos; atqui Divinitas est aliorum iustorum sanctitas, & unctio *causaliter*; causat enim in illis gratiam, quæ unguuntur & sanctificantur *formaliter*: ergo Divinitas est unctio *formaliter* (*provi ly formaliter, contraponitur ly radicaliter, non verò ly materialiter*: ) & non solum *causaliter* humanitatis Christi. *Gonet hic Disp. II. a. 1. §. 1.*

14. *Obicies 2da.* Illud solum est *formaliter* sanctum, gratum &c. quod est sanctum, gratum &c. per formam intrinsecam; atqui implicat, ut divina sanctitas sit forma humanitati intrinseca: ergo. *Resp. Disp. Maj.* Quod est sanctum, gratum &c. per formam, vel quasi formam, *Conced.* Tantum per formam propriè dictam, *Neg. Maj.* Similiter *Disp. Min. & Neg. Conseq.* Sanctitas divina non perficitur *intrinsecè* inesse, vel in operari; adeoque non est forma propriè dicta, est tamen quasi forma, quia communicat naturæ humanæ *effectum formalem* sanctitatis, quæ natura humana, physicè, ac *intrinsecè* unitur Divinitati, mediante personalitate Verbi: ergo.
15. *Obicies 3ta.* Divinitas unitur humanitati tantum mediâtè, nimirum mediante personalitate Verbi: ergo non potest humanitatem *formaliter* sanctificare. *Resp. Neg. Conseq.* Quia etiam gratia habitualis soli animæ immediâtè unitur, hac mediante toti humanitati, & tamen denominat totam humanitatem *formaliter* sanctam. *Item*, intellectio & volitio, ununtur hominis animæ, mediantibus potentijs, & tamen denominant animam *formaliter* intelligentem & volentem: ergo idem dicendum est de sanctitate substantiali Christi.
16. *Obicies 4ta.* Impossibile est, ut Verbum se ipsò causet effectum formalem, qui est gratiæ habitualis

lis proprius; effectus enim formalis proprius, juxta multos, est indistinctus à forma, nec potest finè tali forma haberi; atqui reddere formaliter sanctum, est effectus proprius gratiæ habitualis: ergo. *Resp. cum Godoy hic q. 7. tract. 5. Diss. 21. §. 2. n. 29. Dist. Min.* Reddere formaliter sanctum sanctitate accidentali, est effectus proprius gratiæ habitualis, *Conced.* Reddere formaliter sanctum sanctitate substantiali, *Neg. Min. Et Conseq.* Sola increata sanctitas, potest *substantialiter* reddere sanctum; quia verò personalitas Divina, ut præcisa à Divinitate, non dicit in conceptu suo explicito hujusmodi sanctitatem, idèò Divinitas mediante personalitate Verbi, & unione hypostaticâ, sanctificat *substantialiter formaliter* humanitatem *ut quod*; personalitas autem Verbi, & unio hypostatica tantum sanctificat *ut quo*.

*Obiicies 5to.* Quod constituit animam Christi sanctam *radicaliter*, non potest illam constituere *formaliter* sanctam; atqui gratia unionis, constituit animam Christi sanctam *redicaliter*: ergo non potest illam constituere sanctam *formaliter*. *Min. constat.* Nam unio hypostatica est radix gratiæ habitualis, quæ sanctificat *formaliter* animam Christi. *Prob. Maj.* Nihil potest se habere respectu ejusdem effectus formalis permodum *radicis*, & permodum constitutivi *formalis* illius; unde, quia homo per animam rationalem est *radicaliter* risibilis, non potest per eandem esse *formaliter* talis, sed solum per risibilitatem, quæ ipsum constituit *formaliter* risibilem: ergo quod constituit animam Christi sanctam *radicaliter*, non potest simul illam constituere talem *formaliter*. *Resp. Dist. Maj.* Quod constituit animam Christi sanctam *radicaliter*, sanctitate accidentali, non potest illam constituere talem *formaliter*, eadem sanctita-



ditate accidentali, *Conced.* Aliâ sanctitate, scilicet, substantiali, & personali, *Neg. Maj.* Nihil enim repugnat, aliquid esse radicem respectu unius, & simul esse formam constitutivam alterius: ergo &c.

18. *Objicies 6<sup>ta</sup>.* Forma unita subjecto, omnem suum effectum formalem illi tribuit; atqui si Verbum unitur animæ irrationali, illam non redderet sanctam sanctitate substantiali: ergo talis sanctitas non est effectus formalis gratiæ unionis; adeoque humanitas Christi per tale donum non redditur sancta substantialiter. *Resp. Dist. Maj.* Forma unita subjecto capaci, tribuit illi omnem suum effectum formalem, *Conced.* Unitâ subjecto incapaci, *Neg. Maj.* Patet hoc in gratia habituali, quæ non dat Christo esse Filium Dei adoptivum: quia ad hunc effectum non reperitur in illo capacitas. Constat etiam in subsistentia Verbi, unita naturæ bruti, quæ illam personatam non redderet, sed tantum suppositatam, etiam si personalitas Verbi sit potens utrumque præstare. Cum itaque natura irrationalis non sit capax sanctitatis, ideo Verbum illi unitum, non redderet illam sanctam defectu capacitatis, licet esse sanctum substantialiter, sit effectus formalis gratiæ unionis.

19. *Objicies 7<sup>ma</sup>.* Illud solum sanctificare potest formaliter, ratione cujus subjectum acceptatur ad gloriam; atqui ratione gratiæ unionis, non acceptatur subjectum ad gloriam: ergo per gratiam unionis non sanctificatur formaliter. *Prob. Min.* Posset Deus humanitati Verbo hypostaticè unitæ, vitam æternam, de absoluta potentia negare: ergo. *Resp. Neg. Min. Ad Probat. Dist. Ant.* Et tali casu maneret tamen humanitas Christi acceptata in jure, licet non in re, *Conced.* Et non maneret acceptata in jure, *Neg. Ant.* In casu enim, quô Deus humanitati hypo-

positivè Verbo unitæ, vitam æternam negaret, maneret adhuc humanitas vi gratiæ unionis, acceptata ad vitam æternam *in jure*, etiamsi *in re*, & *defacto* non esset acceptata ad illam, ut petebat gratia unionis, quantum est de se; hoc autem sufficit, ut sit formalis sanctitas, ut patet in gratia habituali, quæ sanctificat hominem formaliter, sanctitate accidentali, & dat jus ad beatitudinem, facitque hominem acceptum ad illam, quamvis de potentia absoluta homo iustus, & in gratia constitutus *in re*, & hic & nunc, posset non acceptari ad illam; potest enim Deus homini in gratia constituto vitam æternam negare; imò & illum in æternum punire, suâ utens absolutâ potentiâ.

*Obijcies svò.* Si sanctitas increata sanctificaret humanitatem Christi formaliter, tunc illam sanctificaret, vel finitè, vel infinitè, atqui nullò modò illam sanctificat: ergo. *Prob. Min.* Non finitè: quia forma infinita non potest tribuere effectum formalem, nisi infinitum. Non etiam infinitè: quia subiectum finitum, quale est humanitas Christi, non est capax effectus formalis infiniti: ergo. *P. Vasquez, Petrus Hurtado, Valentia, Arriaga, & alij apud Leonardum Penafiel hic Disp. 22. sect. 4.* affirmant hanc humanitatis sanctificationem vocandam esse simpliciter infinitam. Negant autem *Cardinalis de Lugo hic Disp. 13. sect. 3. Esparza hic lib. 9. q. 24. ad 4.* Et alij. *Nos Resp.* conformiter ad doctrinam de valore meritorum Christi infinito, traditam, & dicimus: Si ille modus communicationis spectetur *entitative*, & in ordine *physico*, esse simpliciter finitum; si verò spectetur secundum suam *dignitatem*, & *æstimationem* in ordine *moralis*, esse illum intrinsecè, & simpliciter infinitum; quia sanctitas est quasi forma sanctificans, estque simpliciter infinita, infinitè æstima-



æstimabilis, amabilis, &c. Ac proinde reddit humanitatem infinitò amore dignam, licèt unionis modus, quò Divinitas unitur humanitati *physicè*, ac *entitative* sit finitus.

21. *Objicies 9nd.* Si humanitas Christi esset infinitè sancta, esset æqualiter sancta ac Verbum; atqui hoc non: ergo. *Prob. sequel. Maj.* Esset sancta eadem sanctitate increatâ, & sic esset æquali amore amabili digna: ergo esset æqualiter sancta. *Resp. Neg. sequel. Maj. Ad Probat. Dist. Ant.* Humanitas Christi esset sancta eadem sanctitate increatâ, quoad formam communicatam subjecto, *Conced.* Quoad modum communicandi, *Neg. Ant. & Conseq.* Quamvis itaque sanctitas increata, secundùm se sit eadem in Verbo, & humanitate, Verbum tamen est magis sanctum quoad modum, quia est infinitè sanctum per *identitatem* & essentiam; humanitas verò est solummodo sancta per unionem, idque *moraliter*, non *physicè*; & sic infinita sanctitas humanitatis, est in linea diversa, eaque longè inferiore: ergo sanctitas humanitatis quoad substantiam, est eòdem amore digna, quò sanctitas Verbi, non tamen quoad modum communicationis.
22. *Objicies 10mò.* Humanitas Christi non potest reddi formaliter intelligens aut volens, per intellectiōem aut volitionem divinam: ergo nec potest reddi formaliter sancta per Divinitatem, licèt illi uniatur. *Resp. Neg. Conseq. Dispar. est:* quia intellectio & volitio ex suo conceptu formali, sunt actiones vitales; adeoque *essentialiter* debent *active* & *elictive* procedere à suis potentijs, tanquam à principio intrinseco; atqui repugnat, ut intellectio & volitio divina procedat *active*, & *elictive* ab anima Christi, ejusque potentijs, tanquam principio intrinseco, ut per

per se patet: ergo implicat, ut Christum *formaliter* denominent intelligentem aut volentem; at verò sanctitas ex suo conceptu formali, non est *actio vitalis*, neque sanctificatio exigit *essentialiter* procedere à principio intrinseco, ut patet ex instantia gratiæ habitualis, quæ producitur à principio extrinseco, nempe Deo: ergo &c.

*Obicies 11mò.* Licet essentia Divina *secundum se* 23. sit infinita intelligibilitas, tamen intellectui creato, per lumen gloriæ elevato, communicatur in ratione intelligibilis, *modò solum finitò*: ergo etiam, licet sanctitas Verbi sit infinita, tamen communicabitur *modò tantum finitò*. *Resp. Neg. Conseq. Diss.* est: Quia intelligibilitas Dei, non est ipsa *intelligibilitas*, aut lumen gloriæ, nec ipsa visio aut intellectio, sed purus terminus extrinsecus & visus; at verò *Deitas*, ut sanctitas Verbi, physice unita humanitati, est *formaliter* ipsa substantialis sanctitas humanitatis, & forma *indivisibiliter*, adeoque *infinite* reddens sanctam: ergo. Ratione hujus unionis personalis, resultat persona composita, seu unum per se compositum Theandricum. *Item*, communicatio idiomatum. *Item*, quod humanitas sit adorabilis, & infinite diligibilis, quia ut subsistens *intrinsece* involvit majestatem & bonitatem infinitam Verbi; hæc autem non præstat pura unio *intentionalis*, aut *affectiva* beati, ut consideranti patet: ergo.

*Obicies 12mò.* Humanitas non minùs est beata, 24. quàm sancta; atqui non est beata beatitudine increata: ergo neque sancta sanctitate increatâ. *Resp. Diss. Maj.* Non minùs est beata, quàm sancta accidentaliter, *Conced.* substantialiter, *Neg. Maj.* Cur autem humanitas non possit esse beata beatitudine increatâ, hæc ratio est: quia beatitudo consistit in ope-



*ratione vitali*, nempe in visione & amore beatifico; implicat autem, ut creaturæ operatio vitalis, sit increata, aliàs creatura esset causa incausati & increati, quod implicat: ergo etiam implicat, ut beatitudo creaturæ sit *increata & substantialis*: ergo debet esse accidentalis; at verò sanctitas substantialis, non est vitalis, sed ad hanc sufficit unio physica Verbi, ad humanitatem: ergo.

25. *Obicies 13tio.* Humanitas Christi propter unionem ad Verbum, non est facta immensa, omnipotens, aut æterna: ergo neque sancta substantialiter. *Resp. Neg. Conseq. Diss. est: imò.* Quia immensitas, omnipotentia, & æternitas, in suo conceptu formali explicito, dicunt & exprimunt infinitatem; at verò sanctitas & personalitas, talem infinitatem pro explicito non dicit: hinc etiam creaturis competere potest. Proinde illæ tantum perfectiones Divinæ possunt se se attemperare, & juxta capacitatem subjeeti suos effectus formales magis vel minus communicare, quæ in suo conceptu formali explicito, non exprimunt infinitatem, licet illam in conceptu implicito includant. Secus est dicendum de illis, quæ infinitatem explicite exprimunt. *Diss. est: 2do.* Quia fides docet, quod Verbum assumpserit naturam humanam cum omnibus suis proprietatibus naturalibus, exceptâ personalitate; atqui esse in loco & tempore determinato, ac finito, habere potentiam finitam, ac limitatam ad certos, & determinatos effectus, sunt proprietates naturales: ergo etiam hos debuit Verbum assumere; per consequens manserunt in Christi humanitate; at verò esse sanctum, non est proprietas humanitatis, nec etiam ulli attributo Divino opponitur, sicut assignatæ proprietates: ergo potest competere humanitati Christi, & eidem à Verbo com-

communicari, non verò prædictæ. Cur autem humanitas Christi de potentia Dei absoluta, non possit per unionem hypostaticam reddi formaliter immensa, omnipotens, vel æterna, *Ratio est*: 1<sup>mo</sup>. quoad omnipotentiam: quia sic posset efficere omnia effectibilia, adeoque etiam se ipsam, quod implicat. 2<sup>do</sup>. quoad immensitatem: quia immensitas ex suo conceptu essentiali, importat non posse commensurari loco; humanitas autem essentialiter potest commensurari, & claudi loco: ergo. 3<sup>io</sup>. quoad æternitatem: quia æternitas ex essentia sua est unicum nunc indivisibile, & instans semper stans: ergo essentialiter excludit mutationem & successionem perfectionum, ac defectibilitatem earum; atqui humanitas ex essentia sua defectibilis & mutabilis, essentialiter importat posse mutari: ergo. At verò nihil horum urget in sanctitate substantiali, licet infinita: ergo.

*Obijcies* 14<sup>to</sup>. Si Deitas formaliter sanctificaret humanitatem, tota Trinitas humanitatem sanctificaret; effectus enim provenientes à Divinitate, toti Trinitati attribuuntur; atqui sequela est falsa: ergo. *Resp. Dist. Maj.* Si Divinitas secundum se accepta, formaliter sanctificaret humanitatem, tota Trinitas sanctificaret, *Conced.* Si Divinitas prout est in Filio, formaliter sanctificaret, tota Trinitas sanctificaret, *Neg. Maj.* Instantia est in divinis, ubi Deitas formaliter deificat Patrem; Deitas enim est forma deificans, quâ Pater formaliter constituitur in esse Dei, & tamen malè infertur: ergo tota Trinitas, est forma Deificans Patrem. Simili modò se res habet in nostro proposito. *Ratio est*: quia neque Deitas prout est in Filio, & Spiritu sancto Deificat Patrem, neque Deitas, prout est in Patre, sanctificat humanitatem.



nitatem, sed prout est in Filio, seu ut afficitur  
subsistentia Verbi, quâ mediante Deitas unitur hu-  
manitati: ergo.

27. *Objicies 1<sup>st</sup>o*. Si gratia unionis, esset Deo ratio  
diligendi humanitatem Christi, in ordine ad beati-  
tudinem, vel esset ratio illam diligendi amore ne-  
cessariô, vel liberô; atqui nihil horum potest dici:  
ergo. *Prob. Min.* Non potest dici, quod esset ra-  
tio illam diligendi amore necessariô, quia Deus ex-  
tra se nihil diligit necessariô: ergo. Atqui etiam  
non potest dici, quod esset ratio diligendi illam amo-  
re liberô; nam bonum infinitum (*quale est gratia  
unionis,*) non liberum, sed necessarium terminat amo-  
rem: ergo gratia unionis, non est ratio diligendi  
humanitatem Christi in ordine ad beatitudinem; per  
consequens nec illam sanctificat formaliter. *Resp.*  
*Neg. Min. Ad Probat. Diss. 2<sup>dam</sup> partem Min.* Bonum  
infinitum tam physicè, quàm moraliter tale, non  
liberum sed necessarium terminat amorem, *Conced.*  
Bonum infinitum moraliter, non tamen physicè,  
qualis est unio hypostatica, *Neg. 2<sup>dam</sup> partem Min.*  
& *Conseq.* Quamvis autem bonum in omni genere,  
& ratione infinitum, ac in se ipso tale, terminet  
amorem necessarium, non tamen bonum moraliter  
tantum infinitum, & ut creaturæ communicatum;  
patet hoc in actibus Christi meritorijs & satisfacto-  
rijs, qui licet infinitate quadam morali gaudeant,  
tamen non necessitant voluntatem divinam ad præ-  
mium, nec ad pœnæ remissionem, nisi supposito  
pactô, quia non sunt physicè, & per essentiam;  
sed per communicationem infiniti. *Gonet hic*

*Diss. II. de gratia substantiali Christi.*

a. I. §. 2.

§. II.

§. II.

*Solvuntur objectiones contra secundam partem Thesis, quæ dicit : quòd humanitas Christi fuerit etiam sancta per sanctitatem accidentalem.*

**O**bjicies 1<sup>mo</sup>. Ex eo : quòd in Christo non videatur 28.  
fuisse sanctitas accidentalis, seu gratia habitualis. Unde sic: Gratia habitualis ad hoc est necessaria, ut homo consequatur vitam æternam, juxta illud ad Roman. 6. *Gratia Dei, vita æterna*. Atqui Christus non potuit consequi vitam æternam, cum illam habuerit à primo instanti conceptionis: ergo non habuit gratiam habitualement. *Resp. Dist. Maj.* Gratia habitualis est etiam necessaria ad hoc, ut homo consequatur vitam æternam, *Conced.* Tantum est necessaria ad consequendam vitam æternam, *Neg. Maj.* Gratia enim habitualis in Christo erat necessaria, propter operationes supernaturales cognitionis & amoris Dei, & virtutes infusas, quarum est connaturale principium; ex gratia enim habituali tanquam ex radice proxima, omnes habitus virtutum infusarum emanant. Hinc S. Thomas hic q. 7. a. 1. ad 2. ita habet: *sed quia præter operationem divinam oportet poni in eo operationem humanam, ut infra patebit, oportuit esse in eo habitualement gratiam, per quam hujusmodi operatio, in eo esset perfecta:* ergo &c.

*Objicies 2<sup>do</sup>.* Humanitas Christi est sancta substantialiter per Divinitatem: ergo gratia habitualis superfluit. *Resp. Neg. Conseq.* Licet enim per communica-



nicationem substantialem Deitatis, sanctificetur humanitas Christi, quia tamen per illam non constituitur connaturale principium operationum supernaturalium intelligendi & amandi, ideo non excluditur necessitas gratiæ habitualis, per quam talis humanitas constituitur connaturale principium huiusmodi actuum supernaturalium, ut docet *D. Thom. loc. sup. cit.*

20. *Obijcies 310.* Habitus supernaturales infusi, poterant sufficienter oriri in Christo ab unionem hypostatica, tanquam à prima radice: ergo non est ratio, ut dicantur profluxisse, à gratia habituali. *Confirmatur.* Si fuisset in Christo gratia habitualis, sequeretur illum fuisse magis sanctum, quàm Verbum Divinum; atqui hoc non: ergo. *Resp. Ad Argumentum.* *Neg. Ant.* Sicut enim potentia animæ rationalis, non possunt oriri & emanare ab Angelo, ita neque habitus supernaturales, possunt profluere ab unionem hypostatica, qui defectu profluunt à gratia habituali. *Ad Confirm. Dist. Maj.* Sequeretur illum fuisse magis sanctum extensive, *Conced. Intensive, Neg. Maj. Similiter Dist. Min. Et Neg. Conseq.*

31. *Obijcies 410.* Effectus formalis gratiæ habitualis, est facere Filium Dei adoptivum; atqui Christus non potest esse Filius Dei adoptivus, cum non sit extranea persona: ergo nec potest habere gratiam habitualement. *Resp. 1mo. Dist. Maj.* Effectus formalis gratiæ habitualis, est facere Filium Dei adoptivum conditionatè, radicaliter, & in actu primo, *Conced. Absolutè, formaliter, & in actu secundo, Neg. Maj.* Ad hunc enim effectum præstandum requirit gratia, ut non impediatur ab aliquo alio; quia autem impeditur in Christo, cum ille sit Filius Dei naturalis; ergo non potest ipsum denominare formaliter, &

& absolute Filium Dei adoptivum; habet itaque gratia habitualis alium effectum formalem primarium absolutum, nempe, reddere hominem, vel Angelum *consortem Naturæ Divinæ*, quem eo ipso præstat, quod sit subiecto unita. *Resp. 2do. cum Gonet Diss. 12. a. 1. §. 2. Dist. Aliter Maj.* Effectus gratiæ habitualis secundarius, est facere Filium Dei adoptivum, *Conced. Primarius, Neg. Maj.* Secundarius autem effectus potest tolli, quando subiectum non est ejusdem capax; atqui Christus non est capax hujus effectus, quia non est persona extranea, quod ad adoptionem requiritur; cum adoptio sit *gratuita & liberalis assumptio personæ extraneæ, ad hereditatem jure non debitam*: ergo: &c.

*Obijcies 3to.* Gratia habitualis non potest esse in 32. Christo, nisi ratione illius constituatur spiritualiter genitus; atqui spiritualement generationem consequitur filiationis relatio: ergo non potest gratia habitualis in Christo poni, nisi aliquam filiationem illi tribuat; atqui hæc non est alia, quam adoptiva: ergo. *Prob. Maj.* Ideo homo purus constituitur per gratiam spiritualiter genitus, quia ratione illius Naturam Divinam, sub conceptu naturæ participat; atqui etiam Christus ut homo, si gratia habituali exornetur, participat ratione illius Naturam Divinam sub conceptu naturæ: ergo redditur spiritualiter genitus. *Resp. Neg. Maj. Ad Probat. Dist. Causal. Maj.* Ideo homo purus constituitur per gratiam spiritualiter genitus, quia ratione illius Naturam Divinam participat sub conceptu naturæ, & ad modum naturæ, *Conced.* Quia præcisè illam participat sub conceptu naturæ, *Neg. Causal. Maj. Similiter Dist. Min. & Neg. Conseq.* Nam, licet per gratiam communicetur Christo ut homini, Dei natura, sub conceptu



ceptu Naturæ Divinæ participatæ, non tamen eidem communicatur ad modum *naturæ*, sed ad modum *proprietas*, consequentis gratiam unionis; & ideo Christum ut hominem, non constituit *spiritualiter* gentium. Nam de ratione formæ constituentis genitum, & generationem terminantis, non solum est, quod in se sit natura, sed insuper requiritur, ut *per se primò*, per actionem intendatur. Hinc quamvis Spiritui sancto Natura Divina per processionem communicetur, quia tamen *per se primò* non intenditur sub conceptu naturæ, ideo illius processio generatio non est.

33. *Obijcies 6to.* Implicat, simul Christum esse Deum per essentiam, & Deum per participationem; atqui si præter gratiam unionis, habuisset etiam gratiam habitualement creatam, fuisset Deus per essentiam ratione unionis hypostaticæ, & simul Deus per participationem, ratione gratiæ habitualis: ergo falsum est, quod gratia habitualis creata fuerit in Christo. *Prob. Maj.* Esse Deum per essentiam, est esse Deum totaliter, & sine limitatione; è contra verò esse Deum per participationem, est esse Deum *partialiter*, & *limitatè*; atqui implicat Christum esse Deum *totaliter* & *partialiter*, illimitatè & limitatè: ergo. *Resp. Dist. Maj.* Implicat, Christum secundum idem, esse simul Deum per essentiam & participationem, *Conced.* secundum diversa, nempe esse Deum per essentiam secundum subsistentiam divinam, & esse Deum per participationem secundum naturam humanam, cui inhæret gratia habitualis, *Neg. Maj. Similiter Dist. Min. & Neg. Conseq.*

34. *Replicabis.* Non minus opponuntur sibi, esse Deum & sanctum per essentiam & per participationem, quam esse Filium naturalem & adoptivum; atqui Christus inquan-

in quantum est Filius Dei naturalis, nequit esse Filius Dei adoptivus: ergo cum Christus sit Deus & sanctus per essentiam, nequit esse Deus, & sanctus per participationem. *Resp. Neg. Maj.* Quia, cum Deitas & sanctitas competat supposito ratione naturæ, ideò ad denominationem Dei & sancti per essentiam, & Dei & sancti per participationem, sufficit naturarum diversitas in eodem supposito, ut secundum unam sit Deus & sanctus per essentiam, & secundum aliam Deus & Sanctus per participationem; at verò filiatio non convenit ratione naturæ, sed ratione suppositi, ut docet *D. Thom. hic q. 23. a. 4.* Unde ad filiationem naturalem & adoptivam, requiritur diversitas suppositorum. Et quia in Christo cum unitate suppositi, est sola diversitas naturarum, ideò potest esse Christus Sanctus per essentiam, & Sanctus per participationem; non autem Filius adoptivus & naturalis. *Ita S. Thom. in 3. Dist. 13. q. 1. a. 1. ad 1.*

*Obicies 7mò.* Instrumentum non indiget ad perfectè operandum ullò habitu operativò; atqui humanitas Christi est instrumentum Divinitatis: ergo. *Resp. Dist. Maj.* Instrumentum inanimatum v. g. penicillus, non indiget ullò habitu operativò. *Conced.* Instrumentum animatum, qualis est humanitas Christi, *Neg. Maj.* Sicut enim servus, ut debitò modò exequatur imperium Domini sui, indiget habitu superadditò, ità etiam anima Christi indiget gratià habituali, ut opera Divina perfectè operetur, inquit *D. Thom. in 3. Dist. 13. q. 1. a. 1. ad 4.* Et *3. p. q. 7. a. 1. ad 3.* ita habet: *Dicendum, quòd humanitas Christi est instrumentum divinitatis, non quidem sicut instrumentum inanimatum, quòd nullò modò agit, sed solùm agitur, sed tanquam instrumentum animatum animà rationali, quòd ità agitur, quòd etiam agit; Et ideò ad convenientiam*

35.  
actio-



actionis, oportuit eum habere gratiam habitualement :  
ergo.

36. *Obicies 8vo.* Gratia substantialis eminenter continet gratiam habitualement : ergo potest hoc, quod gratia habitualis ; per consequens gratia habitualis est superflua. *Resp. Dist. Ant.* Continet eminenter effectivè gratiam habitualement, *Conced.* Continet illam eminenter executivè, nempe præstando executivè id, quod præstat gratia habitualis, *Neg. Ant. & Conseq.* Quamvis enim gratia substantialis, possit producere gratiam habitualement, non tamen potest præstare id, quod præstat gratia habitualis ; hæc enim elevat animam Christi, ad physicè radicandas facultates ordinis superioris, quod proprium est gratiæ habituali ; hoc autem gratia substantialis ( *connaturaliter loquendo,* ) præstare non potest : ergo.

37. *Obicies 9no.* Christo convenit filiatio æterna & temporalis : ergo etiam naturalis & adoptiva. *Prob. Conseq.* Licet repugnet æternum & temporale, non repugnat tamen in Christo filiatio æterna & temporalis, quia repugnantiam tollunt duæ naturæ : ergo etiam ex eadem ratione non repugnabunt, filiatio naturalis & adoptiva. *Resp. Neg. Conseq. Dist. est :* Quia filiatio æterna & temporalis, habent denominationem suam à terminis ; atqui termini sunt diversi, nempe, Pater æternus, & Mater in tempore : ergo cessat repugnantia ; at verò filiatio adoptiva ad denominationem sui, supponit personam extraneam ; implicat autem, ut filius naturalis sit persona extranea : ergo. Ex quo etiam patet *Dispar. ad Prob.*

38. *Obicies 10mo.* Si daretur in anima Christi gratia habitualis, illa esset infinita ; atqui nihil creatum est infinitum : ergo. *Resp. Dist. Maj.* Effet infinita in genere moris, *Conced.* In genere entis, *Neg. Maj.* Ratio

tio est, cur sit infinita *in genere moris*: quia humanitas Christi ex physica conjunctione cum Verbo divino, habet infinitam dignitatem moralem, ratione cuius debetur illi cultus patriæ. Similiter opera Christi meritoria & satisfactoria, propter eandem conjunctionem cum Verbo divino, habent valorem simpliciter infinitum: ergo à pari etiam gratia habitualis, ex physica conjunctione cum Verbo divino, habet infinitam dignitatem, & excellentiam moralem, ratione cuius est principium proximum etiam dignificativum infiniti meriti. Ratio etiam est, cur non sit infinita *in genere entis*: quia gratia habitualis est qualitas creata, recepta in anima Christi, etiam creata & finita; atqui nullum ens creatum est infinitum, ut supponimus ex Philosophia: ergo.

*Replieabis.* Gratia habitualis Christi, non videtur esse infinita in genere moris: ergo. *Prob. Ant. 1<sup>mo</sup>.* Gratia habitualis Christi, est ejusdem speciei cum gratia habituali cæterorum hominum, & Angelorum; atqui hæc nullò modò est infinita: ergo neque gratia Christi. *2<sup>do</sup>.* Quod potest augeri non est infinitum; atqui gratia habitualis in Christo potest augeri: ergo non est infinita. *Prob. Min.* De factò fuit aucta, juxta illud *Lucæ 2. v. 52. JEsus autem proficiebat sapientiâ, & ætate, & gratiâ apud Deum, & homines*: ergo. *3<sup>io</sup>.* Gratia Christi commensuratur gloriæ Christi; atqui hæc non est infinita, cum humanitas Christi non videat Deum comprehensivè: ergo. *Resp. Neg. Ant. Ad 1<sup>am</sup> Prob. Dist. Maj.* Gratia Christi est ejusdem speciei, cum gratia habituali cæterorum hominum & Angelorum, considerata in ratione entis, & qualitatis, *Conced.* Considerata in ratione & genere moris, seu illius dignitatis moralis, quam habet ex conjunctione cum infinita persona Verbi, *Neg. Maj.*



*Et concessa Min. Neg. Conseq. Ad 2dam Prob. Dist. Min.* Gratia habitualis in Christo considerata in genere moris potuit augeri, *Neg.* Considerata in genere entis & qualitatis, *Subdist.* Potuit augeri de potentia Dei absoluta, *Conced.* De potentia Dei ordinaria, & secundum præsentem Dei providentiam & ordinationem, *Neg. Min.* Docent enim communiter Theologi contra *Scotum*, de absoluta Dei potentia, gratiam Christi posse intendi, secundum suam entitatem, ex hac ratione, quia qualitas finita in ratione entis, absolute potest augeri sine fine, sicut omnis quantitas finita. Defectus tamen secundum præsentem ordinationem *Providentiæ Divinæ*, Christus in primo instanti suæ conceptionis, habuit simul totam plenitudinem gratiæ, sine ullo incremento superveniente, cum illa plenitudo gratiæ, fuerit debita *unioni hypostaticæ*, tanquam proprietas, radici; atqui radix & proprietas illius, sunt simul in eodem instanti: ergo in eodem instanti, in quo fuit unio hypostatica, fuit etiam gratia habitualis. Textus citatus exponendus est cum *Divo Thom. hic q. 7. a. 12. ad 2.* Christum profecisse in sapientia & gratia, non secundum ipsos infusos habitus sapientiæ & gratiæ, sed secundum actus, in quantum ætate crescente, plures & plures actus meritorios eliciebat; aut etiam de sapientia & scientia acquisita, non verò de infusa. *Ad 3iam Prob. Dist. Min.* Gloria Christi non est infinita in genere entis, *Conced.* In genere moris, *Neg. Min.* Elevatur enim ad dignitatem infinitam ex conjunctione cum Verbo, sicut gratia. Hinc etiam habitus virtutum moralium habent quandam infinitatem ex unione ad Verbum.

# THESIS IX.

*Christus non solum habuit (imò.)*

*scientiam beatam.* Ità S. Thom. 3. p.

q. 9. a. 2. Suarez *hic* Disp. 25. Sect. 2. Amicus

Disp. 19. Sect. 1. Card. de Lugo. Disp. 19. n. 2. Go-

net Disp. 16. a. 1. §. 1. Reding *hic* q. 11. a. 1. Leo-

nardus Penafiel *hic* Disp. 13. sect. 3. Salmanticenses

Tomo. 10. Traß. 21. Disp. 17. q. 10. Estque hæc pars

Thesis omnium Scholasticorum in 3. Disp. 14. contra

Brentium & Calvinum, qui teste Bellarmino lib. 4. de

anima Christi. cap. 8. ausi sunt asserere, quòd Christus

ante mortem de sua salute dubitaverit, in cruce de-

speraverit, & tormenta inferni passus sit; adeoque

ante mortem non fuerit beatus. *Sed etiam (2dò.)*

*infusam.* Ità S. Thom. loc. supr. cit. Quem sequitur

Godoy quest. 9. traß. 7. Disp. 32. §. 6. cum Capreolo,

Cajetano, Medina, Lorca. Et alijs; contra D. Bo-

naventuram, Scotum, & Durandum. Imò (3tid.) &

*per se acquisitam.* Ità S. Thom. loc. supr. cit. a. 5.

Vasquez *hic* Disp. 55. cap. 2. Amicus Disp. 21.

n. 12. Godoy loc. supr. cit. n. 165. cum

alijs 12. Authoribus.

**P**robatur ima pars Thesis imò. Ex eo: quòd I.

Christus habuerit scientiam beatam, idque in pri-

mo instanti sue conceptionis. Jam sic: Joan. 1.

Christus dicitur: plenus gratiæ & veritatis; atqui ple-

nitudo veritatis, dicit omnem scientiam, sicut ple-

nitudo gratiæ, dicit omnem gratiam: ergo in Chri-

sto



sto fuit omnis scientia. Præterea: Joannis 12. Christus dicit: Si quis mihi ministraverit, me sequatur, & ubi ego sum, illic & minister meus erit. Ubi Christus non dixit: ubi ero, quasi non haberet claram Dei visionem, sed dixit: ubi ego sum, scilicet in gloria, quam de factò possideo: ergo.

Confirmatur Auth. S. August. qui lib. 83. *Question. q. 80. & lib. 4. de consensu Evangelist. cap. 11.* hoc ponit discrimen inter Christum & reliquos homines, quòd ipse in hoc mundo existens, viator simul fuerit & comprehensor, alij verò non. Quod etiam alij Sancti Patres docent, negantes in Christo esse fidem: quia habuit claram Dei visionem: ergo.

2. Probatur 2dò. Ratione S. Thomæ hic q. 7. a. 1. Quantum aliquod receptivum est proximius causæ influenti, tantò magis, & cum majori perfectione illius influxum participat; atqui influxus gratiæ est à Deo, cui maximè humanitas Christi per unionem hypostaticam conjungitur, cum ad idem esse personale cum ipso trahatur: ergo perfectissimè gratiam participat: atqui gratia perfectissima, est gratia consummata per gloriam: ergo anima Christi habuit gratiam gloriam consummatam, id est: cum visione beatifica conjunctam.
3. Probatur 3iò. Decens est, ut instrumentum excel-lens, & permodum capitis influens, præhabeat in se formaliter perfectiones, quas alijs communicat; atqui Christus ut homo, causat in nobis beatitudinem supernaturalem, consistentem in visione clara Dei, permodum capitis & instrumenti excellentiæ: ergo oportet, ut in se scientiam beatam habeat.
4. Probatur 4tò. cum Godoy q. 9. tract. 7. Diss. 32. §. 1. n. 14. Decens fuit, ut natura assumpta ad supremum esse, elevaretur ad supremam operationem sibi possi-

. Chri-  
tur, &  
Christus  
Dei vi-  
gloria,

Question.  
hoc po-  
omines,  
mul fue-  
d etiam  
o esse fi-  
o.

. Quan-  
influenti,  
as influ-  
Deo, cui  
ypostati-  
nale cum  
rticipat  
nata per;  
am gloriā  
conjun-

m excel-  
beat in se  
icac; at-  
itudinem  
lara Dei,  
iæ: ergo

Diff. 32.  
ta ad su-  
tionem sibi  
possi-

possibilem; atqui natura humana Christi, assumpta est per unionem hypostaticam, ad esse supremum, scilicet, ad esse Verbi: ergo decuit, ut elevaretur ad *supremum operari* tali naturæ possibile; atqui beatitudo in clara visione Dei consistens, est *operatio summa* humanitati possibilis: ergo debuit humanitati Christi, ad supremum esse assumptæ, concedi.

*Probatur 5to.* cum Amico *hic Diffut. 19. n. 6.* Christus etiam ut homo, est filius Dei naturalis: ergo fuit illi debita scientia beata; nam cui convenit *esse*, convenit etiam eidem *operatio* consequens ad esse; atqui clara visio Dei, est *operatio* consequens ad *esse hypostaticum divinum*: ergo illi debita fuit; & per consequens etiam collata tanquam proprietas consequens naturam, hypostaticè unitam Verbo divino. *Prob. Min.* Propria operatio Verbi divini, & ipsius Dei, est, se ipsum *clare* intueri: ergo cui communicatur idem *esse divinum*, communicatur etiam eidem proprium *operari Divinum*, nempe, *clare* intueri Deum.

*Probatur 6to.* cum Gonet *hic Diff. 16. a. 1. §. 1.* Ex eo: quod scientia beata fuerit statim in primo instanti conceptionis humanitati Christi communicata. Unde sic: Naturæ assumptæ à Verbo debemus concedere, quod majoris est dignitatis & excellentiæ, nisi muneri Redemptoris repugnet; atqui animam Christi fuisse à primo instanti creationis beatam; majoris est dignitatis, quàm beatitudine aliquando caruisse, & cum munere Redemptoris non pugnat; cùm ad hoc minus salvandum in Christo sufficiat, quod simul fuerit Viator, ad quod sufficit, quod habuerit corpus passibile, & reliquis gloriæ corporum dotibus destitutum, ut & pati pro nobis posset, & exemplo præ-lucere ad sequenda vestigia ejus: ergo asserendum est, Christum ut hominem fuisse perfecte beatum, à pri-



primo conceptionis instanti. Hinc S. Bernardus Sermon. 2. Super Missus. ita dicit: *Vir erat Dominus Jesus, sed sapientiâ non ætate, neque minùs sapiens fuit conceptus, quàm natus; parvus, quàm magnus; atqui fuisset sapientior factus, & de parvulo vir, si à primo instanti conceptionis non habuisset perfectam Dei visionem: ergo. 2dò.* Sicut à primo instanti suæ conceptionis fuit Christus ut homo constitutus legitimus hæres, & Dominus paternæ possessionis, juxta illud Psalm. 2. *Filius meus es tu, ego hodie genui te, postula à me, & dabo tibi gentes hereditatem tuam, & possessionem.* Quod de temporali Christi generatione passim SS. Patres intelligunt; ita ab eodem instanti debuit jus paternorum bonorum accipere, cum ad illud capiendum necesse non fuerit, aut Patris mortem intercedere, aut tempus legitimæ ætatis expectare: ergo. 3iò. In primo instanti conceptionis collata fuit Christo plena, ac perfecta gratia: ergo etiam eodem instanti collata eidem fuit visio beatifica. Prob. Conseq. Gratia perficitur, & consummatur visione beatificâ, sicut principium ultimò suò actu: ergo, cum Christo collata fuerit perfecta gratia in primo instanti conceptionis, debuit etiam eidem conferri visio beatifica; adeoque Christus habuit scientiam beatam, idque in primo statim instanti suæ conceptionis. 4iò. Adamus qui erat naturale principium generis humani, creatus est perfectus quoad illa, quæ ad ordinem naturæ pertinent: ergo à potiori Christus, ut Author gratiæ & gloriæ, creatus est perfectus quoad illa, quæ ad ordinem gratiæ & gloriæ pertinent: ergo statim in primo instanti suæ conceptionis, habuit scientiam beatam, seu visionem beatificam.

7. Probatur 2da pars Thesis 1mò. Ex eo: quod Christus etiam

us Ser-  
us JE-  
iens fuit  
; atqui  
à primo  
am Dei  
uæ con-  
legiti-  
s, juxta  
enui te,  
nam, &  
eratio-  
lem in-  
re, cum  
e Patris  
atis ex-  
pionis  
; ergo  
beati-  
umma-  
us adu-  
ratia in  
m con-  
scien-  
æ con-  
princi-  
ad illa,  
potiori  
est per-  
gloriæ  
conce-  
beati-

Christus  
etiam

etiam habuerit scientiam per se infusam. Jam sic: Jo-  
annis 7. mirabantur Judæi, & dicebant: Quomodo hic  
litteras scit, cum non didicerit? Respondit JESUS: Do-  
ctrina mea non est mea, sed ejus qui misit me; hoc est:  
non eam meâ industriâ acquisivi, non ab homine  
illam accepi, neque didici, sed indita mihi fuit à Pa-  
tre meo; ergo. Item, ad Colossens. 2. habetur: quod  
in Christo sint omnes thesauri sapientiæ & scientiæ ab-  
sconditi; atqui non essent, si illi deesset pretiosissi-  
mum monile scientiæ infusæ, quâ etiam Angeli &  
homines exornantur: ergo. Præterea: ad scientiam  
per se infusam supernaturalem, spectant dona illa  
Spiritus Sancti, quæ ad intellectum pertinent; atqui  
hæc fuerunt in Christo, ut patet ex illis verbis: *Isaïa*  
*cap. 11. Flos de radice Jesse ascendet, (Christus,) &*  
*requiescet super eum Spiritus Domini, Spiritus Sapientiæ*  
*& intellectus, Spiritus Consilij, Spiritus Scientiæ &c.*  
ergo etiam fuit in illo scientia per se infusa.

Probatur 2dò. Ex doctrina S. August. qui super Ge- 8.  
*nesim ad litter. cap. 2.* duplicem distinguit in Angelis  
cognitionem: unam per quam cognoscunt res in Ver-  
bo, & per essentiam divinam, gerentem vices spe-  
ciei intelligibilis, quam vocat *cognitionem matutinam*;  
alteram per quam cognoscunt res extra Verbum per  
species à Deo receptas, quam appellat *cognitionem*  
*vespertinam*, ut exponit S. Thom. 1. p. q. 58. a. 6. & 7.  
Ex quo sic arguitur: Licet Angeli creaturas contem-  
plentur in Verbo, per cognitionem beatam, quæ ma-  
tutina vocatur, tamen datur in illis alia cognitio  
creaturarum in se ipsis, quæ *vespertina* appellatur:  
ergo pariter in Christo, qui est perfectior, & supe-  
rior Angelis, præter cognitionem rerum in Verbo  
habitam per divinam essentiam, ut speciem super ex-  
cedentem, admittenda etiam est alia cognitio crea-  
tura-



turarum in se ipsis, per proprias illarum species immediate à Deo infusas.

9. *Probatur 3<sup>to</sup>.* Ratione S. Thom. hic q. 9. a. 3. ad hanc formam redactâ. Decens fuit, ut Verbum humanitatem perfectam assumeret; atqui si caruisset scientiâ per se infusâ supernaturali, distinctâ à scientia beata, non assumpsisset humanitatem perfectam: ergo habuit scientiam per se infusam supernaturalem, distinctam à scientia beata. *Prob. Min.* Omne, quod est in potentia ad aliquam perfectionem, non est perfectum, sed imperfectum, nisi reducaturn ad actum; atqui intellectus animæ Christi, est de se in potentia ad res creatas, in proprio genere cognoscendas, per species à Deo immediate infusas: ergo non fuisset perfectus, sed imperfectus sine hujusmodi cognitione; & per consequens sine scientia per se infusâ, distinctâ à scientia beata.
10. *Probaturn 4<sup>to</sup>.* cum Gonet hic Diss. 17. a. 1. S. 1. Intellectus animæ Christi est in potentia ad creaturarum cognitionem, per proprias illarum species immediate à Deo infusas; atqui hujusmodi cognitio, non habetur per scientiam beatam; nam species mediâ, quâ lumen beatificum ad creaturas terminatur, est Divina essentia primò repræsentans Deum, & secundariò creaturas: ergo, ut perfecta cognitio competat animæ Christi, necessaria est scientia infusâ, à beatifica distinctâ, ac proinde sine illa maneret potentialis & imperfecta.
11. *Probaturn 5<sup>to</sup>.* Ratione unionis hypostaticæ fuit debita Christo omnis perfectio possibilis, quæ non repugnat ejus beatitudini, & fini redemptionis generis humani; hæc enim ratione probant Theologi, gratiam habitualement, & visionem beatificam fuisse Christo debitam titulo connaturalitatis; atqui scientia

*se infusa*, erat Christo possibilis, & nullam repugnantiam habet cum ejus beatitudine, neque cum fine redemptionis, ut consideranti patet: ergo Christo denegari non debet.

*Probatur 6to.* Christo fuit necessaria aliqua cognitio supernaturalis, quæ dirigeret, ac regularet actus illius meritorios, statim in primo instanti conceptionis elicitos; atqui hæc non potuit esse alia, quàm *scientia infusa*, cum fides in Christo non habeat locum, & visio beata non detur ad regulandum meritum, sed ad possidendum præmium: ergo. *Præterea:* Angeli & Adamus in primo instanti creationis, habuerunt sibi à Deo inditas species proprias, tam *rerum naturalium*, quàm *supernaturalium*: ergo à fortiori Christus.

*Probatur 7mo.* Christo ex munere Redemptoris debetur supernaturalis rerum omnium cognitio: ergo & scientia infusa, quæ esset cognitionis talis principium. *2do.* In Christo prout viatore fuerunt virtutes *per se infusæ*, & supernaturales, ut omnes faterentur Theologi: ergo & scientia illis proportionata, & per consequens *per se infusa*; scientia enim *per se* acquisibilis, non est proportionata virtutibus *per se infusis*, nec ad illas regulandas sufficiens: ergo. *3tio.* Christus Dominus meruit per actum charitatis non ut comprehensor, sed ut viator, ut docet *D. Thom. hic q. 19. a. 3. ad 1.* ergo meruit per actum charitatis, ut regulatum lumine supernaturali scientificò, à lumine gloriæ distincto. *Consequ. patet:* nam actus regulatus scientiâ beatâ, erat Christi ut comprehensoris: ergo si meruit per actum, qui illius ut comprehensoris non erat, sed ut viatoris, meruit per actum regulatum lumine distincto à scientia beatâ; & per consequens concedenda est in anima Christi



Domini, scientia per se infusa, à scientia beata distincta.

14. Probatur 3<sup>ia</sup> pars Thesis imò. Ex eo: quòd Christus etiam habuerit scientiam per se acquisitam. Unde sic: Luca 2. dicitur: *Jesus proficiebat sapientià & etate.* Item, ad Hebr. 5. *Et quidem cùm esset Filius Dei, didicit ex ijs, quæ passus est, obedientiam; propriè autem proficimus in sapientia, & propriè discimus ea, quæ de novo cognoscimus, & quorum principia de novo acquirimus: ergo, cùm Christus de novo acquisiverit cognitionem obedientiæ, signum est, quòd de novo acquisiverit scientiam; per consequens Christus habuit etiam scientiam per se acquisitam.*
15. Probatur 2<sup>da</sup>. Auth. S. Ambrosij, qui lib. de Incanat. cap. 7. explicans illa verba Luca 2. *Jesus proficiebat sapientià & etate &c.* ita inquit: *Quomodo proficiebat sapientià Dei? Doceat te ordo verborum. Profectus etatis & profectus sapientiæ, sed humane est; idè etatem ante premisit, (sic enim ipse legit: *Jesus proficiebat etate & sapientià*; non ut cum S. Hieronymo vulgata vertit: *Sapientià & etate*), ut Secundum hominem crederes dictum. Etas enim non divinitatis, sed corporis est. Ergo si proficiebat, etate hominis proficiebat, proficiebat sapientià hominis; Sapientià autem sensu proficit, quia à sensu sapientiæ: ergo. Idem sentiunt plurimi Sancti Patres, quos refert, & sequitur Amicus hic Diss. 21. n. 13.*
16. Probatur 3<sup>io</sup>. Intellectus humanus Christi, cognovit objecta naturalia, præsertim materialia, non tantùm modò *supernaturali*, sed etiam sibi *connaturali*, videlicet, abstractivè, adeoque componendo, dividendo, & discurrendo; atqui talis modus cognoscendi, dependet à sensibus & phantasia, & non habetur sine speciebus à phantasmatibus abstractis: ergo.

Pro

*Probatur 4to.* Christo non solum tribuendæ sunt, 17.  
omnes scientiæ, sed etiam modus connaturalis illas  
habendi: ergo sicut Christus habuit scientiam bea-  
tam, secundum proprium modum illius, videlicet,  
*permanenter*, & non tantum *transseunter*, ut aliqui in  
via habuerunt. *Item*, sicut habuit scientiam *per se*  
*infusam* secundum proprium modum illius, videli-  
cet, per infusionem; ita scientiam humanam, seu na-  
turâ suâ acquisibilem, habere debuit humanò modò,  
videlicet, per acquisitionem, non verò per infusio-  
nem. Unde in intellectu humano Christi fuit triplex  
intelligendi modus. 1mo. Divinus per scientiam bea-  
tam, quæ fit absque omni specie, cum in visione  
beatifica ipsa Divina essentia defectò subeat vicem  
speciei impressæ. 2do. Angelicus per specierum in-  
fusionem. 3to. Humanus per species à sensibus &  
phantasmatibus abstractas: ergo.


*Probatur 5to.* Si Christus scientiam *per se* acquisibi- 18.  
lem proprijs actibus non acquisivisset, sed eam so-  
lùm per infusionem à Deo accepisset, sequeretur, in-  
tellectum agentem Christi fuisse omnino otiosum &  
frustraneum; atquæ hoc non est dicendum: ergo nec  
illud. *Prob. sequel. Maj.* Proprium officium intelle-  
ctus agentis, est facere species intelligibiles actu, ab-  
strahendo eas à phantasmatibus, ut docent Philoso-  
phi *in libris de anima*: ergo, si intellectus agens ani-  
mæ Christi species aliquas non abstraxisset à phantas-  
matibus, sed omnes Christus à Deo per infusionem  
accepisset, fuisset intellectus agens otiosus, & fru-  
straneus in Christo; frustra enim est id, quod non ha-  
bet propriam operationem, ut dicitur *lib. 2. de Cælo.*  
*text. 17.* cum unumquodque sit propter suam opera-  
tionem: ergo.

*Probatur 6to.* Cum Christus ad paupertatem no- 19.  
stram



stram ultrò, ac volens se demiserit, omnia quoque nobis connaturalia, quæ statum ejus non dedecent, admisit; atqui connaturalis homini acquirendæ scientiæ naturalis modus est, per actus proprios, & per abstractionem specierum à phantasmatibus eam sibi comparare: ergo Christus hòc etiam modò scientias per se acquisibiles, sibi comparavit. *Præterea*: in Christo est, & erat natura humana cum omni sua proprietate, & perfectione illi connaturali; atqui scientia naturalis est una ex maximis naturæ humanæ perfectionibus: ergo etiam hæc fuit in Christo; atqui non fuit illi *per accidens* infusa, ut patet ex dictis: ergo erat *per se* acquisita.

20. *Probatur 7mò.* cum Amico hic *Disst.* 21. n. 18. Si fuisset in Christo scientia *per accidens* infusa, aut illâ fuisset humanus intellectus usus in ipsa infantia & pueritia, aut tantum in ætate adulta; atqui nihil horum potest dici: ergo. *Prob. Min.* Non potest dici secundum, quòd videlicet Christus illâ usum fuisset in ætate adulta; quia sic frustra, & otiosè posita fuisset in illo, à primo instanti conceptionis, cum non habuisset actum, nisi in ætate adulta. Non etiam potest dici secundum, quòd videlicet ipsi fuisset infusa in infantia & pueritia, quia sic fingeretur sine necessitate miraculum; nam, cum ad usum hujus scientiæ necessariò debeat concurrere phantasia, quæ propter indispositionem organi, non est in infantili ætate ad operandum idonea; ideò absque necessitate fingeretur miraculosè operata fuisse, ante tempus idoneum: ergo.



§. I.

*Solvuntur objectiones contra primam partem Thesis, quæ dicit: quòd Christus habuerit scientiam beatam à primo instanti suæ conceptionis.*

**O**bjicies 1<sup>mo</sup>. Ex eo: quòd Christus non videatur habuisse scientiam beatam, seu visionem beatificam in primo instanti suæ conceptionis. Unde sic: Luce 24. dicitur: Nonne oportuit Christum pati, & ita intrare in gloriam. Item Joan. 7. Nondum spiritus datus erat, quia. JESUS nondum erat glorificatus. Et ibidem 17. alloquitur Christus Patrem his verbis: Clarifica me Pater claritate, quam habui priusquam mundus esset apud te. Item Apocalips. 5. habetur: Dignus est Agnus, qui occisus est, accipere gloriam: ergo Christus non videtur habuisse ante mortem gloriam seu visionem beatificam. Resp. Explicando textus scripturæ: Et illi intelligendi sunt de gloria corporis, quam Christus acquisivit per passionem & mortem in resurrectione sua, Conced. Intelligendi sunt de gloria, & beatitudine animæ, Neg. Textus sacra scriptura. In his enim locis sermo est de gloria corporis Christi, vel de exaltatione nominis ejusdem super omne nomen, teste Gonet hic Diss. 16. a. 1. §. 1. adeoque hæc & similia sacra scripturæ testimonia, nihil nocent veritati propositæ, & Thesi à nobis deductæ.

Objicies 2<sup>do</sup>. Non est necesse, ut causa instrumentalis contineat effectum producendum: ergo, cum humanitas Christi sit causa instrumentalis, respectu beatitudinis alijs hominibus causandæ, non sequitur, quòd illam in se continuerit & habuerit à primo instanti suæ conceptionis. Resp. 1<sup>mo</sup>. Diss. Ant. Non est necesse,



cesse, ut causa instrumentalis contineat effectum, et modò, quò illum continet causa principalis, *Conced.* Eò modò, quò illum continere debet causa instrumentalis, *Neg. Ant. Resp. 2dò. Neg. Conseq.* Quia nos humanitati Christi non attribuimus beatitudinem ratione *continencie*, sed ratione *decentie*; sic enim arguimus: decens est, ut instrumentum excellentiæ, & permodum capitis influens, habeat formaliter omnem perfectionem, quæ ab ipso derivatur in alios; atqui Christus ut homo, causat in nobis beatitudinem supernaturalem, consistentem in visione clara Dei, permodum capitis & instrumenti *excellentiæ*, & aliàs visio beata ex nullo capite Christo repugnat: ergo illam habuit in se ipso *formaliter*, idque à primo instanti suæ conceptionis.

23. *Replicabis.* Licet Christus, ut homo, causet in nobis instrumentaliter fidem & spem, permodum capitis & excellentiæ, tamen fides & spes non erant in Christo: ergo etiam, licet causet in nobis visionem beatam, tamen non sequitur, quòd fuerit in Christo. *Resp. Neg. Conseq. Diss. est:* Quia fides & spes repugnant Christo secundum esse formale ratione beatitudinis, cum qua componi non potest fides ratione obscuritatis, nec spes ratione futuritionis, quam petit in objecto sperato; at verò visio beatifica ex nullo capite Christo repugnat, ideòque decens fuit, ut esset beatus *formaliter*; quia in nobis beatitudinem causat permodum capitis & instrumenti *excellentiæ*; non autem decuit, ut haberet fidem & spem, quamvis illas causet in nobis. *Godoy q. 9. Tract. 7. Diss. 32. §. 1. n. 12.*

24. *Obicies 3tio.* Operari non sequitur ad esse substantiæ, sed ad esse essentiae: ergo suprema operatio, qualis est visio beata, non debet probari ex supremo

premo esse *subsistentiæ*, sed ex supremo esse *essentiæ*; at-  
qui humanitas Christi non est assumpta per incarnatio-  
nem ad supremum esse *essentiæ*, sed ad supremum esse  
*subsistentiæ*; non enim unio facta est in natura, sed  
tantum in persona, seu subsistentia personali Verbi,  
quatenus fuit reddita personata, & subsistens per  
subsistentiam Verbi: ergo ex assumptione humani-  
tatis ad supremum esse, non bene inferitur, illam  
fuisse elevatam ad supremum operari, & quod de-  
buerit visione beatificâ Dei dotari, uti n. 4. proba-  
tum est. *Resp. Dist. Ant.* Operari non sequitur ad  
esse subsistentiæ, consecutione physicâ, & ut ad  
rationem formalem, & formale principium operan-  
di, *Conced.* Operari non sequitur ad esse subsisten-  
tiæ consecutione morali, & ratione moralis con-  
decentiæ, *Neg. Ant. Similiter Dist. Conseq. Et Neg.*  
*Conseq. Et Concessio subsumpt. Neg. Conseq.* Nam, licet  
naturæ assumptæ ad supremum esse *subsistentiæ* non sit  
debita suprema operatio possibilis, ratione *physicæ*  
connexionis; debetur tamen ipsi *moraliter*, & ra-  
tione connexionis moralis; decens enim est, ut na-  
turæ sic assumptæ, suprema operatio possibilis con-  
cedatur; unde ex assumptione humanitatis ad sub-  
sistentiam Verbi, rectè ostenditur illi concessam fuis-  
se supremam operationem, consistentem in clara  
Dei visione, quia ad hoc sufficit connexio mora-  
lis: ergo.

*Obijcies 4to.* Gloria corporis & animæ, est ne-  
cessariò connexa, nam gloria corporis emanat ex  
gloria animæ, ut docent Theologi ex S. *August.*  
*Epist.* 56. Atqui in Christo ante resurrectionem non fuit  
gloria corporis: ergo neque animæ. *Resp. Dist. Maj.*  
Gloria corporis & animæ est necessariò connexa con-  
nexionem naturali, *Conced.* Connexionem essentiali,  
*Neg.*



*Neg. Maj. & Concess. Min. Neg. Conseq.* Fuit quidem debita gloria corpori Christi à primo instanti conceptionis, tum propter gloriam animæ, tum propter unionem hypostaticam, caruit tamen illâ gloriâ corpus Christi ex speciali Dei ordinatione propter nostram redemptionem.

26. *Objicies 510.* Christus ante resurrectionem suam & ascensionem fuit viator; atqui nullus viator potest pro statu viæ habere visionem aut fruitionem Dei: ergo neque Christus. *Prob. Min.* Quia, præterquam, quòd visio & fruitio Dei ad alium statum & ordinem spectet, adhuc *Exodi 33.* dicitur: *Non enim me videbit homo, & vivet:* ergo quamdiu Christus vixit in hoc mundo, non habuit visionem beatam. *Resp. Dist. Min.* Nullus purus viator habet pro statu viæ visionem Dei, *Conced.* Nullus homo, qui est simul Deus, non habet pro statu viæ visionem Dei, *Neg. Min.* *Ad ejus probationem dico:* legem illam solum intelligi de puro homine, & quidem hoc de lege ordinaria; Christus autem licet fuerit homo & viator, fuit tamen etiam simul verus Deus: ergo.

27. *Objicies 610.* Christus meruit sibi beatitudinem: ergo fuit aliquò instanti sine illa. *Prob. Ant.* Quidquid est perfectionis in creatura rationali, debet Christo attribui, nisi ipsi repugnet; atqui magnæ perfectionis est in creatura rationali, mereri sibi beatitudinem: ergo. *Resp. Neg. Ant. Ad Prob. Dist. Maj.* Quidquid est perfectionis in creatura rationali, non habens sibi admixtam aliquam imperfectionem, vel non supponens talem in subiecto merente, debet Christo attribui, *Conced.* Quidquid habet imperfectionem admixtam, vel illam supponit in subiecto merente, *Neg. Maj. Similiter Dist. Min. & Neg. Conseq.* Licet enim sit aliqua perfectio, mereri per bona opera

ra sibi beatitudinem, supponit tamen imperfectio-  
nem in merente, quòd videlicet fuerit aliquando si-  
nè illo, quod est meritus, adeoque quòd transive-  
rit à statu minùs perfecto ad statum magis perfe-  
ctum, quod sapit imperfectionem.

*Objicies 7<sup>mo</sup>.* Melius est habere beatitudinem per 28.  
merita, quàm sinè meritis; atqui Christus illam ha-  
buit meliori modò; ergo per merita; atqui non ha-  
buisset illam per merita, si illam habuisset statim in  
primo instanti suæ conceptionis: ergo. *Resp. Neg. Maj.* Ratio est: quia melius est, habere beatitudinem  
titulò connaturalitatis; atqui Christus illam habuit  
titulò connaturalitatis, fundatò in unione hyposta-  
tica: ergo.

*Objicies 8<sup>vo</sup>.* Christus habuit omnes conditiones 29.  
requisitas ad meritum, & meruit defacò alijs gra-  
tiam & gloriam: ergo à fortiori potuit illam sibi  
ipsi mereri. *Resp. Diss. Ant.* Habuit omnes condi-  
tiones ad merendum alijs, *Conced.* sibi ipsi, *Neg. Ant.*  
& *Conseq.* Ut Christus sibi meruisset beatitudinem,  
necesse fuit ut nullum habuisset jus ad illam ex vi  
suæ generationis, & aliquando extitisset sinè illa; at-  
qui Christus ex vi suæ generationis propter unio-  
nem ad Verbum, habuit jus ad gratiam & gloriam:  
ergo illam sibi non meruit.

*Objicies 9<sup>no</sup>.* Licet Angelis collata fuerit gratia in 30.  
primo instanti creationis, tamen non fuit ipsis de-  
bita visio beatifica: ergo etiam, licet Christo fuerit  
collata gratia in primo instanti conceptionis, ta-  
men illi non debebatur visio beatifica. *Resp. Neg. Conseq. Diss. est:* Quia Angelis tantum collata fuit  
gratia *accidentalis*, idque ut principium merendi glo-  
riam; principium autem meriti, *connaturaliter* præce-  
dit præmium: ergo. At verò Christo collata fuit  
gratia



gratia *substantialis*; gratia autem *accidentalis* collata quidem etiam illi fuit, sed non ut principium merendi, sed ut *proprietas*, consequens unionem hypostaticam; adeoque unio hypostatica non debuit tempore præcedere visionem beatificam, sed debuit statim cum illa dari.

31. *Obicies 1o* mod. Summum gaudium non potest in eodem subiecto componi cum summa tristitia; atqui anima Christi tempore passionis, habuit summam tristitiam, juxta illud *Matth. 26. Tristis est anima mea usque ad mortem*: ergo non potuit habere visionem beatificam, quæ includit summum gaudium. *Resp.* omisiss aliorum hujus argumenti solutionibus, cum *D. Thom. Dist. Maj.* Non possunt componi secundum easdem vires & potentias, *Conced.* Secundum diversas vires & potentias, *Neg. Maj.* Gaudium beatificum erat in Superiori parte animæ, nempe, in voluntate, instructa donis gratiæ, & eliciebatur secundum vires superiores, nec derivabatur ad partes inferiores, videlicet, ad appetitum sensitivum, secundum quas patiebatur, & tristis erat; & Deus impedit, ne gaudium illud redundaret in partes inferiores, ut Christus possit pro peccatis nostris satisfacere. *Suarez hic Dist. 25. sect. 1.* sic distinguit *Maj.* Non possunt componi in eodem subiecto de eodem objecto, *Conced.* De diversis objectis, *Neg.* Dicitque, quod Christus summè gaudebat de gloria Dei, & sua visione beatifica; tristabatur autem de peccatis, propter quæ patiebatur.

32. *Obicies 1o* mod. Ad gaudium semper sequitur dilatatio cordis, ad tristitiam autem sequitur ejusdem contractio; atqui idem cor non potest simul esse dilatatum, & contractum: ergo in Christo non potuit simul esse gaudium & tristitia, etiam de diversis

lis objectis. *Resp. Dist. Maj.* Ad gaudium sequitur naturaliter dilatio cordis, & ad tristitiam ejusdem constrictionio. *Conced.* Sequitur essentialiter, ita ut nec de potentia Dei absoluta hi effectus impediri possint, *Neg. Maj.* In proposito Deus miraculosè gaudij effectum impedivit, nè redundaret in corpus; & consequenter gaudiò beatificò non fuit cor Christi dilatatum, licet tristitià fuerit constructum.

*Objicies 12mò.* Si Christus à primo instanti suæ 33. conceptionis habuisset scientiam beatam, fuisset simul viator & comprehensor; atqui hoc repugnat: ergo. *Resp. Dist. sequel. Maj.* Fuisset viator & comprehensor secundum idem, & eodem respectu, *Neg.* Diversò respectu, *Conced. sequel. Maj.* Juxta *D. Thom.* Christus erat comprehensor, in quantum possidebat beatitudinem propriæ animæ, & simul erat viator, in quantum tendebat ad beatitudinem corporis, quâ tunc adhuc carebat; atqui ista non sunt idem, sed diversa: ergo Christus non erat viator & comprehensor secundum idem, & eodem respectu, sed diversò.

*Objicies 13mò.* Si Christus habuisset scientiam beatam, posset dici ad quæ objecta hæc scientia se extenderit, & quæ per illam cognoverit; atqui non potest dici: ergo. *Resp. 1mò.* Et dico: quod anima Christi per visionem Beatam cognoverit à primo instanti creationis & defacto cognoscat clarè & distinctè omnia, quæ sunt formaliter in Deo, nempe essentiam, attributa, & personalitates divinas. *Ratio est:* quia hæc omnia, alij omnes beati vident in Deo, & si hæc non viderent, non essent perfectè beati, ut communiter docetur 1. p. de beatitudine: ergo etiam hæc omnia Christi anima vidit, & defacto videt in Deo. *Quod attinet creaturas, Resp. 2dò.*



& dico: quòd anima Christi per scientiam beatam non cognoscat in Verbo clarè & distinctè omnes creaturas purè possibiles. Ità *D. Thom. 3. p. q. 10. a. 2. Amicus hic Diss. 19. sect. 2. n. 18. Salmanticenses Tom. 10. Diss. 18. dub. 1. §. 1.* Et plures alij. Ratio est: quia clara Dei visio omnium possibilium creaturarum in Deo, aut in Verbo, est comprehensio divinæ essentix; atqui nullus intellectus, sive creatus, sive creabilis, potest comprehendere divinam essentiam, ut communiter docetur in 1. p. cùm nullus intellectus, sive creatus sive creabilis, possit esse tante intellectivitatìs, quantæ intelligibilitatìs est essentia divina: ergo neque intellectus creatus Christi; adeoque anima Christi non cognovit, nec defacto cognoscit clarè & distinctè omnes possibiles creaturas in Verbo. *Prob. Maj.* Clara Dei visio creaturarum purè possibilium, est comprehensio omnipotentia divinæ, adeoque omnium terminorum, quos omnipotentia Dei respicit; atqui omnipotentia Dei identificatur essentia divinæ: ergo clara Dei visio omnium creaturarum pure possibilium in Verbo, aut in Deo, est comprehensio essentia divinæ. *Quod concernit creaturas, & objecta præterita, præsentia, & absolute futura.* *Resp.* Ista omnia cognovisse animam Christi in Verbo. Ità *D. Thom. 3. p. q. 10. a. 11.* dicens: anima Christi omnia novit in Verbo propriè, quæ quòcunque modò sunt, fuerunt, vel erunt. Ratio est: quia quilibet beatus cognoscit per visionem beatificam omnia, quæ ad illius statum pertinent; atqui ad statum Christi, etiam ut hominis, pertinent omnes res creatæ præteritæ, præsentis, & absolute futuræ: ergo. *Prob. Min.* Christus est finis saltè intermedius omnium rerum creatarum. Item, subduntur ejus dominio & potestati judiciariæ, influ-

xuique sanctificativo & gubernativo, ut patet ex The-  
si 1ma. n. 6. ergo

Replicabis 1mò. Ex eo: quòd anima Christi per scien- 35.  
tiam beatam videatur cognoscere in Verbo clarè, & di-  
finitè omnes creaturas purè possibiles, quin compren-  
dat potentiam & essentiam Dei. Unde sic: 1mò. Bea-  
ti defectò vident terminum adæquatum potentix ge-  
nerativæ, & spirativæ Patris, & tamen non sequi-  
tur, quòd potentiam generativam, & spirativam Pa-  
tris comprehendant: ergo etiam, licèt viderent om-  
nes terminos omnipotentix, & ipsam omnipoten-  
tiam, non sequeretur, quod omnipotentiam & ef-  
fentiam Dei comprehenderent. 2dò. Qui quiddita-  
tivè videt omnipotentiam Dei, videt omnes creatu-  
ras possibiles; atqui anima Christi videt quidditati-  
vè omnipotentiam Dei: ergo etiam videt omnes  
creaturas possibiles. Prob. Maj. qui videt quiddita-  
tivè omnipotentiam Dei, debet etiam videre om-  
nia illa, sinè quibus non esset omnipotentia Dei;  
atqui deficiente aliquà creaturâ possibili, non esset  
omnipotentia Dei, id est: Si Deus aliquam crea-  
turam possibilem non posset producere, non esset  
omnipotens: ergo. Resp. Ad 1mum Dist. Ant. Vident  
terminum adæquatum, potentix generativæ & spi-  
rativæ Patris, sed non totaliter, Conced. Vident il-  
lum totaliter, Neg. Ant. & Conseq. Licèt enim beati  
videant terminum adæquatum potentix generativæ  
& spirativæ Patris, non tamen vident illum totaliter;  
ad hoc enim requiritur, ut videant omnes rationes  
ad talem terminum pertinentes, quos tamen non vi-  
dent; quia de ratione potentix generativæ est, ut sit  
imago expressiva Dei, & omnium creaturarem, quam  
rationem non vident beati totaliter; unde non sequi-  
tur, quòd potentiam generativam comprehendant,  
sed



sed solum; quod illam *quidditative* videant. Sicut etiam *quidditative* vident totum Deum, quamvis eum non videant *totaliter*, & *comprehensive*. *Ad 2dum Neg. Maj. Ad Prob. Diss. Maj.* Debet videre omnia, si formaliter & naturaliter in ea repræsententur, *Conced.* Si solum repræsententur virtualiter & libere, uti repræsentantur creaturæ possibiles in omnipotentia Dei, *Neg. Maj.*

36. *Replicabis 2dò. Ex eo: quod anima Christi non videatur cognoscere in Verbo omnia absolute futura.* Jam sic: 1mò. *Marci 13.* dicitur: *De die autem illo, vel hora nemo scit, neque Angeli in Cælo, neque Filius, nisi Pater:* ergo anima Christi non cognoscit absolute futura in Verbo. 2dò. Si anima Christi cognosceret omnia pure possibilia in Verbo, comprehenderet scientiam simplicis intelligentiæ: ergo etiam, si cognosceret absolute futura, comprehenderet scientiam visionis. 3iò. Si anima Christi cognosceret omnia absolute futura, haberet æquè perfectam scientiam ac Deus; atqui hoc non: ergo. 4iò. Attingeret multitudinem infinitam, & sic cognitio creata esset infinita; atqui nulla cognitio creata potest esse infinita: ergo. 5iò. Non cognoscit per scientiam beatam conditionatè futura: ergo neque absolute futura. *Resp. Ad 1mum. Explic. textum scriptur.* Nemo scit neque Filius, ut manifestet alteri, *Conced.* Absolute non scit Filius, *Neg. textum. Diss. etiam Conseq.* Ergo Christus non scit futura per scientiam propriam, *Conced.* Per scientiam communicatam sibi à Patre, *Neg. Conseq. Ad 2dum Neg. Conseq. Diss. est:* Quia si anima Christi cognosceret omnia possibilia, comprehenderet omnipotentiam divinam, nam cognosceret illam *quantum cognoscibilis est*; cognosceret enim omnes possibiles terminos omnipotentia Dei; adeo-

adeoque etiam *comprehenderet* scientiam simplicis intelligentiæ, quæ terminatur ad purè possibilia; at verò anima Christi, cognoscendo omnia absolutè futura, non cognoscit omnes terminos, quos ex *intrinseca sua capacitate* habere potest scientia visionis; quia poterat Deus plura alia objecta creare, quàm defacto creaverit, aut decreverit creare: ergo Christus cognoscens defacto creata, aut etiam illa, quæ Deus decrevit creare, nondum adæquat scientiam visionis, *secundùm se*, & *absolutè acceptam*: ergo. *Ad 3tium Dist. Maj.* haberet æquè perfectam scientiam ac Deus, *extensivè*, & *materialiter*, *Conced.* Quasi *intensive*, & *formaliter*, *Neg. Maj.* Scientia enim animæ Christi, licèt sit par divinæ quoad numerum scibilium, non est tamen par quoad claritatem; quia Deus comprehendendo se, *infinite* cognoscit, & quasi super comprehendit terminos suæ omnipotentia. *Præterea*: lumen Christi est creatum, Dei verò increatum: ergo. *Ad 4tum.* Dico: quodd attingeret multitudinem infinitam *sincategorematicè*, non autem *categorematicè*. Aut potest dici: quod attingeret multitudinem infinitam *terminativè*, non autem *entitativè*. *Ad 5tum. Neg. Conseq. Dispar. est*: Quia si cognosceret omnia *conditionatè* futura, comprehenderet scientiam mediam, quod implicat; at verò cognitis *absolutè* futuris, non comprehendit scientiam visionis, ut patet ex immediatè dictis. Cæterùm Christus per scientiam beatam, cognoscit in Deo illa *conditionatè* futura, quorum notitia ad dignitatem ejus pertinet, & quorum futuritio dependet ex suppositione Incarnationis volitæ: ergo.



## §. II.

*Solvuntur objectiones contra secundam partem Thesis, quæ dicit: quòd Christus habuerit etiam scientiam per se infusam.*

37. **O**bjicies imò. Ex eo: quòd hæc scientia fuisset in Christo otiosa. Unde sic: Per scientiam beatam cognovit Christus omnia, & quidem perfectius, quàm cognoscere illa potuit per scientiam infusam: ergo scientia infusa fuisset in Christo otiosa. *Resp. Dist. Ant.* Per scientiam beatam cognovit Christus omnia in Verbo, *Conced.* extra Verbum, *Neg. Ant. & Conseq.* Sicut enim in Angelis non est otiosa, aut superflua cognitio vespertina creaturarum, licet easdem cognoscant etiam cognitione matutina in Verbo; ita neque in Christo fuit otiosa, aut superflua scientia infusa. *Ratio est:* quia, licet eadem objecta cognoscantur per utramque scientiam, non tamen eodem modò, sed diversò cognoscuntur, nempe intrà, & extra Verbum; ac proinde licet per scientiam beatam explicetur potentia animæ quantum ad numerum scitorum, non tamen quantum ad modum sciendi.

38. *Objicies 2dò.* Scientia beata fuit in Christo à primo instanti conceptionis: ergo fuisset superflua in ipso scientia infusa. *Prob. Conseq.* Superflua est cognitio imperfectior, præsentē perfectiore; atqui scientia infusa est imperfectior respectu scientiæ beatæ: ergo præsentē scientiâ beatâ, fuisset superflua scientia infusa. *Resp. Neg. Conseq. Ad Prob. Dist. Maj.* Superflua est cognitio imperfectior præsentē perfectiore, quando tales cognitiones habent idem motivum,

& objectum formale, ac præcisè differunt inter se penes maiorem & minorem intentionem, *Trans.* Quando habent diversum motivum, & objectum formale, *Neg. Maj. Similiter Dist. Min. & Neg. Conseq.* Licet enim cognitio imperfectior sit superflua præsentè perfectiore, quando tales cognitiones habent idem motivum, & objectum formale, ac præcisè differunt inter se penes maiorem & minorem intentionem; non est tamen superflua tunc, quando utraque cognitio habet diversum motivum, & objectum formale, (aut etiam diversum modum tendendi in objectum, uti aliqui Theologi volunt,) proptèr in præsentè contingit: ergo.

*Obijcies 310.* Si Christus habuisset scientiam per 39. se infusam, tunc illam habuisset statim à primo instanti suæ conceptionis; atqui illam non videtur tunc habuisse: ergo. *Prob. Min.* Nihil exegit hanc scientiam pro primo instanti conceptionis Christi: ergo. *Resp. Neg. Min. cum sua Prob.* Ratio est: Tum, quia hæc scientia data est Christo ratione unionis hypostaticæ, adeoque unio hypostatica illam exegit; atqui unionem hypostaticam habuit Christus à primo instanti suæ conceptionis: ergo & scientiam infusam. Tum, quia non fuit necessarium Christo, neque nobis utile, ut aliquò tempore hac scientiâ careret: ergo infusa est ipsi in primo instanti conceptionis.

*Replicabis.* Christus à primo instanti suæ conceptionis, habuit actum visionis beatificæ: ergo in eo instanti non potuit elicere actum scientiæ infusæ. *Prob. Conseq.* Implicat, ut aliqua potentia simul duas operationes eliciat: ergo. *Resp. Neg. Conseq. Ad Prob. Dist. Ant.* Si tales operationes ad se invicem non referantur, nec sibi subordinentur, *Conced.*



ced. Si ad se invicem referantur, & sibi subordinentur, *Neg. Ant. & Conseq.* Patet hoc in instantia: sic voluntas simul & semel intendit finem & eligit media; intellectus simul cognoscit principia, & ex illis infert conclusiones; Scientia autem infusa animæ Christi, cognitioni beatificæ, ad quam consequitur, quodammodò subordinatur: ergo non repugnat nec repugnabat, utriusque actum esse in intellectu Christi, sicut de cognitione matutina & vespertina Angelorum, communiter docent Theologi. Hinc etiam *S. Thom. 3. p. q. 9. a. 3. in ☉.* ità dicit: sicut in Angelis ponitur duplex cognitio, una matutina, per quam res cognoscunt in Verbo; & altera vespertina, per quam res cognoscunt in propria natura per species sibi inditas; ità præter scientiam divinam & increatam, est in Christo secundum ejus animam scientia beata, quæ cognoscit Verbum, & res in Verbo, & scientia infusa sive indita, per quam cognoscit res in propria natura, per species intelligibiles humanæ menti proportionatas: ergo &c.

41. *Objicies 4dò.* Admissâ scientiâ beatâ in Christo, sufficienter satiata, & expleta fuit potentia obedientialis animæ Christi, in ordine ad objecta supernaturalia cognoscenda: ergo non est in illo ponenda, scientia infusa. *Resp. Diss. Ant.* Sufficienter fuit satiata, & expleta aliqua potentia obedientialis animæ Christi, *Conced.* fuit sufficienter satiata, & expleta omnis potentia obedientialis animæ Christi, *Neg. Ant. & Conseq.* Duplex etenim potentia obedientialis erat in anima Christi, in ordine, ad objecta supernaturaliter cognoscenda. *Prima* erat, ad cognoscenda hæc objecta in Verbo, & hæc potentia obedientialis satiata, & expleta fuit per scientiam beatam. *Altera* erat, ad cognoscenda eadem objecta extra Verbum, quæ non expletur, nisi per scientiam infusam: ergo.

*Obji-*

*Obijcies 5to.* Anima Christi cognoscit omnes res in 42.  
 proprio genere per scientiam beatam: ergo, etiam si  
 caruisset scientiâ infusâ, à scientia beata distinctâ,  
 tamen non mansisset in potentia ad hujusmodi co-  
 gnitionem; ut n. 9. dicebatur. *Resp. Dist. Ant.* Cogno-  
 scit omnes res creatas in proprio genere ex parte rei  
 cognitæ, *Trans.* Ex parte medij, cognoscendi, *Neg. Ant.*  
*& Conseq.* Intellectus enim animæ Christi, est in po-  
 tentia ad cognoscendas res creatas in proprio genere,  
 non solum ex parte rei cognitæ, sed etiam ex par-  
 te medij cognoscendi, hoc est, ita, ut, ipsa entitas  
 creata, sit medium cognitionis; atqui, quamvis per  
 scientiam beatam cognoscantur in proprio genere ex  
 parte rei cognitæ, non tamen cognoscuntur in se ipsis,  
 ex parte modi cognoscendi, cum illas attingat me-  
 diante divinâ essentiâ, ut objecto prius cognitò, &  
 mediò cognoscendi creaturas: ergo per scientiam  
 beatam non expletur omnis *potentialitas* intellectûs,  
 animæ Christi, in ordine ad creaturarum cognitio-  
 nem; & consequenter illâ positâ, & seclusâ cog-  
 nitione rerum in proprio genere per scientiam infu-  
 sam habita, intellectus animæ Christi *potentialis &*  
*imperfectus* maneret.

*Obijcies 6to.* Si daretur scientia infusa in Christo, 43.  
 deberet esse distincta à scientia beata; atqui non est  
 distincta: ergo. *Prob. Min.* Si esset distincta à scien-  
 tia beata, esset etiam distincta à lumine gloriæ;  
 atqui à lumine gloriæ non est distincta, ut aliqui  
 Theologi docent; & *Suarez hic Diss. 29. sect. 4.* in  
 hanc sententiam inclinare videtur: ergo. *Resp. Neg.*  
*Min.* Ad ejus *Prob. cum Comptono hic Diss. 52. sect. 4.*  
*Neg. Min.* Licet enim nulla implicancia sit, quò mi-  
 nus scientia infusa, lumini gloriæ possit identificari;  
 communis tamen Theologorum sententia in contra-  
 rium



rium est, teste eòdem *Comptonò, loc. supr. cit.* Tum, quia lumen gloriæ peculialiter ordinatum esse videtur, ut versetur circa *Deum in se*, sicut fides circa *eius testimonium*. Tum, quia non videtur esse dubium, quin separari possit scientia illa infusa à statu beatitudinis, & dari viatori: ergo.

44. *Obicies 2<sup>um</sup>.* Vel Christus per eandem scientiam infusam cognoscit naturalia, & supernaturalia, vel per duplicem? Sed neutrum dici potest: ergo. *Prob. Min.* Non *primum*: quia unus simplex habitus non videtur posse extendi simul ad objecta naturalia, & supernaturalia cognoscenda. Non etiam *Secundum*: quia scientia infusa est habitus supernaturalis quoad substantiam, talis autem habitus non attingit objecta purè naturalia: ergo. *Resp. eam D. Thom.* & dico: quòd in intellectu creato Christi detur duplex habitus *scientia per se infusa*: Unus pro cognoscendis omnibus Mysterijs gratiæ, & objectis *supernaturalibus*; Alter verò pro cognoscendis objectis *naturalibus*. Sic etiam Angeli habent alias species infusas pro objectis *naturalibus*, alias pro *supernaturalibus*. Porro habitus & species infusæ repræsentantes objecta naturalia, dicuntur etiam esse *supernaturales* hoc sensu, quòd à nulla virtute naturali sed à solo Deo produci possint, licet etiam aliò sensu dici possint *naturales*, in quantum attingunt objecta purè naturalia. Aliqui tamen Theologi cum Platelio docent: quòd in Christo sit unicus simplex habitus *scientia per se infusa*, cognoscitivus tam naturalium, quàm supernaturalium objectorum, unde dicunt: quòd licet repugnet, ut idem habitus acquisitus possit se extendere simul ad omnia objecta tam *naturalia*, quàm *supernaturalia*, non tamen repugnet ejusmodi habitus universalis à Deo per se infusus

fusus; sicut nec ejusmodi species per se infusa, quæ se ad objecta tam naturalia, quam supernaturalia extendere possit.

*Obicies 8vo.* Ejusdem objecti sufficit una scientia 48. in genere proprio; atqui Christus habuit scientiam propriam, & connaturalem rerum naturalium: ergo non indigebat infusâ. *Resp. Dist. Maj.* Sufficit, si sit perfecta, *Trans.* Si sit imperfecta, *Neg. Maj.* Similiter *Dist. Min. & Neg. Conseq.* Cum itaque scientia naturalis in Christo fuerit suo modò imperfecta, debuit habere aliâ scientiam ordinis altioris.

*Obicies 9no.* Carentia negativa alicujus perfectio- 46. nis, non est imperfectio, sed sola carentia privativa, & positiva; atqui carentia scientiæ infusæ supernaturalis, est tantum carentia negativa perfectionis: ergo non censetur esse imperfectio; adeoque scientia infusa potest negari in Christo, sine ullo inconvenienti. *Prob. Min.* Ad rationem carentiæ privativæ & positivæ alicujus perfectionis, non sufficit negatio illius, cum capacitate in subiecto, sed insuper necessarium est debitum talis perfectionis; atqui scientia per se infusa supernaturalis, non est debita intellectui Christi creato; nam forma supernaturalis, est supra exigentiam, & debitum omnis naturæ creatæ: ergo illius carentia non est privativa aut positiva, sed negativa; & per consequens non est imperfectio, necessario in humanitate Christi vitanda. *Resp. Neg. Min.* Ut enim anima Christi esset perfecta, oportebat, ut omnis potentialitas ejus, tam naturalis, quam obedientialis in actum reduceretur, & quamvis potentialitas naturalis, aut obedientialis secundum se spectata, non exegisset scientiam infusam, exegit tamen illam ut conjunctam unioni hypostaticæ, cum omnis perfectio in determinato consistens, & non re-  
X 4 pugnans



pugnans Christi beatitudini, neque fini nostræ redemptionis, debita fuerit Christo; atqui scientia per se infusa in determinato consistit, & non repugnat beatitudini Christi, ut observat *Godoy hic q. 9. tract. 7. Diss. 32. §. 5. n. 91.* neque fini nostræ redemptionis: ergo.

47. *Objicies* tomò. Positâ cognitione creaturarum in Verbo, nulla est imperfectio, carere cognitione creaturarum in se ipsis, ut medio cognoscendi: ergo potest dici, quod Christus cognoscat creaturas tantum in Verbo, & nullò modò in se ipsis. *Prob. Ant.* Deus cognoscit creaturas in se ipso, ut medio cognitionis, non verò in se ipsis ut mediò, & ratione formali objectivâ cognoscendi; & tamen carentia hujus cognitionis nullam dicit imperfectiorem in Deo: ergo carere cognitione creaturarum in se ipsis, ut mediò cognoscendi, nulla est imperfectio, suppositâ cognitione illarum in Divina essentia. *Resp. Diss. Ant.* Nulla est imperfectio in Deo, carere cognitione creaturarum in se ipsis, ut mediò cognitionis. *Conced.* Nulla est imperfectio in intellectu creato. *Neg. Ant. Et Conseq.* Cum itaque intellectus animæ Christi fuerit creatus, ideò redundasset in illum aliqua imperfectio, si tantum cognovisset creaturas in Verbo, non autem etiam extra Verbum in se ipsis.

48. *Replicabis.* Nulla est imperfectio in Deo, carere cognitione creaturarum in se ipsis, ut mediò cognitionis: ergo neque in intellectu creato. *Resp. Neg. Conseq. Diss. est:* Quia Deo repugnat, creaturas in se ipsis cognoscere, ut ratione formali objectiva, & ut mediò cognoscendi illarum; quia repugnat cognitioni divinæ, specificari ab aliqua formalitate creata, & per speciem creatam creaturas cognoscere; ut observat *Godoy loc. supr. citatò*; atqui hoc utrum-

que

que sequeretur, si Deus creaturas *in se ipsis* immediate cognosceret: ergo repugnat Deo, cognitio creaturarum *in se ipsis*, ut ratione objectivâ, & mediâ eandem cognoscendi. At verò intellectus Christi, utpote creatus, est capax cognoscendi creaturas, cognitione ad illas *in se ipsis* immediate terminatâ: ergo carentia hujusmodi cognitionis, est imperfectio. Patet hoc in discursu, cujus carentia non est imperfectio in Deo, cum eidem discurrere repugnet; in Christo autem *ut homine*, cui convenit per discursum intelligere, imperfectio foret, cognitione discursivâ carere: ergo &c.

*Obijcies 11mò.* Conjunctio animæ cum corpore, repugnat modo cognoscendi, qui proprius est scientiæ infusæ: ergo Christus non potuit illam habere pro statu viæ. *Prob. Ant.* Anima unita corpori dependet in operando à phantasmatibus; atqui scientia per se infusa operatur independenter à phantasmatibus: ergo. *Resp. 1mò indirectè.* Ergo nec Adamus post sui creationem potuisset habere scientiam infusam, si hæc dicta essent vera, quod est contra communem Theologorum sententiam: ergo. *Resp. 2dò.* *Neg. Ant.* *Ad Prob. Dist. Maj.* Anima unita corpori dependet in operando à phantasmatibus cognoscendo objecta, quorum nullas habet infusas species, *Conced.* Dependet à phantasmatibus, cognoscendo illa objecta, quorum infusas habet species. *Neg. Maj.* Hæc autem scientia infusa Christi, cum non fuerit sensuum ministeriò acquisita, non habet per se connexionem, & dependentiam ad operationes sensuum, sicut habet scientia nostra. *Præterea:* Scientia Christi similis est scientiæ Angelorum; atqui scientia Angelorum est independens à phantasmatibus: ergo & scientia infusa Christi.

*Obijc.*



50. *Obijcies 12mo.* Si fuisset in Christo scientia infusa cognovisset per illam res naturales; atqui per illam non videtur cognovisse res naturales: ergo. *Prob. Min.* Res naturales sunt objectum scientiæ naturalis: ergo per illam non videtur cognovisse res naturales. *Resp. Neg. Min. Ad Prob. Dist. Ant.* Res naturales sunt objectum scientiæ, naturalis etiam, *Conced.* Tantum, *Neg. Ant. Et Conseq.* Quod autem res naturales sint etiam objectum scientiæ infusæ, *ratio est:* quia lumen, seu scientia superioris ordinis, potest habere universale objectum, quod non solum res superiores, sed etiam inferiores complectitur; nam virtus quanto superior, tanto est universalior; & quia inferiora non excedunt superiorum virtutem, possunt nobiliori modo attingi; instantia est in intellectu, qui aliorum sensuum objecta potest attingere.

51. *Obijcies 13to.* Si daretur scientia infusa in Christo, potuisset per illam cognoscere omnia supernaturalia; atqui non potuit: ergo. *Prob. Min.* Gratia habitualis, quæ est participatio naturæ divinæ: Item, visio beatifica, & unio hypostatica, non possunt quidditative cognosci per scientiam infusam, quia deberet per eandem scientiam quidditative cognosci ipse Deus: ergo non omnes res supernaturales potuit Christus per scientiam infusam cognoscere. *Resp. Neg. Min. Ad Prob. Neg. Ant.* Et ejus causalem. *Ratio est:* quia ad cognitionem quidditativam, sicut & ad intuitivam, non requiritur, ut videatur objectum quoad omnes terminationes, seu quoad omnes terminos, quos tale objectum respicit: ergo licet gratia, visio beatifica, & unio hypostatica respiciant Deum, possunt tamen quidditative & intuitive videri, quin videatur Deus intuitive. Sic Angelus se ipsum, aut aliquod aliud ens creatum, videt intuitive, & tamen non videt

det intuitivè Deum, à quo ipse, & omnis creatura dependet. Beati vident intuitivè essentiam Dei, & tamen non vident omnes terminos omnipotentiae, vel omnis scientiae divinae: ergo &c.

*Objicies 14to.* Si intellectus animae Christi habuisset scientiam infusam, cognovisset per illam secreta cordium; atqui non videtur cognovisse: ergo. *Prob. Min.* Cognoscere secreta cordium est soli Deo proprium, juxta illud 2. Paralip. 6. *Tu solus nō sī corda hominum:* ergo. *Resp. Dist. Maj.* Cognovisset per illam secreta cordium, ea, quae ipsi à Deo revelata erant, *Conced.* Etiam illa, quae ipsi non erant revelata, *Neg. Maj. Ad Prob. Dist. Ant.* Cognoscere secreta cordium proprijs viribus, est soli Deo proprium, *Conced.* Cognoscere illa per revelationem, *Neg. Ant. & Conseq.*

### §. III.

*Solvuntur objectiones contra tertiam partem Thesis, quae dicit: quod intellectus creatus Christi, habuerit etiam scientiam acquisitam.*

**O***bjicies 1mo.* Ex eo: quod Christus nullam scientiam proprio exercitiō videatur acquisivisse. Unde sic: Christus statim à primo instanti conceptionis fuit plenus gratiae & veritatis. Joann. 1. Ergo sicut omnem gratiam habuit totam simul, ita & omnem scientiam; per consequens nullam proprio exercitiō acquisivit. *Resp. Dist. Conseq.* Ergo sicut habuit totam gratiam, ita etiam scientiam infusam, *Conced.* Acquisibilem, *Neg. Conseq.* Christus itaque sicut erat plenus gratiae infusae ab initio suae conceptionis, ita etiam veritatis infusae, non autem ac-



acquisibilis, cum ad *Hebr. 5.* dicatur de Christo: *Dicitur ex ijs, quæ passus est obedientiam.*

54. *Obijcies 2dò.* Adamo statim primò instanti creationis, fuerunt per accidens infusæ scientiæ naturales acquisibiles, quia fuit Doctor humani generis; at qui etiam Christus fuit Doctor humani generis, juxta illud: *Isaia 30. Et non faciet avolare à te ultrà Doctorem tuum, & erunt oculi tui videntes Præceptorem tuum:* ergo etiam ipsi per accidens erant infusæ scientiæ naturales acquisibiles. *Resp. 1mò. Disp. Maj.* Adamo statim primò instanti creationis, fuerunt infusæ scientiæ naturales, ita tamen, ut etiam successu temporis sibi varias scientias per experientiam, & conversionem ad phantasmata acquisiverit, *Conced.* Ita, ut absolutè nullas successu temporis sibi acquisiverit scientias, *Neg. Maj. Resp. 2dò. Neg. Conseq. Disp. est: 1mò.* Quia Adamus fuit creatus in perfectâ ætate virili, adeoque conveniens fuit, ut omnes veritates naturales haberet per infusionem, quas vir perfectus habere potest per exercitium; at verò Christus fuit positus in statu innocentiae, cui connaturale est, crescere in ætate & sapientia, propriò exercitiò acquisibili. *Disp. est: 2dò.* Quia Adamus fuit Doctor generis humani, non tantum in *supernaturalibus gratia mysterijs*, sed etiam in *naturalibus*; at verò Christus non venit scientias naturales profiteri, sed *mysteria gratiæ, & doctrinæ Evangelicæ docere. Salmanticensis Tom. 10. Tract. 21. Disp. 22. dub. 1. §. 2. n. 11.*

55. *Obijcies 3tiò.* Salomoni fuit per accidens infusa scientia acquisibilis: ergo etiam Christo. *Resp. Neg. Conseq. Disp. est:* Quia Salomon caruit scientiâ beatâ, & per se infusâ; Imò adhuc juvenis populum regere debuit: ergo congruebat, ut illi scientia acquisibilis per accidens infunderetur; at verò Christus; habuit scientiam

scientiam beatam, & per se infusam; insuper in infantili ætate nullum ipsi regimen populi incumberebat: ergo mirum non est, quòd ipsi scientia acquisibilis, per accidens infusa non fuerit.

*Objicies 4to.* Christo per accidens fuerunt infusæ 56.  
virtutes morales, quæ aliàs sunt propriò exercitiò acquisibiles: ergo idem dicendum est de scientijs.  
*Resp. Neg. Conseq. Diss. est:* Quia virtutes morales reddunt hominem simpliciter bonum; ac proinde, si Christus in primo instanti conceptionis non habuisset omnes virtutes morales, non fuisset simpliciter bonus; at verò virtutes intellectuales non reddunt hominem simpliciter bonum: ergo. *Præterea:* Si habuisset naturales scientias per accidens infusas, caruisset modò *connaturali*, objecta naturalia cognoscendi, videlicet, *abstractivè*; atqui hoc non debet admitti: ergo.

*Objicies 5to.* Dedecet Christum, etiam pro brevissimò tempore ignorantia; atqui pro aliquo tempore habuisset ignorantiam, si non habuisset scientiam naturalem per accidens infusam: ergo. *Resp. Diss. Maj.* Dedecet Christum ignorantia privativa, & carentia scientiæ debitæ, *Conced.* ignorantia negativa, & carentia scientiæ indebitæ, *Neg. Maj.* Scientia autem acquisita non debebatur Christo pro ætate infantili, sicut illi non debebatur *cognitio* experimentalis, & *loquela*; adeoque sicut carentia *loquela*, & scientiæ *experimentalis* non dedecebat Christum in illa ætate, ità nec carentia scientiæ, per species abstractivas acquisibilis, quæ scientiam experimentalem supponit.

*Objicies 6to.* Munus intellectus agentis, non tantum est abstrahere species à phantasmatibus, sed etiam illustrare prima principia, ut illis uti possit intel-



Aus passibilis: ergo licet fuisset intellectus agens otiosus quoad primum officium, non tamen quoad secundum. *Resp. Dist. Ant.* Est etiam munus intellectus agentis, illi *scilicet* prima principia, ita tamen, ut prius illuminet phantasmata, *Conced.* Ita, ut non illuminet phantasmata, *Neg. Ant.* Intellectus enim agens non aliter illustrat prima principia, nisi mediante illuminatione phantasmatum, abstrahendo species ab objectis singularibus, ita, ut per inductionem, & exemplificationem singularium, elucidentur universalia principia. V. G. hoc principium: *totum est majus sua parte*, non aliter illustratur per intellectum agentem, nisi in quantum experimentaliter cognoscit, totum hominem, esse majorem sua manu, & scitum totum, majorem sua cauda; proinde non potest intellectus agens illustrare prima principia, nisi prius illuminet phantasmata.

59. *Objicies 7mo.* In beatis manet intellectus agens otiosus: ergo etiam in Christo poterat manere. *Resp. Dist. Ant.* In beatis manet intellectus agens defuncto otiosus, *Conced.* Manet, & manebit, *Neg. Ant. & Conseq.* In statu enim reunitiois, id est, quando post universalem anastasin, & resurrectionem unietur iterum anima corpori, non manebit otiosus, sicut nec fuit otiosus, ante separationem animæ à corpore: ergo.

60. *Objicies 8vo.* Non decuit Christum acquirere aliquam scientiam per viam disciplinæ, seu addiscendo aliquid ab homine, vel Angelo docente: ergo neque abstrahendo species à phantasmatibus; sic enim didicisset aliquid à rebus sensibilibus, & ipsis fuisset subordinatus, sicut discipulus Magistro. *Resp. Neg. Conseq.* Quia nobilius est acquirere scientiam per abstractionem immediatam à creaturis sensibilibus, quam

us agens  
en quoad  
us intel-  
tamen,  
a, ut non  
us enim  
nisi me-  
endo spe-  
inductio-  
eluciden-  
ium: 10-  
ur per in-  
entaliter  
manu, &  
non po-  
ipia, nisi  
us agens  
re. Resp.  
s defacto  
& Con-  
do post  
etur ite-  
sicut nec  
corpore:  
ere ali-  
ddiscen-  
e: ergo  
sicenim  
s fuisset  
sp. Neg.  
per ab-  
bilibus,  
quam

quam per disciplinam docentis hominis, aut Angel.  
*Rationem dat S. Thom. 3. p. q. 12. a. 3. ad 2.* Quia ille,  
qui aliquid addiscit ab homine, non accipit imme-  
diatè scientiam à speciebus intelligibilibus, quæ sunt  
in mente docentis, sed mediantibus vocibus sensi-  
bilibus, *tanquam signis* intelligibilium conceptuum;  
sicut autem voces ab homine factæ, sunt signa scien-  
tiæ, quæ est in docente; ita creaturæ sensibiles à  
Deo conditæ, sunt signa sapientiæ divinæ. Sicut  
ergo dignius est doceri à Deo, quam ab homine, ita  
dignius est accipere scientiam per sensibiles creatu-  
ras, quam per hominis doctrinam.

*Obijcies 9no.* Si scientia naturalis Christi non fuisset per accidens infusa, sed proprijs actibus, seu mi-  
nisteriò sensuum & per abstractionem intellectus a-  
gentis, à phantasmatibus acquisita, fuisset imperfe-  
ctior, & inferior scientiâ Adami; atqui hoc non po-  
telt dici: ergo. *Prob. sequel. Maj.* Plura sunt obje-  
cta naturalia, quæ à sensibus hominum sunt remo-  
tissima, ut omnes species piscium, qui sunt in pro-  
fundissimo mari, omnia quæ generantur intrâ visce-  
ra terræ; atqui hæc non poterant cognosci per spe-  
cies proprias: ergo, si scientia naturalis Christi,  
non fuisset ei per accidens infusa, sed per species  
ministeriò sensuum acceptas comparata, fuisset val-  
de imperfecta, & inferior scientiâ Adami, nec se ex-  
tendisset ad omnia individua, & objecta naturalia,  
quæ in rerum natura existunt. *Resp. Neg. sequel.*  
*Maj. Ad Prob.* Dico: quòd, quamvis Christus non  
habuerit species omnium objectorum naturalium,  
ejus tamen scientia acquisita, non fuit imperfecta, &  
inferior scientiâ Adami; quia per species acquisitas,  
immediate ab aliquibus sensibilibus objectis, *efficaci-*  
*ter* potuit formare & colligere alias, propter excel-  
len-



lentissimam vim ingenij, in quo excedit omnes homines, & ipsum etiam Adamum. Unde S. Thom. hic q. 12. a. 1. ad 2. ita dicit: *Quod, licet sensibus corporalibus Christi, non fuerint subiecta omnia sensibilia, fuerunt tamen subiecta sensibus ejus, aliqua sensibilia, ex quibus propter excellentissimam vim rationis ejus, potuit in aliarum notitiam devenire.*

62. *Obicies* 10mò. Licet gratia habitualis sit comparabilis proprijs actibus, tamen Christo erat infusa in primo instanti conceptionis: ergo etiam, licet scientia naturalis sit acquisibilis actibus proprijs, tamen videtur fuisse infusa Christo. *Resp. Trans. Ant. Neg. Conseq. Disp. est:* Quia gratia, & virtutes infusæ ad actus meritorios prærequiruntur, ut principia *per se* necessaria ad substantiam ipsam actus supernaturalis, sine quibus humanæ Christi facultates, & potentia, non essent *totaliter* ab intrinseco potentes, ad hujusmodi actus; at verò scientia acquisita, non prærequitur, ut principium *per se* necessarium ad actum talis scientiæ eliciendum; nam, licet ad exercendum actum scientiæ acquisitæ prærequiratur species intelligibilis objecti sensibilis, ad eam tamen acquirendam erat in Christo *intrinseca*, & *completa* facultas, nempe, intellectus agens ad eam eruendam ex phantasmate, phantasia ad expressum phantasma formandum, sensus externi ad species sensibiles ab objectis sensibilibus hauriendas, easque in internos sensus transmittendas: ergo. Ita Amicus hic *Disp.* 21. n. 27.

63. *Replicabis.* Estò, scientia acquisita non prærequiratur ad substantiam, prærequitur tamen ad facilitatem actus: ergo saltèm propter hanc facilitatem debuit in primo instanti conceptionis Christo infundi. *Resp. Neg. Conseq.* Nam operari cum difficultate, proveniente

veniente ex modo operandi humano, nullam denotat imperfectionem privativam; at verò operari absque principio completo, denotat imperfectionem privativam: ergo. Unde videmus cœteras functiones humanas Christum operatum fuisse, cum omnibus ijs difficultatibus, quas tales functiones secum naturaliter afferunt; ut *ambulare* cum fatigatione corporis, *comedere* cum esurie, *cogitare* tristitia, cum interna animi molestia, & dolore: ergo etiam hos actus scientificos exercere voluit cum ea difficultate, quam secum naturaliter affert hæc humana scientia, ad majus meritum, & experimentum naturæ humanæ.

*Obijcies* 11mò. S. Damascenus lib. 3. cap. 12. & alij 64. SS. Patres apud Suarez, negant Christum in sapientia profecisse: ergo in primo instanti conceptionis omnes scientias à Deo accepit. *Resp. Explic. S. Damascenum, & alios SS. Patres:* & illi locuti sunt de sapientia infusa, *Conced.* Locuti sunt de sapientia acquisibili, *Neg.* SS. Patres hoc sensu intelligendos esse. Si etenim omnes scientiæ ipsi à Deo infusæ fuissent, tunc etiam ipsi infusa fuisset scientia experimentalis; atqui hæc ipsi infusa non fuit, ut fatentur Adversarij: ergo neque scientia acquisibilis.





# THESIS X.

*Voluntas humana in Christo, fuit (imò.) absolutè impeccabilis, ratione unionis hypostaticæ. Ità S. Thom. 3. p. q. 15. a. 1. Et q. 18. a. 4. ad 3. Vasquez Disp. 61. cap. 3. & sequent. Suarez hic Disp. 33. sect. 2. Amicus Disp. 24. sect. 1. Card. de Lugo Disp. 26. sect. 1. Leonardus Penafiel hic Disp. 14. sect. 4. n. 32. Godoy hic q. 15. tract. 11. Disp. 41. §. 2. cum alijs 24. Author. Salmanticenses Tomo. 10. Tract. 21. Disp. 25. dub. 3. §. 1. Cum qua impeccabilitate (add.) consistere potuit verum, non tamen strictum præceptum de subeunda morte. Ità Lorca Disp. 65. de Incarnat. cum Medina & Victoria. Joannes Velazquez in cap. 2. S. Pauli ad Philipp. v. 8. annotatione 5. Ribera in cap. 10. Joan. ad illud : hoc mandatum accepi à Patre meo. Elparza de Incarnat. q. 32. & 35. & 36. Albertus Magnus cap. 3. de virtut. Paludanus in 3. Dist. 12. q. 2. a. 3. Dionysius Cisterciensis in 3. q. 3. a. 2. con. 6. Et alij quos refert & sequitur Haunoldus lib. 4. tract. 1. cap. 6. controvers. 1. §. 4. Et videre est apud Leonardum Penafiel hic Disp. 14. sect. 5. sub-sect. 2. n. 117.*

- I. **P**Robatur ima pars Thesis. imò. Ex eo : quòd voluntas humana in Christo fuerit absolutè impeccabilis ratione unionis hypostaticæ. Unde sic : In VI. Synodo Generali Constantinopol. Actione 2. Athanasius Apollinaristis, negantibus Christo animam & humanam voluntatem, nè in eo cogerentur admittere

tere peccabilitatem, adducitur respondisse: *Nihil est metuendum, quia per ipsam assumptionem voluntas impeccabilis facta est.* Hinc Christum habuisse voluntatem impeccabilem propter assumptionem à Verbo, definitum est in hac Synodo Generali, teste Amicò hic *Disp. 24. sect. 1. n. 4.* Atqui impeccabilitas negat potentiam proximam ad peccandum, ut pater; alioquin, si solum peccatum Concilium negare voluisset, non dixisset: *habuit humanam voluntatem impeccabilem.* Sed potius: *non habuit peccatum: ergo.*

*Dices.* Synodus citata, humanæ Christi voluntati tribuit impeccabilitatem non ratione unionis hypostaticæ, sed ratione beatitudinis, quâ fruebatur: ergo. *Resp. Neg. Ant.* Patet ex verbis Athanasij. *Præterea:* Postquam Concilium asseruerat, animam Christi nullum in se naturalem motum excitare, nisi ad nutum Verbi, sibi substantialiter uniti, sic testimoniò Nysseni concludit: *Quemadmodum nostrum corpus regitur, & ornatur, atque ordinatur ab intellectuali, & rationali anima nostra, ita & in Domina Christo tota humana ejus conspersio (scilicet natura,) ab ejusdem Verbi divinitate semper, & in omnibus mota, Deo mobilis erat: ergo &c.*

*Probat* 2dò. Auth. S. August. Qui in *Enchirid. cap. 3. 40.* de Christo ita inquit: *In ipso exordio nature sue, quò esse cepit, Verbo Dei copularetur in tantam personam unitatem, ut idem ipse esset filius Dei, qui filius hominis, & filius hominis, qui filius Dei, ac sic in natura humane susceptione fieret quodammodò ipsa gratia illi homini naturalis, que nullum peccatum possit admittere.* Ubi ad unionem, non ad beatitudinem refert humanæ Christi naturæ impeccabilitatem. *Confirmatur* Auth. S. Hilarij, qui *Lib. 10. de Trinit. sub medium* inquit: *Homo Christus est, & in veritate nativitatis*



est, dum homo est, & non est in proprietate peccati, dum Christus est, quia, & qui homo est, non potuit non esse, quod natum est; & qui Christus est, non potuit amittere, quod Christus est. Quibus verbis significatur æquè peccatum Christo repugnare, ac repugnet Christum non esse Christum. Similia habet D. Thom. in 3. Dist. q. 1. a. 1. Ubi ait: Christum peccare non potuisse: quia anima & corpus ejus fuerunt quasi organum Deitatis, & Deitas regebat animam, & anima corpus: ergo.

4. Probatur 3<sup>to</sup> ratione. Humanitas Christi per unionem ad Verbum, sanctificatur infinitè simpliciter; atqui summa & infinita sanctitas non tantum peccatum actuale, sed etiam potentiam proximam ad peccandum excludit: ergo in humanitate Christi, ut unita Verbo Divino, non remanet potentia proxima ad peccandum. Prob. Min. Sanctitas infinita ex suo conceptu, dicit essentialiter oppositionem cum peccato, distantiamque, & elongationem ab illo, ac proinde summa & infinita sanctitas, dicit summam distantiam & elongationem à peccato, summamque cum illo oppositionem importat; atqui oppositio non solum cum peccato actuale, sed etiam cum potentia peccandi; & elongatio non solum à peccato, sed etiam à potentia expedita peccandi major est, quam sola oppositio cum actu peccati, & sola elongatio ab illo: ergo summa sanctitas, non solum opponitur actuale peccato, sed etiam potentie expeditæ peccandi.

5. Probatur 4<sup>to</sup>. Quando duæ naturæ uniuntur in unitate personæ, aut duæ potentie in una natura, tunc inferior subordinatur superiori, & omnes defectus commissi ab inferiore, adscribuntur superiori; ut patet in appetitu sensitivo, qui subordinatur voluntati; atqui natura humana & Divina, uniuntur in unitate personæ in Christo: ergo natura humana in Christo

sto subordinatur Divinæ, omnesque defectus à natura humana commissi, tanquam inferiori, adscriberentur Divinæ, tanquam superiori; per consequens, si natura humana Christi posset proximè peccare, posset etiam Deus peccare; Deus autem peccare non potest, utpote *summè & infinitè* Sanctus: ergo nec natura humana Christi.

*Probatur 510.* Sanctitas substantialis, magis opponitur peccato & potentiæ peccandi, quam opponitur *gratia accidentalis* & habitualis; atqui *gratia*, & *sanctitas accidentalis* ità opponitur peccato, & potentiæ peccandi, ut saltè *de potentia ordinaria* non possit stare cum peccato: ergo sanctitas substantialis, ità opponitur peccato, & potentiæ peccandi, ut nec *de potentia absoluta* possit stare cum illo.

*Probatur 510.* Ut humanitas Christi posset peccare 7. peccatò destruyente unionem hypostaticam, deberet in tali humanitate, ut Verbo divino hypostaticè unita, remanere *potentia proxima* & *expedita* ad peccandum; atqui talis potentia non remanet in humanitate Christi, ut unita Verbo divino, sed per unionem hypostaticam ab ea excluditur: ergo humanitas Christi non potest peccare peccatò destruyente unionem hypostaticam. *Maj.* patet in homine justo, qui idcirco potest peccare peccatò destruyente gratiam iustificantem, quia sub tali gratia retinet *potentiam proximam*, & *expeditam* ad peccandum. *Prob. Min.* In qua est difficultas. Humanitas Christi ex vi unionis hypostaticæ, reddita fuit *impeccabilis*, ut patet ex *immediatè* dictis; atqui non posset dici talis, si in ea remaneret potentia proxima, & expedita ad peccandum, quâ posset peccare peccatò destruyente *unionem hypostaticam*; ut patet eodè exemplò hominis iusti, qui, licet non possit componere gratiam cum pecca-



to, tamen, quia in eo remanet *potentia proxima*, & *expedita* ad peccandum, peccatō gratiam destruyente, non est, nec dici potest impeccabilis.

*Confirmatur.* Idē in homine iusto manet *potentia expedita* ad peccandum, peccatō gratiam destruyente, quia, cū gratia ipsum sanctificans, non constituat *suppositum*, sed ei superaddatur, sicut alij habitus, quibus utimur, quando volumus, ejus libertati subijcitur, subindēque sicut bonis operibus augeri potest, itā & malis ac peccaminosis destrui; atqui *gratia unionis*, quā humanitas Christi sanctificatur, oppositō modō se habet; cū enim non superaddatur ad suppositum Christi, sed ipsum constituat, ejus libertati non subditur; unde, sicut non potest cadere sub meritum *bonorum operum*, itā nec per *mala opera* destrui: ergo in humanitate Christi, ut unita Verbo Divino, non remanet *potentia expedita* ad peccandum, peccatō destruyente unionem hypostaticam; per consequens voluntas humana in Christo fuit *absolutē impeccabilis*, ratione unionis hypostaticæ.

8. Probatur 7<sup>mo</sup>. Omnes actiones sunt suppositorum: ergo omnes actiones humanitatis Christi sunt actiones Verbi, ut observant multi Theologi: ergo actio peccaminosa humanitatis Christi esset peccatum Verbi; atqui hoc repugnat: ergo. 2<sup>do</sup>. Humanitas Christi sanctificatur *sanctitate Verbi* summa in genere sanctitatis participatæ; atqui summa sanctitas excludit *absolutē* omne peccatum, eō ipsō enim non esset summa: ergo implicat in *sensu compositō* Verbi Divini, humanitatem peccare. 3<sup>io</sup>. Idē Deus non potest peccare, quia est *summē & infinitē* sanctus; atqui etiam humana natura Christi est *summē & infinitē* sancta, propter unionem ad Verbum, ut patet ex dictis: ergo etiam non potest peccare. 4<sup>to</sup>. Effectus infinitæ &

& summæ sanctitatis est, non solum peccatum à sub-  
 lecto tollere, sed etiam *proximam peccandi potentiam*;  
 atqui personalitas Verbi est summa, & infinita san-  
 ctitas humanitatis Christi: ergo non solum peccatum  
 ab illa tollit, sed etiam *proximam peccandi potentiam*.  
 510. Summa sanctitas est illa, quâ Major excogitari  
 non potest; atqui illa est major, quæ non solum in  
 sensu composito unionis expellit peccatum, sed etiam,  
 quæ nec per peccatum denuò expelli, & superari pos-  
 test; sicut calor ille est perfectior, qui non solum  
 expellit frigus, sed etiam, qui ita possidet subiectum,  
 ut expelli denuò, & superari à frigore non possit:  
 ergo hæc humanitati Christi attribuenda est.

Probatur 2da pars Thesis imò. Ex eo: quod cum im- 9.  
 peccabilitate Christi consistere potuerit verum, non tamen  
 strictum præceptum de subeunda morte. Jam sic: Christus  
 est liberè mortuus, & oblatus; atqui si habuisset ri-  
 gorosum præceptum obligans in conscientia, non  
 fuisset liberè mortuus: ergo. Maj. Patet: nam Isaïæ  
 53. dicitur: Oblatus enim est, quia ipse voluit. In quem  
 locum ita S. Hieronymus scribit: Non necessitate, sed  
 liberâ voluntate crucem subiit. Et Joannis 10. ita dicit  
 Christus: Ego pono animam meam, & iterum sumo eam;  
 nemo tollit animam meam à me, sed ego pono eam à  
 me ipso, & potestatem habeo ponendi eam, & potesta-  
 tem habeo, iterum sumendi eam: hoc mandatum accepi  
 à Patre meo. Præterea: Christus ipsâ voluntate mo-  
 riendi formaliter est meritis, meritum autem essen-  
 tialiter est liberum: ergo. Probatur Min. Si fuisset  
 liberè mortuus, stante præcepto obligante sub culpa  
 potuisset peccare, quia potuisset omittere mortem  
 præceptam; atqui peccare non potuit, ut patet ex  
 paulò ante dictis: ergo.

Probatur 2dò. Præceptum hîc ad nostrum proposi- 10.  
 tum



tum conducens, est duplex: Unum rigorosum alterum non rigorosum. *Rigorosum*: est actus superioris, quò inferiorem subditum obligat *in conscientia sub culpa & reatu* pœnæ æternæ ad aliquid agendum & quò stante redditur *inhonestæ* subditi omisso; per consequens, quò necessitatur, vel ad implendam superioris voluntatem, vel ad incurrendam ejus indignationem, & pœnam quæ tali transgressionis præcepti, est alligata; adeoque hoc præceptum obligat sub culpa Theologica. *Non rigorosum*: est quodquidem obligat sub debito majoris honestatis, aut sub opere carendi aliquò præmiò gratuiò, quod superior statuit dare exequenti suum mandatum, aut *omissionem alicujus boni debui*, non tamen in conscientia, & sub culpa Theologica. Atqui primum præceptum de subeunda morte, non poterat imponi Christo, à Deo Patre: ergo ipsi impositum erat secundum. *Prob. Min.* Primum præceptum, & obligans in conscientia, includit voluntatem divinam negandi beatitudinem, vel in æternum, vel ad tempus, si non impleatur; atqui Deus Pater non potuit habere voluntatem negandi Christo beatitudinem in æternum, vel ad tempus; cum ipsi hanc beatitudinem contulerit *statim in primo instanti conceptionis*, ut patet ex Thesi præcedenti: ergo nec potuit ipsi imponere præceptum obligans in conscientia, & sub culpa; adeoque cum impeccabilitate Christi non potuit consistere *strictum præceptum*, de subeunda morte.

31. *Probatur 3iò.* Respectu personæ impeccabilis, repugnat præceptum obligans in conscientia, seu comminatorium *culpæ & pœnæ*; atqui Christus erat impeccabilis: ergo. *Prob. Maj.* Cui subjecto repugnat malum, illi repugnat etiam timor illius mali; cui autem repugnat timor mali, illi etiam repugnat comminatio talis

*alis mali*, cùm effectus comminationis sit timor: ergo cui repugnat *timor mali*, illi repugnat *præceptum* includens ejusmodi comminationem *culpe & pœne*, quale est *præceptum obligans in conscientia*; atqui *persona impeccabili* repugnat *timor mali*: ergo & *præceptum strictum* seu obligans in conscientia.

*Probatur 4to. Præceptum comminatorium sub culpa gravi*, dicit: *Si hoc feceris, eris meus inimicus, & reus pœne*; atqui iste actus non potest exerceri erga personam impeccabilem: ergo. *Prob. Min.* Dicere: *Si hoc feceris*, idem est, ac dicere: *Si potentiam proximam faciendi, quam habes, exercueris*: ergo tale *præceptum* supponit potentiam proximam peccandi; atqui persona impeccabilis, caret hâc potentiâ proximâ: ergo ille actus non potest exerceri erga personam impeccabilem. *Confirmatur 1mo.* Non potest prudenter superior minari aliquod malum, si tam ipse, quàm subditus sciant, subditum esse incapacem illius mali, quis enim talem comminationem non rideret v. g. Si quis alicui civi minaretur, se vellet illum privare Regnô Turcicô? *Item*, non potest superior comminari pœnam, quando scit se non habere potentiam, eam infligendi; atqui Christus sciavit se esse impeccabilem, & se non posse fieri Dei inimicum: & Deus etiam sciebat Christum esse impeccabilem, & incapacem inimicitiae: ergo non poterat ipsi prudenter minari aliquod malum, imponendo *præceptum strictum*, & *rigorosum* de subeunda morte. *Confirmatur 2do.* Deus non potest alicui aliquid promittere sub conditione impossibili, esset enim actus Deo indignus, & nugatorius: ergo neque potest sub conditione impossibili aliquid minari: ergo non potest minari inimicitiam sub conditione culpæ impossibilis. *Prob. 1ma Conseq.* Nam comminationio

tio



tio est etiam promissio, & solum idē non vocatur  
 promissio, quia *promissionis* vocabulum est ex consue-  
 tudine appropriatum bono, & non malo: ergo &c.  
 13. *Probatur s<sup>do</sup>*. Si Christus habuisset præceptum com-  
 minatorium pœnæ & inimicitiae, & tamen fuisset  
 incapax culpæ, tunc per necessitatem antecedentem  
 fuisset Christo necessarium, redimere genus humanum,  
 & impossibile non redimere; atqui hoc est contra  
*S. Thom.* qui *hic* q. 46. a. 2. in  $\odot$ . negat impossi-  
 bilitatem aliam omnem, præterquam consequentem,  
 hoc est: proveniente ex præscientia & præor-  
 dinatione Dei; sic etenim ibi habet: *Quia enim im-*  
*possibile est scientiam Dei falli, & ejus voluntatem,*  
*seu dispositionem cassari, supposita præscientiâ & præor-*  
*dinatione Dei de passione Christi, non erat simul possibile*  
*Christum non pati, vel hominem, aliō modō, quā per*  
*eius passionem liberari, & est eadem ratio de omnibus*  
*his, quæ sunt præscita & præordinata à Deo.* Quibus  
 verbis clarissime *S. Thom.* docet, non aliam fuisse  
 necessitatem in Christo patiendi, quā quæ est, vel  
 esse potest etiam in operibus liberis, sinē ulla com-  
 minatione factis: ergo si Christus habuisset præce-  
 ptum comminatorium pœnæ & inimicitiae, & tamen  
 fuisset incapax culpæ, tunc per necessitatem ante-  
 cedentem fuisset Christo necessarium, redimere ge-  
 nus humanum, & impossibile non, redimere. *Eodē*  
*a. 2. ad 2<sup>um</sup> de hac ipsa præscientia & præordinatio-*  
*ne exponit illam Christi orationem: Pater, si non po-*  
*test calix hic transire &c.* quem locum Adversarij ex-  
 ponunt de præcepto: ergo *S. Thom.* stat pro no-  
 stra resolutione. *Confirmatur juxta eundem S. Thom.*  
*2. 2. q. 88. a. 4. ad 2.* Christus etiam quā homo, non  
 potuit vovere, rationem hanc dat: quia habebat  
 voluntatem firmatam in bono; atqui hæc ratio  
 etiam

etiam probat, quod Christus non potuerit stricto præcepto obligari: ergo ex mente S. Thom. Christus non habuit præceptum strictum de subeunda morte, adeoque salvâ impeccabilitate poterat mortem non subire.

S. I.

*Solvuntur objectiones contra primam partem Thesis, quæ dicit: quod voluntas humana in Christo, fuerit absolute impeccabilis, ratione unionis hypostaticæ.*

**O**bjicies 1<sup>mo</sup>. Ex eo: quod videatur Christus de- 14.  
facto peccasse, adeoque & peccare potuisse. Unde sic. 2. ad Corinth. 5. v. 21. dicitur: Deus eum, qui non noverat peccatum, pro nobis peccatum fecit; atqui ab actu ad potentiam bona est argumentatio: ergo. 2<sup>do</sup>. Psalm. 21. legitur: Quare me dereliquisti longè à salute mea verba delictorum meorum; atqui hoc intelligitur de Christo, ut communiter explicant sancti Patres: ergo, cum Christus fateatur se longè esse à Deo propter peccata sua, sequitur eum peccasse. 3<sup>io</sup>. Ad Hebr. 2. v. 18. habetur: In eo, in quo Christus passus est, & tentatus, potens est, & his, qui tentantur auxiliari; atqui maxime indigemus auxilio Dei contra peccatum: ergo in Christo fuit peccatum. 4<sup>to</sup>. S. August. de Agone Christi inquit; quod Christus peccatoribus dederit perfectissima penitentiæ exempla; atqui penitentia supponit peccatum: ergo in Christo fuit peccatum. Resp. Ad unum. Explic. textum scripturæ: Deus fecit Christum peccatum, id est: hostiam pro peccato, Conced. Fecit peccatum transgrediendo aliquod præceptum



ptum divinum, Neg. Et hoc sensu etiam *Osee 4.* dicitur: *Sacerdotes peccata populi comedent*, hoc est: hostias pro peccatis populi oblatas. *Ad 2dum.* Dico: quòd ibi sit mentio de peccatis aliorum hominum, quæ Christus ut Fidejussor, luenda suscepit, non verò de peccatis Christi. *Ad 3tium.* Explico textum: passus est & tentatus, ità, ut tentationi succubisset, Neg. Ità, ut ex sua tentatione, & passione nobis sit auxiliatus, pro nobis satisfaciendo, peccatum autem non operando, *Conced.* *Ad 4tum.* Explico textum: *S. August.* Et ille intellexit nomine pœnitentiæ pœnas, quas pro peccatis nostris Christus sustinuit, *Conced.* Intellexit nomine pœnitentiæ virtutem moralem, deletivam peccati, Neg. *textum S. August.* Similiter alij textus sunt explicandi.

15. *Obijcies 2dò.* Ex eo: quòd Deus potuerit permittere, ut voluntas humana Christi posset proximè peccare. Jam sic: Potest Deus permittere voluntatem alienam posse proximè peccare: ergo etiam voluntatem Christi. *Resp. Neg. Conseq. Diss. est:* quia Deus respectu aliarum voluntatum, gerit se ut causa universalis, per providentiam generalem, ad quam pertinet permittere peccata ad manifestationem suæ Majestatis, justitiæ, ac misericordiæ; at verò respectu voluntatis humanæ Christi, habet se ut causa partialis, cùm teneatur eam dirigere, ut propriam, & ad eam dicat specialem habitudinem, utpotè proprium suppositum humanitatis assumptæ, nè, sicut actiones sunt suppositorum, ità defectus & peccata ab ipso supposito dicantur, non tantum imputativè, denominativè, & interpretativè, sed etiam elicitivè provenire.
16. *Obijcies 3tiod.* In divinam voluntatem nulla potest cadere obligatio, cùm non sit capax præcepti aut legis: ergo potest Deus permittere naturam humanam

nam in Christo, ut peccet. *Resp. Diss. Ant.* Nul-  
la potest cadere obligatio, orta ex lege & præce-  
pto, *Conced.* Orta ex ipsa natura divina, quæ ex  
essentia sua est determinata ad non peccandum, *Neg.*  
*Ant.* Quòd Deus non possit permittere, ut peccet  
natura humana in Christo, hoc non oritur *vi alicu-*  
*jus præcepti*, aut à natura humana, sed à *Natura Di-*  
*vina, ut unita*, saltè mediatè, humanitati, quæ  
non potest peccare, nec permittere tunc peccatum,  
quando refunderetur in illam; atqui hic refundere-  
tur in illam peccatum, propter unionem hypostati-  
cam: ergo &c.

*Obijcies 4to.* Potest Verbum efficaciter velle, ut 17.  
actiones naturæ assumptæ ad se, non pertineant aliò  
titulò, quàm titulò causæ universalis: ergo potest  
efficere, ut ipsi non imputentur ad culpam. *Resp.*  
*Neg. Ant.* Quia, Sicut posità unione hypostaticà, hu-  
manitas assumpta, eò ipsò *non impedibiliter* fit pro-  
pria Verbi, fitque independens ab ejus ulteriori  
consensu, ità etiam istius humanitatis actiones, fi-  
unt propriæ Verbi, *ut principij quod particularis*; &  
quidem sic, ut eò ipsò teneatur illas tanquam *spe-*  
*cialiter* suas curare, & ordinare.

*Obijcies 5to.* Morbus alicujus communitatis unius 18.  
membri, non redundat in cætera membra ejusdem  
communitatis: ergo nec peccatum naturæ assum-  
ptæ, redundaret in Verbum. *Resp. Neg. Conseq.*  
Quia morbus est quid physicum; at verò peccatum est  
quid morale; alia autem est ratio boni & mali mo-  
ralis quoad redundantiam; & alia boni & mali *physici*.  
Sic infamia Patris redundat in totam familiam,  
non tamen semper malum physicum, v.g. morbus.  
Ratio est: quia bonum aut malum morale unius,  
redundat in alios, non per physicam inhærentiam,  
vel



vel adhaerentiam, uti malum physicum, sed per *mora-*  
*lem estimationem*, quâ communi prudentum judi-  
ciò censetur afficere omnes conjunctos: ergo &c.

19. *Objicies 6to*. Si homo hypostaticè unitus Verbo, uniretur fluvio, vel leoni, non teneretur impedire exundationem fluvij, vel ruitum leonis: ergo etiam Verbum unitum humanitati non teneretur impedire peccata. *Resp. Trans. Aut. Neg. Conseq. Diss. est*: quia fluvius, aut leo, *non est rationalis*; & per consequens non posset ab homine regi hypostaticè unito, neque coerceri, nè noceat; Si tamen ille fluvius, aut leo *esset rationalis*, & posset ab homine regi ac coerceri, nè noceat, proculdubio ad impeditionem injusti nocumenti teneretur; at verò Verbum potest dirigere humanitatem, & hæc capax est directionis: ergo ratione tam *strictæ unionis*, tenetur ad *specialem directionem*, & impeditionem peccati.

20. *Objicies 7mo*. Estò verum sit, quòd superior teneatur inferiorem dirigere, si in inferiore non reperiatur propria libertas, ut contingit in corpore & appetitu sensitivo respectu animæ, non tamen videtur hoc valere in natura assumpta respectu Verbi, cum etiam illa habeat propriam libertatem, & voluntatem: ergo. *Resp. Neg. Ant.* Si enim Pater obligatur ad directionem filij, & Dominus ad directionem servi, licèt cum illis solùm faciant *unum moraliter*; à fortiori sequitur, naturam superiorem ad id obligari, quando cum inferiore facit *unum per se*, in esse suppositi; quandoquidem ista unitas multò magis, & specialius faciat esse actiones illius suppositi; in hac itaque *unitate*, & non in defectu libertatis partis inferioris, fundatur obligatio, quâ pars superior in homine tenetur gubernare inferiorem.

*Obijcies 8vò.* Si Angelus assumeret naturam humanam hypostaticè, quamvis per humanam voluntatem peccaret, non tamen tribueretur peccatum voluntati Angelicæ, sed soli humanæ, quæ per se est libera: ergo idem dicendum est de Verbo divino. *Resp. Neg. Conseq. Diss.* est: quia voluntas Angelica non haberet illam vim, ut suo arbitriò posset in omnibus rebus dirigere voluntatem humanam, eamque movere ac trahere, quò vellet; quia non haberet illam efficaciam supra voluntatem humanam, quam voluntas divina habet; At verò Voluntas divina potest in omnibus rebus dirigere voluntatem humanam, eamque movere ac trahere, quò vult: ergo.

*Obijcies 9vò.* Potest stare peccatum cum gratia, de absoluta potentia Dei: ergo etiam cum unione hypostatica. *Resp. Transf. Ant. Neg. Conseq. Diss.* est: quia natura humana propter personalitatem Verbi, redditur simpliciter & summè sancta, sanctitate substantiali, & infinità, ob quam sanctitatem unio hypostatica essentialiter pugnat cum omni peccato, etiam veniali; at verò gratia habitualis non reddit naturam humanam simpliciter & summè sanctam; adeoque ab ea non excludit essentialiter omne peccatum mortale, sed tantum connaturaliter: ergo.

*Obijcies 10vò.* Voluntas divina est communis omnibus tribus personis divinis; atqui Pater, & Spiritus Sanctus non tenebantur speciali modò regere humanam Christi voluntatem, & eam immunem servare ab omni peccato: ergo neque Verbum. *Resp. Diss. Maj.* Voluntas est ita communis omnibus tribus Personis, ut sit simul propria singulis, *Neg. Maj.* Ità, ut non sit simul propria singulis, *Neg. Maj.* Unde specialis cura regendæ humanitatis assumptæ, & voluntatis, primariò pertinuit ad Verbum, secundariò



dario ad reliquas duas Personas, in quantum hæ non possunt discordare à voluntate Verbi.

24. *Objicies* 1<sup>mo</sup>. Peccatum naturæ assumptæ ex aliquo fine posset honestari, v.g. ut ostenderetur humani arbitrij libertas, vel aliqua laudis perfectio, quod v.g. non peccaverit, cùm potuerit peccare: ergo. 2<sup>do</sup>. Saltèm natura humana subsistens subsistentiâ propriâ, & unita Verbo, posset peccare: ergo. *Prob. Ant.* Tunc actio peccaminosa non tribueretur supposito divino: ergo. 3<sup>io</sup>. Illud impedimentum non est *intrinsecum*, neque unio hypostatica immutat libertatem creatam: ergo in illa manet potentia proxima peccandi. 4<sup>to</sup>. Confirmatus in gratia solum est *extrinsecè proxime* impeccabilis: ergo etiam natura humana assumpta à Verbo. *Resp.* *Ad 1<sup>um</sup> Neg. Ant.* Licèt enim hoc valeat in naturis non assumptis, non tamen in natura assumpta. Ratio *Dispar. patet ex dictis n. 15.* cùm respectu hujus, Deus non habeat se à *causa universalis*, sed ut proprium suppositum: ergo. *Ad 2<sup>dum</sup> Neg. Ant.* Quia illa natura humana, propriâ subsistentiâ subsistens, esset substantialiter & infinìtè sancta propter unionem cum natura divina; atqui cum infinita, & summa sanctitate, non est componibile peccatum; & hoc excludere, licèt sit *effectus secundarius* sanctitatis, est tamen *essentialis* & *necessary* connexus: ergo. *Ad 3<sup>ium</sup> Neg. Ant.* Siquidem hoc impedimentum est unio hypostatica; atqui hæc est *intrinseca*: ergo. *Præterea*: ipsa personalitas Verbi, ità sanctificat humanitatem, ut hæc sanctitas pugnet cum omni peccato; potentia autem proxima peccandi non consistit in sola voluntate creata de se libera, ut patet in beatis, sed varia importat *connotata*, tum *positiva*, ut concursus paratum ad malum, tum *negativa*, ut

ut negationem visionis beatificæ, & unionis hypostaticæ: ergo. *Ad 4um. Neg. Conseq.* Quia in primo casu assistentia Dei, quâ præservatur à peccato, debetur confirmato in gratia, tantum ratione decreti divini, planè *extrinseci*; at verò humanitati assumptæ debetur ratione unionis hypostaticæ, quâ *intrinsecè* perficitur, & completur in esse suppositi.

*Objicies 12mò.* Unio hypostatica potest stare cum fomite peccati: ergo etiam cum peccato. *Resp. Neg. Ant.* Sive enim per *fomitē peccati* intelligatur entitas appetitus corrupti, antevertentis rationem, & retrahentis ad peccatum, prout explicat *Concilium Tridentinum*; sive intelligantur actus indeliberati, tendentes in objectum prohibitum; neutro sensu fuit in Christo *fomes peccati*, utpotè dedecens summam sanctitatem. Idem est dicendum de habitu vitioso, propter eandem rationem; imò Christus utpotè impeccabilis, non posset talem habitum producere per actus vitiosos: ergo.

*Objicies 13tiò.* Licet Deus sit *essentialiter* vita, potest tamen per communicationem idiomatum dici mortuus: ergo etiam, licet Deus sit *essentialiter* sanctus, potest tamen per communicationem idiomatum, dici peccator. *Resp. Neg. Conseq. Diss. est: 1mò.* Quia mors est quoddam malum physicum; quod potest à Deo coonestari; at verò peccatum est malum morale; repugnat autem tam respectu Dei, quam respectu unionis hypostaticæ malum morale, cum & Deus, & unio hypostatica exigant summam sanctitatem: ergo. *Diss. est: 2dò.* Quia quidquid per communicationem idiomatum dicitur de Deo, hoc quasi peculiari modò approbatur ab illo, & ità Deificatur, ut sit dignum cultu latriæ; atqui mors potest peculiari modò approbari à Deo: ergo. At ve-



rò peccatum non potest *hòc modò* approbari : ergo &c.

27. *Objicies 14to.* Licet anima rationalis uniatur corpori per veram & immediatam unionem, tamen non denominat corpus spirituale: ergo etiam, licet natura humana peccans uniretur Verbo divino, tamen non diceretur Verbum divinum peccare. *Resp. Neg. Conseq. Dispar. est:* Quia forma subiecto, & vice versa subiectum formæ, vel quasi formæ, non communicat perfectiones *intransitivas*, sed tantum *transitivas*; atqui esse spirituale, est perfectio *intransitiva*: ergo non communicatur ipsi subiecto, nempe corpori; at verò peccare, est quid *transitivum*, sicut etiam esse im-peccabilem est perfectio *transitiva*: ergo potest communicari Christi extremis in utroque unitis.

28. *Objicies 15to.* Humanitas Christi ex vi solius unionis hypostaticæ, non evasit sapientior, aut potentior: ergo stante unione hypostaticâ, æquè natura humana fuit fragilis, & peccabilis. *Resp. Dist. Ant.* Non evasit sapientior aut potentior formaliter, *Conced.* Non evasit sapientior aut potentior radicaliter, & exigitivè, in quantum ratione unionis hypostaticæ exigebat omnia dona supernaturalia, perficientia intellectum & voluntatem, *Neg. Ant. Dist. etiam Conseq.* Ergo fuit fragilis & peccabilis remotè, *Conced.* Proximè, *Neg. Conseq.* Hoc sensu fuit remotè peccabilis, quod videlicet, si Verbum divinum celsâisset ipsam terminare, & ipsi uniri, deinde si accessisset *personalitas creata*, potuisset sic peccare, sicut nos defectò peccamus. Aut cum omnis humana natura sit *ab intrinseco* defectibilis, & in Christo fuerit vera natura humana; ideo etiam debuit esse defectibilis, & remotè peccabilis.

29. *Objicies 16to.* Non obstante unione hypostaticâ, natu-

bari : er

atur cor-  
tamen nōn  
licet na-  
o, tamen

Resp. Neg.  
vice versa  
communicat  
ivas; atqui  
ergo non  
ori; at ve-  
am esse im-  
test com-

lius unio-  
aut poten-  
quē natura  
b. Dist. Ant.  
aliter, Con-  
radicaliter,  
hypostaticæ  
cientia in-  
etiam Con-  
tē, Concedi.  
noie pecca-  
m cessasset  
si accessis-  
care, sicut  
humana na-  
thristo fue-  
it esse dese-  
ypostaticā,  
natu-

natura humana erat mutabilis de loco in locum :  
ergo etiam poterat esse mutabilis de bono in ma-  
lum. *Confirmatur.* Natura humana Christi, fuit li-  
bera ad bene agendum: ergo etiam fuit libera, ad  
malè operandum. *Resp. ad Argument. Neg. Conseq.*  
*Dist. est:* quia prima mutabilitas non importat ul-  
lam moralem indecentiam; at verò altera impor-  
tat, ut per se patet: ergo. *Ad Confirm. Dist. Ant.*  
Fuit libera libertate contradictionis, videlicet, quòd  
potuerit agere bonum, vel non agere, omittendo  
illud per aliquem actum disparatum, *Conced.* Fuit  
libera libertate contrarietatis, videlicet, quòd  
potuerit bonum agere vel malum, *Neg. Ant. &*  
*Conseq.*

*Objicies 17mò.* Licet humanitas Christi non potue- 30.  
rit peccare in sensu composito unionis hypostaticæ,  
seu ità, ut peccando retineret unionem hypostati-  
cam cum Verbo, potuit tamen peccare in sensu di-  
viso, ità, ut per peccatum dissolveretur unio hypo-  
statica, & primum esse peccati, esset primum non  
esse unionis hypostaticæ: ergo non fuit absolutè im-  
peccabilis. *Resp. Neg. Ant.* Ratio hujus fundatur in  
duobus. 1mò. Quòd subsistentia, adeoque & unio  
hypostatica, sit *indispensabiliter*, & *connaturaliter* na-  
turà prior qualibet operatione, naturæ assumptæ.  
2dò. Quòd implicet, humanitatem simul terminari  
subsistentià Verbi, & aliquà subsistentià creatà sive  
proprià sive alienà. His suppositis, evidens est,  
quòd unio hypostatica sit substantiale complemen-  
tum naturæ, adeoque de *intrinsicca* suppositi *consti-*  
*tutione*, saltè *ut quo*; proinde debeat esse prior na-  
turà omni actione humanitatis assumptæ, cùm *essen-*  
*tialiter* prius sit naturam subsistere, quàm operari;  
& consequenter subsistentia sit *conditio essentialiter re-*  
*quisita*



*quisita* ad omnem naturæ operationem : ergo humanitas non potest peccare in sensu diviso explicato ; quia aliàs unio hypostatica esset principium actionis sui destructivæ pro eodem instanti , pro quo exerceret rationem principij , quòd manifestè implicat ; sic enim unio hypostatica pro eodem instanti *simul* esset , quia actualiter principiares , & *simul non esset* , quia actualiter destrueret per actionem hoc , cujus esset principium.

31. *Obijcies* 18<sup>vo</sup>. Homo justus potest peccare in sensu diviso , sic , ut perdat justitiam & gratiam : ergo etiam humanitas Christi potest sic peccare , ut perdat unionem hypostaticam. *Resp. Neg. Consequ. Diss. est* : quia gratia habitualis non constituit suppositum seu personam , sed ei supervenit ; adeoque non est necessariò naturâ prior , qualibet actione hominis justis , cùm homo justus non operetur necessariò *ut justus* ; proinde potest elicere aliquam actionem , quæ ipsam gratiam expellat ; at verò unio hypostatica constituit suppositum divinum , adeoque ante quamlibet Christi operationem , intelligitur *pro priori* unio hypostatica : ergo impossibile est , ut per aliquam Christi operationem dissolvatur , & destruat<sup>r</sup> unio hypostatica.

## §. II.

*Solvuntur objectiones contra secundam partem Thesis , quæ dicit : quòd cum impeccabilitate Christi consistere posuerit verum , non tamen strictum præceptum , de subeunda morte.*

32. *Obijcies* 1<sup>mo</sup>. Ex eo : quòd Christus videatur habuisse strictum præceptum de subeunda morte. Unde sic : Joan. 10. v. 18. dicit Christus : Hoc

man-

*mandatum accepi à Patre meo. Item 14. v. 31. Sicut mandatum dedit mihi Pater, sic facio; atqui his textibus videtur denotari strictum præceptum: ergo Christus videtur habuisse strictum præceptum de subeunda morte. Resp. Neg. Min.* Citati enim textus intelligendi sunt de mandato & præcepto vero quidem, minùs tamen stricto, adeoque non obligatorio in conscientia, quod patet ex S. Chrysostomo, qui homiliâ 60. super illa verba Christi Joan. 10. Propterea me diligit Pater, quia ego pono animam meam, ut iterum sumam eam: nemo tollit eam à me, sed ego pono eam à me ipso; ità inquit: nam si præcepto fuisset opus, quid attinebat illum dicere: à me ipso pono? Quippe, qui à se ipso ponit, nihil habet opus præcepto; addens S. Chrysostomus, per mandatum intelligi beneplacitum: ergo.

*Objicies 2dò. Ad Rom. 5. Inobedientia Adami, & 33. obedientia Christi contraponuntur sibi: ergo, sicut respectu Adami dabatur præceptum strictum & comminatorium, ità etiam respectu Christi. Confirmatur.* Christus habuit verum & propriè dictum præceptum de subeunda morte pro nostra salute; atqui omne præceptum quâ tale, obligat in conscientia: ergo. *Resp. Ad Argument. Neg. Conseq.* Quia Adamus erat peccabilis, non verò Christus; per consequens respectu Adami possibile erat præceptum strictum & comminatorium, non verò respectu Christi. *Ad Confirm. Dist. Min.* Omne præceptum commune seu lex, quæ fertur communitati, obligat in conscientia, *Trans.* Omne præceptum simplex, quod imponi potest etiam particulari personæ, obligat in conscientia. *Neg. Min. & Conseq.*

*Replicabis.* Præceptum commune obligat in conscientia: ergo etiam simplex. *Resp. Neg. Conseq.* *Dist. est:* quia communitas constat magnâ multitudine



dine personarum, quarum multæ sunt varijs passionibus, & affectibus inordinatis obnoxia, adeoque difficiles ad exequendam superioris voluntatem; hinc nisi ejusmodi præceptum obligaret in conscientia, esset inefficax; at verò persona aliqua particularis potest esse ita *ingenua, virtuosa, & bene disposita*, ut promptissimè exequatur superioris voluntatem, etiam nutu intimatam, & absque omni comminatione sub culpa; cum igitur Christus fuerit naturalis Filius Dei maximè *ingenuus*, & *perfectissimè dispositus* per dona gratiæ, ad promptissimè exequendum quemlibet Paternæ voluntatis nutum, ideo non decebat, imò implicabat, ut eò præceptorum genere premeretur, quò peccatores & inimici Dei, aut etiam iusti, & filij adoptivi, non obstante gratiâ habituali, *fomitem peccati*, & talem dispositionem retinentes, quâ facilè adversùs Patrem possunt rebellare, & mandata ejus contemnere, premuntur: ergo.

35. *Objicies 3<sup>id</sup>*. Si Christus non habuisset rigorosum præceptum, tunc habuisset tantum consilium de subeunda morte; atqui hoc est contra Sacram Scripturam, quæ consilium & præceptum distinguit 1. ad Corinth. 7. *Præceptum Domini non habeo, consilium autem do*: ergo. *Resp. Neg. Maj.* Quia nudum, & purum consilium, nullam necessitatem, nullum onus involvit, neque habet adjunctam interminationem *caræniæ* alicujus magni boni, aliàs conferendi; atqui præceptum Christi, licet non obligaverit in conscientia, obligavit tamen sub interminatione & onere *caræniæ* aliquò præmio gratuito, nempe: *exaltatione nominis*: ergo non fuit *purum & nudum consilium*, sed *verum præceptum*, licet minùs rigorosum, quia non obligatorium in conscientia. *Præterea*: inter consilium & præceptum, hæc est differentia: imò. Quia con-

consilium non procedit à superiore *quâ tali*, cum consultor possit esse inferior, aut æqualis respectu illius, cui dat consilium; at verò præceptum procedit à superiore *quâ tali*: ergo. 2dò. Quia consultor per consilium tantum intimat alteri suum iudicium de re, quam consulit; at verò superior, præcipit, ut decretum suæ voluntatis in executionem ab inferiore deducatur. Quod si superior *prudenter* prævideat, quod hoc decretum, & præceptum non deducetur in effectum, nisi adjiciatur eidem *comminatio culpæ*, aut *pænæ*, tunc *prudenter* talem *comminationem* adjiciet; si verò *prudenter* prævideat, quod subditus tale decretum & præceptum promptissime exequetur, tunc frustra adjiciet *comminationem culpæ*, aut *pænæ*; Unde præceptum præscindit à comminatione culpæ aut pænæ. Cum igitur Pater æternus præviderit, quod Christus *promptissime* exequetur præceptum de subeunda morte, ideo illi præcepto nullam adjecit *comminationem*, & *obligationem in conscientia*. Christus itaque non subivit mortem ex consilio, sed ex præcepto, licet non stricto, & obligatorio in conscientia.

*Obicies* 4tò. Ubiunque sacra scriptura facit mentionem præcepti, videtur loqui de præcepto stricto, & rigoroso: ergo præceptum Christi de subeunda morte, videtur fuisse rigorosum. *Resp. Neg. Ant.* Sic Job. 9. & 36. dicitur Deus præcepisse Soli & nivi, & tamen nec sol, neque nix, est capax præcepti stricti. Item *Jeremie* 36. v. 26. dicitur Rex præcepisse suis, ut comprehenderent Jeremiam, quem tamen Deus abscondit. Item *Matthæi* 15. v. 35. Iesus præcepit turbæ, ut discumberent super terram; utique non obligavit illam in conscientia. Item *Marci* 7. Quantò Christus magis præcipiebat turbis, nè miracula evulgarent, tantò magis illa prædicabant; atqui in



his & alijs Sacræ Scripturæ locis, fit mentio præcepti, & tamen non obligatorij in conscientia : ergo Sacra Scriptura faciens mentionem præcepti, non semper intelligenda est de *rigoroso*, & in conscientia obligatorio præcepto.

37. *Objicies 5to.* Distinguere inter præceptum obligatorium in conscientia, & non obligatorium, est rem sine fundamento asserere : ergo præceptum Christi, vel fuit strictum, vel nullum. *Resp. Neg. Ant.* Patet hoc in humanis, ubi possunt dari præcepta, & constitutiones non obligantes in conscientia, sed tantum privantes aliquò bonò *conditionatè debitò*, vel etiam nullò modò debitò. Sic talis constitutio est, quæ præcipit electis Episcopis, ut intra præfixitum à Canonibus tempus, petant à sede Apostolica confirmationem, sub comminatione amissionis *juris quæsti* per electionem, quæ omissio petitionis potest fieri sine omni culpa Theologica, & tamen eâ intermissâ amittitur *jus quæsitum*, quod erat *conditionatum*, vel *conditionatè duraturum* ; unde *conditio* non impletâ, expirat. Idem est in constitutione, jubente fieri præsentationem *sub pœna amissionis juris*. Similes constitutiones erant circa secundas nuptias, & plures referri solent à Jurisperitis de iusticia & jure : ergo distinctio inter præceptum obligatorium in conscientia & non obligatorium, non caret fundamentò.

38. *Objicies 6to.* Christus mortuus est ex obedientia ; atqui obedientia respicit præceptum propriè dictum : ergo. *Resp. Conced.* totum, sed *Neg.* quòd de ratione omnis præcepti propriè dicti, sit comminatio culpæ, aut pœnæ, ut paulò antè explicatum est ; adeoque licèt Christus habuerit *verum præceptum* de subeunda morte, tamen non habuit *strictum, & obligatorium* in conscientia.

Re-

*Replicabis.* Omne verum præceptum inducit ali-  
quod debitum obedientiæ, seu obligationem obe-  
diendi; atqui talis obligatio est sub culpa, vel sub  
pœna, vel sub utroque simul: ergo. *Resp. Neg. Min.*  
Ad obligationem enim seu debitum obedientiæ, *sim-*  
*pliciter tale*, sufficit, ut superior quæ talis præcipiat  
aliquid subdito, sub debito majoris honestatis, aut  
sub onere carenti præmiò aliquò gratuitò, quod su-  
perior statuit dare exequenti suum simplex manda-  
tum, non obligatorium in conscientia. Sic, si Pater  
obedientissimo filio præcipiat: *Fili volo hoc ardui à*  
*te fieri, quòd si id feceris, habeo in te majorem compla-*  
*centiam, & designabo tibi majorem partem hereditatis;*  
*quòd si non feceris, non ideo habebis me tibi offensum;*  
hoc præceptum non est obligatorium in consei-  
entia, licet sit onerosum: ergo. Et ità Christo erat  
onerosum præceptum mortis, quòd si mortem non  
acceptasset, non fuisset quidem privatus amicitia Dei,  
aut visione beatificâ, caruisset tamen gloria, & exal-  
tatione sui nominis, juxta illud ad *Philippens. 2. Fa-*  
*ctus est obediens usque ad mortem, mortem autem cru-*  
*cis, propter quod & Deus exaltavit illum, & donavit illi*  
*nomen, quod est super omne nomen:* ergo.

*Objicies 7mò.* Christo fuerunt imposita præcepta  
ejusdem rationis, quæ nobis imponuntur, juxta illud  
*Joann. 15. Si præcepta mea servaveritis, manebitis in di-*  
*lectione mea, sicut & Ego Patris mei servavi, & maneo*  
*in ejus dilectione;* atqui præcepta, quæ nobis impo-  
nuntur, sunt comminatoria culpæ & pœnæ: ergo eti-  
am præceptum Christo impositum, fuit comminato-  
rium culpæ & pœnæ. *Resp. Diss. Maj.* Sunt ejusdem  
rationis genericæ & analogicæ, *Conced. Maj.* Specifi-  
cæ & univocæ, *Neg. Maj.* Quando Christus suum  
præceptum comparat cum nostro, id intelligendum  
est



est in sensu accomodo, quod Sacrae Scripturae familiare est. Sic Christus Joan. 10. & 20. dicit: *Sicut misit me Pater, & ego mitto vos.* Ex quo tamen non sequitur, quod filius Dei eodem modo missus fuerit, sicut ipse misit Apostolos. Item, jubemur esse perfecti, sicut Pater Coelestis perfectus est; exinde tamen non licet inferre, quod homo possit, aut teneatur evadere tam perfectus, sicut est perfectus Pater Coelestis: ergo idem dicendum est de praeceptis nostris, & Christi, quod videlicet sint ejusdem rationis *analogica, & generica*, non verò *specificae, & univocae*. In hoc igitur nostra praecepta cum Christi praeceptis conveniunt, quod utraque habeant communem voluntatem superioris dirigentem, & aliquantulum gravantem, si illi, renitatur; in hoc verò disconveniunt, quod nostra obligent sub culpa, non verò Christi.

41. *Objicies 3<sup>o</sup>.* Christus est Servus Dei, juxta illud Isaia 42. *Ecce Servus meus suscipiam eum;* atqui servis imponuntur praecepta sub culpa: ergo & Christo erant sub culpa imposita. *Resp. Dist. Maj.* Est Servus naturalis, & sine imperfectionibus, *Conced.* Est Servus legalis, & cum imperfectionibus, *Neg. Maj.* Servis legalibus, & despotice subiectis, imponuntur praecepta sub culpa, non verò Servis *naturalibus, & politicè* subiectis, qualiter etiam erat Christus subiectus Deo Patri: ergo.

42. *Objicies 9<sup>o</sup>.* In hac sententia tollitur omnis laudabilitas ab obedientia Christi: ergo non subsistit. *Prob. Ant.* Honestas & laudabilitas obedientiae, supponit praeceptum: ergo. *Resp. Neg. Ant. Ad Probant. Dist. Ant.* Supponit praeceptum vel latè, vel stricte acceptum, *Conced.* Semper stricte acceptum, *Neg. Ant. & Conseq.* Christo autem non fuit rigorosum impositum praeceptum, ut patet ex dictis. Hinc S. Thom.

2. 2. q. 104. a. 2. Afferit: *ed promptiorem esse obedientiam, quod magis praevenit expressum praeceptum, voluntate superioris intellectû.* Et a. 5. ad 3. dicit: Obedientiam in observatione eorum, ad quæ quis obligatur, esse sufficientem ad salutem, sed adhuc aliam obedientiam esse & quidem perfectam, quæ cognita voluntate superioris obedit etiam in illis, quæ licite possent omitti: ergo.

*Objicies* 10mò. Christus ex lege naturali tenebatur <sup>43.</sup> pro nobis mori; atqui Christus non fuit liber ad actus, qui sunt lege naturali praecepti, vel prohibiti, aut intrinsecè boni, vel mali: ergo. *Prob. Maj.* Lex naturalis obligat ad subveniendum proximo, constituto in aliqua extrema necessitate corporali, vel spirituali; atqui genus humanum erat Christo proximum tanquam membrum capiti, & etiam erat constitutum in extrema necessitate spirituali, nempe in periculo æternæ damnationis: ergo. *Resp. Neg. Maj.* *Ad Prob. Dist. Maj.* Lex naturalis obligat ad subveniendum proximo in extrema necessitate, si proximus non patiatur talem necessitatem per modum pœnæ, iustò iudiciò sibi decretæ propter suam culpam, *Conced. Maj.* Si talem necessitatem patiatur propter suam culpam, *Neg. Maj.* Totum autem genus humanum iustè obnoxium erat tali damnationi, saltè quoad pœnam damni, propter peccatum originale; adeoque Christus non erat obligatus ex lege naturali ad nos redimendos; per consequens fuit liber, ad mortem subeundam. Cæterùm, ad *Min. primi Syllogismi* dico: quodd Christus non fuerit liber quoad substantiam, in ordine ad actus jure naturæ praeceptos, vel prohibitos; fuit tamen ad illos liber quoad modum, & circumstantiam; unde etiam si Christus non potuerit Deum odisse, mentiri &c. potuit tamen hunc, vel illum



lum actum amoris divini magis, vel minus intensum, ex uno, vel pluribus motivis, elicere; adeoque licet Christus Dominus habuerit *verum præceptum*, & *mandatum* de subeunda morte, aliisque actibus meritorijs exercendis, sufficiens ad veram obedientiam, non tamen habuit, sed nec habere potuit præceptum *rigorosè sumptum*, seu tale, cujus transgressio esset peccaminosa; Unde licet Christus fuerit impeccabilis, potuit tamen *liberè* recusare mortem præceptam, citra omne peccatum, cum non omnis præcepti transgressio sit peccatum, sed tantum præcepti obligantis in conscientia sub culpa mortali, vel veniali.





# THESES

EX

## Universa Theologia Scholastica.

*Ex prima Parte.*

I.

**T**heologia, est doctrina divinitus tradita, coe-  
rante discursu naturali, de Deo rebúsque Divi-  
nis notitiam deducens. Non est strictè dicta scientia,  
quia eidem non potest convenire essentielle prædi-  
catum scientiæ, quod est evidentia. Ità *Scotus in*  
*3. dist. 24. Et in prolog. q. 3.*

II.

**N**on desumit Theologia nostra principia sua, à  
Theologia Dei, & Beatorum, sed à Deo, ut ob-  
scure revelante, non clare demonstrante; hinc non  
est subalternata scientiæ Dei, & Beatorum. Neque  
habitus Theologiæ totalis, secundum sua prædica-  
ta intrinseca consideratus, est simplex, & qualitas  
una, specie intrinseca.

III.

**Q**uia tamen Theologia nostra, aliquibus actibus  
sistit in contemplatione sui objecti; aliquibus  
tendit ad opus; ideo est partim practica, partim  
speculativa, teste *S. Thom. 1. p. q. 1. a. 4.* Cujus ob-  
jectum principale simul & attributionis, est Deus  
sub ratione Deitatis.

IV. Hæc



IV.

**H**æc propositio: Deus est; seu: Deus existit; licet possit judicari esse vera ab aliquo intellectu ex ipsis terminis, & sine omni discursu; à nostro tamen intellectu non potest judicari ut talis; hinc, quamvis hæc propositio sit nota per se secundum se, non tamen est nota quoad nos viatores. Ita *S. Thom. 1. p. q. 2. a. 1.*

V.

**E**xistentia Dei, non tantum ex conceptu objectivo entis optimi, adeoque quasi à priori demonstrari potest, verum etiam ex effectibus, seu à posteriori. Pro qua existentia demonstranda, adducit *S. Thom. 1. p. q. 2. a. 3.* quinque demonstrationes, quibus, ut ait *Contention*, veluti quinque limpidis lapidibus frons Atheismi feritur.

VI.

**E**ssentiam Summi Numinis physicam, constituunt, in sensu reali adæquatè omnes perfectiones, & formalitates tam absolutæ, quàm relativæ Deo intrinsecæ. Essentia verò Metaphysica Dei, secundum nostrum modum concipiendi, consistit formaliter, & adæquatè in solo prædicato entis simpliciter, seu entis quæ talis, sine omni addito; vel, ut alij volunt, esse simplicissimè.

VII.

**L**icet oculus corporeus, non possit ullò modò elevari ad Deum immaterialem videndum, potest tamen oculus mentis per potentiam extrinsecam, eum clarè, & intuitivè videre, uti patet; Tum ex illo *Matth. 5. v. 8.* Beati mundò corde, quoniam ipsi Deum videbunt. Tum ex illo *1. Joan. 3. v. 2.* Videbimus eum sicuti est.

VIII. Hæc

**H**Æc elevatio defactò fit per intrinsecum lumen gloriæ, uti definitum est in Concilio Viennensi contra Beguardos, & Beguinas. Non repugnat tamen, quominus divinitus etiam per auxilium extrinsecum, ad talem visionem eliciendam, intellectus elevari possit; teste *Scotò in 3. dist. 14. q. 2. a. 2.*

IX.

**E**ssentia divina defactò videtur à Beatis sine specie impressa, ut unanimiter tenent Theologi; potest tamen Deus efficere speciem impressam, per quam ejus essentia videatur à Beato; teste *Scotò in 2. dist. 3. q. 9. Et in 4. dist. 49. q. 11.* Species expressa est semper necessaria.

X.

**S**cientia Dei entitativè unica, triplex est terminativè, nempe: simplicis intelligentiæ, Visionis, & media, quâ cognoscit Deus sub conditione futura. Actus Dei liber non distinguitur intrinsecè, ac entitativè à necessario, sed tantum connotativè, & terminativè, seu secundum obliquum; non verò rectum.

XI.

**P**rædestinatio, est præordinatio creaturæ intellectualis ad gratiam & gloriam. Deus defactò prædestinat creaturas rationales ad gloriam ut coronam, ante prævisa absolute merita. *S. Thom. 1. p. q. 25. a. 5.* Non tamen reprobat ante prævisa absolute demerita. Non enim deletatur in perditionibus nostris. *Tobie 3. v. 22.*

XII.

**G**enerationem ejus quis enarrabit? Mihi impossibile est (inquit *S. Ambrosius lib. de fide, ad Gratian. c. 5.*) generationis scire secretum. Hinc pro-



profundissimum Trinitatis Mysterium, solâ fide credi debet, nullâ evidenti ratione naturali demonstrari potest.

## XIII.

**I**N divinis omnia sunt unum, ubi non obviat relationis oppositio; ait *S. Anselmus de process. Spiritus Sancti. cap. 2.* Unde Spiritus S. quia à Patre Filioque procedit, à Patre & Filio distinguitur; Si autem à Patre & Filio non procederet, neque ab illo distingueretur. *S. Thom. 1. p. q. 36. a. 2.*

## XIV.

**A**ngelorum existentia certa est ex fide; discursu Philosophicò persvaderi potest. Sunt Spiritus naturâ simplices, independentes ab omni materia. Distincti non solùm Specie, sed etiam numerò. *Secutus in 2. dist. 3. q. 7.*

## XV.

**A**ngeli naturali virtute non cognoscunt Secreta cordium directè, & intuitivè; Solus enim Deus illa novit: juxta illud *2. Paralip. cap. 6. v. 30.* Tu solus nôsti corda filiorum hominum. Angelorum lingua intellectus est, sed non aliter sibi loquuntur, quàm per cessionem juris. *S. Thom. 1. p. q. 107. a. 1.*

## XVI.

**C**ecidisse Luciferum, & alios Angelos, certum est ex scriptura *Ezechiel. 18. Apocalip. 11.* Sed quomodo? Luxuriâne spirituali, an invidiâ, vel gulâ? Minimè. Casus, & peccatum Luciferi, aliorumque, superbia fuit. Propter quod torquentur igne infernali, producente in ipsis qualitatem dolorificam. *Suarez hîc lib. 8. cap. 15.*

Ex Prima Secunda.

XVII.

**F**inis ultimus propter quem homo creatus est, beatitudo est. Et quidem : una formalis, altera obiectiva. Obiectiva solus Deus est ; nam quod satiat, hoc beat ; Solus Deus satiat. Satiabor, cum apparuerit gloria tua. *Psalm. 16. v. 15.* ergo solus Deus beat ; adeoque nullum bonum creatum, potest esse beatitudo obiectiva hominis.

XVIII.

**B**eatitudo formalis, non debet ita tribui intellectui, ut ad ejus perfectionem nihil conferat voluntas, beatus enim, quantum existimo, nec ille dici potest, qui non habet, quod amat, nec qui non amat, quod habet, inquit *S. August. lib. 1. de morib. Ecclesiast. cap. 3.* Unde physicè considerata tam in visione, quam in amore consistit.

XIX.

**Q**uod attinet essentiam metaphysicam beatitudinis formalis, valde probabile est, quod consistat in sola visione ; hinc *S. Scriptura Joannis 17. v. 3.* dicit : Hæc est vita æterna, ut cognoscant te solum Deum verum. Et *S. Augustinus* id confirmat in *Psalm. 90.* dicens : Tota merces nostra, visio est.

XX.

**C**ertum fidei dogma est, beatitudinem formalem à parte post fore æternam & perpetuam, ut patet ex Symbolo Apostolorum, in quo profiteamur, & credimus vitam æternam. Hæc tamen perennitas, non tantum dependet à decreto Dei extrinseco, sed est ab intrinseco incorruptibilis, & perpetua. *S. Thom. 1. p. q. 10. a. 5. ad 4.*



XXI.

**M**edia ad ultimum beatitudinis, & felicitatum nos propellentia, sunt actus humani, quibus tanquam remis, ad eundem propellimur. Hinc dari actus humanos, necesse est; ut autem actus humani sint meritorij, debent esse liberi; unde cui libet & homini, etiam post lapsum Adæ, inest libertas indifferentia.

XXII.

**H**æc libertas indifferentia, non solum potest exerceri circa bona æqualia, ita, ut ex duobus bonis æqualibus possit, quodcumque voluerit, altero restricto, homo eligere; sed etiam circa inæqualia, ita, ut possit minus, præferre majori. *S. Thom. q. 23. de veritate. a. 8.*

XXIII.

**V**erum, non potest hoc fieri sine omni actu voluntatis. Nam voluntas in actu secundo exercens libertatem, debet habere, quod non habebat in actu primo; carentiam autem actus habebat, adeoque per illam non potest exerceri libertas; proinde non datur pura omisso libera.

XXIV.

**A**ctus extremus non addit actui interno specialem malitiam, vel bonitatem formalem. Hinc *S. Augustinus lib. 1. de libero arbitrio. cap. 3.* ita dicit: Si cui non contingat voluntas concubendi cum conjugē aliena, planum tamen aliquomodo sit, id eum cupere, & si potestas detur, facturum esse, non minus reus est, quam, si in ipso facto deprehenderetur.

XXV.

**V**irtus hominis nihil est aliud, quam habitus, ex quo, & bonus homo ipse efficitur, & bene opus suum

suum reddit, inquit *Philosophus 2. Ethic. cap. 6.* Dari in nobis virtutes, nemo Theologorum dubitat; verum dari morales per se infusas, negant *Scoriste*; Affirmant *Thomiste*; his subscribimus, asserentes: quod dentur in nobis virtutes morales per se infusæ:

XXVI.

**Q**uid aliud est peccatum, nisi legis divinæ prævaricatio? Ait *Sanctus Ambros. lib. de Parad. cap. 8.* Et quidem conformiter ad Scripturam, quæ eodem stigmate peccatum notat, & ab eo peccatores signanter prævaricatores vocat: Redite prævaricatores ad cor. *Isaia 46. v. 8.* Nullum est malitiæ simpliciter infinitæ.

XXVII.

**T**olle liberum arbitrium, (inquit *S. Bernardas*), & non est quod salvetur, tolle gratiam, & non est unde salvetur. Efficacia itaque gratiæ, non solum entitatem gratiæ, sed simul liberam voluntatis creatæ, importat cooperationem. Hinc *S. Paulus 1. Corinth. 15. v. 10.* dicit: Non ego, sed gratia Dei mecum.

XXVIII.

**P**usillum & magnum ipse fecit, & æqualiter cura est illi de omnibus; clamat facer textus *Sapientie 6. v. 8.* Et *S. Paulus 1. ad Timoth. 2. v. 4.* dicit: Deus vult omnes homines salvos fieri. Concludendum itaque est, quod Deus omnibus hominibus, det sufficientia media ad salutem.

Ex Secunda Secunda.

XXIX.

**T**res sunt virtutes Theologicæ, nempe: fides, spes, & charitas. Fidei objectum materiale, sunt omnes veritates à Deo revelatæ, & toti Ecclesiæ



fiæ ad credendum propositæ. Objectum verò formale & motivum, est veracitas Divina tam in cognoscendo, quàm in dicendo.

## XXX.

**H**inc, neque ratio humana examinans intrinsecam connexionem prædicati cum subiecto in mysticis fidei, ut talibus; neque lumen seu habitus fidei; neque supremum dominium Dei; neque prima veritas Divina in essendo, sunt objectum formale, & motivum fidei Theologicæ.

## XXXI.

**R**evelatio est necessaria ad fidem, non tamen ut objectum formale, sed, ut unio moralis, uniens auctoritatem divinam objecto revelato. Ad fidem divinam non sufficit revelatio purè existimata; cum nulla virtus exerceri possit, si desit ipsius verum, & proprium objectum formale.

## XXXII.

**F**ides argumentum est non apparentium, ad *Hebræos* II. v. 1. ideoque essentialiter obscura; hac tamen obscuritate non obstante, potest stare cum evidentia de re attestata, ita, ut ab eodem intellectu, idem objectum materiale, possit sciri, & credi.

## XXXIII.

**S**pes, altera virtus Theologica, ut importat actum desiderij, habet pro objecto formali, & motivo, bonitatem Dei respectivam; in quantum autem dicit erectionem animi, ipsius objectum formale & motivum, est Deus, ut omnipotens, & misericors auxiliator.

## XXXIV.

**D**esperatio est vitium spei oppositum, estque depressio animi aspernantis, & contemnentis beatitudinem æternam, aut media ad eam necessaria.

Si alicui sua revelaretur damnatio, absolute salutem sperare non posset; de ea tamen positive desperare non auderet.

XXXV.

**C**haritas Regina, & forma cæterarum virtutum; quia vinculum, quò unimur Deo, est amor appetitivus Dei super omnia; habet pro objecto formali, ac motivo, Deum sub ratione bonitatis absolute. *S. Thom. 2. 2. q. 23. a. 5. ad 2.* Est distincta realiter à gratia.

XXXVI.

**J**us activum, est potestas legitima liberè in suum commodum, & felicitatem obligandi alterum, ad certas actiones ponendas, vel omittendas. Hujus terminus est id, quod debetur, & dicitur jus passivum. Dominium duorum in solidum tam temporaneum, quàm instantaneum, repugnat.

XXXVII.

**U**sus licitus in rebus usu consumptibilibus, est separabilis ab omni dominio, ut patet in PP. Franciscanis, paupertatem adeò strictè profitentibus, ut nec quidem in communi habeant ullius rei dominium, sed simplicem usum, dominiò penes summum Pontificem remanente.

XXXVIII.

**D**E Ecclesiasticorum Dominio nonnulli dubitant, an videlicet sint Domini quoad redditus superfluos, innixi multis autoritatibus; probabilius tamen est, quòd sint. Unde si hos expendant in profanos usus, non tenentur ad restitutionem.

XXXIX.

**J**ustitia est constans, ac perpetua voluntas, jus suum cuique tribuendi; violatur per injuriam, reparatur per restitutionem; hinc qui sæpius minima fu-



furatur, etiam absque animo surripiendi majora, peccat mortaliter, & ad restitutionem tenetur, quando talia furta, faciunt magnam summam totalem.

### Ex Tertia Parte.

#### XL.

**M**ysterium Incarnationis à sæculis in Deo absconditum, possibile est, solâ fide creditur, nullâ ratione naturali demonstratur; hinc *S. Bernard. Serm. 7. de Annunt.* ita dicit: Abyssus planè inscrutabilis Incarnationis Dominicæ Sacramentum, abyssus impenetrabilis: Verbum Caro factum est! Quis investiget? Quis attingat? Quis apprehendat?

#### XLI.

**O**pera Christi Theandrica, erant valoris simpliciter infiniti; unde satisfactio Christi, non solum erat condigna, sed etiam superabundans; non tamen ex toto rigore justitiæ exhibita. Reliquas Thefes in præsentî libello defendimus.

#### XLII.

**S**acramentum juxta *S. Thom. 3. p. q. 60. a. 2.* est signum rei sacræ, in quantum est sanctificans homines. Omnia septem novæ legis Sacramenta tribus perficiuntur, rebus tanquam materia, verbis tanquam forma, & intentione ministri. *Florentin. in decret. Evgenij.*

#### XLIII.

**B**aptismus, confirmatio, & ordo, imprimunt characterem. Licet autem Sacramenti confirmationis, minister ordinarius sit Episcopus, potest tamen etiam simplex sacerdos, ex commissione solius Pontificis, esse extraordinarius ejusdem minister. *Can. Pervenit quoque. Dist. 95.*

#### XLIV. In

XLIV.

**I**N Augustissimo Eucharistiæ Sacramento, continetur sub speciebus panis & vini, verum Corpus, & sanguis Christi; quibus speciebus, non est Christus præsens per actionem adductivam, neque per actionem reproductivam, sed per unitivam; adeoque unitur Christus speciebus Eucharisticis.

XLV.

**P**oenitentia, dolor animi, ac detestatio de peccato commisso, cum proposito non peccandi de cætero, non est virtus Theologica, sed moralis. *S. Thom. hic q. 85. a. 2. ad 1.* Proût conducit ad finem supernaturalem obtinendum, est per se infusa, & quoad substantiam supernaturalis. *Suarez hic Diss. 3. Sect. 6.*

XLVI.

**D**uo sunt principalissimi actus virtutis poenitentiae, nempe: contritio perfecta, & contritio imperfecta, ut communiter docent Theologi, & patet ex *Trident. Sess. 14. c. 4.* Contritio perfecta, licet semper, & statim justificet illò instanti, quò elicitur, non tamen formaliter, sed solummodò dispositivè justificat. *S. Thom. hic q. 86. a. 3.*

XLVII.

**S**acramenti poenitentiae materia remota, sunt peccata post baptismum commissa, proxima verò sunt actus poenitentis. Peccata mortalia quomodolibet oblita, si redeant in memoriam, sunt necessario confitenda, & directè clavibus Ecclesiæ subijcienda.

XLVIII.

**O**mnes circumstantiæ peccati mortalis, speciem mutant, (*de venialibus enim peccatis non disputant Theologi,*) debent explicari in confessione, ut



ut patet ex Concilio Tridentino Sess. 14. Can. 7. Anathematizante eos, qui contrarium docuerint.

XLIX.

**M**Ajor difficultas est de circumstantijs aggravantibus malitiam; multi graves Theologi affirmant, alij negant has circumstantias esse explicandas in confessione; nobis probabilius videtur, quod nemo tepeatur circumstantias aggravantes in confessione explicare.

L.

**E**Xtrema unctio, & matrimonium, sunt vera novae legis Sacramenta, ut definitum est in Tridentino Sess. 7. de Sacram. in gen. Can. 1. Ubi haec duo inter alia septem numerantur Sacramenta. Ut Sacramentum matrimonij sit validum, requiritur praesentia Parochi, & duorum, vel trium testium. Trident. Sess. 24. de Matrim. cap. 1.

A. M. D. G.

1750 die 2 Martij



7. Ana.  
at.

aggravan-  
ogi affir-  
explican-  
tur, quòd  
in con-

vera no-  
st in Tri-  
i hæc duo  
Ut Sa-  
itur præ-  
um. Tri-



## Benevole Lector.

| Pag. | Lin. | Errata.       | Sic corrige.     |
|------|------|---------------|------------------|
| 65.  | 7.   | suppositarum  | suppositorum.    |
| 80.  | 12.  | solvatur.     | salvatur.        |
| 85.  | 23.  | mortem.       | resurrectionem.  |
| 129. | 30.  | quodam.       | quadam.          |
| 168. | 21.  | cui.          | cur.             |
| 178. | 10.  | nelinat.      | inclinat.        |
| 193. | 20.  | 3tiò.         | 13tiò.           |
| 221. | 16.  | extrane.      | extranea.        |
| 224. | 27.  | adæquatæ.     | adæquatæ.        |
| 225. | 31.  | subsistenti.  | subsistendi.     |
| 229. | 30.  | hominem.      | hominum.         |
| 230. | 35.  | vestitutum.   | vestitum.        |
| 238. | 35.  | Paagæ.        | Pragæ.           |
| 249. | 33.  | assumpsisset. | assumpsit.       |
| 277. | 31.  | humanitem.    | humanitatem.     |
| 366. | 25.  | extrinsecam.  | extraordinariam. |



# Benevole Factor

| List of Names |                  | Amount |
|---------------|------------------|--------|
| 1             | John Smith       | 100    |
| 2             | James Brown      | 50     |
| 3             | William Jones    | 25     |
| 4             | Robert Taylor    | 15     |
| 5             | Thomas White     | 10     |
| 6             | Richard Black    | 5      |
| 7             | Henry Green      | 3      |
| 8             | George Grey      | 2      |
| 9             | Edward Hall      | 1      |
| 10            | Thomas Adams     | 1      |
| 11            | John Baker       | 1      |
| 12            | James Clark      | 1      |
| 13            | William Davis    | 1      |
| 14            | Robert Evans     | 1      |
| 15            | Thomas Fisher    | 1      |
| 16            | Richard Gibson   | 1      |
| 17            | Henry Hart       | 1      |
| 18            | George Hill      | 1      |
| 19            | Edward King      | 1      |
| 20            | Thomas Lee       | 1      |
| 21            | John Martin      | 1      |
| 22            | James Nelson     | 1      |
| 23            | William Phillips | 1      |
| 24            | Robert Price     | 1      |
| 25            | Thomas Reed      | 1      |
| 26            | Richard Scott    | 1      |
| 27            | Henry Stone      | 1      |
| 28            | George Turner    | 1      |
| 29            | Edward Wall      | 1      |
| 30            | Thomas Young     | 1      |

De Diu autem illo vel hora nemo scit  
neque Angeli in celo neque Filius  
nisi Pater.



Qui Pasces. es pro

Biblioteka Jagiellońska



stdr0022039



